

# শ্রীশ্রীরামকৃষ্ণলীলাপ্রসঙ্গ

চতুর্থ খণ্ড

গুরুভাব—উত্তরার্দ্ধ

স্বামী সারদানন্দ



উদ্বোধন কার্যালয়, কলিকতা

প্রকাশক  
স্বামী আত্মবোধানন্দ  
উদ্বোধন কার্যালয়  
১, উদ্বোধন লেন, বাগবাজার, কলিকাতা—৩

মুদ্রাকর  
শ্রীব্রজেন্দ্রচন্দ্র ভট্টাচার্য  
ইকনমিক প্রেস  
২৫, রায়বাগান স্ট্রীট, কলিকাতা—৬

বেলুড় শ্রীরামকৃষ্ণ মঠের অধ্যক্ষ কর্তৃক  
সর্বস্বত্ব সংরক্ষিত

নবম সংস্করণ

দুই টাকা আট আনা

## নিবেদন

গুরুভাবের উত্তরার্দ্ধ প্রকাশিত হইল। শ্রীরামকৃষ্ণ-জীবনের মধ্যভাগের পরিচয়মাত্র গ্রন্থে প্রাপ্ত হইয়া পাঠক হয়ত বলিবেন, এ বিপরীত প্রথার অবলম্বন কেন? ঠাকুরের জন্মাবধি সাধনকাল পর্য্যন্ত সময়ের জীবনেতিহাস পূর্বে লিপিবদ্ধ না করিয়া তাঁহার সিদ্ধাবস্থার কথা অগ্রে বলা হইল কেন? তদুত্তরে আমাদিগকে বলিতে হয় যে—

প্রথম—পূর্বে হইতে মতলব আঁটিয়া আমরা ঐ লোকোত্তর পুরুষের জীবনী লিখিতে বসি নাই। তাঁহার মহত্বদার জীবনেতিহাস আমাদের হ্রায় ক্ষুদ্র ব্যক্তির দ্বারা যথাযথ লিপিবদ্ধ হওয়া যে সম্ভবপর, এ উচ্চাশাও কখন হৃদয়ে পোষণ করিতে সাহসী হই নাই। ঘটনাচক্রে পড়িয়া শ্রীরামকৃষ্ণ-জীবনের দুই চারিটি কথামাত্র ‘উদ্বোধনের’ পাঠকবর্গকে জানাইবার অভিপ্রায়েই আমরা এ কার্যো হস্তক্ষেপ করিয়াছিলাম। উহাতে এতদূর যে আমাদিগকে অগ্রসর হইতে হইবে সে কথা তখন বুঝিতে পারি নাই। অতএব ঐরূপ স্থলে পরের কথা যে পূর্বে বলা হইবে ইহাতে আর বিচিত্রতা কি?

দ্বিতীয়তঃ—শ্রীরামকৃষ্ণ-জীবনের অলৌকিক ঘটনাবলী এবং অদৃষ্টপূর্বে সাধনের কথা লিপিবদ্ধ করিতে আমাদের পূর্বে অনেকেই সচেষ্ট হইয়াছিলেন। স্থলে স্থলে ভ্রম-প্রমাদ পরিলক্ষিত হইলেও ঠাকুরের জীবনের প্রায় সকল ঘটনাই ঐরূপে মোটামুটি-ভাবে সাধারণের নয়নগোচর হইয়াছিল। তজ্জন্ম পুনরায় ঐ সকল কথা লিপিবদ্ধ করিতে যাইয়া বৃথা শক্তিক্ষয় না করিয়া এ পর্য্যন্ত

কেহই যে কার্যো হস্তক্ষেপ করেন নাই তদ্বিষয়ে অর্থাৎ ঠাকুরের অলৌকিক ভাবসকল পাঠককে যথাযথ বুঝাইতে যত্ন করাই আমরা যুক্তিযুক্ত বিবেচনা করিয়াছিলাম। আবার ঠাকুরের ভাবমুখে অবস্থান এবং তাঁহাতে গুরুভাবের স্বাভাবিক বিকাশপ্রাপ্তি এই বিষয়টি প্রথমে না বুঝিতে পারিলে তাঁহার অদ্ভুত চরিত্র, অদৃষ্টপূর্ব মনোভাব এবং অসাধারণ কার্যকলাপের কিছুই বুঝিতে পারা যাইবে না বলিয়াই আমরা ঐ বিষয় পাঠককে সর্বাগ্রে বুঝাইতে প্রয়াস পাইয়াছিলাম।

কেহ কেহ হয়ত বলিবেন, কিন্তু গ্রন্থমধ্যে স্থলে স্থলে ঠাকুরের বিশেষ বিশেষ কার্য ও মনোভাবের কথা বুঝাইতে যাইয়া তোমরা নিজে ঐ সকল যে ভাবে বুঝিয়াছ তাহাই পাঠককে বলিতে চেষ্টা করিয়াছ। উহাতে তোমাদের বুদ্ধি ও বিবেচনাকেই ঠাকুরের দূরবগাহ চরিত্র ও মনোভাবের পরিমাপক করা হইয়াছে। ঐরূপে তোমাদের বুদ্ধি ও বিবেচনা যে ঠাকুরকেও অতিক্রম করিতে সমর্থ এ কথা স্পষ্টতঃ না হউক পরোক্ষভাবে স্বীকার করিয়া তোমরা কি তাঁহাকে সাধারণ নয়নে ছোট কর নাই? ঐরূপ না করিয়া যথার্থ ঘটনার কেবলমাত্র যথাযথ উল্লেখ করিয়া ক্ষান্ত থাকিলেই ত হইত? উহাতে ঠাকুরকেও ছোট করা হইত না এবং যাহার মেরুপ বুদ্ধি সে সেইভাবেই ঐ সকলের অর্থ বুঝিয়া লইতে পারিত।

কথাগুলি আপাতমনোহর হইলেও অল্প চিন্তার ফলেই উহাদের অন্তঃসারশূণ্যতা প্রতীয়মান হইবে। কারণ, বিষয়বিশেষ ধরিতে ও বুঝিতে মানব চিরকালই তাহার ইন্দ্রিয়, মন ও বুদ্ধির সহায়তা গ্রহণ করিয়া আসিয়াছে এবং পরেও তদ্রূপ করিতে থাকিবে। ঐরূপ করা ভিন্ন তাহার আর গত্যন্তর নাই। উহাতে এ কথা কিন্তু





বিস্তারিত  
**সুডীপত্র**  
প্রথম অধ্যায়

বৈষ্ণবচরণ ও গৌরীর কথা ১—৪৮

দক্ষিণেশ্বরগত সাধু ও সাধকগণের সহিত ঠাকুরের গুরুভাবের সম্বন্ধ-বিষয়ে কলিকাতার লোকের অজ্ঞতা	১
“ফুল ফুটিলে ভ্রমর জুটে।” ধর্মদানের যোগ্যতা চাই, নতুবা প্রচার বৃথা	২
আধ্যাত্মিক-বিষয়ে সকলেই সমান অন্ধ	২
ঠাকুর ধর্মপ্রচার কি ভাবে করেন	৩
ব্রাহ্মণীর সহিত মিলনকালে ঠাকুরের অবস্থা	৪
ঠাকুরের উচ্চাবস্থা সম্বন্ধে অপরে কি বৃত্তি	৫
ঠাকুরের অবস্থা বুঝিয়া ব্রাহ্মণী শাস্ত্রজ্ঞদের আনিতে বলায় মথুরের সিদ্ধান্ত	৬
বৈষ্ণবচরণ ও ইন্দ্রেশ্বর গৌরীকে আহ্বান	৭
বৈষ্ণবচরণের তখন কতদূর খ্যাতি	৮
ঠাকুরের গাত্রদাহ-নিবারণে ব্রাহ্মণীর ব্যবস্থা	৮
ঠাকুরের বিপরীত ক্ষুধা-নিবারণে ব্রাহ্মণীর ব্যবস্থা	১০
যোগসাধনার ফলে ঐ সকল অবস্থার উদয়।	
ঠাকুরের ঐক্লপ ক্ষুধা-সম্বন্ধে আমরা যাহা দেখিয়াছি	১১
১ম দৃষ্টান্ত—বড় একখানি সর থাওয়া	১২

২য়	১২
৩য় দৃষ্টান্ত—জয়রামবাটীতে একটি মৌরলা	১৭
৪র্থ দৃষ্টান্ত—দক্ষিণেশ্বরে রাত্রি দু-প্রহরে	১৮
এক সের হালুয়া খাওয়া	১৯
প্রবল মনোভাবে ঠাকুরের শরীর পরিবর্তিত হওয়া	২০
ঠাকুরের অবস্থা সম্বন্ধে ঐ সভায় আলোচনা	২০
ঠাকুরের অবস্থা সম্বন্ধে বৈষ্ণবচরণের সিদ্ধান্ত	২১
কর্ত্তাভজাদি সম্প্রদায় সম্বন্ধে ঠাকুরের মত	২২
প্রবৃত্তিপূর্ণ মানব কিরূপ ধর্ম চায়	২৪
তন্ত্রোৎপত্তির ইতিহাস ও তন্ত্রের নূতনত্ব	২৫
তন্ত্রে বীরাচারের প্রবেশেতিহাস	২৭
প্রত্যেক তন্ত্রে উত্তম ও অধম দুই বিভাগ আছে	২৯
গৌড়ীয় বৈষ্ণব-সম্প্রদায়-প্রবর্তিত নূতন পূজা-প্রণালী	২৯
ঐ প্রণালী হইতে কালে কর্ত্তাভজাদি	৩০
মৃতের উৎপত্তি ও সে সকলের মার কথা	৩১
বৈষ্ণবচরণের ঠাকুরকে কাছিবাগানের	৩৪
আখড়ায় লইয়া যাইয়া পরীক্ষা	৩৫
বৈষ্ণবচরণের ঠাকুরকে ঈশ্বরবতার-জ্ঞান	৩৫
তান্ত্রিক গৌরী পণ্ডিতের সিদ্ধাই	৩৭
গৌরীর আপন পত্নীকে দেবীবুদ্ধিতে পূজা	৩৭
গৌরীর অদ্ভুত হোমপ্রণালী	৩৯

বৈষ্ণবচরণ ও গৌরীকে লইয়া দক্ষিণেশ্বরে সভা।	
ভাবাবেশে ঠাকুরের বৈষ্ণবচরণের স্ফূর্ত্যরোহণ	
ও তাঁহার স্তব	... ৩৯
ঠাকুরের সম্বন্ধে গৌরীর ধারণা	... ৪১
ঠাকুরের সংসর্গে গৌরীর বৈরাগ্য ও	
সংসার ত্যাগ করিয়া তপস্তায় গমন	... ৪২
বৈষ্ণবচরণ ও গৌরীর কথা উল্লেখ করিয়া	
ঠাকুরের উপদেশ—নরলীলায় বিশ্বাস	... ৪৩
কালী ও কৃষ্ণে অভেদ-বুদ্ধি সম্বন্ধে গৌরী	... ৪৪
ভালবাসার পাত্রকে ভগবানের মূর্তি	
বলিয়া ভাবা সম্বন্ধে বৈষ্ণবচরণ	.. ৪৫
ঐ উপদেশ শাস্ত্রসম্মত—উপনিষদের	
যাজ্ঞবল্ক্য-মৈত্রেয়ী-সংবাদ	... ৪৬
অবতারপুরুষেরা সর্বদা শাস্ত্রমর্যাদা রক্ষা করেন।	
সকল ধর্মমতকে সম্মান করা সম্বন্ধে ঠাকুরের শিক্ষা	... ৪৭

## দ্বিতীয় অধ্যায়

গুরুভাব ও নানা সাধুসম্প্রদায়	৪৯—১০৭
ঠাকুরের সাধুদের সহিত মিলন কিরূপে হয়	... ৪৯
সাধুদের জল ও ‘দিশা-জঙ্গলের’ হুবিদ্যা	
দেখিয়া বিশ্রাম করা	... ৫০
ঐ সম্বন্ধে গল্প	... ৫০

দক্ষিণেশ্বর কালীবাটীতে 'দিশা-জঙ্গল' ও চিহ্ন	
বিশেষ স্তবধা বলিয়া সাধুদের তত্ত্বাবধান	৫১
ভিন্ন ভিন্ন সময়ে ভিন্ন ভিন্ন সাধুসম্প্রদায়ের আগমন	৫২
পরমহংসদেবের বেদান্তবিচার—'অতি, ভাতি, প্রিয়'	৫২
জনৈক সাধুর আনন্দ-স্বরূপ উপলব্ধি করায়	
উচ্চাবস্থার কথা	৫৩
ঠাকুরের জ্ঞানোন্মাদ সাধু-দর্শন	৫৪
ব্রহ্মজ্ঞানে গঙ্গার জল ও নর্দমার জল এক বোধ	
হয়। পরমহংসদের বালক, পিশাচ	
বা উন্মাদের মত অপরে দেখে	৫৫
রামাইং বাবাজীদের দক্ষিণেশ্বরে আগমন	৫৬
রামলালা সম্বন্ধে ঠাকুরের কথা	৫৬
ঠাকুরের মুখে রামলালার কথা শুনিয়া	
আমাদের কি মনে হয়	৫৯
বর্তমান কালের জড়বিজ্ঞান ভোগসুখবুদ্ধি	
সহায়তা করে বলিয়া আমাদের উহাতে অনুরাগ	৬১
বৌদ্ধযুগের শেষে কাপালিকদের সকাম	
ধর্মপ্রচারের ফল। যোগ ও ভোগ একত্র থাকা অসম্ভব	৬৩
ঠাকুরের নিজের অদ্ভুত ত্যাগ এবং	
ত্যাগধর্মের প্রচার দেখিয়া সংসারী লোকের ভয়	৬৪
রামলালার ঠাকুরের নিকট থাকিয়া যাওয়া ক্রিয়া	৬৫
ঠাকুরের দেবসঙ্গে বাবাজীর স্বার্থশূন্য প্রেমাত্মক	৬৭
জনৈক সাধুর রামনামে বিশ্বাস	৬৭
রামাইং সাধুদের ভজন-সঙ্গীত ও দৌহাবলী	৬৭

ঠাকুরের সকল সম্প্রদায়ের সাধকদিগকে	
সাধনের প্রয়োজনীয় দ্রব্য দিবার ইচ্ছা	
ও রাজকুমারের ( অচলানন্দের ) কথা	৬৯
ঠাকুরের 'সিদ্ধি' বা 'কারণ' বলিবামাত্র ঈশ্বরীয় ভাবে	
তন্ময় হইয়া নেশা ও থিস্তি-খেউড়-উচ্চারণেও সমাধি	৭১
এ বিষয়ে ১ম দৃষ্টান্ত—রামচন্দ্র দত্তের বাটীতে	৭৩
এ ২য় দৃষ্টান্ত—দক্ষিণেশ্বরে ত্রীশ্রীমার সম্মুখে	৭৪
এ ৩য় দৃষ্টান্ত—কালীপুরে মাতাল দেখিয়া	৭৫
দক্ষিণেশ্বরে আগত সকল সম্প্রদায়ের	
সাধুদেরই ঠাকুরের নিকট ধর্মবিষয়ে সহায়তা-লাভ	৮০
ঠাকুর যে ধর্মমতে যখন সিদ্ধিলাভ করিতেন	
তখন ঐ সম্প্রদায়ের সাধুরাই তাঁহার নিকট আসিত	৮২
সকল অবতারপুরুষে সমান শক্তি-প্রকাশ দেখা যায় না।	
কারণ তাঁহাদের কেহ বা জাতিবিশেষকে ও কেহ বা	
সমগ্র মানবজাতিকে ধর্মদান করিতে আসেন	৮৩
হিন্দু, যাহুদি, খ্রীষ্টান ও মুসলমান ধর্মপ্রবর্তক	
অবতার পুরুষদিগের আধ্যাত্মিক শক্তি-প্রকাশের	
সহিত ঠাকুরের ঐ বিষয়ে তুলনা	৮৪
ঠাকুরের নিকট সকল সম্প্রদায়ের	
সাধু-সাধকদিগের আগমন-কারণ	৮৫
দক্ষিণেশ্বর আগত সাধুদিগের সঙ্কল্যভেই ঠাকুরের	
ভিতর ধর্ম-প্রবৃত্তি জাগিয়া উঠে— একথা সত্য নহে	৮৬
ঠাকুরের সমাধিতে বাহুজ্ঞান-লোপ হওয়াটা	
ব্যাদি নহে। প্রমাণ—ঠাকুর ও শিবনাথ-সংবাদ	৮৮

সাধনকালে ঠাকুরের উন্নতবৎ আচরণের কারণ	৮৮
দক্ষিণেশ্বরগত সাধকদিগের মধ্যে কেহ কেহ ঠাকুরের	
নিকট দীক্ষাও গ্রহণ করেন, যথা—নারায়ণ শাস্ত্রী ...	৮৯
শাস্ত্রীজীর পূর্বকথা	৯০
ঐ পাঠসাক্ষ ও ঠাকুরের দর্শনলাভ	৯০
ঠাকুরের দিব্যসঙ্গে শাস্ত্রীর সঙ্কল্প	৯২
শাস্ত্রীর বৈরাগ্যোদয়	৯২
শাস্ত্রীর মাইকেল মধুসূদনের সহিত আলাপে বিরক্তি	৯৩
ঠাকুর ও মাইকেল-সংবাদ	৯৫
শাস্ত্রীর নিজ মত দেয়ালে লিখিয়া রাখা	৯৫
শাস্ত্রীর সম্যাসগ্রহণ ও তপস্যা	৯৫
সাধু ও সাধকদিগকে দেখিতে যাওয়া	
ঠাকুরের স্বভাব ছিল	৯৬
বঙ্গে ছায়েব প্রবেশ-কারণ	৯৭
বৈদান্তিক পণ্ডিত পদ্মলোচন	৯৮
পণ্ডিতের অদ্ভুত প্রতিভার দৃষ্টান্ত	৯৮
‘শিব বড় কি বিষ্ণু বড়’	৯৯
পণ্ডিতের ঈশ্বরানুভূতি	১০০
ঠাকুরের মনের স্বভাব ও পণ্ডিতের	
কলিকাতায় আগমন	১০০
পণ্ডিতের ঠাকুরকে প্রথম দর্শন	১০১
পণ্ডিতের ভক্তি-শ্রদ্ধা-বৃদ্ধির কারণ	১০২
ঠাকুরের পণ্ডিতের সিদ্ধাই জানিতে পারা	১০৩
পণ্ডিতের কাশীধামে শরীর-ত্যাগ	১০৪

দয়ানন্দের সম্বন্ধে ঠাকুর	... ১০৫
জ্ঞানারায়ণ পণ্ডিত	... ১০৬
রামভক্ত কৃষ্ণকিশোর	... ১০৬

## তৃতীয় অধ্যায়

গুরুভাবে তীর্থভ্রমণ ও সাধুসঙ্গ ১০৮—১৩০

অপর্যাপ্ত আচার্য্যপুরুষদিগের সহিত	
তুলনায় ঠাকুরের জীবনের অদ্ভুত নূতনত্ব	... ১০৮
ঠাকুর নিজ জীবনে কি সপ্রমাণ করিয়াছেন এবং	
তাহার মত ভবিষ্যতে কতদূর প্রসারিত হইবে	... ১১০
এ বিষয়ে প্রমাণ	... ১১১
ঠাকুরের ভাবপ্রসার কিরূপে বৃদ্ধিতে হইবে	... ১১২
ঠাকুরের ভাবের প্রথম প্রচার হয় দক্ষিণেশ্বরগত এবং	
তীর্থে দৃষ্ট সকল সম্প্রদায়ের সাধুদের ভিতরে	... ১১৩
জীবনে উচ্চাচ নানা অদ্ভুত অবস্থায় পড়িয়া	
নানা শিক্ষা পাইয়াই ঠাকুরের ভিতর	
অপূর্ব আচার্য্য্য ফুটিয়া উঠে	... ১১৪
তীর্থ-ভ্রমণে ঠাকুর কি শিখিয়াছিলেন।	
ঠাকুরের ভিতর দেব ও মানব উভয় ভাব ছিল	... ১১৬
ঠাকুরের জ্ঞান দিব্যপুরুষদিগের	
তীর্থপর্য্যটনের কারণ সম্বন্ধে শাস্ত্র কি বলেন	... ১১৮
তীর্থ ও দেবস্থান দেখিয়া ঠাকুরের 'জাবর কাটিবার' উপদেশ	১১৯



‘ভক্তিভাব পূর্বে হৃদয়ে আনিয়া তবে তীর্থে যাইতে হয়,	১২০
স্বামী বিবেকানন্দের বুদ্ধগয়াগমনে তথায়	
গমনোৎসুক জনৈক ভক্তকে ঠাকুর যাহা বলেন	১২১
‘যার হেথায় আছে, তার মেথায় আছে’	১২৩
ঠাকুরের সরল মন তীর্থে যাইয়া কি দেখিবে ভাবিয়াছিল	১২৪
‘ভক্ত হবি, তা ব’লে বোকা হবি কেন?’	
ঠাকুরের যোগানন্দ স্বামীকে ঐ বিষয়ে উপদেশ	১২৫
কাশীবাসীদিগের বিষয়াস্তুরাগদর্শনে ঠাকুর—	
‘মা, তুই আমাকে এখানে কেন আনলি?’	১২৬
ঠাকুরের ‘স্বর্ণময় কাশী’-দর্শন	১২৬
কাশীকে ‘স্বর্ণ-নিশ্চিত’ কেন বলে?	১২৭
স্বর্ণময় কাশী দেখিয়া ঠাকুরের ঐ স্থান অপবিত্র করিতে ভয়	১২৮
কাশীতে মরিলেই জীবের মুক্তি হওয়া	
সম্বন্ধে ঠাকুরের মণিকর্ণিকায় দর্শন	১২৯
ঠাকুরের ত্রৈলোক্য স্বামিজীকে দর্শন	১৩১
শ্রীবৃন্দাবনে ‘বাঁকাবিহারী’-মূর্তি ও	
ব্রজ-দর্শনে ঠাকুরের ভাব	১৩১
ব্রজে ঠাকুরের বিশেষ প্রীতি	১৩২
নিধুবনের গঙ্গামাতা। ঠাকুরের ঐ স্থানে	
থাকিবার ইচ্ছা; পরে বুড়ো মার সেবা	
কে করিবে ভাবিয়া কলিকাতায় ফিরা	১৩৩
ঠাকুরের জীবনে পরস্পরবিরুদ্ধ ভাব ও গুণসকলে	
অপূর্ব সম্মিলন। সন্ন্যাসী হইয়াও	
ঠাকুরের মাতৃসেবা	১৩৪

সমাধিস্থ হইয়া শরীরত্যাগ হইবে ভাবিয়া ঠাকুরের গয়াধামে যাইতে অস্বীকার । ঐরূপ ভাবের কারণ কি ?	... ১৩৬
কার্য পদার্থের কারণ-পদার্থে লয় হওয়াই নিয়ম অবতারপুরুষদিগের জীবন-রহস্যের মীমাংসা করিতে কৰ্মবাদ সক্ষম নহে । উহার কারণ	... ১৩৮
মুক্তাত্মার শাস্ত্রনির্দিষ্ট লক্ষণসকল অবতারপুরুষে বাল্যকালাবধি প্রকাশ দেখিয়া দার্শনিকগণের মীমাংসা । সাংখ্য-মতে তাঁহারা 'প্রকৃতি-লীন'-শ্রেণীভুক্ত	... ১৩৯
বেদান্ত বলেন, তাঁহারা 'আধিকারিক' এবং ঐ শ্রেণীর পুরুষদিগের ঈশ্বরাবতার ও নিত্যমুক্ত ঈশ্বরকেটরূপ দুই বিভাগ আছে	... ১৪১
আধিকারিক পুরুষদিগের শরীর-মন সাধারণ মানবাপেক্ষা ভিন্ন উপাদানে গঠিত । সেজ্ঞ তাঁহাদের সঙ্কল্প ও কার্য সাধারণাপেক্ষা বিভিন্ন ও বিচিত্র	... ১৪২
ঠাকুরের নবদ্বীপ-দর্শন	... ১৪৩
ঠাকুরের চৈতন্য মহাপ্রভু সম্বন্ধে পূর্বমত এবং নবদ্বীপে দর্শনলাভে ঐ মতের পরিবর্তন	... ১৪৪
ঠাকুরের কালনাশ গমন	... ১৪৫
ভগবানদাস বাবাজীর ত্যাগ, ভক্তি ও প্রতিপত্তি	... ১৪৬
ঠাকুরের তপস্বীকালে ভারতে ধর্ম্মান্দোলন	... ১৪৭
ঠাকুরের কলুটোলার হরিসভায় গমন	... ১৪৮

ঐ সভায় ভাগবত-পাঠ	... ১৫০
ঠাকুরের 'চৈতন্যাসন'-গ্রহণ	... ১৫১
ঐরূপ করায় বৈষ্ণবসমাজে আন্দোলন	... ১৫৩
চৈতন্যাসন-গ্রহণের কথা শুনিয়া ভগবানদাসের বিরক্তি	১৫৪
ঠাকুরের ভগবানদাসের আশ্রমে গমন	... ১৫৫
হৃদয়ের বাবাজীকে ঠাকুরের কথা বলা	... ১৫৫
বাবাজীর জনৈক সাধুর কার্যে বিরক্তি-প্রকাশ	... ১৫৫
বাবাজীর লোকশিক্ষা দিবার অহঙ্কার	... ১৫৭
বাবাজীর ঐরূপ বিরক্তি ও অহঙ্কার	
দেখিয়া ঠাকুরের ভাবাবেশে প্রতিবাদ	... ১৫৭
বাবাজীর ঠাকুরের কথা মানিয়া লওয়া	... ১৫৮
ঠাকুর ও ভগবানদাসের প্রেমালাপ	
ও মথুরের আশ্রমস্থ সাধুদের সেবা	... ১৫৯

## চতুর্থ অধ্যায়

গুরুভাব সূক্ষ্মে শেষকথা	১৬১—২১৮
বেদে ব্রহ্মজ্ঞ পুরুষকে সর্বজ্ঞ বলায়	
আমাদের না বুঝিয়া বাদামুবাদ	... ১৬১
। "ভাতের	
হাঁড়ির একটি ভাত টিপে বুঝা, সিদ্ধ হয়েছে কি	১৬২
কোন বিষয়ের উৎপত্তির কারণ হইতে লয়	
ঈশ্বর-লাভে	
জগৎ-সম্বন্ধেও তদ্রূপ হয়	... ১৬৩

ব্রহ্মজ্ঞ পুরুষ সিদ্ধসঙ্কল্প হন, একথাও সত্য। ঐক্যধার

অর্থ। ঠাকুরের জীবন দেখিয়া ঐ সম্বন্ধে কি বুঝা

যায়। “হাড়মানের খাঁচায় মন আনতে

পারলুম না”

... ১৬৪

ঐ বিষয় বুঝিতে ঠাকুরের জীবন হইতে

আর একটি ঘটনার উল্লেখ। “মন উচু

বিষয়ে রয়েছে, নীচে নামাতে পারলুম না”

... ১৬৫

ঠাকুরের দুই দিঃ দিয়া দুই প্রকারের

সকল বস্তু ও বিষয় দেখা

... ১৬৬

অদ্বৈত ভাবভূমি ও সাধারণ ভাবভূমি—১মটি হইতে

ইন্দ্রিয়াতীত দর্শন ; ২য়টি হইতে ইন্দ্রিয় দ্বারা দর্শন

... ১৬৭

সাধারণ মানব ২য় প্রকারেই সকল বিষয় দেখে

... ১৬৭

ঠাকুরের ঐই প্রকার দৃষ্টির দৃষ্টান্ত

... ১৬৮

ঐ সম্বন্ধে ঠাকুরের নিজের কথা ও দর্শন—

“ভিন্ন ভিন্ন খোলগুলোর ভেতর থেকে

মা উকি মারচে ! রমণী বেজাও মা হয়েছে।”

... ১৬৯

ঠাকুরের ইন্দ্রিয়, মন ও বুদ্ধির সাধারণাপেক্ষা

তীক্ষ্ণতা। উহার কারণ ভোগস্বপ্নে অনাসক্তি।

আসক্ত ও অনাসক্ত মনের কার্যভুলনা

... ১৭০

ঠাকুরের মনের তীক্ষ্ণতার দৃষ্টান্ত

... ১৭১

সাংখ্য-দর্শন সহজে বুঝান—“বে-বাড়ীর কর্তা-গিন্নী”

... ১৭১

ব্রহ্ম ও মায়া এক বুঝান—“সাপ চলচে ও সাপ স্থির”

... ১৭২

ঈশ্বর মায়াবদ্ধ নন—“সাপের মুখে বিষ থাকে,

কিন্তু সাপ মরে না”

... ১৭৩

ঠাকুরের প্রকৃতিগত অসাধারণ পরিবর্তনসকল দেখিতে	
পাইয়া ধারণা—ঈশ্বর আইন বা নিয়ম	
বদলাইয়া থাকেন	... ১৭৪
বজ্রনিবারক দণ্ডের কথায় ঠাকুরের নিজ দর্শন বলা—	
তেতাল বাড়ীর কোলে কুঁড়েঘর, তাইতে বাজ পড়লো	১৭৪
রক্তজবার গাছে শ্বেতজবা-দর্শন	... ১৭৬
প্রকৃতিগত অসাধারণ দৃষ্টান্তগুলি হইতেই ঠাকুরের	
ধারণা—জগৎ-সংসারটা জগদম্বার লীলাবিলাস	... ১৭৬
ঠাকুরের উচ্চ ভাবভূমি হইতে স্থানবিশেষে	
প্রকাশিত ভাবের জমাটের পরিমাণ বুঝা	... ১৭৭
চৈতন্যদেবের বৃন্দাবনে শ্রীকৃষ্ণের	
লীলাভূমিসকল আবিষ্কার করা বিষয়ের প্রসিদ্ধি	... ১৭৮
ঠাকুরের জীবনে ঐরূপ ঘটনা—	
বন-বিষ্ণুপুরে ৮মুন্সায়ী দেবীর পূর্বমূর্তি ভাবে দর্শন	... ১৭৯
বিষ্ণুপুর শহরের অবস্থা	... ১৮০
৮মদনমোহন	... ১৮০
৮মুন্সায়ী*	... ১৮০
ঠাকুরের ঐরূপ ব্যক্তিগত ভাব ও	
উদ্দেশ্য ধরিবার ক্ষমতা—১ম দৃষ্টান্ত	... ১৮১
ঐ বিষয়ে ২য় দৃষ্টান্ত—স্বামী বিবেকানন্দ	
ও তাঁহার দক্ষিণেশ্বরগত সহপাঠিগণ	... ১৮৩
চেষ্টা করলেই যার যা ইচ্ছা হ'তে পারে না	... ১৮৪
৩য় দৃষ্টান্ত—পণ্ডিত শশধরকে দেখিতে	
বাইয়া ঠাকুরের জলপান করা	... ১৮৭

ঠাকুরের মানসিক গঠন কি ভাবের ছিল

এবং কোন্ বিষয়টির দ্বারা তিনি সকল বস্তু ও

ব্যক্তিকে পরিমাপ করিয়া তাহাদের মূল্য বুঝিতেন ... ১৮৮

ঐ বিষয়ে দৃষ্টান্ত—“চাল-কলা-বাঁধা

বিছায় আমার কাজ নেই”

... ১৮৯

২য় দৃষ্টান্ত—ধ্যান করিতে বসিবামাত্র শরীরের

সন্ধিস্থলগুলিতে কাহারও যেন চাবি লাগাইয়া

বন্ধ করিয়া দেওয়া—এই অতুভব ও শূলধারী

এক ব্যক্তিকে দেখা

... ১৯০

৩য় দৃষ্টান্ত—জগদম্ভার পাদপদ্মে ফুল দিতে যাইয়া নিজে

মাথায় দেওয়া ও পিতৃ-তর্পণ করিতে যাইয়া উহা

করিতে না পারা। নিরঙ্কর ঠাকুরের আধ্যাত্মিক

অতুভবশক্তির দ্বারা বেদাদি শাস্ত্র সপ্রমাণিত হয় ... ১৯০

অদ্বৈতভাব লাভ করাই মানবজীবনের উদ্দেশ্য।

ঐ ভাবে ‘সব শিয়ালের এক রা’। ত্রিচৈতন্যের

ভক্তি বাহিরের দাঁত ও অদ্বৈতজ্ঞান ভিতরের

দাঁত ছিল। অদ্বৈতজ্ঞানের তারতম্য লইয়াই

ঠাকুর ব্যক্তি ও সমাজে উচ্চাভাব অবস্থা

স্থির করিতেন

... ১৯১

স্বসংবেগ ও পরসংবেগ-দর্শন

... ১৯২

বস্তু ও ব্যক্তিসকলের অবস্থা সম্বন্ধে স্থির সিদ্ধান্তে

না আসিয়া ঠাকুরের মন নিশ্চিন্ত থাকিতে পারিত না ১৯৩

সাধারণ ভাবভূমি হইতে ঠাকুর যাহা

দেখিয়াছিলেন—শাক্ত ও বৈষ্ণবের বিদ্বেষ

... ১৯৩

- ১ নিজ পরিবারবর্গের ভিতর ঐ বিদ্বেষ দূর  
 করিবার জন্ত সকলকে শক্তিমস্তে দীক্ষাগ্রহণ করান ... ১২৪
- সাধুদের ঔষধ দেওয়া প্রথার উৎপত্তি ও  
 ক্রমে উহাতে সাধুদের আধ্যাত্মিক অবনতি ... ১২৫
- কেবলমাত্র ভেকধারী সাধুদের সম্বন্ধে ঠাকুরের মত ... ১২৬
- যথার্থ সাধুদের জীবন হইতেই শাস্ত্রসকল সজীব থাকে ... ১২৬
- যথার্থ সাধুদের ভিতরেও একদেশী ভাব দেখা ... ১২৭
- তীর্থে ধর্মহীনতার পরিচয় পাওয়া। আমাদের  
 দেখা-শুনায় ও ঠাকুরের দেখা-শুনায় কত প্রভেদ ... ১২৮
- ঠাকুরের নিজ উদার মতের অন্তর্ভব ... ২০০
- ‘সর্ব ধর্ম সত্য—যত মত, তত পথ’,  
 একথা জগতে তিনিই যে প্রথমে অন্তর্ভব  
 করিয়াছেন, ইহা ঠাকুরের ধরিতে পারা ... ২০০
- জগৎকে ধর্মদান করিতে হইবে বলিয়াই জগদম্বা  
 তাঁহাকে অদ্ভুতশক্তিসম্পন্ন করিয়াছেন,  
 ঠাকুরের ইহা অন্তর্ভব করা ... ২০২
- আমাদের ন্যায় অহঙ্কারের বশবর্তী হইয়া  
 ঠাকুর আচার্য্যপদবী গ্রহণ করেন নাই ... ২০৩
- ঐ বিষয়ে প্রমাণ—ভাবমুখে ঠাকুরের জগদম্বার  
 সহিত কলহ ... ২০৪
- ঐ বিষয়ে ২য় দৃষ্টান্ত ... ২০৫
- ঠাকুরের অন্তর্ভব : “সরকারী লোক—আমাকে  
 জগদম্বার জমীদারীর যেখানে যখনই গোলমাল  
 হইবে সেখানেই তখন গোল খামাইতে ছুটিতে হইবে” ২০৬

হওয়া ২০।

ঠাকুরের ধারণা—‘যার শেষ জন্ম সেই এখানে

ডেকেছে, তাকে এখানে আসতে হবেই হবে’ ... ২০২

জগদম্বার প্রতি একান্ত নির্ভরেই ঠাকুরের

... ২১০

ঠাকুরের ঐ কথার অর্থ

... ২১২

গুরুভাবের ঘনীভূতাবস্থাকেই তন্ত্র দিব্যভাব

বলিয়াছেন। দিব্যভাবে উপনীত গুরুগণ

শিষ্যকে কিরূপে দীক্ষা দিয়া থাকেন

... ২১৩

শ্রীগুরুর দর্শন, স্পর্শন ও সম্ভাষণমাত্রেরই শিষ্যের

জ্ঞানের উদয় হওয়াকে শাস্ত্রবী দীক্ষা বলে এবং

গুরুর শক্তি শিষ্য-শরীরে প্রবিষ্ট হইয়া তাহার ভিতর

জ্ঞানের উদয় করিয়া দেওয়াকেই শাস্ত্রী দীক্ষা কহে ২১৪

ঐরূপ দীক্ষায় কালাকাল-বিচারের আবশ্যকতা নাই ... ২১৫

দিব্যভাবাপন্ন গুরুগণের মধ্যে ঠাকুর

সর্বশ্রেষ্ঠ—উহার কারণ

... ২১৬

অবতারমহাপুরুষগণের ভিতরে সকল সময়

সকল শক্তি প্রকাশিত থাকে না। ঐ বিষয়ে প্রমাণ ২১৬

ঠাকুরের ভক্তপ্রবর কেশবচন্দ্রের সহিত মিলন

এবং উহার পরেই তাঁহার নিজ ভক্তগণের আগমন ২১৭



## পঞ্চম অধ্যায়

ভক্তসঙ্গে শ্রীরামকৃষ্ণ—১৮৮৫ খৃষ্টাব্দের নবযাত্রা ২১৯—২৫৬

ঠাকুরে দেব-মানব উভয় ভাবের সম্মিলন	...	২১৯
শ্রীযুত বিজয়কৃষ্ণ গোস্বামীর দর্শন	...	২২০
ঠাকুরের ভক্তদের সহিত অলৌকিক		
আচরণে তাহাদের মনে কি হইত	...	২২১
স্বামী প্রেমানন্দের ভাবসম্মাধি-লাভের		
ইচ্ছায় ঠাকুরকে ধরায় তাঁহার ভাবনা ও দর্শন	...	২২৩
ঠাকুরের ভক্তদের সম্বন্ধে এত ভাবনা কেন		
তাহা বুঝাইয়া দেওয়া। হাজরার ঠাকুরকে		
ভাবিতে বারণ করায় তাঁহার দর্শন ও উত্তর .	...	২২৪
স্বামী বিবেকানন্দের ঠাকুরকে ঐ বিষয়		
বারণ করায় তাঁহার দর্শন ও উত্তর	...	২২৫
ঠাকুরের গুণী ও মানী ব্যক্তিকে সম্মান করা—উহার কারণ		২২৬
ঠাকুর অভিমানরহিত হইবার জন্য কতদূর করিয়াছিলেন		২২৭
ঠাকুরের অভিমানরাহিত্যের দৃষ্টান্ত :		
কৈলাস ডাক্তার ও ত্রৈলোক্য বাবু সম্বন্ধীয় ঘটনা	...	২২৮
বিষয়ী লোকের বিপরীত ব্যবহার	...	২২৮
ঠাকুরের প্রকট হইবার সময় ধর্ম্মান্দোলন ও উহার কারণ		২২৯
পণ্ডিত শশধরের ঐ সময়ে কলিকাতায়		
আগমন ও ধর্ম্মব্যাখ্যা	...	২৩১
ঠাকুরের শশধরকে দেখিবার ইচ্ছা	...	২৩১

ঠাকুরের শুদ্ধ মনে উদ্ভিত বাসনাসমূহ	...	২৩২
সিদ্ধিদা সফল হইত	...	২৩২
১৮৮৫ খৃষ্টাব্দের নবমাত্রার সময় ঠাকুর		
যথায় যথায় গমন করেন	...	২৩৩
ঈশান বাবুর পরিচয়	...	২৩৪
যোগানন্দ স্বামীর আচার-নিষ্ঠা	...	২৩৭
বলরাম বহুর বাটীতে রথোৎসব	...	২৩৮
স্বামী-ভক্তদিগের ঠাকুরের প্রতি অহুসার	...	২৩৯
ঠাকুরের অন্তরমানে চলা ও জনৈক		
স্বামী-ভক্তের আশ্রয় হইয়া পশ্চাতে আসা	...	২৪০
ঠাকুরের ঐক্য অন্তরমানে চলিবার		
আর কয়েকটি দৃষ্টান্ত ; ঐক্য হইবার কারণ	...	২৪১
স্বামী-ভক্তদিগে ঠাকুরের দক্ষিণেশ্বরে যাইতে আহ্বান	...	২৪৩
নোকায় যাইতে যাইতে স্বামী-ভক্তের		
প্রশ্নে ঠাকুরের উত্তর—“ঝড়ের আগে		
এঁটো পাতার মত হয়ে থাকবে”	...	২৪৪
দক্ষিণেশ্বরে পৌঁছিয়া ঠাকুরের ভাবাবেশ ও ক্ষত শরীরে		
দেবতাস্পর্শনিষেধ সম্বন্ধে ভক্তদের প্রমাণ পাওয়া	...	২৪৬
ভাবাবেশে কুণ্ডলিনী-দর্শন ও ঠাকুরের কথা	...	২৪৭
ভাবভঙ্গে আগত ভক্তেরা সব কি খাইবে বলিয়া		
ঠাকুরের চিন্তা ও স্বামী-ভক্তদের বাজার		
করিতে পাঠান	...	২৪৭
বালকস্বভাব ঠাকুরের বালকের স্নান ভয়	...	২৪৯
শশধর পণ্ডিতের দ্বিতীয় দিবস ঠাকুরকে দর্শন	...	২৫১

- ১ ঠাকুর ঐ দিনের কথা জনৈক  
ভক্তকে নিজে যেমন বলিয়া ২৫৩  
ঠাকুরের অলৌকিক ব্যবহার দেখিয়া অগ্নাগ্ন অবতারের  
২৫৪

## ষষ্ঠ অধ্যায়

ভক্তসঙ্গে শ্রীরামকৃষ্ণ—গোপালের মার পূর্বকথা ২৫৭—২৭৭

- গোপালের মার ঠাকুরকে প্রথম দর্শন ... ২৫৯  
পটলডাঙ্গার ৮ গোবিন্দচন্দ্র দত্ত ... ২৬০  
তাঁহার ভক্তিমতী পত্নী ... ২৬১  
তাঁহার পুরোহিত-বংশ। বালবিধবা অঘোরমণি ... ২৬১  
অঘোরমণির আচারনিষ্ঠা ... ২৬২  
গোবিন্দবাবুর ঠাকুরবাটীতে বাস ও তপস্যা ... ২৬৪  
প্রাচ্য ও পাশ্চাত্যের স্বীলোকদিগের  
ধর্মনিষ্ঠার বিভিন্নভাবে প্রকাশ ... ২৬৫  
অঘোরমণির ঠাকুরকে দ্বিতীয়বার দর্শন ... ২৬৬  
ঠাকুরের গোবিন্দবাবুর বাগানে আগমন ... ২৬৮  
অঘোরমণির অলৌকিক বালগোপাল-মূর্তি-দর্শনে অবস্থা ২৬৯  
ঐ অবস্থায় দক্ষিণেশ্বরে ঠাকুরের নিকট আগমন ... ২৭০  
ঠাকুরের ঐ অবস্থা ছলভ বলিয়া  
প্রশংসা করা এবং তাঁহাকে শাস্ত করা ... ২৭৩  
ঠাকুরের গোপালের মাকে বলা—‘তোমার সব হয়েছে’ ২৭৫

## সপ্তম অধ্যায়

ভক্তসঙ্গে শ্রীরামকৃষ্ণ—১৮৮৫ খৃষ্টাব্দের পুনর্ধাত্রা

ও গোপালের মার শেষকথা	২৭৮—৩১৫
বলরাম বসুর বাটীতে পুনর্ধাত্রা উপলক্ষে উৎসব ...	২৭৮
শ্রীভক্তদিগের সহিত ঠাকুরের শ্রীচৈতন্যদেবের সংকীৰ্ত্তন দেখিবার সাধ ও তদর্শন। বলরাম বসুকে উহার ভিতর দর্শন করা ...	২৭৯
বলরামের নানা স্থানে ঠাকুর-সেবার ও শুদ্ধ আত্মের কথা ...	২৭৯
ঠাকুরের চারিজন রসদার ও বলরাম বাবুর সেবাদিকার	২৮০
ঠাকুর 'আমি' 'আমার' শব্দের পরিবর্তে সর্বদা 'এখানে' 'এখানকার' বলিতেন। উহার কারণ ...	২৮২
রসদারেরা কে কি ভাবে কতদিন ঠাকুরের সেবা করে ...	২৮২
'বলরামের পরিবার সব এক সুরে বাঁধা' ...	২৮৩
বলরামের বাটীতে রথোৎসব আড়ম্বরশূন্য ভক্তির ব্যাপার	২৮৪
শ্রী-ভক্তদিগের সহিত ঠাকুরের অপূৰ্ণ সঙ্গ ...	২৮৬
ঠাকুরের শ্রী-ভক্তদিগকে গোপালের মার দর্শনের কথা বলা ও তাঁহাকে আনিতে পাঠান ...	২৮৭
অপবাক্তে ঠাকুরের সহসা গোপাল-ভাবাবেশ ও পরক্ষণেই গোপালের মার আগমন ...	২৮৮
ঠাকুর ভাবাবেশে যখন যাহা করিতেন তাহাই সুন্দর দেখাইত। উহার কারণ ...	২৮৯
পুনর্ধাত্রাশেষে ঠাকুরের দক্ষিণেশ্বরে আগমন ...	২৯০

নৌকায় যাইবার সময় ঠাকুরের গোপালের মার	
ভক্তদের প্রতি	
ঠাকুরের যেমন ভালবাসা তেমনি কঠোর শাসনও ছিল	২২১
ঠাকুরের বিরক্তি-প্রকাশে গোপালের মার	
কষ্ট ও শ্রীশ্রীমার তাঁহাকে সাহুনা দেওয়া	২২২
গোপালের মার ঠাকুরে ইষ্ট-বুদ্ধি দৃঢ়	
হইবার পর যেকপ দর্শনাদি হইত	২২৩
ঠাকুরের নিকটে মাড়োয়ারী ভক্তদের আসা-যাওয়া	২২৫
কামনা-করিয়া-দেওয়া জিনিস ঠাকুর গ্রহণ ও ভোজন	
করিতে পারিতেন না। ভক্তদেরও উহা	
খাইতে দিতেন না	২২৬
মাড়োয়ারীদের-দেওয়া খাওয়া নরেন্দ্রনাথকে পাঠান	২২৭
গোপালের মাকে ঠাকুরের মাড়োয়ারীদের	
প্রদত্ত মিছরি দেওয়া	২২৮
দর্শনের কথা অপরকে বলিতে নাই	২২৯
স্বামী বিবেকানন্দের সহিত ঠাকুরের	
গোপালের মার পরিচয় করিয়া দেওয়া	৩০০
বাগানে গমন ও তথায় প্রেতযোনিদর্শন	৩০২
কাশীপুরের বাগানে ঠাকুরের গোপালের	
মাকে ক্ষীর খাওয়ান ও বলা—তাঁহার মুখ	
দিয়া গোপাল খাইয়া থাকেন	৩০৩
গোপালের মার বিশ্বরূপ-দর্শন	৩০৭
বরাইনগর মঠে গোপালের মা	৩০৭

পাশ্চাত্য মহিলাগণ-সঙ্গে গোপালের মা	... ৩০৮
শিখার নিবেদিতার ভবনে গোপালের মা	... ৩০৯
গোপালের মার শরীরত্যাগ	... ৩০৯
গোপালের মার কথার উপসংহার	... ৩১০

## পরিশিষ্ট

ঠাকুরের মানুষভাব	৩১৬—৩৩১
শ্রীরামকৃষ্ণদেবের যোগবিভূতিসকলের কথা	
শুনিয়াই সাধারণ মানবের তাঁহার প্রতি ভক্তি	... ৩১২
সত্য হইলেও ঐ সকলের আলোচনা আমাদের	
উদ্দেশ্য নয়, কারণ সকাম ভক্তি উন্নতির হানিকর	... ৩১৫
বথার্থ ভক্তি ভক্তকে উপাস্ত্রের অনুরূপ করিবে	... ৩১৬
অবতারপুরুষের জীবনালোচনায় কোন্	
কোন্ অপূর্ব বিষয়ের পরিচয় পাওয়া যায়	... ৩১৭
শ্রীরামকৃষ্ণদেবের জন্মভূমি কামারপুকুর গ্রাম	... ৩২০
বালক রামকৃষ্ণের বিচিত্র কার্যকলাপ	... ৩২০
তাঁহার সত্যাবেষণ	... ৩২২
ঐ সত্যাবেষণের ফল	... ৩২৪
শ্রীরামকৃষ্ণদেবের সামান্য কথার গভীর অর্থ	... ৩২৬
দৈনন্দিন জীবনে যে সকল বিষয়ের	
তাঁহাতে পরিচয় পাওয়া যাইত	... ৩২৮
শ্রীরামকৃষ্ণদেবের ধর্মপ্রচার কি ভাবে	
কতদূর হইয়াছে ও পরে হইবে	... ৩৩৪



# শ্রীশ্রীরামকৃষ্ণলীলাপ্রসঙ্গ

## প্রথম অধ্যায়

### বৈষ্ণবচরণ ও গৌরীর কথা

যে মে মতমিদং নিত্যমনুষ্ঠিত্তি মানবাঃ ।

শ্রদ্ধাবন্তোহনস্যস্তে মুচ্যন্তে তেহপি কৰ্মভিঃ ॥

—গীতা, ৩।৩১

কলিকাতার জনসাধারণের ধারণা, ঠাকুর কলিকাতার কেশবচন্দ্র  
সেন প্রমুখ কতকগুলি ইংরাজীশিক্ষিত, পাশ্চাত্যভাবে ভাবিত নব্য  
হিন্দুদের লোকের ভিতরেই ধর্মভাব সঞ্চারিত  
করিয়াছিলেন বা তাঁহাদের ভিতরে পূর্ব হইতে  
প্রদীপ্ত ধর্মভাবকে অধিকতর উজ্জ্বল করিয়াছিলেন ।  
কিন্তু কলিকাতার লোকেরা ঠাকুরের দক্ষিণেশ্বরে  
অবস্থানের কথা জানিতে পারিবার বহু পূর্ব হইতেই  
যে ঠাকুরের নিকটে বাঙ্গালা এবং উত্তর ভারতবর্ষের  
প্রায় সকল প্রদেশ হইতে সকল সম্প্রদায়ের বিশিষ্ট  
বিশিষ্ট সাধু, সাধক এবং শাস্ত্রজ্ঞ পণ্ডিতসকল আনিয়া উপস্থিত  
হইয়াছিলেন এবং ঠাকুরের জলন্ত জীবন্ত ধর্মাদর্শ ও গুরুভাবসহায়ে  
আপন আপন নির্জীব ধর্মজীবনে প্রাণসঞ্চার লাভ করিয়া অগ্রত্ৰ



## শ্রীশ্রীরামকৃষ্ণলীলাপ্রসঙ্গ

অনেকানেক লোকের ভিতর সেই নব ভাব, নব শক্তি সঞ্চারিত  
করিতে গমন করিয়াছিলেন—এ কথা কলিকাতার ইতরসাধারণে  
অবগত নহেন।

ঠাকুর বলিতেন—‘ফুল ফুটিলেই ভ্রমর আপনি আসিয়া জুটে’,  
তাহাকে ডাকিয়া আনিতে হয় না। তোমার ভিতরে ঈশ্বরভক্তি

‘ফুল ফুটিলে  
ভ্রমর জুটে।’  
ধর্মদানের  
যোগ্যতা চাই,  
নতুবা প্রচার  
বৃথা

ও প্রেম যথার্থই বিকশিত হইলে ঐহারা ঈশ্বর-  
তত্ত্বের অহুসন্ধানে, সত্যলাভের জন্ত জীবনোৎসর্গ  
করিয়াছেন বা করিতে কৃতসঙ্কল্প হইয়াছেন, তাঁহারা  
সকলে কি একটা অনির্দিষ্ট আধ্যাত্মিক নিয়মের বশে  
তোমার নিকট আসিয়া জুটিবেনই জুটিবেন!

ঠাকুরের মতই ছিল সেজ্ঞা—অগ্রে ঈশ্বরবস্তু  
লাভ কর, তাঁহার দর্শন ও কৃপা লাভ করিয়া যথার্থ লোক-  
হিতের জন্ত কার্য্য করিবার ক্ষমতায় ভূষিত হও, ঐ বিষয়ে  
তাঁহার আদেশ বা ‘চাপরাস’ লাভ কর তবে ধর্মপ্রচার বা  
বহুজনহিতায় কর্ম্ম করিতে অগ্রসর হও; নতুবা ঠাকুর বলিতেন,  
“তোমার কথা লইবে কে? তুমি যাহা করিতে বলিবে, দশে তা  
লইবে কেন, শুনিবে কেন?”

বাস্তবিক এই জন্ম-জরা-মৃত্যু-সকুল দুঃখ-দারিদ্র্য-অজ্ঞানান্ধকার-  
আধ্যাত্মিক পূর্ণ জগতে আমরা অহঙ্কারে ফুলিয়া উঠিয়া যতই  
বিষয়ে সকলেই কেন আপনাদের অপরের অপেক্ষা বড় জ্ঞান  
সমান অন্ধ করি না, অবস্থা আমাদের সকলেরই সমান!  
জড় বিজ্ঞানের উন্নতি করিয়া অঘটন-ঘটন-পটীগামী জগজ্জননীর  
মায়ার রাজ্যে ছই-চারিটা দ্রব্যগুণ জানিয়া লইয়া যতই কেন

## বৈষ্ণবচরণ ও গৌরীর কথা

আমরা কল-ক্লারথানার বিস্তার করি না, দুর্দশা আমাদের চিরকাল সমানই রহিয়াছে! সেই ইন্দ্রিয়-তাড়না, সেই লোভ-নাশ, সেই নিরন্তর মৃত্যুভয়, সেই কে আমি, কেনই বা এখানে, পরেই বা কোথায় যাইব, পঞ্চেন্দ্রিয় ও মনবুদ্ধি-সহায়ে সত্যলাভের প্রয়াসী হইলেও ঐ সকলের দ্বারাই পদে পদে প্রতারণিত ও বিপথগামী, আমার এ খেলার উদ্দেশ্য কি এবং ইহার হস্ত হইতে মুক্তিলাভ কখনও হইবে কিনা—এ সকল বিষয়ে পূর্ণ মাত্রায় অজ্ঞানতা নিরন্তরই বিद्यমান! এ চির-অভাবগ্রস্ত সংসারে যথার্থ তত্ত্বজ্ঞান লইবার লোক ত সকলেই! কিন্তু তাহাদের উহা দেয় কে? বাস্তবিক কাহারও যদি কিছু দান করিবার থাকে ত সে কত দিবে দিক্ না। কিন্তু ভ্রান্ত—শত ভ্রান্ত মানব সে কথা বুঝে না। কিছু না থাকিলেও সে নাম-যশের বা অন্য কিছু স্বার্থের প্ররোচনায় অগ্রেই যাহা তাহার নাই অপরকে তাহা দিতে ছুটে বা সে যে তাহা দিতে পারে এইরূপ ভান করে এবং ‘অন্ধেনৈব নীয়মানা যথাঙ্কাসঃ’ আপনিও হায় হায় করিয়া পশ্চাত্তাপ করে এবং অপরকেও সেইরূপ করায়।

সেই জন্মই ঠাকুর সংসারে সকলে যে পথে চলিতেছে তাহার সম্পূর্ণ বিপরীত পথ অবলম্বন করিয়া পূর্ণমাত্রায় ত্যাগ, বৈরাগ্য ঠাকুর ও সংযমাদি-অভ্যাসে আপনাকে শ্রীশ্রীজগদম্বার ধর্মপ্রচার কি হস্তের ঠিক ঠিক যন্ত্রস্বরূপ করিয়া ফেলিলেন ভাবে করেন এবং সত্যবস্তু লাভ করিয়া স্থির নিশ্চিন্ত হইয়া একই স্থানে বসিয়া জীবন কাটাইয়া যথার্থ কার্য্যাহুষ্ঠানের এক নৃত্য দ্বারা দেখাইয়া গেলেন। দেখাইলেন যে, বস্তুলাভ করিয়া অপরকে দিবার যথার্থ কিছু সংগ্রহ করিয়া যেমন তিনি উহা বিতরণের নিমিত্ত

## শ্রীশ্রীরামকৃষ্ণলীলাপ্রসঙ্গ

লাগিলেনই আবার মথুরাপ্রমুখ কালীবাটীর সকলেও বড় অল্প আশ্চর্য্যায়িত হইলেন না। তাহার উপর যখন ব্রাহ্মণী মথুরকে বলিলেন, “শাস্ত্রজ্ঞ সুপণ্ডিত সকলকে আন, আমি তাঁহাদের নিকট আমার একথা প্রমাণিত করিতে প্রস্তুত”, তখন আর তাঁহাদের আশ্চর্য্যের পরিসীমা রহিল না।

কিন্তু আশ্চর্য্য হইলে কি হইবে? ভিক্ষাব্রতাবলম্বিনী, নগণ্য একটা অপরিচিতা জ্ঞীলোকের কথায় ও পাণ্ডিত্যে সংসা কে বিশ্বাস স্থাপন করিতে পারে? কাজেই পূর্ব্ববঙ্গীয় কবিরাজের কথার ন্যায় ভৈরবী ব্রাহ্মণীর কথাও মথুরানাথ প্রভৃতির হৃদয়ে

ঠাকুরের অবস্থা  
বুঝিয়া ব্রাহ্মণী  
শাস্ত্রজ্ঞদের  
আনিতে বলায়  
মথুরের সিদ্ধান্ত

এক কান দিয়া প্রবেশলাভ করিয়া অপর কান দিয়া বাহির হইয়া যাইত নিশ্চয়, তবে ঠাকুরের আগ্রহ ও অনুরোধে ব্যাপারটা অন্তরূপ দাঁড়াইয়া গেল। বালকবৎ ঠাকুর মথুর বাবুকে ধরিয়া বলিলেন, ‘ভাল ভাল পণ্ডিত আনাইয়া ব্রাহ্মণী

যাহা বলিতেছে, তাহা যাচাইতে হইবে।’ ধনী মথুরও ভাবিলেন—ছোট ভট্টচাযের জন্ত ঔষধে ও ডাক্তার খরচায় ত এত টাকা ব্যয় হইতেছে, তা ঐরূপ করিতে দোষ কি? পণ্ডিতেরা আনিয়া শাস্ত্রপ্রমাণে ব্রাহ্মণীর কথা কাটিয়া দিলে—এবং দিবসে নিশ্চিত—অন্ততঃ একটা লাভও হইবে। পণ্ডিতদের কথায় বিশ্বাস করিয়া ছোট ভট্টচাযের সরল বিশ্বাসী হৃদয়ে সন্ততঃ এ ধারণাটা হইবে যে তাঁহার রোগবিশেষ হইয়াছে—তাতে তাঁহার নিজের মনের উপর একটা বাধ দিতেও ইচ্ছা হইতে পারে। পাগল ত লোক এইরূপেই হয়—নিজে যাহা করিতেছি, বুঝিতেছি, তাহাই



শ্রীযুক্ত মদনলাল



## বৈষ্ণবচরণ ও গৌরীর কথা

ঠিক আর অপর দশ জনে যাহা বুঝিতেছে, করিতে বলিতেছে, তাহা ভুল—এইটি নিশ্চয় করিয়া নিজের মনের উপর, চিন্তার উপর বাঁধ না দিয়া মনকে নিজের বশীভূত রাখিবার চেষ্টা না করিয়াই ত লোক পাগল হয়! আর পণ্ডিতদের না ডাকিয়া ভট্টাচাৰ্যকে ব্রাহ্মণীর্ণ কথায় অবাধে বিশ্বাস করিতে দিলে তাঁহার মানসিক বিকার আরও বাড়িয়া শারীরিক রোগও যে বাড়িবে, তাহাতে আর সন্দেহ কি। এইরূপে কতক কোতূহলে, কতক ঠাকুরের প্রতি ভালবাসায়—এরূপ কিছু একটা ভাবিয়াই যে মথুর ঠাকুরের অহুরোধে পণ্ডিতদিগকে আনাইতে সম্মত হইয়াছিলেন, ইহা আমরা বেশ বুঝিতে পারি।

কলিকাতার পণ্ডিতমহলে তখন বৈষ্ণবচরণের বেশ প্রতিপত্তি। আবার অনেক স্থলে সকলের সমক্ষে তিনি শ্রীমদ্ভাগবত গ্রন্থ সুন্দর ভাবে ব্যাখ্যা করিয়া পাঠ করায় ইতর-সাধারণের বৈষ্ণবচরণ ও ইন্দ্রেশ্বর নিকটেও তাঁহার খুব নামঘণ। সেজন্য ঠাকুর, গৌরীকে মথুর বাবু ও ব্রাহ্মণী সকলেই তাঁহার কথা ইতি-আখ্যান পূর্বেই শুনিয়াছিলেন। মথুর তাঁহাকে আনাইতে মনোনীত করিলেন এবং বাঁকুড়া অঞ্চলের ইন্দ্রেশ্বর গৌরী পণ্ডিতের অসাধারণ ক্ষমতা ও পাণ্ডিত্যের কথা শুনিয়া তাঁহাকেও আনাইবার মানস করিলেন। এইরূপেই বৈষ্ণবচরণ ও ইন্দ্রেশ্বর গৌরীর দক্ষিণেশ্বরে আগমন হয়। ঠাকুরের নিকট আমরা ইন্দ্রেশ্বর অনেক কথা অনেক সময় শুনিয়াছি। তাহাই এখন পাঠ্যক্রে উপহার দিলে মন্দ হইবে না।

বৈষ্ণবচরণ কেবল যে পণ্ডিত ছিলেন তাহা নহে, কিন্তু

একজন ভক্ত সাধক বলিয়াও সাধারণে পরিচিত ছিলেন। তাঁহার

বৈষ্ণবচরণের  
তখন কতদূর  
খ্যাতি

ঈশ্বরভক্তি এবং দর্শনাদি শাস্ত্রে বিশেষতঃ ভক্তি-  
শাস্ত্রে সূক্ষ্ম দৃষ্টি তাঁহাকে তাৎকালিক বৈষ্ণব-  
সমাজের একজন নেতা করিয়া তুলিয়াছিল, বলা  
যাইতে পারে। বিদায় আদায় নিমন্ত্রণাদিতে বৈষ্ণব-

সমাজ তাঁহাকে অগ্রেই মাদরে আহ্বান করিতেন। ধর্মবিষয়ক  
কোনরূপ মীমাংসায় উপনীত হইতে হইলে সমাজ অনেক সময়  
তাঁহাকেই জিজ্ঞাসা করিতেন ও তাঁহার মুখাপেক্ষী হইয়া থাকিতেন।  
আবার সাধনপথের ঠিক ঠিক নির্দেশ পাইবার জন্য অনেক ভক্ত  
সাধকও তাঁহার নিকট উপস্থিত হইয়া তাঁহারই পরামর্শে গন্তব্য  
পথে অগ্রসর হইতেন। কাজেই ভক্তির আতিশয্যে ঠাকুরের ঐক্য  
ভাবাদি হইতেছে কিংবা কোনরূপ শারীরিকব্যাদিগ্রস্ত হওয়াতে  
ঐক্য হইতেছে, তাহা নির্ণয় করিতে যে বৈষ্ণবচরণকে মথুর  
আনিতে সক্ষম করিবেন ইহাতে আর বৈচিত্র্য কি?

ভৈরবী ব্রাহ্মণী আবার ইতিমধ্যে ঠাকুরের অবস্থা-সম্বন্ধে তাঁহার  
ধারণা যে সত্য তদ্বিষয়ে এক বিশিষ্ট প্রমাণ পাইয়া নিজেও উল্লসিতা

হইয়াছিলেন এবং অপরেরও বিশ্বয় উৎপাদন  
করিয়াছিলেন। তাহা এই—ব্রাহ্মণীর আগমন-  
নিবারণে কিছু পূর্ব হইতে ঠাকুর গাত্রদাহে বিষম  
কষ্ট পাইতেছিলেন। সে জ্বালানিবারণে অনেক

কলোদয় হয় নাই। ঠাকুরের শ্রীমুখে  
শুনিয়াছি, সূর্যোদয় হইতে যত বেলা হইত ততই সে জ্বালা  
অধিকতর বৃদ্ধি পাইত। দুই-প্রহরে এত অসহ্য হইয়া উঠিত যে,

## বৈষম্যবচরণ ও গৌরীর কথা

গঙ্গার জলে শরীর ডুবাইয়া মাথায় একখানি ভিজা গামছা চাপা দিয়া দুই-তিন ঘণ্টা কাল বসিয়া থাকিতে হইত ! আবার অত্যধিকক্ষণ জলে পড়িয়া থাকিলে পাছে বিপরীত ঠাণ্ডা লাগিয়া অন্তরূপ অসুস্থতা উপস্থিত হয়, এজন্য ইচ্ছা না হইলেও জল হইতে উঠিয়া আসিয়া বাবুদের কুঠির-ঘরের মর্ম্মর-প্রস্তর-বাঁধান মেজে ভিজা কাপড় দিয়া মুছিয়া ঘরের সমস্ত দ্বার বন্ধ করিয়া সেই মেজেতে গড়াগড়ি দিতে হইত !

ব্রাহ্মণী ঠাকুরের ঐরূপ অবস্থার কথা শুনিয়াই অন্তরূপ ধারণা করিলেন। বলিলেন, উহা ব্যাধি নয় ; উহাও ঠাকুরের মনের প্রবল আধ্যাত্মিকতা বা ঈশ্বরাত্মরূপের ফলেই উপস্থিত হইয়াছে। বলিলেন, ঈশ্বরদর্শনের অত্যাশ্রয় ব্যাকুলতায় শরীরে এইরূপ বিকার-লক্ষণসকল শ্রীমতী রাধারানী ও শ্রীচৈতন্যদেবের জীবনে অনেক সময় উপস্থিত হইত। এ রোগের ঔষধও অপূর্ণ—সুগন্ধি পুষ্পের মাল্যধারণ এবং সর্বাঙ্গে সুবাসিত চন্দনলেপন।

বলা বাহুল্য, ব্রাহ্মণীর ঐ প্রকার রোগনির্দেশে বিশ্বাস করা দূরে থাকুক, মথুরাপ্রমুখ সকলে হস্ত্র সংবরণ করিতেও পারেন নাই। ভাবিয়াছিলেন, কত ঔষধসেবন, মধ্যমনারায়ণ বিষ্ণুতৈলাদি কত তৈলমর্দন করিয়া যাহার কিছু উপশম হইল না, তাহা কি না বলে ‘রোগ নয়’। তবে ব্রাহ্মণী যে সহজ ঔষধের ব্যবস্থা করিতেছে তাহার ব্যবহারে কাহারও কোনও আপত্তিই হইতে পারে না। দুই-এক দিন লাগাইয়া কোন ফল না পাইলে রোগী আপনাই উহা ত্যাগ করিবে। কিন্তু এতএব ব্রাহ্মণীর কথামত ঠাকুরের শরীর চন্দনলেপ ও পুষ্পমাল্যে ভূষিত হইল। কিন্তু তিন দিন ঐরূপ অস্থিষ্ঠানের পর



দেখা গেল — তিরোহিত হইয়াছে !  
 সকলে আশ্চর্য্য হইলেন । কিন্তু অবিখ্যাসী মন কি সহজে ছাঁড়ে ?  
 বলিল—ওটা কাকতালীয়েৰ গ্ৰায় হইয়াছে আৰ কি ! ভট্টাচাৰ্য্য  
 মহাশয়কে শেষে ঐ যে বিষ্ণুতৈলটা ব্যবহার কৰিতে দেওয়া  
 হইয়াছিল, ওটা একেবাৰে খাটি তৈল ছিল ; কবিরাজেৰ কথায়  
 ভাবেই সেটা বুঝা গিয়াছিল—সেই তৈলটাত্তেই উপকাৰ হইয়  
 আসিতেছিল ; আৰু দুই-এক দিন ব্যবহার কৰিলেই সব জ্বালাটুকু  
 দূৰ হইত, এমন সময় ভৈৰবী চন্দন মাখাইবাৰ ব্যবস্থাট  
 কৰিয়াছে, তাই ঐ প্ৰকাৰ হইয়াছে । ব্ৰাহ্মণী যাহাই বলুক  
 আৰ ব্যবস্থা কৰুক না কেন, ও তৈলটা কিন্তু বৰাবৰ মাথাত  
 উচিত ।

কিছুদিন পৰে ঠাকুৰেৰ আবার এক উপসৰ্গ আসিয়া উপস্থিত  
 হয় । ব্ৰাহ্মণীৰ সহজ ব্যবস্থায় উহাও তিন দিনে নিবাপিত হইয়াছিল—

এ কথাও আমৰা ঠাকুৰেৰ শ্ৰীমুখে শুনিয়াছি  
 ঠাকুৰেৰ বিপৰীত ঠাকুৰ বলিতেন, “এ-সময় একটা বিপৰীত ক্ষুধা  
 ক্ষুধানিবাৰণে উদ্ভেদ হইছিল । যতই কেন খাই না, পে  
 ব্ৰাহ্মণীৰ কিছুতেই যেন ভৰ্ত না । এই খেয়ে উঠলু  
 ব্যবস্থা

আবার তখন যেন কিছু খাই নাই—সমান খাবা  
 ইচ্ছা ! দিন-ৰাত্ৰি কেবলই ‘খাই খাই’ ইচ্ছা—তাৰ আৰ বিৰা  
 নেই । ভাবলুম, এ আবার কি ব্যাৰাম হল ? ব্ৰাহ্মণীকে বল  
 সে বলে—‘বাবা, ভয় নেই ; ঈশ্বৰপথেৰ পথিকদেৰ গুৰুকম অব  
 কখন কখন হয়ে থাকে, শাস্ত্ৰে এ কথা আছে ; আমি তোমাৰ ও  
 ভাল কৰে দিচ্ছি ।’ এই বলে মথুৰকে বলে ‘ঘৰেৰ ভেতৰ চিঁ

## বৈষ্ণবচরণ ও গৌরীর কথা

মুড়কি থেকে সন্দেশ, বসগোলা, লুচি অবধি যত রকম খাবার আছে, সব থরে থরে সাজিয়ে রাখলে আর বলে, ‘বাবা, তুমি এই ঘরে দিন-রাত্তির থাক আর যখন যা ইচ্ছে হবে তখনই তা খাও।’ সেই ঘরে থাকি, বেড়াই ; সেই সব খাবার দেখি, নাড়িচাড়ি ; কখনও এটা থেকে কিছু খাই, কখনও ওটা থেকে কিছু খাই—এই রকমে তিন দিন কেটে যাবার পর সে বিপরীত ক্ষুধা ও খাবার ইচ্ছাটা চলে গেল, তবে বাঁচি।”

যোগ বা ঈশ্বর মনের তন্ময়ভাবে অবস্থানের অবস্থাটা সহজ হইয়া আসিবার পূর্বে এবং কখন কখন পরেও এইরূপ বিপরীত

যোগসাধনার	ক্ষুধাদির উদ্ভেকের কথা সাধকদিগের জীবনে
ফলে ঐ সকল	শুনিয়াছি এবং ঠাকুরের জীবনেও অনেকবার
অবস্থার উদয়।	পরিচয় পাইয়া অবাক হইয়াছি! তবে ঠাকুরের
ঠাকুরের ঐরূপ	সম্বন্ধে আমরা যাহা দেখিয়াছি, সেটা একটু অগ্ৰ
ক্ষুধা সম্বন্ধে	প্রকারের অবস্থা। উপরোক্ত সময়ের মত তখন
আমরা যাহা	ঠাকুর নিরন্তর ঐরূপ ক্ষুধায় পীড়িত থাকিতেন
দেখিয়াছি	

না। কিন্তু সহজাবস্থায় সচরাচর তাঁহার যেরূপ আহার ছিল তাহার চতুর্গুণ বা ততোধিক পরিমাণ খাদ্য ভাবাবস্থায় উদরস্থ করিলেন, অথচ তজ্জন্ম কোনই শারীরিক অসুস্থতা হইল না—এইরূপ হইতেই দেখিয়াছি। ঐরূপ দুই একটি ঘটনার কথা এখানে উল্লেখ করিলে পাঠক উহা সহজেই বঝিতে পারিবেন।

ইতিপূর্বেই ঐ বিষয়ের আভাস আমরা পাঠককে দিয়াছি।<sup>১</sup>

১ পূর্বোক্তি, প্রথম অধ্যায়, দেখ।

## শ্রীশ্রীরামকৃষ্ণলীলাপ্রসঙ্গ

পাঠকের স্মরণ থাকিতে পারে শ্রী-ভক্তদিগের সহিত ঠাকুরের

১ম দৃষ্টান্ত— লীলাপ্রসঙ্গে আমরা পূর্বে একস্থলে বাগবাজারের  
বড় একখানি কয়েকটি ভদ্রমহিলার ভোলা ময়রার দোকান হইতে  
সন্ধ্যা খাওয়া একখানি বড় সর লইয়া দক্ষিণেশ্বরে ঠাকুরকে দর্শন

করিতে গমনের কথা এবং তথায় তাঁহার দর্শন না পাইয়া কোনও  
প্রকারে শ্রীযুক্ত মহেন্দ্রনাথ গুপ্ত বা ‘মাষ্টার’ মহাশয়ের বাটীতে  
আসিয়া ঠাকুরের দর্শন-লাভ, শ্রীযুক্ত প্রাণকৃষ্ণ মুখোপাধ্যায়ের—  
ঠাকুর ষাঁহাকে ‘মোটো বামুন’ বলিয়া নির্দেশ করিতেন—সহসা  
তথায় আগমন ও ঐ সকল মহিলাদের ঠাকুর যে তত্তাপোশের  
উপর বসিয়াছিলেন তাহাবই তলে লুকাইয়া থাকা প্রভৃতি কথা  
লিপিবদ্ধ করিয়াছি; সে রাত্রে ঠাকুর আহারাতির পর দক্ষিণেশ্বরে  
আগমন করিয়া পুনরায় কিরূপে ক্ষুধায় কাতর হইয়া শ্রীভক্তদিগের  
আনীত বড় সরখানির প্রায় সমস্ত খাইয়া ফেলেন, সে কথাও  
আমরা পাঠককে বলিয়াছি। এখন ঐরূপ আরও কয়েকটি ঘটনার  
উল্লেখ আমরা এখানে করিব। কয়েকটি ঘটনার কথাই বলিব,  
কারণ ঠাকুরের জীবনে ঐরূপ ঘটনা নিত্যই ঘটিত। অতএব  
তদ্বিষয়ে সকল ঘটনা লিপিবদ্ধ করা অসম্ভব।

ম্যালেরিয়ার প্রথমাগমন ও প্রকোপে ‘সুজলা সুফলা শস্ত্রশ্রামলা’

২য় দৃষ্টান্ত— বঙ্গের অধিকাংশ প্রদেশ, বিশেষতঃ রাঢ়ভূমি বিধবস্ত  
কামারপুকুর ও জনশূণ্য হইবার পূর্বাভাষি হুগলী, বর্দ্ধমান প্রভৃতি  
এক সের মিষ্টান্ন জেলাসকলের স্বাস্থ্য যে ভারতের উত্তর-পশ্চিম  
ও মুড়ি খাওয়া প্রদেশসকলের অপেক্ষা কোন অংশে ন্যূন ছিল  
না, একথা এখনও প্রাচীনদিগের মুখে শুনিতে পাওয়া যায়।

## বৈষ্ণবচরণ ও গৌরীর কথা

তঁাহারা বলেন, লোকে তখন বর্দ্ধমান প্রভৃতি স্থানে বায়ুপরিবর্তনে যাইত। কামারপুকুর বর্দ্ধমান হইতে বার তের ক্রোশ দূরে অবস্থিত। ঐ স্থানের জলবায়ুও তখন বিশেষ স্বাস্থ্যকর ছিল। দ্বাদশ বৎসর অদৃষ্টপূর্ব্ব কঠোর তপশ্চায় এবং পরেও নিরন্তর শরীরে দিকে লক্ষ্য না রাখিয়া ‘ভাবমুখে’ থাকায় ঠাকুরের বজ্রসম দৃঢ় শরীরও যে ক্রমে ক্রমে শারীরিক পরিশ্রমে অপটু এবং কখন কখন প্রবল-রোগাক্রান্ত হইয়া পড়িয়াছিল, একথা আমরা পূর্বেই বলিয়াছি। সে জন্ম ঠাকুর সাধনকালের অন্তে প্রতিবৎসর চাতুর্মাশের সময়টা জন্মভূমি কামারপুকুর অঞ্চলেই কাটাইয়া আসিতেন। পরম অল্পগত সেবক ভাগিনেয় হৃদয় তঁাহার সঙ্গে যাইত এবং মথুর বাবু ষাওয়া-আসার সমস্ত খরচা ছাড়া পল্লীগ্রামে তঁাহার কোন বিষয়ের পাছে অভাব হয় এজন্ম সংসারের আবশ্যকীয় যত কিছু পদার্থ তঁাহার সঙ্গে পাঠাইয়া দিতেন। গুলিয়াছি লোকে নিজ কন্যাকে প্রথম শ্বশুরালয়ে পাঠাইবার কালে যেমন প্রদীপের সল্‌তেটি ও আহাৰান্তে ব্যবহার্য্য খড়কে-কাঠিটি পর্য্যন্ত সঙ্গে দিয়া থাকে, মথুর বাবু ও তঁাহার পরম ভক্তিমতী গৃহিণী শ্রীমতী জগদম্বা দাসী ঠাকুরকে কামারপুকুরে পাঠাইবার কালে অনেক সময় সেইরূপ ভাবে ‘ঘর বসত্’ সঙ্গে দিয়া পাঠাইয়া দিতেন। কারণ এ কথা তঁাহাদের অবিদিত ছিল না যে, কামারপুকুরে ঠাকুরের সংসার যেন শিবের সংসার! সঙ্কয়ের নামগন্ধ ঠাকুরের পিতৃপিতামহের কাল হইতেই ছিল না। সম্পথে থাকিয়া যাহা জোটে তাহাই খাওয়া এবং ৩৭ঘুবীরের নামে প্রদত্ত দেড় বিঘা মাত্র জমিতে যে ধান হয় তাহাতেই সমস্ত বৎসর সংসার চালান

ঐ পরিবারের রীতি ছিল! পল্লীর মুদির দোকানই এ পবিত্র দেবসংসারের ভাণ্ডারস্বরূপ! যদি বিদায়-আদায়ে কিছু পয়সা কড়ি পাওয়া গেল তবৈই সে ভাণ্ডার হইতে সংসারের ব্যবহার্য ত্রি-তরকারি তৈল-লবণাদি মেদিনকার মত বাহির হইল, নতুবা পুষ্করিণীর পারের অঘটনভা শাকসে আনন্দে জীবনধারণ! আর সর্বসময়ে সকল বিষয়ে বা করেন জীবন্ত জাগ্রত কুলদেবতা ৮রঘুবীর! ঐ সকল কথা জানা ছিল বলিয়াই মথুর বাবুর কয়েক বিঘা ধানজমি শ্রীশ্রীরঘুবীরের নামে ক্রয় করিয়া দিবার আগ্রহ এবং ঠাকুরকে দেশে পাঠাইবার কালে সংসারের আবশ্যকীয় সকল পদার্থ ঠাকুরের সঙ্গে পাঠান।

পূর্বেই বলিয়াছি, ঠাকুর চাতুর্মাশের সময় কখন কখন কামায়পুকুরে আসিতেন। প্রায় প্রতি বৎসরই আসিতেন। ম্যালেরিয়ার প্রাদুর্ভাবের সময় এইরূপে এক বৎসর আসিয়া জ্বররোগে বিশেষ কষ্ট পান—তদবধি আর দেশে যাইবেন না সঙ্কল্প করেন এবং আর তথায় গমনও করেন নাই। ঠাকুরের তিরোভাবের আট দশ বৎসর পূর্বে তিনি ঐরূপ সঙ্কল্প করিয়াছিলেন। যাহা হউক, এ বৎসর তিনি পূর্ব পূর্ব বারের ন্যায় কামায়পুকুরে আসিয়া অবস্থান করিতেছেন। তাঁহাকে দেখিবার ও তাঁহার ধর্ম্মালাপ শুনিবার জন্ত বাটীতে প্রতিবেশী স্ত্রীপুরুষের ভীড় লাগিয়াই আছে। আনন্দের হাট-বাজার বসিয়াছে! বাটীর স্ত্রীলোকেরা তাঁহাকে পাইয়া মনের আনন্দে তাঁহার এবং তাঁহাকে দেখিতে সমাগত সকলের সেবা-পরিচর্যায় নিযুক্ত আছেন। দিনের পর দিন, হুথের দিন কোথা দিয়া যে কাটিয়া যাইতেছে তাহা কাহারও

## বৈষ্ণবচরণ ও গৌরীর কথা

অহুভব হইয়াছে না! বাটীতে তখন ঠাকুরের ভাতুপুত্র শ্রীযুত রামলাল দাদার পূজনীয়া মাতাঠাকুরাণীই গৃহিণীস্বরূপে ছিলেন এবং তাঁহার কণ্ঠা শ্রীমতী লক্ষ্মী-দিদি ও পরমারাধ্যা শ্রীশ্রীমাতা-ঠাকুরাণী বাস করিতেছিলেন।

রাত্রি প্রায় এক-প্রহর হইয়াছে। প্রতিবেশী স্ত্রীপুরুষেরা রাত্রে মত বিদায় গ্রহণ করিয়া নিজ নিজ বাটীতে প্রস্থান করিয়াছেন। ঠাকুরের কয়েক দিন হইতে অগ্নিমান্দ্য ও পেটের অস্বস্থ হইয়াছে, সেজগৎ রাত্রে সাগু বালি ভিন্ন অণু কিছুই খান না। আজও রাত্রে দুধ বালি খাইয়া শয়ন করিলেন। বাটীর স্ত্রীলোকেরা তাঁহার আহার ও শয়নের পর নিজেরা আহারাদি করিলেন এবং রাত্রিতে করণীয় সংসারের কাজ-কর্ম্ম সারিয়া এইবার শয়নের উদ্যোগ করিতে লাগিলেন।

সহসা ঠাকুর তাঁহার শয়নগৃহের দ্বার খুলিয়া ভাবাবেশে টলমল করিতে করিতে বাহিরে আসিলেন এবং রামলাল দাদার মাতা প্রভৃতিকে আহ্বান করিয়া বলিতে লাগিলেন—“তোমরা সব শুলে যে? আমাকে কিছু খেতে না দিয়ে শুলে যে?”

রামলালের মাতা—ওমা, সে কি গো? তুমি যে এই খেলে!

ঠাকুর—কৈ খেলুম? আমি ত এই দক্ষিণেশ্বর থেকে আস্টি—কৈ খাওয়ালে?

স্ত্রীলোকেরা সকলে অবাক হইয়া পরস্পরের মুখ চাওয়া-চাওয়ি করিতে লাগিলেন! বুঝিলেন, ঠাকুর ভাবাবেশে ঐরূপ বলিতেছেন। কিন্তু উপায়? ঘরে এখন আর এমন কোনরূপ খাদ্য-দ্রব্যই নাই, যাহা ঠাকুরকে খাইতে দিতে পারেন! এখন

## শ্রীশ্রী রামলীলা প্রসঙ্গ

উপায়? কাজেই রামলাল দাদার মাতাকে ভয়ে ভয়ে বলি হইল—“ঘরে এখন তো আর কিছু খাবার নেই, কেবল মু আছে। তা মুড়ি খাবে? দুটি খাও না। তাতে পেটের অং করবে না।” এই বলিয়া খালে করিয়া মুড়ি আনিয়া ঠাকুরে সম্মুখে রাখিলেন। ঠাকুর তাহা দেখিয়া বালকের গ্রায় রাগ করি পশ্চাৎ ফিরিয়া বসিলেন ও বলিতে লাগিলেন—“শুধু মুড়ি আ খাব না।” অনেক বুঝান হইল—“তোমার পেটের অস্থখ, অং কিছু তো খাওয়া চলবে না, আর দোকান-পসারও এ রাত্রে বন্ধ—সাগু বালি যে কিনে এনে করে দেব তারও যো নেই আজ এই দুটি খেয়ে থাক, কাল সকালে উঠেই ঝোল-ভাত রো দেব” ইত্যাদি; কিন্তু সে কথা শুনে কে? অভিমানী আবদে বালকের গ্রায় ঠাকুরের সেই একই কথা—“ও আমি খাব না।”

কাজেই রামলাল দাদা তখন বাহিরে যাইয়া ডাকাডাকি করি দোকানীর ঘুম ভাঙাইলেন এবং এক সের মিঠাই কিনি আনিলেন। সেই এক সের মিঠায় এবং সহজ লোকে যা খাইতে পারে তদপেক্ষা অধিক মুড়ি খালে ঢালিয়া দেওয়া হইতে তবে ঠাকুর আনন্দ করিয়া খাইতে বসিলেন এবং উহার সকল নিঃশেষে খাইয়া ফেলিলেন! তখন বাটীর সকলের ভয়—‘এই পেট-রোগা মানুষ, মাসের মধ্যে অর্ধেক দিন সাগু বালি খেয়ে থাকা, আর এই রাত্রে এইসব খাওয়া! কাল একটা কাণ্ড হবে আর কি!’ কিন্তু কি আশ্চর্য্য, দেখা গেল পরদিন ঠাকুরের শরীর বেশ আছে, রাত্রে খাইবার জন্ত কোনরূপ অস্থস্থতাই নাই!

আর একবার ঐরূপে কামারপুকুর অঞ্চলে বাস করিবার

## বৈষ্ণবচরণ ও গৌরীর কথা

কালে ঠাকুরকে তাঁহার শ্মশুরালয়ে জয়রামবাটী গ্রামে লইয়া যাওয়া হয়। রাত্রের আহাৰাদির পর শয়ন করিবার  
 ৩য় দৃষ্টান্ত— জয়রামবাটীতে কিছুক্ষণ পরে ঠাকুর উঠিয়া বলিলেন—“বড় ক্ষুধা  
 একটি মোরলা পেয়েছে।” বাটীর মেয়েরা ভাবিয়া আকুল—কি  
 মাছ সহ্যে খাইতে দিবে, ঘরে কিছুই নাই! কারণ সে দিন  
 এক রেক চালের বাটীতে পূৰ্বপুরুষদিগের কাহারও বাৎসরিক শ্রাদ্ধ  
 পান্তাভাত বা ঐরূপ একটা কিছু জিয়াকৰ্ম হইয়াছিল এবং  
 খাওয়া সেজন্ত বাটীতে অনেক লোকের আগমন হওয়ায়

সকল প্রকার খাদ্যাদিই নিঃশেষে উঠিয়া গিয়াছিল। কেবল হাঁড়িতে কতকগুলি পান্তাভাত ছিল। শ্রীশ্রীমাতাঠাকুরাণী ঠাকুরকে ভয়ে ভয়ে ঐ কথা জানাইলে ঠাকুর বলিলেন, “তাই নিয়ে এস।” তিনি বলিলেন—“কিস্ত তরকারী ত নাই।”

ঠাকুর—দেখ না খুঁজে-পেতে; তোমরা ‘মাছ চাটুই’ (ঝাল-হলুদে মাছ) করেছিলে তো? দেখ না তার একটু আছে কি না।

শ্রীশ্রীমাতাঠাকুরাণী অতুদন্ধানে দেখিলেন, ঐ পাত্রে একটি ক্ষুদ্র মোরলা মাছ ও একটু কাই কাই রস লাগিয়া আছে। অগত্যা তাহাই আনিলেন। দেখিয়া ঠাকুরের আনন্দ! সেই রাত্রে সেই পান্তাভাত খাইতে বসিলেন এবং ঐ একটি ক্ষুদ্র মৎস্যের সহায়ে এক রেক চালের ভাত খাইয়া শান্ত হইলেন।

দক্ষিণেশ্বরে অবস্থানকালেও মধ্যে মধ্যে ঐরূপ হইত। একদিন ঐরূপে প্রায় রাত্রি দুই প্রহরের সময় উঠিয়া ঠাকুর রামলাল দাদাকে ডাকিয়া বলিলেন, “ওরে, ভারি ক্ষুধা পেয়েছে, কি হবে?”



ঘরে অল্প দিন কত মিষ্টান্নাদি মজুত থাকে, সেদিন খুঁজিয়া দেখা

গেল, কিছুই নাই! অগত্যা রামলাল দাদা

৪র্থ দৃষ্টান্ত—

দক্ষিণেঘরে

রাত্রি দু-প্রহরে

এক সের

হালুয়া খাওয়া

নহবংখানার নিকটে যাইয়া শ্রীশ্রীমাতাঠাকুরাণী ও

তঁাহার সহিত যে সকল স্ত্রীভক্ত ছিলেন তঁাহাদের

সেই সংবাদ দিলেন। তঁাহারা শশবাস্তে উঠিয়া

খড়কুটো দিয়া উঠুন জালিয়া একটি বড় পাথর-

বাটির পুরোপুরি এক বাটি, প্রায় এক সের আন্দাজ হালুয়া তৈয়ার

করিয়া ঠাকুরের ঘরে পাঠাইয়া দিলেন। জনৈকা স্ত্রী-ভক্তই উহা

লইয়া আসিলেন। স্ত্রী-ভক্তটি ঘরে প্রবেশ করিয়াই চমকিত হইয়া

দেখিলেন ঘরের কোণে মিট মিট করিয়া প্রদীপ জলিতেছে,

ঠাকুর ঘরের ভিতর ভাবাবিষ্ট হইয়া পাষাচারি করিতেছেন এবং

ভাতুপুত্র রামলাল নিকটে বসিয়া আছে। সেই ঘীর স্থির নীরব

নিশীথে ঠাকুরের গম্ভীর ভাবোজ্জ্বল বদন, সেই উন্মাদবৎ মাতোয়ারা

নগ্ন বেশ ও বিশাল নয়নে স্থির অন্তর্মুখী দৃষ্টি—যাহার সমক্ষে সমগ্র

বিশ্বসংসার ইচ্ছামাত্রেরই সমাধিতে লুপ্ত হইয়া আবার ইচ্ছামাত্রেরই

প্রকাশিত হইত—সেই অনন্তমনে গুরুগম্ভীর পাদবিক্ষেপ ও উদ্দেশ্য-

বিহীন সানন্দ বিচরণ দেখিয়াই স্ত্রী-ভক্তটির হৃদয় কি এক অপূর্ব

ভাবে পূর্ণ হইল! তঁাহার মনে হইতে লাগিল, ঠাকুরের শরীর

যেন দৈর্ঘ্যে প্রস্থে বাড়িয়া কত বড় হইয়াছে! তিনি যেন এ

পৃথিবীর লোক নহেন! যেন ত্রিদিবের কোন দেবতা নরশরীর

পরিগ্রহ করিয়া ছঃখ-হাঙ্গামার-পূর্ণ নরলোকে স্বাভাবিক তিমিরাবরণে

গুপ্ত লুকায়িত ভাবে নির্ভীক পদসঞ্চারে বিচরণ করিতেছেন এবং

কেমন করিয়া এ শাশানভূমিকে দেবভূমিতে পরিণত করিবেন,

## বৈষ্ণবচরণ ও গৌরীর কথা

করণাপূর্ণ হৃদয়ে তদুপায়-নির্দ্ধারণে অনন্তমনা হইয়া রহিয়াছেন। যে ঠাকুরকে সর্বদা দেখেন ইনি সেই ঠাকুর নহেন! তাঁহার শরীর রোমাক্ত হইয়া উঠিল এবং নিকটে যাইতে একটা অব্যক্ত ভয় হইতে লাগিল।

ঠাকুরের বসিবার জগু রামলাল পূর্ব হইতেই আসন পাতিয়া রাখিয়াছিলেন। স্ত্রী-ভক্তটি কোনরূপে যাইয়া সেই আসনের সম্মুখে হালুয়ার বাটিটা রাখিলেন। ঠাকুর খাইতে বসিলেন এবং ক্রমে ক্রমে ভাবের ঘোরে সমস্ত হালুয়াই খাইয়া ফেলিলেন! ঠাকুর কি স্ত্রী-ভক্তের মনের ভাব বুঝিতে পারিয়াছিলেন? কে জানে! কিন্তু খাইতে খাইতে স্ত্রী-ভক্তটি নির্ঝাঁক হইয়া তাঁহাকে দেখিতেছেন দেখিয়া জিজ্ঞাসা করিলেন—“বল দেখি, কে খাচ্ছে? আমি খাচ্ছি, না আর কেউ খাচ্ছে?”

Acc. no. 2138

স্ত্রী-ভক্ত—আমার মনে হচ্ছে, আপনার ভিতরে যেন আর একজন কে রয়েছেন, তিনিই খাচ্ছেন।

ঠাকুর ‘ঠিক বলেছ’ বলিয়া হাস্য করিতে লাগিলেন।

এইরূপ অনেক ঘটনার উল্লেখ করা যাইতে পারে। দেখা যায়, প্রবল মানসিক ভাবতরঙ্গে ঐ সকল সময়ে ঠাকুরের শরীরে

প্রবল মনোভাবে  
ঠাকুরের শরীর  
পরিবর্তিত  
হওয়া

পরিবর্তন আসিয়া উপস্থিত হইত যে, তাঁহাকে তখন যেন আর এক ব্যক্তি বলিয়া বোধ হইত এবং তাঁহার চাল-চলন, আহার-বিহার, ব্যবহার প্রভৃতি সকল বিষয়ই যেন অগ্ৰ প্রকারের হইয়া যাইত! অথচ

ঐরূপ বিপরীত আচরণে ভাবভঙ্গের পরেও শরীরে কোনরূপ বিকার লক্ষিত হইত না! ভিতরে অবস্থিত মনই যে আমাদের স্থূল

## শ্রীশ্রীরামকৃষ্ণলীলাপ্রসঙ্গ

শরীরটাকে সৰ্বক্ষণ ভাবিতেছে, গড়িতেছে, নূতন করিয়া নিৰ্মাণ করিতেছে—এ বিষয়টি আমরা জানিয়াও জানি না, শুনিয়াও বিশ্বাস করি না। কিন্তু বাস্তবিকই যে ঐরূপ হইতেছে তাহার প্রমাণ আমরা এ অদ্ভুত ঠাকুরের জীবনের এই সামান্য ঘটনাসমূহের আলোচনা হইতেও বেশ বুঝিতে পারি। কিন্তু থাক এখন ও কথা, আমরা পূৰ্ব্ব কথারই অনুসরণ করি।

কেহ কেহ বলেন, ভৈরবী ব্রাহ্মণীর মুখেই বৈষ্ণবচরণের কথা মথুর বাবু প্রথম জানিতে পারেন এবং তাঁহাকে আনাইয়া ঠাকুরের

বৈষ্ণবচরণের	আধ্যাত্মিক অবস্থাসকল শারীরিক ব্যাধিবিশেষের
আগমনে	সহিত যে সম্মিলিত নহে, তাহা পরীক্ষা করাইবার
দক্ষিণেশ্বরে	মানস করেন। যাহাই হউক, কিছুদিন পরে
পণ্ডিতসভা	বৈষ্ণবচরণ নিমন্ত্রিত হইয়া দক্ষিণেশ্বরে উপস্থিত

হইলেন। ঐ দিন যে একটি ছোটখাট পণ্ডিতসভার আয়োজন হইয়াছিল, তাহা আমরা অনুমান করিতে পারি। বৈষ্ণবচরণের সঙ্গে কতকগুলি ভক্ত সাধক ও পণ্ডিত নিশ্চয়ই দক্ষিণেশ্বরে আসিয়া-ছিলেন; তাহার উপর বিদুষী ব্রাহ্মণী ও মথুর বাবুর দলবল, সকলে ঠাকুরের জগ্ন একত্র সম্মিলিত; সেই জগ্নই সভা বলিতেছি।

এইবার ঠাকুরের অবস্থা সম্বন্ধে আলোচনা চলিল। ব্রাহ্মণী ঠাকুরের অবস্থা সম্বন্ধে যাহা লোকমুখে শুনিয়াছেন এবং যাহা ঠাকুরের অবস্থা সম্বন্ধে ঐ সভায়

স্বয়ং চক্ষে দেখিয়াছেন সেই সমস্তের উল্লেখ	করিয়া ভক্তিপথের পূৰ্ব্ব প্রসিদ্ধ আচার্য্য-গণের জীবনে যে-সকল অনুভব আসিয়া
উপস্থিত হইয়াছিল, শাস্ত্রে লিপিবদ্ধ ঐ সকল কথার সহিত	

## বৈষ্ণবচরণ ও গৌরীর কথা

ঠাকুরের বর্তমান অবস্থা মিলাইয়া উহা একজাতীয় অবস্থা বলিয়া নিজমত প্রকাশ করিলেন। বৈষ্ণবচরণকে সম্বোধন করিয়া বলিলেন, “আপনি যদি এ বিষয়ে অনুরূপ বিবেচনা করেন, তাহা হইলে ঐরূপ কেন করিতেছেন তাহা আমাকে বুঝাইয়া দিন।” মাতা যেমন নিজ সন্তানকে রক্ষা করিতে বীরদর্পে দণ্ডায়মান হন, ব্রাহ্মণীও যেন আজ সেইরূপ কোন দৈববলে বলশালিনী হইয়া ঠাকুরের পক্ষ সমর্থনে অগ্রসর। আর ঠাকুর—যাঁহার জন্ত এত কাণ্ড হইতেছে? আমরা যেন চক্ষুর সম্মুখে দেখিতেছি, ঠাকুর বাদানুবাদে নিবিষ্ট ঐ সকল লোকের ভিতর আলুথালু ভাবে বসিয়া ‘আপনাতে আপনি’ আনন্দানুভব ও হাস্য করিতেছেন, আবার কখন বা নিকটস্থ বেটুয়াটি হইতে দুটি মউরি বা কাবাবচিনি মুখে দিয়া তাঁহাদের কথাবার্তা এমনভাবে শুনিতেছেন যেন ঐ সকল কথা অপর কাহারও সম্বন্ধে হইতেছে! আবার কখন বা নিজের অবস্থার বিষয়ে কোন কথা “ওগো, এই রকমটা হয়” বলিয়া বৈষ্ণবচরণের অঙ্গ স্পর্শ করিয়া তাঁহাকে বলিতেছেন।

কেহ কেহ বলেন, বৈষ্ণবচরণ সাধনপ্রসূত স্মৃদ্ধৃষ্টিসহায়ে ঠাকুরকে দেখিবামাত্রই মহাপুরুষ বলিয়া চিনিতে পারিয়াছিলেন।

কিন্তু পারেন আর নাই পারেন, এ ক্ষেত্রে সকল ঠাকুরের কথা শুনিয়া ঠাকুরের সম্বন্ধে তিনি ব্রাহ্মণীর সকল বৈষ্ণবচরণের কথাই হৃদয়ের সহিত যে অনুমোদন করেন, সিদ্ধান্ত একথা আমরা ঠাকুরের শ্রীমুখে শুনিয়াছি। শুধু তাহাই নহে—বলিয়াছিলেন যে, যে প্রধান প্রধান উনবিংশ প্রকার

## শ্রীশ্রীরামকৃষ্ণলীলাপ্রসঙ্গ

ভাব বা অবস্থার সম্মিলনকে শক্তিশাস্ত্র ‘মহাভাব’ বলিয়া নির্দেশ করিয়াছেন এবং যাহা কেবল একমাত্র ভাবময়ী শ্রীরাধিকা ও ভগবান শ্রীচৈতন্যদেবের জীবনেই এ পর্য্যন্ত লক্ষিত হইয়াছে, কি আশ্চর্য্য তাহার সকল লক্ষণগুলিই (ঠাকুরকে দেখাইয়া) ইহাতে প্রকাশিত বোধ হইতেছে! জীবের ভাগ্যক্রমে যদি কখন জীবনে মহাভাবের আভাস উপস্থিত হয়, তবে ঐ উনিশ প্রকারের অবস্থার ভিতর বড় জোর দুই পাঁচটা অবস্থাই প্রকাশ পায়! জীবের শরীর ঐ উনিশ প্রকার ভাবের উদ্দাম বেগ কখনই ধারণ করিতে সমর্থ হয় নাই এবং শাস্ত্র বলেন পরেও ধারণে কখন সমর্থ হইবে না। মথুর প্রভৃতি উপস্থিত সকলে বৈষ্ণব-চরণের কথা শুনিয়া একেবারে অবাক! ঠাকুরও স্বয়ং বালকের গায় বিষ্ময় ও আনন্দে মথুরকে বলিলেন, “ওগো, বলে কি? যা হোক, বাপু, রোগ নয় শুনে মনটায় আনন্দ হচ্ছে।”

ঠাকুরের অবস্থা সম্বন্ধে ঐরূপ মতপ্রকাশ বৈষ্ণবচরণ যে একটা কথার কথামাত্র ভাবে করেন নাই, তাহার প্রমাণ

কুর্ভাষাজাদি	আমরা তাঁহার অজ্ঞ হইতে ঠাকুরের প্রতি শ্রদ্ধা
সম্প্রদায় সম্বন্ধে	ও ভালবাসার আধিক্য হইতেই পাইয়া থাকি।
ঠাকুরের মত	এখন হইতে তিনি ঠাকুরের দিব্য সঙ্গস্থলের জন্ত

প্রায়ই মধ্যে মধ্যে দক্ষিণেশ্বরে আসিতে থাকেন, নিজের গোপনীয় রহস্যসাধন-সমূহের কথা ঠাকুরকে বলিয়া তাঁহার মতামত গ্রহণ করেন এবং কখন কখন নিজ সাধনপথের সমস্ত ভক্ত-সাধক সকলেও যাহাতে ঠাকুরের সহিত পরিচিত হইয়া তাঁহার গায় কৃতার্থ হইতে পারেন, তজ্জন্ত তাঁহাদের নিকটেও তাঁহাকে বেড়াইতে লইয়া যান।

## বৈষ্ণবচরণ ও গৌরীর কথা

পবিত্রতার, ঘনীভূত প্রতিমা-সদৃশ দেবস্বভাব ঠাকুর ইহাদের সহিত মিলিত হইয়া এবং ইহাদের জীবন ও গুপ্ত সাধনপ্রণালীসমূহ অবগত হইয়া সাধারণ দৃষ্টিতে দূষণীয় এবং নিন্দ্যাই অতুষ্ঠানসকলও যদি কেহ 'ভগবান-লাভের জন্ত করিতেছি,' ঠিক ঠিক এই ভাব হৃদয়ে ধারণ করিয়া সাধন বলিয়া অতুষ্ঠান করে, তবে ঐ সকল হইতেও অধঃপাতে না গিয়া কালে ক্রমশঃ ত্যাগ ও সংযমের অবিকারী হইয়া ধর্মপথে অগ্রসর হয় ও ভগবন্তুক্তি লাভ করে—এ বিষয়টি হৃদয়ঙ্গম করিবার অবসর পাইয়াছিলেন। তবে প্রথম প্রথম ঐ সকল অতুষ্ঠানের কথা শুনিয়া এবং কিছু কিছু স্বচক্ষে দর্শন করিয়া ঠাকুরের মনে 'ইহারা সব বড় বড় কথা বলে অথচ এমন সব হীন অতুষ্ঠান করে কেন?'—এরূপ ভাবেরও যে উদয় হইয়াছিল, একথা আমরা তাঁহার শ্রীমুখ হইতে অনেক সময় শুনিয়াছি। কিন্তু পরিশেষে ইহাদের ভিতরে যাহারা যথার্থ সরল বিশ্বাসী ছিলেন, তাঁহাদের আধ্যাত্মিক উন্নতি হইতে দেখিয়া ঠাকুরের মত-পরি-বর্তনের কথাও আমরা তাঁহারই নিকট শুনিয়াছি। ঐ সকল সাধন-পথাবলম্বীদিগের উপর আমাদের বিদ্রোহবুদ্ধি দূর করিবার জন্ত ঠাকুর তাঁহার ঐ বিষয়ক ধারণা আমাদের নিকট কখন কখন এইভাবে প্রকাশ করিতেন—“ওরে, ঘেঁষবুদ্ধি করবি কেন? জান্‌বি ওটাও একটা পথ, তবে অশুদ্ধ পথ। বাড়ীতে ঢোকবার যেমন নানা দরজা থাকে—সদর ফটক থাকে, খিড়কির দরজা থাকে, আবার বাড়ীর ময়লা সাফ করবার জন্ত, বাড়ীর ভেতর মেথর ঢোকবারও একটা দরজা থাকে—এও জান্‌বি তেমনি একটা পথ। যে যেদিক দিয়েই ঢুকুক না কেন, বাড়ীর ভিতরে ঢুকলে সকলে

## শ্রীশ্রীরামকৃষ্ণলীলাপ্রসঙ্গ

একস্থানেই পৌঁছয়। তা বলে কি তোদের ঐরূপ করতে হবে? না—ওদের সঙ্গে মিশতে হবে? তবে ঘেঁষ করব না।”

প্রবৃত্তিপূর্ণ মানব-মন কি সহজে নিবৃত্তিপথে উপস্থিত হয়? সহজে কি সে শুদ্ধ সরলভাবে ঈশ্বরকে ডাকিতে ও তাঁহার

প্রবৃত্তিপূর্ণ শ্রীপাদপদ্ম লাভ করিতে অগ্রসর হয়? শুদ্ধতার মানবকিরূপ ভিতরে সে কিছু কিছু অশুদ্ধতা স্বেচ্ছায় ধরিয়া ধর্ম চায় রাখিতে চায়; কামকাঞ্চন-ত্যাগ করিয়াও উহার

একটু আধটু গন্ধ প্রিয় বোধ করে; অশেষ কষ্ট স্বীকার করিয়া শুদ্ধভাবে জগদম্বার পূজা করিতে হইবে একথা লিপিবদ্ধ করিবার পরেই তাঁহার সন্তোষার্থ বিপরীত কামভাবসূচক মঙ্গীত গাহিবার বিধান পূজাপদ্ধতির ভিতর ঢুকাইয়া রাখে! ইহাতে বিস্মিত হইবার বা নিন্দা করিবার কিছুই নাই। তবে ইহাই বুঝা যায় যে, জনস্বকোটব্রহ্মাণ্ড-নাটিকা মহামায়ার প্রবল প্রতাপে দুর্বল মানব কামকাঞ্চনের কি বজ্র-বন্ধনেই আবদ্ধ রহিয়াছে! বুঝা যায় যে, তিনি এ বন্ধন রূপা করিয়া না ঘুচাইলে জীবের মুক্তিলাভ একান্ত অসাধ্য। বুঝা যায় যে, তিনি কাহাকে কোন পথ দিয়া মূর্ত্তিপথে অগ্রসর করিয়া দিতেছেন তাহা মানব বুদ্ধির অগম্য। আর স্পষ্ট বুঝা যায় যে, আপনার অন্তরের কথা তন্ন তন্ন করিয়া জানিয়া ধরিয়া এ অদ্ভুত ঠাকুরের জীবন-রহস্য তুলনায় পাঠ করিতে বসিলে ইনি এক অপূর্ব, অমানব, পুরুষোত্তম পুরুষ স্বেচ্ছায় লীলায় বা আমাদের প্রতি করুণায় আমাদের এই হীন সংসারে কিছু কালের জন্ত—বহিদৃষ্টে দীনের দীন ভাবে হইলেও জ্ঞানদৃষ্টে—রাজরাজেশ্বরের মত বাস করিয়া গিয়াছেন।

## বৈষ্ণবচরণ ও গৌরীর কথা।

বৈদিক যুগের যাগযজ্ঞাদিপূর্ণ কর্মকাণ্ডে যোগের সহিত ভোগের মিলন ছিল; দেবতার উপাসনা করিয়াই রূপরসাদি সকল বিষয়ের নিয়মিত ভোগ করাই মানবজীবনের উদ্দেশ্য বলিয়া নিদিষ্ট ছিল। ঐ সকলের অহুষ্ঠান করিতে করিতে মানব-  
তত্ত্বোৎপত্তির ইতিহাস ও মন যখন অনেকটা বাসনাবজ্জিত হইয়া আসিত তত্ক্ষণে নূতন তখনই সে উপনিষদোক্ত শুদ্ধা ভক্তির সহিত ঈশ্বরের উপাসনা করিয়া কৃতার্থ হইত। কিন্তু বৌদ্ধযুগে চেষ্টা হইল অগ্র প্রকারের। অরণ্যবাসী বাসনাশূন্য সাধকদিগের শুদ্ধভাবের উপাসনা ভোগবাসনাপূর্ণ সংসারী মানবকে নিবিশেষে শিক্ষা দিবার বন্দোবস্ত হইল। তাৎকালিক রাজশাসনও বৌদ্ধ যতি-দিগের ঐ চেষ্টার সহায়তা করিতে লাগিল। ফলে দাঁড়াইল, বৈদিক যাগযজ্ঞাদির—যাহা প্রবৃত্তিমার্গে স্থিত মানবমনকে নিয়মিত ভোগাদি প্রদান করিতে করিতে ধীরে ধীরে যোগের নিবৃত্তিমার্গে উপনীত করিতেছিল—বাহিরে উচ্ছেদ, কিন্তু ভিতরে ভিতরে নীরব নিশীথে জনশূন্য বিভীষিকাপূর্ণ শ্মশানাদির চত্বরে অহুষ্ঠেয় তত্ত্বোক্ত গুপ্ত সাধনপ্রণালীরূপে প্রকাশ। তত্ত্ব প্রকাশ, মহাযোগী মহেশ্বর বৈদিক অহুষ্ঠানসকল নিজীব হইয়া গিয়াছে দেখিয়া উহাদিগকে পুনরায় সজীব করিয়া ভিন্নাকারে তত্ত্বরূপে প্রকাশিত করিলেন। এই প্রবাদে বাস্তবিকই মহা সত্য নিহিত রহিয়াছে। কারণ তত্ত্ব বৈদিক ক্রিয়াকাণ্ডের দ্বারা যোগের সহিত ভোগের সম্মিলন ত লক্ষিত হইয়াই থাকে, তদ্বিত্ত বৈদিক কর্মকাণ্ডসমূহ যেমন উপনিষদের জ্ঞানকাণ্ডসমূহ হইতে স্বদূরে পৃথকভাবে অবস্থান করিতেছিল, তাস্ত্রিক অহুষ্ঠানসকল তেমন



## শ্রীশ্রীরামকৃষ্ণলীলাপ্রসঙ্গ

ভাবে না থাকিয়া প্রতি ক্রিয়াটিই অদ্বৈত জ্ঞানের সহিত ঘনিষ্ঠ-ভাবে জড়িত রহিয়াছে—ইহাও পরিলক্ষিত হয়। দেখ না—তুমি কোনও দেবতার পূজা করিতে বসিলে অগ্রেই কুল-কুণ্ডলিনীকে মস্তকস্থ সহস্রারে উঠাইয়া ঈশ্বরের সহিত অদ্বৈতভাবে অবস্থানের চিন্তা তোমায় করিতে হইবে; পরে পুনরায় তুমি তাঁহা হইতে ভিন্ন হইয়া জীবভাব ধারণ করিলে এবং ঈশ্বর-জ্যোতিঃ ঘনীভূত হইয়া তোমার পূজা দেবতারূপে প্রকাশিত হইলেন এবং তুমি তাঁহাকে তোমার ভিতর হইতে বাহিরে আনিয়া পূজা করিতে বসিলে—ইহাই চিন্তা করিতে হইবে। মানবজীবনের যথার্থ উদ্দেশ্য—প্রেমে ঈশ্বরের সহিত একাকার হইয়া যাইবার কি সুন্দর চেষ্টাই না ঐ ক্রিয়ায় লক্ষিত হইয়া থাকে! অবশ্য মহত্বের ভিতর হয়ত একজন উন্নত উপাসক ঐ ক্রিয়াটি ঠিক ঠিক করিতে পারেন, কিন্তু সকলেই ঐরূপ করিবার অল্পবিস্তর চেষ্টাও ত করে, তাহাতেই যে বিশেষ লাভ। কারণ ঐরূপ করিতে করিতেই যে তাহারা ধীরে ধীরে উন্নত হইবে। তন্ম্বের প্রতি ক্রিয়ার সহিতই এইরূপে অদ্বৈত জ্ঞানের ভাব সম্মিলিত থাকিয়া সাধককে চরম লক্ষ্যের কথা স্মরণ করাইয়া দেয়। ইহাই তত্ত্বোক্ত সাধন-প্রণালীর বৈদিক ক্রিয়াকলাপ হইতে নূতনত্ব এবং এইজন্তই তত্ত্বোক্ত সাধন-প্রণালীর ভারতের জনসাধারণের মনে এতদূর প্রভুত্ব-বিস্তার।

তন্ম্বের আর এক নূতনত্ব—জগৎকার মহামায়ার মাতৃভাবের প্রচার এবং সঙ্গে সঙ্গে যাবতীয় শ্রীমূর্তির উপর একটা শুদ্ধ পবিত্র ভাব আনয়ন। বেদ পুরাণ ঘাঁটিয়া দেখ, এ ভাবটি

## বৈষ্ণবচরণ ও গৌরীর কথা

আর কোথাও নাই। উহা তন্ত্রের একেবারে নিজস্ব। বেদের সংহিতাভাগে স্ত্রী-শরীরের উপাসনার একটু আধটু বীজ মাত্রই তন্ত্রে দেখিতে পাওয়া যায়; যথা, বিবাহকালে কন্যার বীরাচারের ইন্দ্রিয়কে ‘প্রজাপতেদ্বিতীয়ং মুখং’ বা সৃষ্টিকর্ত্তর প্রবেশেতিহাস সৃষ্টি করিবার দ্বিতীয় মুখ বলিয়া নির্দেশ করিয়া উহা যাহাতে সুন্দর তেজস্বী গর্ভ ধারণ করে এজন্ত ‘গর্ভং ধেহি সিনীবাণি’ ইত্যাদি মন্ত্রে উহাতে দেবতাসকলের উপাসনার এবং ঐ ইন্দ্রিয়কে পবিত্রভাবে দেখিবার বিশেষ বিধান আছে। কিন্তু তাহা বলিয়া কেহ যেন না মনে করেন, বৈদিক সময় হইতেই ষোণিলিঙ্গের উপাসনা ভারতে প্রচলিত ছিল। বাবিল-নিবাসী সূমের জাতি এবং তচ্ছাখা দ্রাবিড় জাতির মধ্যেই স্থূলভাবে ঐ উপাসনা যে প্রথম প্রচলিত ছিল, ইতিহাস তাহা প্রমাণিত করিয়াছে। ভারতীয় তন্ত্র বেদের কৰ্ম্মকাণ্ড ও জ্ঞানকাণ্ডের ভাব যেমন আপন শরীরে প্রত্যেক অঙ্গুষ্ঠানের সহিত একত্র সম্মিলিত করিয়াছিল, তেমনি আবার অবিকারী বিশেষের আধ্যাত্মিক উন্নতি ঐ উপাসনার ভিতর দিয়াই সহজে হইবে দেখিয়া দ্রাবিড় জাতির ভিতরে নিবদ্ধ স্ত্রীশরীরের উপাসনাটির স্থূলভাব অনেকটা উন্টাইয়া দিয়া উহার সহিত পূৰ্ব্বোক্ত বৈদিক যুগের উপাসনার উচ্চ আধ্যাত্মিক ভাবটি সম্মিলিত করিয়া পূর্ণ বিকশিত করিল এবং ঐরূপে উহাও নিজাঙ্গে মিলিত করিয়া লইল। তন্ত্রে বীরাচারের উৎপত্তি এইভাবেই হইয়াছিল বলিয়া বোধ হয়। তন্ত্রকার কুলাচার্য্যগণ ঠিকই বুঝিয়াছিলেন—প্রবৃত্তিপূর্ণ মানব স্থূল রূপরসাদির অল্পবিস্তর ভোগ করিবে, কিন্তু যদি কোনরূপে তাহার

প্রিয় ভোগ্যবস্তুর উপর ঠিক ঠিক আন্তরিক শ্রদ্ধার উদয় করিয়া দিতে পারেন, তবে সে কত ভোগ করিবে করুক না ; ঐ তীত্র শ্রদ্ধাবলে স্বল্পকালেই সংযমাদি আধ্যাত্মিক ভাবের অধিকারী হইয়া দাঁড়াইবে নিশ্চয় । সে জনই তাঁহারা প্রচার করিলেন—‘নারীশরীর পবিত্র তীর্থস্বরূপ, নারীতে মহুগ্ৰবুদ্ধি ত্যাগ করিয়া দেবী-বুদ্ধি সর্বদা রাখিবে এবং জগদম্বার বিশেষ শক্তিপ্রকাশ ভাবনা করিয়া সর্বদা স্ত্রীমূর্তিতে ভক্তি শ্রদ্ধা করিবে ; নারীর পাদোদক ভক্তিপরায়ণ হইয়া পান করিবে এবং ভ্রমেও কখনও নারীর নিন্দা বা নারীকে প্রহার করিবে না ।’ যথা—

যশ্চাঃ অঙ্কে মহেশানি সৰ্ব্বতীর্থানি সন্তি বৈ ।

—পুরাশচরণোপাস্ততন্ত্র, ১৪ পটল

শক্তৌ মহুগ্ৰবুদ্ধিস্ত যঃ কৰোতি বরাননে ।

ন তন্ত্ৰ মন্ত্ৰসিদ্ধিঃ স্ত্রাদ্বিপরীতং ফলং লভেৎ ॥

—উত্তরতন্ত্র, ২য় পটল

শক্ত্যাঃ পাদোদকং যন্ত পিবেন্তুভক্তিপরায়ণঃ ।

উচ্ছিষ্টং বাপি ভূঞ্জীত তন্ত্ৰ সিদ্ধিরখণ্ডিতা ॥

—নিগমকল্পদ্রুম

স্ত্রিয়ো দেবাঃ স্ত্রিয়ঃ পুণ্যাঃ স্ত্রিয় এব বিভূষণম্ ।

স্ত্রীদ্বেষো নৈব কর্তব্যস্তাস্ত্র নিন্দাং প্রহারকম্ ॥

—মুণ্ডমালাতন্ত্র, ৫ম পটল

কিন্তু হইলে কি হইবে? কালে তান্ত্রিক সাধুদিগের ভিতরেও এমন একটা যুগ আসিয়াছিল যখন ঈশ্বরীয় জ্ঞানলাভ ছাড়িয়া তাঁহারা সামান্য সামান্য মানসিক শক্তি বা সিদ্ধাইসকল-লাভেই

## বৈষ্ণবচরণ ও গৌরীর কথা

মনোনিবেশ করিয়াছিলেন। এই সময়েই নানাপ্রকার অস্বাভাবিক

প্রত্যেক তত্ত্বে  
উত্তম ও অধম  
দুই বিভাগ  
আছে  
সাধনপ্রণালী ও ভূতপ্রেতাদির উপাসনা তত্ত্বশরীরে  
প্রবিষ্ট হইয়া উহাকে বর্তমান আকার ধারণ  
করাইয়াছিল। প্রতি তত্ত্বের ভিতরেই সেক্ষণ উত্তম  
ও অধম, উচ্চ ও হীন এই দুই স্তরের বিচ্যুতমানতা

দেখিতে পাওয়া যায় এবং উচ্চাঙ্গের ঈশ্বরোপাসনার সহিত হীনান্দের  
সাধনসকলও সন্নিবেশিত দেখা যায়। আর যাহার যেমন প্রকৃতি  
সে এখন উহার ভিতর হইতে সেই মতটি বাহিয়া লয়।

মহাপ্রভু শ্রীকৃষ্ণচৈতন্যের প্রাদুর্ভাবে আবার একটি নূতন  
পরিবর্তন তত্ত্বোক্ত সাধনপ্রণালীতে আসিয়া উপস্থিত হয়। তিনি

ও তৎপরবর্তী বৈষ্ণবাচার্য্যগণ সাধারণে দ্বৈতভাবের  
গৌড়ীয়  
বৈষ্ণবসম্প্রদায়-  
প্রবর্তিত নূতন  
পূজা-প্রণালী  
বিস্তারেই মঙ্গল ধারণা করিয়া তাত্ত্বিকসাধন-  
প্রণালীর ভিতর হইতে অদ্বৈতভাবের ক্রিয়াগুলি  
অনেকাংশে বাদ দিয়া কেবল তত্ত্বোক্ত মন্ত্রশাস্ত্র

ও বাহ্যিক উপাদানটি জনসাধারণে প্রচলিত  
করিলেন। এই উপাসনা ও পূজাদিতেও তাঁহারা নবীন ভাব  
প্রকাশ করাষ্টয়া আত্মবৎ দেবতার সেবা করিবার উপদেশ দিলেন।  
তাত্ত্বিক দেবতাকুল নিবেদিত ফলমূল আহাৰ্য্যাদি দৃষ্টিমাত্রেই  
সাধকের নিমিত্ত পূত করিয়া দেন এবং উহার গ্রহণে সাধকের  
কামক্রোধাদি পশুভাবের বৃদ্ধি না হইয়া আধ্যাত্মিক ভাবই বৃদ্ধি  
পাইয়া থাকে—ইহাই সাধারণ বিশ্বাস। বৈষ্ণবাচার্য্যগণের নব-  
প্রবর্তিত প্রণালীতে দেবতাগণ এই সকল আহাৰ্য্যের সূক্ষ্মাংশ এবং  
সাধকব ভক্তির আতিশয্য ও আগ্রহনিবন্ধে কখন কখন স্থলাংশও

## শ্রীশ্রীরামকৃষ্ণলীলাপ্রসঙ্গ

গ্রহণ করিয়া থাকেন—এইরূপ বিশ্বাস প্রচলিত হইল। উপাসনা-প্রণালীতে এইরূপে আরও অনেক পরিবর্তন বৈষ্ণবাচার্য্যগণ কর্তৃক সংসাধিত হয়, তন্মধ্যে প্রধান এইটিই বলিয়া বোধ হয় যে তাঁহারা যতদূর সম্ভব তদ্রোক্ত পশুভাবেরই প্রাধান্য স্থাপন করিয়া বাহ্যিক শৌচাচারের পক্ষপাতী হইয়াছিলেন এবং আহারে শৌচ, বিহারে শৌচ, সকল বিষয়ে শুচিশুদ্ধ থাকিয়া ‘জপাং সিদ্ধির্জপাং সিদ্ধির্জপাং সিদ্ধির্নসংশয়ঃ’—নামই ব্রহ্ম—এইজ্ঞানে কেবলমাত্র শ্রীভগবানের নাম-জপ দ্বারাই জীব সিদ্ধকাম হইবে, এই মত সাধারণে প্রচার করিয়াছিলেন।

কিন্তু তাঁহারা ঐরূপ করিলে কি হইবে? তাঁহাদের তিরোভাবের স্বল্পকাল পরেই প্রবৃত্তিপূর্ণ মানবমন তাঁহাদের প্রবর্তিত শুদ্ধমার্গেও

ঐ প্রণালী হইতে কালে কর্ত্তভঙ্গাদি মন্তের উৎপত্তি ও সে-সকলের সার কথা	কলুষিত ভাবসকল প্রবেশ করাইয়া ফেলিল। সূক্ষ্ম ভাবটুকু ছাড়িয়া স্থূল বিষয় গ্রহণ করিয়া বসিল— পরকীয়া নায়িকার উপপতির প্রতি আন্তরিক টানটুকু গ্রহণ করিয়া ঈশ্বরে উহার আরোপ না করিয়া পরকীয়া স্ত্রী-ই গ্রহণ করিয়া বসিল এবং এইরূপে তাঁহাদের প্রবর্তিত শুদ্ধযোগ-মার্গের
---	--

ভিতরেও কিছু কিছু ভোগ প্রবেশ করাইয়া উহাকে কতকটা নিজের প্রবৃত্তির মত করিয়া লইল! ঐরূপ না করিয়াই বা সে করে কি? সে যে অত শুদ্ধভাবে চলিতে অক্ষম। সে যে যোগ ও ভোগের মিশ্রিত ভাবই গ্রহণ করিতে পারে। সে ঐচ্ছিকভাবে চায় কিন্তু তৎসঙ্গে একটু আধটু রূপরসাদি-ভোগের লালনা রাখে। সেইজন্যই বৈষ্ণব-সম্প্রদায়ের ভিতর কর্ত্তভঙ্গা, আউল, বাউল, দরবেশ, সাঁই

## বৈষ্ণবচরণ ও গৌরীর কথা

প্রভৃতি, মন্ত্রের উপাসনা ও গুপ্ত সাধনপ্রণালীসকলের উৎপত্তি।  
অন্তএব এই সকলের মূলে দেখিতে পাওয়া যায় সেই বহুপ্রাচীন  
বৈদিক কর্মকাণ্ডের প্রবাহ, সেই যোগ ও ভোগের সম্মিলন; আর  
দেখিতে পাওয়া যায় সেই তাত্ত্বিক কুলাচার্যগণের প্রবর্তিত অদ্বৈত-  
জ্ঞানের সহিত প্রতি ক্রিয়ার সম্মিলনের কিছু কিছু ভাব।

কর্তাভজা প্রভৃতি সম্প্রদায়ের ঈশ্বর, মুক্তি, সংঘম, ত্যাগ, প্রেম  
প্রভৃতি বিষয়ক কয়েকটি কথার এখানে উল্লেখ করিলেই পাঠক

আমাদের পূর্বোক্ত কথা সহজে বুঝিতে পারিবেন।

কর্তাভজাদি  
মতে সাধ্য ও  
সাধনবিধি  
সম্বন্ধে  
উপদেশ

ঠাকুর এই সকল সম্প্রদায়ের কথা বলিতে বলিতে

অনেক সময় এগুলি আমাদের বলিতেন। সরল

ভাষায় ও ছন্দোছন্দে লিপিবদ্ধ হইয়া উহার

অশিক্ষিত জনসাধারণের এই সকল বিষয় বুঝিবার

কতদূর সহায়তা করে, তাহা পাঠক এই সকল শ্রবণ করিলেই বুঝিতে

পারিবেন। এই সকল সম্প্রদায়ের লোকে ঈশ্বরকে ‘আলেকলতা’

বলিয়া নির্দেশ করেন। বলা বাহুল্য, সংস্কৃত ‘অলঙ্ক্য’ কথাটি হইতেই

‘আলেক্’ কথাটির উৎপত্তি। এই ‘আলেক্’ শুদ্ধমত মানবমনে প্রবিষ্ট

বা তদবলম্বনে প্রকাশিত হইয়া ‘কর্তা’ বা ‘গুরু’-রূপে আবির্ভূত হন।

এরূপ মানবকে ইহার ‘সহজ’ উপাধি দিয়া থাকেন। যথার্থ গুরুভাবে

ভাবিত মানবই এ সম্প্রদায়ের উপাস্ত বলিয়া নির্দিষ্ট হওয়ায় উহার

নাম ‘কর্তাভজা’ হইয়াছে। ‘আলেকলতার’ স্বরূপ ও বিশুদ্ধ মানবে

আবেশ সম্বন্ধে ইহার এইরূপ বলেন—

আলেকে আসে, আলেকে যায়,

আলেকের দেখা কেউ না পায়।

## শ্রীশ্রীরামকৃষ্ণলীলাপ্রসঙ্গ

আলেক্কে চিনিছে যেই,

তিন লোকের ঠাকুর সেই ।

‘সহজ’ মানুষের লক্ষণ—তিনি ‘অটুট’ হইয়া থাকেন অর্থাৎ রমণীর সঙ্গে সর্বদা থাকিলেও তাঁহার কখনও কামভাবে দৈর্ঘ্যচাচি হয় না ।

এই সম্বন্ধে ইহারা বলেন—

রমণীর সঙ্গে থাকে, না করে রমণ ।

সংসারে কামকাঙ্ক্ষনের ভিতর অনাসক্তভাবে না থাকিলে সাধক আধ্যাত্মিক উন্নতি লাভ করিতে পারে না, সেজ্জন্ম সাধকদিগের প্রতি উপদেশ—

রাধুনী হইবি, ব্যঞ্জন বাঁটিবি, হাঁড়ি না ছুঁইবি তায়,

সাপের মুখেতে ভেকেরে নাচাবি, সাপ না গিলিবে তায় ।

অমিয়-সাগরে সিনান করিবি, কেশ না ভিজিবে তায় ॥

তত্ত্বের ভিতর সাধকদিগকে যেমন পশু, বীর ও দিব্যভাবে শ্রেণীবদ্ধ করা আছে, ইহাদের ভিতরেও তেমনি সাধকের উচ্চাচর শ্রেণীর কথা আছে—

আউল, বাউল, দরবেশ, সাঁই

সাঁইয়ের পর আর নাই ।

অর্থাৎ সিন্ধু হইলে তবে মানব ‘সাঁই’ হইয়া থাকে ।

ঠাকুর বলিতেন, “ইহারা সকলে ঈশ্বরের ‘অরূপ রূপের’ ভজন করেন” এবং ঐ সম্প্রদায়ের কয়েকটি গানও আমাদের নিকট অনেক সময় গাইতেন । যথা—

## বৈষ্ণবচরণ ও গৌরীর কথা

বাউলের স্বর

ডুব্, ডুব্, ডুব্, রূপসাগরে আমার মন ।

তলাতল পাতাল খুঁজলে পাবিরে প্রেমরত্নধন ॥

( ওরে ) খোঁজ্ খোঁজ্ খোঁজ্, খুঁজলে পাবি হৃদয়মাঝে বৃন্দাবন ।

( আবার ) দীপ্, দীপ্, দীপ্, জ্ঞানের বাতি হৃদে জ্বলবে অলুক্ষণ ॥

ড্যাং ড্যাং ড্যাং ডাঙ্গায় ডিঙ্গি চালায় আবার সে কোন জন ?

কুবীর বলে শোন্ শোন্ শোন্ ভাব গুরুর শ্রীচরণ ॥

এইরূপে গুরুর উপাসনা ও সকলে একত্রিত হইয়া ভজনাদিতে নিবিষ্ট থাকা—ইহাই তাঁহাদের প্রধান সাধন । ইহারা দেবদেবীর মূর্ত্যাদির অস্বীকার না করিলেও উপাসনা বড় একটা করেন না । ভারতে গুরু বা আচার্য্যের উপাসনা অতীব প্রাচীন, উপনিষদের কাল হইতেই প্রবর্তিত বলিয়া বোধ হয় । কারণ উপনিষদেই রহিয়াছে “আচার্য্যদেবো ভব” । তখন দেবদেবীর উপাসনা আদৌ প্রচলিত হয় নাই বলিয়াই বোধ হয় । সেই আচার্য্যোপাসনা কালে ভারতে কতরূপ মূর্তি ধারণ করিয়াছে, দেখিয়া আশ্চর্য্য হইতে হয় ।

এতদ্ভিন্ন শুচি-অশুচি, ভাল-মন্দ প্রভৃতি ভেদজ্ঞান মন হইতে ত্যাগ করিবার জন্ত নানাপ্রকার অহুষ্ঠানও সাধককে করিতে হয় । ঠাকুর বলিতেন, সে-সকল, সাধকেরা গুরুপরম্পরায় অবগত হইয়া থাকেন । ঠাকুর তাহারও কিছু কিছু কখন কখন উল্লেখ করিতেন ।

ঠাকুরকে অনেক সময় বলিতে শুনা যাইত, ‘বেদ পুরাণ কানে শুনতে হয় ; আর তত্ত্বের সাধনসকল কাজে করতে হয়, হাতে



হাতে করতে হয়।' দেখিতেও পাওয়া যায়, ভারতের প্রায় সর্বত্রই স্থিতির অহুগামী সকলে কোন না কোনরূপ তান্ত্রিকী সাধনপ্রণালীর অনুসরণ করিয়া থাকেন। দেখিতে বৈষ্ণবচরণের ঠাকুরকে পাওয়া যায়, বড় বড় ত্রায়-বেদান্তের পণ্ডিতসকল কচ্ছিবাগানের অহুষ্ঠানে তান্ত্রিক। বৈষ্ণবসম্প্রদায়সকলের ভিতরেও আখড়ায় লইয়া সেইরূপ অনেকস্থলে দেখিতে পাওয়া যায়, বড় বড় যাইয়া পরীক্ষা ভাগবতাদি ভক্তিশাস্ত্রের পণ্ডিতগণ কর্তৃভজাদি সম্প্রদায়সকলের গুপ্ত সাধনপ্রণালী অনুসরণ করিতেছেন। পণ্ডিত বৈষ্ণবচরণও এই দলভুক্ত ছিলেন। কলিকাতার কয়েক মাইল উত্তরে কচ্ছিবাগানে ঐ সম্প্রদায়ের আখড়ার সহিত তাঁহার যানঠ সম্বন্ধ ছিল। ঐ সম্প্রদায়ভুক্ত অনেকগুলি স্ত্রীপুরুষ ঐ স্থলে থাকিয়া তাঁহার উপদেশমত সাধনাদিতে রত থাকিতেন। ঠাকুরকে বৈষ্ণবচরণ এখানে কয়েকবার লইয়া গিয়াছিলেন। শুনিয়াছি, এখানকার কতকগুলি স্ত্রীলোক ঠাকুরকে সদাসর্বক্ষণ সম্পূর্ণ নির্বিকার থাকিতে দেখিয়া এবং ভগবৎ-প্রেমে তাঁহার অদৃষ্টপূর্ব ভাবাদি হইতে দেখিয়া তিনি সম্পূর্ণরূপে ইন্দ্রিয়জয়ে সমর্থ হইয়াছেন কি না জানিবার জন্য পরীক্ষা করিতে অগ্রসর হইয়াছিলেন এবং তাঁহাকে 'অটুট মহজ' বলিয়া সম্মান প্রদর্শন করিয়াছিলেন। অবশ্য বালকস্বভাব ঠাকুর বৈষ্ণবচরণের সঙ্গে ও অহুরোধে তথায় সরলভাবেই বেড়াইতে গিয়াছিলেন। উহারা যে তাঁহাকে ঐরূপে পরীক্ষা করিবে, তিনি তাহার কিছুই জানিতেন না। বাহাই হউক, তদবধি তিনি আর ঐ স্থানে গমন করেন নাই।

## বৈষ্ণবচরণ ও গৌরীর কথা

ঠাকুরের অদ্ভুত চরিত্রবল, পবিত্রতা ও ভাবসমাদি দেখিয়া  
 বৈষ্ণবচরণের তাঁহার উপর বৈষ্ণবচরণের ভক্তিবিশ্বাস দিন দিন  
 ঠাকুরকে এতদূর বাড়িয়া গিয়াছিল যে, পরিশেষে তিনি  
 ঈশ্বরাবতার ঠাকুরকে সকলের সমক্ষে ঈশ্বরাবতার বলিয়া স্বীকার  
 জান করিতে কুণ্ঠিত হইতেন না।

বৈষ্ণবচরণ ঠাকুরের নিকট কিছুদিন যাতায়াত করিতে না  
 করিতেই ইন্দ্রেশ্বর গৌরী পণ্ডিত দক্ষিণেশ্বরে আসিয়া উপস্থিত  
 হইলেন। গৌরী পণ্ডিত একজন বিশিষ্ট তাত্ত্বিক  
 গৌরী পণ্ডিতের সাধক ছিলেন। দক্ষিণেশ্বর কালীবাটীতে তিনি  
 সিদ্ধাই পৌছিবামাত্র তাঁহাকে লইয়া একটি মজার ঘটনা  
 ঘটে। ঠাকুরের নিকটেই আমরা উহা শুনিয়াছি। ঠাকুর বলিতেন,  
 গৌরীর একটি সিদ্ধাই বা তপস্কালক ক্ষমতা ছিল। শাস্ত্রীয় তর্ক-  
 বিচারে আহুত হইয়া যেখানে তিনি যাইতেন সেই বাটীতে  
 প্রবেশকালে এবং যেখানে বিচার হইবে সেই সভাস্থলে প্রবেশ-  
 কালে তিনি উচ্চরবে কয়েকবার ‘হা রে রে রে, নিরালঙ্ঘ্যে  
 লঙ্ঘ্যদর-জননী কং যামি শরণম্’—এই কথাগুলি উচ্চারণ করিয়া  
 তবে সে বাটীতে ও সভাস্থলে প্রবেশ করিতেন; ঠাকুর বলিতেন,  
 জলদগন্তীরস্বরে বীরভাবচোতক ‘হা রে রে রে’ শব্দ এবং আচার্য্যকৃত  
 দেবীস্তোত্রের ঐ এক পাদ তাঁহার মুখ হইতে শুনিলে সকলের  
 হৃদয় কি একটা অব্যক্ত ত্রাসে চমকিত হইয়া উঠিত। উহাতে  
 দুইটি কার্য্য সিদ্ধ হইত। প্রথম, ঐ শব্দে গৌরীর ভিতরের  
 শক্তি সম্যক্ জাগরিতা হইয়া উঠিত এবং দ্বিতীয়, তিনি উহার  
 দ্বারা শত্রুপক্ষকে চমকিত ও মুগ্ধ করিয়া তাহাদের বলহরণ

## শ্রীশ্রীরামকৃষ্ণলীলাপ্রসঙ্গ

করিতেন। ঐরূপ শব্দ করিয়া এবং কুস্তিগীর পাহালোয়ানেরা  
যেভাবে বাহতে তাল ঠোকে সেইরূপ তাল ঠুকিতে ঠুকিতে গৌরী  
সভামধ্যে প্রবেশ করিতেন ও বাদসাহী দরবারে সভ্যরা যে ভাবে  
উপবেশন করিত, পদদ্বয় মুড়িয়া তাহার উপর সেইভাবে সভাস্থলে  
বসিয়া তিনি তর্কসংগ্রামে প্রবৃত্ত হইতেন। ঠাকুর বলিতেন, তখন  
গৌরীকে পরাজয় করা কাহারও সাধ্যায়ত্ত হইত না।

গৌরীর ঐ সিদ্ধাইয়ের কথা ঠাকুর জানিতেন না। কিন্তু  
দক্ষিণেশ্বর কালীবাটীতে পদার্পণ করিয়া যেমন গৌরী উচ্চরবে  
'হা রে রে রে' শব্দ করিলেন, অমনি ঠাকুরের ভিতরে কে  
যেন ঠেলিয়া উঠিয়া তাঁহাকে গৌরীর অপেক্ষা উচ্চরবে ঐ শব্দ  
করাইতে লাগিল। ঠাকুরের মুখনিঃসৃত ঐ শব্দে গৌরী উচ্চতর  
রবে ঐ শব্দ করিতে লাগিলেন। ঠাকুর তাহাতে উত্তেজিত হইয়া  
তদপেক্ষা অধিকতর উচ্চরবে 'হা রে রে রে' করিয়া উঠিলেন।  
ঠাকুর হাসিতে হাসিতে বলিতেন, বারংবার মেই দুই পক্ষের  
'হা রে রে রে' রবে যেন ডাকাত-পড়ার মত এক ভীষণ  
আওয়াজ উঠিল। কালীবাটীর দারোয়ানেরা যে যেখানে ছিল,  
শব্দব্যস্তে লাঠি-সোটা লইয়া তদভিমুখে ছুটিল! অগ্ন সকলে  
ভয়ে অস্থির। যাহা হউক, গৌরী এক্ষেত্রে ঠাকুরের অপেক্ষা  
উচ্চতর রবে আর ঐ সকল কথা উচ্চারণ করিতে না পারিয়া  
শাস্ত হইলেন এবং একটু যেন বিষণ্ণভাবে ধীরে ধীরে কালী-  
বাটীতে প্রবেশ করিলেন। অপর সকলেও ঠাকুর এবং নবাগত  
পণ্ডিতজীই ঐরূপ করিতেছিলেন জানিতে পারিয়া হাসিতে হাসিতে  
যে যাহার স্থানে চলিয়া গেল। ঠাকুর বলিতেন, "তারপর ম

## বৈষ্ণবচরণ ও গৌরীর কথা

জানিয়ে দিলেন, গৌরী যে শক্তি বা সিদ্ধাইয়ে লোকের বলহরণ করে' নিজে অজেয় থাকত, সেই শক্তির এখানে ঐক্যে পরাজয় হওয়াতে তার ঐ সিদ্ধাই থাকল না! মা তার কল্যাণের জন্য তার শক্তিটা (নিজেকে দেখাইয়া) এর ভিতর টেনে নিলেন।”  
বাস্তবিকও দেখা গিয়াছিল, গৌরী দিন দিন ঠাকুরের ভাবে মোহিত হইয়া তাঁহার সম্পূর্ণ বশতা স্বীকার করিয়াছিলেন।

পূর্বেই বলিয়াছি, গৌরী পণ্ডিত তান্ত্রিক সাধক ছিলেন।

গৌরীর ঠাকুরের শ্রীমুখে শুনিয়াছি, গৌরী প্রতি বৎসর আপন পত্নীকে ৬দুর্গাপূজার সময় জগদম্বার পূজার যথাযথ সমস্ত দেবীমূর্তিতে আয়োজন করিতেন এবং বসনালঙ্কারে ভূষিতা করিয়া আল্পনাদেশয়া পীঠে বসাইয়া নিজের গৃহিণীকে শ্রীশ্রীজগদম্বাজ্ঞানে তিন দিন ভক্তিভাবে পূজা করিতেন! তদ্ব্যতিরিক্ত শিক্ষা—যত স্ত্রী-মূর্তি, সকলই সাক্ষাৎ জগদম্বার মূর্তি—সকলের মধ্যেই জগন্মাতার জগৎপালিনী ও আনন্দদায়িনী শক্তির বিশেষ প্রকাশ। সেইজন্য স্ত্রী-মূর্তিমাত্রকেই মানবের পবিত্রভাবে পূজা করা উচিত। স্ত্রী-মূর্তির অন্তরালে শ্রীশ্রীজগন্মাতা স্বয়ং রহিয়াছেন, একথা স্মরণ না রাখিয়া ভোগ্যবস্তুমাত্র বলিয়া সকামভাবে স্ত্রী-শরীর দেখিলে উহাতে শ্রীশ্রীজগন্মাতারই অবমাননা করা হয় এবং উহাতে মানবের অশেষ অকল্যাণ আসিয়া উপস্থিত হয়। চণ্ডীতে দেবতাগণ দেবীকে স্তব করিতে করিতে ঐ কথা বলিতেছেন—

বিদ্যাঃ সমস্তাস্তব দেবি ভেদাঃ,

স্ত্রিয়ঃ সমস্তাঃ সকল্য জগৎসু।

## শ্রীশ্রীরামকৃষ্ণলীলাপ্রসঙ্গ

স্বয়ৈকয়া পূরিতমন্বয়েতং

কাতে স্তুতিঃ স্তব্যপরা পরোক্তিঃ ॥

হে দেবি ! তুমিই জ্ঞানরূপিণী ; জগতে উচ্চাচ যত প্রকার  
বিদ্যা আছে—যাহা হইতে লোকের অশেষ প্রকার জ্ঞানের উদয়  
হইতেছে—সে সকল তুমিই, তত্ত্বরূপে প্রকাশিতা। তুমিই স্বয়ং  
জগতের যাবতীয় স্ত্রী-মূর্তিরূপে বিদ্যমান। তুমিই একাকিনী সমগ্র  
জগৎ পূর্ণ করিয়া উহার সর্বত্র বর্তমান। তুমি অতুলনীয়,  
বাক্যাতীতা—স্তব করিয়া তোমার অনন্ত গুণের উল্লেখ করিতে  
কে কবে পারিয়াছে বা পারিবে।

ভারতের সর্বত্র আমরা নিত্যই ঐ স্তব অনেকে পাঠ করিয়া  
থাকি। কিন্তু হায় ! কয়জন কতক্ষণ দেবীবুদ্ধিতে স্ত্রী-শরীর  
অবলোকন করিয়া ঐরূপ যথাযথ সম্মান দিয়া বিশুদ্ধ আনন্দ হৃদয়ে  
অনুভব করিয়া কৃতার্থ হইতে উদয় করিয়া থাকি ? শ্রীশ্রীজগন্নাথার  
বিশেষ-প্রকাশের আধার-স্বরূপিণী স্ত্রী-মূর্তিকে হীন বুদ্ধিতে কলুষিত  
নয়নে দেখিয়া কে না দিনের ভিতর শতবার সহস্রবার তাঁহার অব-  
মাননা করিয়া থাকে ? হায় ভারত, ঐরূপ পশুবুদ্ধিতে স্ত্রী-শরীরের  
অবমাননা করিয়াই এবং শিবজ্ঞানে জীবসেবা করিতে ভুলিয়াই  
তোমার বর্তমান দুর্দশা। কবে জগদম্বা আবার রূপা করিয়া  
তোমার এ পশুবুদ্ধি দূর করিবেন, তাহা তিনিই জানেন।

গৌরী পণ্ডিতের আর একটি অদ্ভুত শক্তির কথা আমরা  
ঠাকুরের শ্রীমুখে শুনিয়াছিলাম। বিশিষ্ট তান্ত্রিক সাধকেরা  
জগন্নাথার নিত্যপূজাস্ত্রে হোম করিয়া থাকেন। গৌরীও সকল  
দিন না হউক, অনেক সময় হোম করিতেন। কিন্তু তাহার

হোমের প্রণালী অতি অদ্ভুত ছিল। অপর সাধারণে যেমন জমির উপর মৃত্তিকা বা বালুকা দ্বারা বেদি রচনা করিয়া তদুপরি কাষ্ঠ সাজাইয়া অগ্নি প্রজ্জলিত —

গৌরীর অদ্ভুত  
হোমপ্রণালী

থাকেন, তিনি সেরূপ করিতেন না। তিনি হস্ত

বামহস্ত শূণ্ণে প্রসারিত করিয়া হস্তের উপরেই এককালে একমণ কাষ্ঠ সাজাইতেন এবং অগ্নি প্রজ্জলিত করিয়া ঐ অগ্নিতে দক্ষিণ হস্ত দ্বারা আহুতি প্রদান করিতেন। হোম করিতে কিছু অল্প সময় লাগে না, ততক্ষণ হস্ত শূণ্ণে প্রসারিত রাখিয়া ঐ একমণ কাষ্ঠের গুরুভার ধারণ করিয়া থাকা এবং তদুপরি হস্তে অগ্নির উত্তাপ সহ করিয়া মন স্থির রাখা ও যথা-যথভাবে ভক্তিপূর্ণ হৃদয়ে আহুতি প্রদান করা—আমাদের নিকটে একেবারে অসম্ভব বলিয়াই বোধ হয়, সেজ্জন্ম আমাদের অনেকে ঠাকুরের মুখে শুনিয়াও ঐ কথা সহসা বিশ্বাস করিতে পারিতেন না। ঠাকুর তাহাতে তাঁহাদের মনোভাব বুঝিয়া বলিতেন, “আমি নিজের চক্ষে তাকে ঐরূপ করতে দেখেছি রে! ওটাও তার একটা সিদ্ধাই ছিল।”

গৌরীর দক্ষিণেশ্বরে আগমনের কয়েকদিন পরেই মথুর বাবু

বৈষ্ণবচরণ ও  
গৌরীকে লইয়া  
দক্ষিণেশ্বরে সভা।  
ভাবাবেশে

ঠাকুরের  
বৈষ্ণবচরণের  
স্বাক্ষরোৎসব ও  
তাহার গুণ

বৈষ্ণবচরণপ্রমুখ কয়েকজন সাধক পণ্ডিতদের আহ্বান করিয়া একটি সভার অধিবেশন করিলেন। উদ্দেশ্য, পূর্বের তায় ঠাকুরের আধ্যাত্মিক অবস্থার বিষয় শাস্ত্রীয় প্রমাণপ্রয়োগে নবাগত পণ্ডিতজীর সহিত আলোচনা ও নির্ধারণ করা। প্রাতেই সভা আহূত হয়। স্থান শ্রীশ্রীকালীমাতার মন্দিরের

## শ্রীশ্রীরামকৃষ্ণলীলাপ্রসঙ্গ

সম্মুখে নাটমন্দিরে। বৈষ্ণবচরণের কলিকাতা হইতে আসিতে বিলম্ব হইতেছে দেখিয়া ঠাকুর গৌরীকে সঙ্গে করিয়া অগ্রাই সভাস্থলে চলিলেন এবং সভাপ্রবেশের পূর্বে শ্রীশ্রীজগন্নাথ কালিকার মন্দিরে প্রবেশ করিয়া ভক্তিভরে তাঁহার শ্রীমূর্তিদর্শন ও শ্রীচরণবন্দনাদি করিয়া ভাবে টলমল করিতে করিতে যেমন মন্দিরের বাহিরে আসিলেন, অমনি দেখিলেন সম্মুখে বৈষ্ণবচরণ তাঁহার পদপ্রান্তে প্রণত হইতেছেন। দেখিয়াই ঠাকুর ভাবে প্রেমে সমাধিস্থ হইয়া বৈষ্ণবচরণের স্বচ্ছদে বসিয়া পড়িলেন এবং বৈষ্ণবচরণও উহাতে আপনাকে কৃতার্থ জ্ঞান করিয়া আনন্দে উল্লসিত হইয়া তদগোঁই রচনা করিয়া সংস্কৃত ভাষায় ঠাকুরের স্তব করিতে লাগিলেন! ঠাকুরের সেই সমাধিস্থ প্রমোদজ্বল মূর্তি এবং বৈষ্ণবচরণের তদ্রূপে আনন্দোচ্ছ্বসিত হৃদয়ে স্তললিত স্তবপাঠ দেখিয়া শুনিয়া মথুরাপ্রমুখ উপস্থিত সকলে স্থিরনেত্রে ভক্তিপূর্ণহৃদয়ে চতুর্দিশে দণ্ডায়মান হইয়া স্তম্ভিতভাবে অবস্থান করিতে লাগিলেন। কতক্ষণ পরে ঠাকুরের সমাধিভঙ্গ হইল, তখন ধীরে ধীরে সকলে তাঁহার সহিত সভাস্থলে যাঁইয়া উপবিষ্ট হইলেন।

এইবার সভার কার্য আরম্ভ হইল। কিন্তু গৌরী প্রথমেই বলিয়া উঠিলেন—( ঠাকুরকে দেখাইয়া ) “উনি যখন পণ্ডিতজীকে একরূপ রূপা করিলেন, তখন আজ আর আমি উহার ( বৈষ্ণবচরণের ) সহিত বাদে প্রবৃত্ত হইব না ; হইলেও আমাকে নিশ্চয় পরাজিত হইতে হইবে, কারণ উনি ( বৈষ্ণবচরণ ) আজ দৈববলে বলীয়ান। বিশেষতঃ উনি ( বৈষ্ণবচরণ ) ত দেখিতেছি আমারই মতের লোক—

## বৈষ্ণবচরণ ও গৌরীর কথা

ঠাকুরের সঙ্ক্ষে উহারও যাহা ধারণা, আমারও তাহাই; অতএব এস্থলে তর্ক নিম্প্রয়োজন।” অতঃপর শাস্ত্রীয় অগ্ৰাণ্য কথাবার্তায় কিছুক্ষণ কাটাইয়া সভা ভঙ্গ হইল।

গৌরী যে বৈষ্ণবচরণের পাণ্ডিত্যে ভয় পাইয়া তাঁহার সহিত অণু তর্কযুদ্ধে নিরস্ত হইলেন, তাহা নহে। ঠাকুরের চাল-চলন, আচার-ব্যবহার ও অগ্ৰাণ্য লক্ষণাদি দেখিয়া এই অল্পদিনেই তিনি তপস্বী-প্রসূত তীক্ষ্ণদৃষ্টিসহায়ে প্রাণে প্রাণে অনুভব করিয়াছিলেন— ইনি সামান্ত নহেন, ইনি মহাপুরুষ! কারণ ইহার কিছুদিন পরেই ঠাকুর একদিন গৌরীর মন পরীক্ষা করিবার নিমিত্ত তাঁহাকে জিজ্ঞাসা করেন—“আচ্ছা, বৈষ্ণবচরণ (নিজের শরীর দেখাইয়া) একে অবতার বলে; এটা কি হতে পারে? তোমার কি বোধ হয় বল দেখি?”

গৌরী তাহাতে গম্ভীরভাবে উত্তর করিলেন—“বৈষ্ণবচরণ আপনাকে অবতার বলে? তবে ত ছোট কথা বলে। আমার ঠাকুরের সঙ্ক্ষে ধারণা, যাহার অংশ হইতে যুগে যুগে অবতারেরা গৌরীর ধারণা লোককল্যাণ-সাধনে জগতে অবতীর্ণ হইয়া থাকেন, যাহার শক্তিতে তাহারা ঐ কার্য সাধন করেন, আপনি তিনিই!” ঠাকুর শুনিয়া হাসিতে হাসিতে বলিলেন—“ও বাবা! তুমি যে আবার তাকেও (বৈষ্ণবচরণকেও) ছাড়িয়ে যাও! কেন বল দেখি? আমাতে কি দেখেছ, বল দেখি?” গৌরী বলিলেন, “শাস্ত্রপ্রমাণে এবং নিজের প্রাণের অনুভব হইতেই বলিতেছি। এ বিষয়ে যদি কেহ বিরুদ্ধ পক্ষাবলম্বনে আমার সহিত বাদে প্রবৃত্ত হয়, তাহা হইলে আমি আমার ধারণা প্রমাণ করিতেও প্রস্তুত আছি।”



## শ্রীশ্রীরামকৃষ্ণলীলাপ্রসঙ্গ

ঠাকুর বালকের ছায় বলিলেন, “তোমরা সব এত কথা বল, কিন্তু কে জানে বাবু, আমি ত কিছু জানি না!”

গৌরী বলিলেন, “ঠিক কথা। শাস্ত্র ঐ কথা বলেন—  
 আপনিও আপনাকে জানেন না। অতএব অগ্রে আর কি করে  
 আপনাকে জানবে বলুন? যদি কাহাকেও রূপা করে জানান  
 তবেই সে জানতে পারে।”

পাণ্ডিতজীর বিশ্বাসের কথা শুনিয়া ঠাকুর হাসিতে লাগিলেন।  
 দিন দিন গৌরী ঠাকুরের প্রতি অধিকতর আকৃষ্ট হইতে লাগিলেন।

ঠাকুরের সংসর্গে গৌরীর বৈরাগ্য ও সংসারত্যাগ করিয়া তপস্তায় গমন	তাঁহার শাস্ত্রজ্ঞান ও সাধনের ফল এতদিনে ঠাকুরের দিব্যসঙ্গে পূর্ণ পরিণতি লাভ করিয়া সংসারে তীব্র বৈরাগ্যরূপে প্রকাশ পাইতে লাগিল। দিন দিন তাঁহার মন পাণ্ডিত্য, লোক- মাত্ৰ, সিদ্ধাই প্রভৃতি সকল বস্তুর প্রতি বীতরাগ হইয়া ঈশ্বরের শ্রীপাদপদ্মে গুটাইয়া আসিতে লাগিল। এখন আর গৌরীর সে পাণ্ডিত্যের
---	--

অহঙ্কার নাই, সে দান্তিকতা কোথায় ভাসিয়া গিয়াছে, সে  
 তর্কপ্রিয়তা এককালে নীরব হইয়াছে। তিনি এখন বুঝিয়াছেন,  
 ঈশ্বরপাদপদ্ম-লাভের একান্ত চেষ্টা না করিয়া এতদিন বুঝা কাল  
 কাটাইয়াছেন—আর ওরূপে কালক্ষেপ উচিত নহে। তাঁহার মনে  
 এখন সঙ্কল্প স্থির—সর্বস্ব ত্যাগ করিয়া ঈশ্বরের প্রতি ভক্তিপূর্ণ  
 চিন্তে সম্পূর্ণ নির্ভর করিয়া ব্যাকুল অন্তরে কাহাকে ডাকিয়া দিন  
 কয়টা কাটাইয়া দিবেন; এইরূপে যদি তাঁর রূপা ও দর্শনলাভ  
 করিতে পারেন!

## বৈষ্ণবচরণ ও গৌরীর কথা

এইরূপে ঠাকুরের সঙ্গস্থে ও ঈশ্বরচিন্তায় দিনের পর দিন, মাসের পর মাস কাটিয়া যাইতে লাগিল। অনেক দিন বাটা হইতে অন্তরে আছেন বলিয়া ফিরিবার জ্ঞপ্তি পণ্ডিতজীর স্ত্রী-পুত্র পরিবারবর্গ বারংবার পত্র লিখিতে লাগিল। কারণ তাহারা লোকমুখে আভাস পাইতেছিল, দক্ষিণেশ্বরের কোন এক উন্নত সাধুর সহিত মিলিত হইয়া পণ্ডিতজীর মনের অবস্থা কেমন এক রকম হইয়া গিয়াছে।

পাছে তাহারা দক্ষিণেশ্বরে আসিয়া তাঁহাকে টানাটানি করিয়া সংসারে পুনরায় লিপ্ত করে, তাহাদের চিঠির আভাসে পণ্ডিতজীর মনে ঐ ভাবনাও ক্রমশঃ প্রবেশ হইতে লাগিল। অনেক ভাবিয়া চিন্তিয়া গৌরী উপায় উদ্ভাবন করিলেন এবং শুভ মুহূর্তের উদয় জানিয়া ঠাকুরের শ্রীপদে প্রণাম করিয়া সজলনয়নে বিদায় প্রার্থনা করিলেন। ঠাকুর বলিলেন, “সে কি গৌরী, সহসা বিদায় কেন? কোথায় যাবে?”

গৌরী করযোড়ে উত্তর করিলেন, “আশীর্বাদ করুন যেন অভীষ্ট সিদ্ধ হয়। ঈশ্বরবস্তু লাভ না করিয়া আর সংসারে ফিরিব না।” তদবধি সংসারে আর কখনও কেহ বহু অন্তঃসন্ধানেও গৌরী পণ্ডিতের দেখা পাইলেন না।

এইরূপে ঠাকুর বৈষ্ণবচরণ এবং গৌরীর জীবনের নানা কথা আমাদের নিকট অনেক সময় উল্লেখ করিতেন। আবার কখন

বৈষ্ণবচরণ	বা কোন বিষয়ের কথা প্রসঙ্গে তাঁহাদিগকে ঐ
ও গৌরীর	বিষয়ে কি মতামত প্রকাশ করিতে শুনিয়াছিলেন,
কথা উল্লেখ	সে বিষয়েরও উল্লেখ করিতেন। আমাদের মনে
করিয়া	

## শ্রীশ্রীরামকৃষ্ণলীলাপ্রসঙ্গ

ঠাকুরের  
উপদেশ—  
নরলীলায়  
বিশ্বাস  
আছে, একদিন জ্ঞানেক ভক্ত সাধককে উপদেশ  
দিতে দিতে ঠাকুর তাঁহাকে বলিতেছেন, “মানুষে  
ইষ্টবুদ্ধি ঠিক ঠিক হলে তবে ভগবানলাভ হয়।  
বৈষ্ণবচরণ বোলতো—নরলীলায় বিশ্বাস হলে  
তবে পূর্ণ জ্ঞান হয়।”

কখন বা কোন ভক্তের ‘কালী’ ও ‘কৃষ্ণ’ বিশেষ ভেদবুদ্ধি  
দেখিয়া তাহাকে বলিতেন, “ও কি হীন বুদ্ধি তোর? জানবি যে  
কালী ও কৃষ্ণ তোর ইষ্টই কালী, কৃষ্ণ, গৌর, সব হয়েছেন।  
অভেদ-বুদ্ধি তা বলে কি নিজের ইষ্ট ছেড়ে তোকে গৌর  
সম্বন্ধে গৌরী ভজতে বলছি, তা নয়। তবে ঘেষবুদ্ধিটা ত্যাগ  
করবি। তোর ইষ্টই কৃষ্ণ হয়েছেন, গৌর হয়েছেন—এই জ্ঞানটা  
ভিতরে ঠিক রাখবি। দেখ না, গেরস্তের বৌ শ্বশুরবাড়ী গিয়ে  
শ্বশুর, শাশুড়ী, ননদ, দেওর, ভাস্কর সকলকে যথাযোগ্য মাত্র  
ভক্তি ও সেবা করে—কিন্তু মনের সকল কথা খুলে বলা আর  
শোয়া কেবল এক স্বামীর সঙ্গেই করে। সে জানে যে, স্বামীর  
জুগুই শ্বশুর শাশুড়ী প্রভৃতি তার আপনার। সেই রকম নিজের  
ইষ্টকে ঐ স্বামীর মতন জানবি। আর তাঁর সঙ্গে সম্বন্ধ হতেই  
তাঁর অগ্র সকল রূপের সহিত সম্বন্ধ, তাঁদের সব শ্রদ্ধা ভক্তি করা—  
এইটে জানবি। ঐরূপ জেনে ঘেষবুদ্ধিটা তাড়িয়ে দিবি। গৌরী  
বোলতো—‘কালী আর গৌরাজ এক বোধ হলে তবে বুঝবো যে  
ঠিক জ্ঞান হল।’”

আবার কখন বা ঠাকুর কোন ভক্তের মন সংসারে কাহারও  
প্রতি অত্যন্ত আসক্ত থাকায় স্থির হইতেছে না দেখিয়া তাহাকে

## বৈষ্ণবচরণ ও গৌরীর কথা

তাহার ভালবাসার পাত্রকেই ভগবানের মূর্তিজ্ঞানে সেবা করিতে ও ভালবাসিতে বলিতেন। লীলাপ্রসঙ্গে পূর্বে একস্থলে পাত্রকে আমরা পাঠককে বলিয়াছি, কেমন করিয়া ঠাকুর ভগবানের মূর্তি বলিয়া জনৈকা স্ত্রী-ভক্তের মন তাঁহার অল্লবদ্বন্দ্ব ভাবা সম্বন্ধে ভ্রাতৃস্পুত্রের উপর অত্যন্ত আসক্ত দেখিয়া তাঁহাকে বৈষ্ণবচরণে ঐ বালককেই গোপাল বা বালকৃষ্ণ জ্ঞানে সেবা করিতে ও ভালবাসিতে বলিতেছেন এবং ঐরূপ অমুঠানোর ফলে ঐ স্ত্রী-ভক্তের স্বল্পকালেই ভাবসমাধি-উদয়ের কথারও উল্লেখ করিয়াছি।<sup>১</sup> ভালবাসার পাত্রকে ঈশ্বরজ্ঞানে শ্রদ্ধা ও ভক্তি করার কথা বলিতে বলিতে কখন কখন ঠাকুর বৈষ্ণবচরণের ঐ বিষয়ক মতের উল্লেখ করিয়া বলিতেন, “বৈষ্ণবচরণ বোলতো, যে যাকে ভালবাসে তাকে ইষ্ট বলে জানলে ভগবানে শীঘ্র মন যায়।” বলিয়াই আবার বুঝাইয়া দিতেন, “সে ঐ কথা তাদের সম্প্রদায়ের মেয়েদের করতে বোলতো; তজ্জগৎ দৃশ্য হত না—তাদের সব পরকীয়া নায়িকার ভাব কি না? পরকীয়া নায়িকার উপপতির ওপর যেমন মনের টান, সেই টানটা ঈশ্বরে আরোপ করতেই তারা চাইত।” ওটা কিন্তু সাধারণের শিক্ষা দিবার যে কথা নহে, তাহাও ঠাকুর বলিতেন। বলিতেন, তাতে ব্যভিচার বাড়বে। তবে নিজের পতি পুত্র বা অন্য কোন আত্মীয়কে ঈশ্বরের মূর্তি-জ্ঞানে সেবা করিতে, ভালবাসিতে ঠাকুরের অমত ছিল না এবং তাঁহার পদাশ্রিত অনেক ভক্তকে যে তিনি ঐরূপ করিতে শিক্ষাও দিতেন, তাহা আমাদের জানা আছে।

১ পূর্বার্কে, প্রথম অধ্যায়।

## শ্রীশ্রীরামকৃষ্ণলীলাপ্রসঙ্গ

ভাবিয়া দেখিলে বাস্তবিক উহা যে অশাস্ত্রীয় নবীন মত নহে,  
তাহাও বেশ বুঝিতে পারা যায়। উপনিষৎকার ঋষি যাজ্ঞবল্ক্য-

মৈত্রীয়া-সংবাদে<sup>১</sup> শিক্ষা দিতেছেন—পতির ভিতর

ঐ উপদেশ	আত্মস্বরূপ শ্রীভগবান রহিয়াছেন বলিয়াই স্ত্রীর
শাস্ত্রসম্মত—	পতিকে প্রিয় বোধ হয়; স্ত্রীর ভিতর তিনি
উপনিষদের	থাকাতেই পবিত্র মন স্ত্রীর প্রতি আকৃষ্ট হইয়া
যাজ্ঞবল্ক্য-	থাকে। এইরূপে ব্রাহ্মণের ভিতর, ক্ষত্রিয়ের
মৈত্রীয়া-সংবাদ	

ভিতর, ধনের ভিতর; পৃথিবীর যে সমস্ত বস্তু অন্তরের প্রিয়বুদ্ধির  
উদয় করিয়া মানব-মন আকর্ষণ করে সে সমস্তের ভিতরেই প্রিয়-  
স্বরূপ, আনন্দস্বরূপ ঐশ্বরিক অংশের বিद्यমানতা দেখিয়া ভাল-  
বাসিবার উপদেশ ভারতের উপনিষৎকার ঋষিগণ বহু প্রাচীন যুগ  
হইতেই আমাদের শিক্ষা দিতেছেন। দেবর্ষি নারদাদি ভক্তি-  
সূত্রের আচার্য্যগণও জীবকে ঈশ্বরের দিকে কামকোষাদি রিপু-  
সকলের বেগ ফিরাইয়া দিতে বলিয়া এবং সখ্য-বাৎসল্য-মধুর-  
রসাদি আশ্রয় করিয়া ঈশ্বরকে ডাকিবার উপদেশ করিয়া  
উপনিষৎকার ঋষিদিগেরই যে পদাত্মসরণ করিয়াছেন, ইহা স্পষ্ট  
বুঝা যায়। অতএব ঠাকুরের ঐ বিষয়ক মত যে শাস্ত্রানুগত,  
তাহা বেশ বুঝা যাইতেছে। ঈশ্বরাবতার মহাপুরুষেরা পূর্ব  
পূর্ব শাস্ত্রসকলের মৰ্য্যাদা সম্যক রক্ষা করিয়া তাঁহাদের  
প্রবর্তিত বিধানের অবিরোধী কোন নূতন পথের সংবাদই  
যে ধর্মজগতে আনিয়া দেন, একথা আমরা বলিয়া বুঝাইতে হইবে  
না। যে-কোন অবতারপুরুষের জীবনালোচনা করিলেই উহা

১ বৃহদারণ্যক উপনিষৎ—৫ম ব্রাহ্মণ।

## বৈষ্ণবচরণ ও গৌরীর কথা

বৃত্তিতে পাবা যায়। বর্তমান যুগাবতার শ্রীরামকৃষ্ণের জীবনেও অবতার পুরুষেরা যে ঐ বিষয়ের অক্ষুণ্ণ পরিচয় আমরা সর্বদা সকল সর্বদা শাস্ত্রমৰ্যাদা বিষয়ে পাইয়াছি, একথাই আমরা পাঠককে রক্ষা করেন। ‘লীলাপ্রসঙ্গে’ বুঝাইতে প্রয়াসী। যদি না পারি, সকল ধর্মমতকে সম্মান করা সম্বন্ধে তবে পাঠক যেন বুঝেন উহা আমাদের একদেখী ঠাকুরের শিক্ষা বুদ্ধির দোষেই হইতেছে—যে ঠাকুর ‘যত মত তত পথ’-রূপ অদৃষ্টপূর্ব সত্য আধ্যাত্মিক জগতে প্রথম প্রকাশ করিয়া জনসাধারণকে মুগ্ধ করিয়াছেন, তাঁহার ক্রটি বা দোষে নহে। পাশ্চাত্য নীতি—যাহার প্রয়োগ সূচতুর দুনিয়াদার পাশ্চাত্য কেবল অপর ব্যক্তি ও জাতির কার্য্যাকার্য্য-বিচারণের সময়েই বিশেষভাবে করিয়া থাকেন, নিজের কার্য্যকলাপ বিচার করিতে যাইয়া প্রায়ই পাটাটাইয়া দেন, সেই পাশ্চাত্য নীতির অহসরণ করিয়া আমরা যাহাকে জঘন্য কর্ত্তাভজাদি মত বলিয়া নাসিকা কুণ্ঠিত করি, ঐ কর্ত্তাভজাদি মত হইতে শুদ্ধাঈবত বেদান্তমত পর্য্যন্ত সকল মতই এ দেবমানব ঠাকুরের নিকট সম্মানে ঈশ্বরলাভের পথ বলিয়া স্থান-প্রাপ্ত হইত এবং অধিকারি-বিশেষে অতুষ্ঠেয় বলিয়া নির্দিষ্টও হইত। আমরা অনেকে দ্বেষবুদ্ধিপ্রণোদিত হইয়া ঠাকুরকে অনেক সময় জিজ্ঞাসা করিয়াছি—‘মহাশয়, অত বড় উচ্চদরের সাধিকা ব্রাহ্মণী পঞ্চ-মকার লইয়া সাধন করিতেন, এটা কিরূপ? অথবা অত বড় উচ্চদরের ভক্ত সুপণ্ডিত বৈষ্ণবচরণ পরকীয়া-গ্রহণে বিরত হন নাই—এ ত বড় খারাপ!’

ঠাকুরও তাহাতে বারংবার আমাদের বলিয়াছেন, “ওতে ওদের দোষ নেই রে! ওরা ঘোলআনা মন দিয়ে বিশ্বাস কোবৃত, ঐটেই

## শ্রীশ্রীরামকৃষ্ণলীলাপ্রসঙ্গ

ঈশ্বর-লাভের পথ। ঈশ্বরলাভ হবে বোলে যে যেটা সবলভাবে  
প্রাণের সহিত বিশ্বাস কোরে অহুষ্ঠান করে, সেটাকে খারাপ  
বলতে নেই, নিন্দা করতে নেই। কারও ভাব নষ্ট করতে নেই।  
কেন-না যে-কোন একটা ভাব ঠিক ঠিক ধরলে তা থেকেই  
ভাবময় ভগবানকে পাওয়া যায়, যে যার ভাব ধরে তাকে  
(ঈশ্বরকে) ডেকে যা। আর, কারো ভাবের নিন্দা করিস নি বা  
অপরের ভাবটা নিজের বলে ধরতে, নিতে যাস্ নি।” এই বলিয়াই  
সদানন্দময় ঠাকুর অনেক সময় গাহিতেন—

আপনাতে আপনি থেকো, যেও না মন কারু ঘরে।

যা চাবি তাই বসে পাবি, খোঁজ নিজ অন্তঃপুরে ॥

পরম ধন সে পরশমণি, যা চাবি তাই দিতে পারে,  
(ও মন) কত মণি পড়ে আছে, সে চিন্তামণির নাচহুয়ারে ॥

তীর্থগমন দুঃখভ্রমণ, মন উচাটন হয়োনা রে,  
(তুমি) আনন্দে ত্রিবেণী-স্নানে শীতল হওনা মূলাধারে ॥

কি দেখ কমলাকান্ত, মিছে বাজি এ সংসারে,  
(তুমি) বাজিকরে চিন্লেনাকো, (যে এই) ঘটের  
ভিতর বিরাজ করে ॥

## দ্বিতীয় অধ্যায়

গুরুভাব ও নানা সাধুসম্প্রদায়

অহং সর্বস্ত প্রভবো মন্তঃ সর্বং প্রবর্ততে ।

ইতি মত্বা ভজন্তে মাং বুধা ভাবসমম্বিতাঃ ॥

—গীতা, ১০।৮

তেষামেবানুকম্পার্থমহমজ্ঞানজ্ঞঃ তমঃ ।

নাশরাম্যাত্মভাবহো জ্ঞানদীপেন ভাস্বতা ॥

—গীতা, ১০।১১

ঠাকুর এক সময়ে আমাদের বলিয়াছিলেন, “কেশব সেনের আসবার পর থেকে তাদের মত ‘ইয়ং বেঙ্গলের’ ( Young Bengal ) দলই সব এখানে ( আমার নিকটে ) আসতে শুরু করেছে। আগে আগে এখানে কত যে সাধু-সন্ত, ত্যাগী-সন্ন্যাসী, বৈরাগী-বাবাজী সব আসত যেতো, তা তোরা কি জানবি? রেল হবার পর থেকে তারা সব আর এদিকে আসে না। নইলে রেল হবার আগে যত সাধুরা সব গঙ্গার ধার দিয়ে হাঁটা পথ ধরে সাগরে চান্ন ( স্নান ) করতে ও ৬জগন্নাথ দেখতে আসত। রাসমণির বাগানে ডেরা-ডাঙা ফেলে অন্ততঃ দু-চার দিন ঠাকুরের সাধুদের সহিত মিলন করতেন। কেউ কেউ আবার কিছুকাল থেকেই কিরূপে হয় যেত। কেন জানিস্? সাধুরা ‘দিশা-জঙ্গল’ ও ‘অন্ন-পানির’ সন্নিবিধ না দেখে কোথাও আড্ডা করে না। ‘দিশা-জঙ্গল’



## শ্রীশ্রীরামকৃষ্ণলীলাপ্রসঙ্গ

কি না—শৌচাদির জন্তু স্ববিধাজনক নিরেলা জায়গা। আর, ‘অন্ন-পানি’ কি না—ভিক্ষা। ভিক্ষায়েই তো সাধুদের শরীরধারণ—সেজন্তু যেখানে সহজে ভিক্ষা পাওয়া যায়, তারই নিকটে সাধুর ‘আসন’ অর্থাৎ থাকিবার স্থান ঠিক করে।

“আবার চলতে চলতে ক্লান্ত হয়ে পড়লে ভিক্ষার কষ্ট সহ্য করেও বরং সাধুরা কোন স্থানে দু-এক দিনের জন্তু আড্ডা করে থাকে,

কিন্তু যেখানে জলের কষ্ট এবং ‘দিশা-জঙ্গলের’  
সাধুদের জল ও  
‘দিশা-জঙ্গলের’  
স্ববিধা দেখিয়া  
বিশ্রাম করা  
কষ্ট বা শৌচাদি যাবার ‘ফারাকৎ’ (নির্জন)  
স্থান নেই, সেখানে কখনও থাকে না। ভাল ভাল  
সাধুরা ওসব (শৌচাদি) কাজ যেখানে সকলে

করে, যেখানে লোকের নজরে পড়তে হবে সেখানে করে না। অনেক দূরে নিরেলা (নিরালয়) জায়গায় গোপনে সেরে আসে! সাধুদের কাছে একটা গল্প শুনেছিলাম—

“একজন লোক ভাল ত্যাগী সাধু দেখ্বে বলে সন্ধান করে ফিরছিল। তাকে একজন বলে দিলে যে, যে সাধুকে লোকালয়

ছাড়িয়ে অনেক দূরে গিয়ে শৌচাদি সার্বতে দেখবে,  
ঐ সম্বন্ধে গল্প

তাকেই জান্বে ঠিক ঠিক ত্যাগী। সে ঐ কথাটি মনে রেখে লোকালয়ের বাহিরে সন্ধান করতে করতে এক দিন একজন সাধুকে অপর সকলের চেয়ে অনেক অধিক দূরে গিয়ে ঐ সব কাজ সার্বতে দেখতে পেল ও তার পেছনে পেছনে গিয়ে সে কেমন লোক তাই জানতে চেষ্টা করতে লাগলো। এখন, সে দেশের রাজার মেয়ে শুনেছিল যে ঠিক ঠিক যোগী পুরুষকে বিয়ে করতে পারলে সুপুত্র লাভ হয়; কারণ শাস্ত্রে আছে—যোগী-

## গুরুভাব ও নানা সাধুসম্প্রদায়

পুরুষদের ঔগৈসেই সাধুপুরুষেরা জন্মগ্রহণ করেন। রাজার মেয়ে তাই সাধুরা যেখানে আড্ডা করেছিল, সেখানে মনের মত পতি ধুঁজতে এসে ঐ সাধুটিকে পছন্দ করে বাড়ী কিরে গিয়ে তার বাপকে বললে যে, সে ঐ সাধুকে বিবাহ করবে। রাজা মেয়েটিকে বড় ভালবাসতো। মেয়ে জেদ করে ধরেছে, কাজেই রাজা সেই সাধুর কাছে এসে ‘অর্দ্ধেক রাজত্ব দেব’ ইত্যাদি বলে অনেক করে বুঝালে যাতে সাধু রাজকন্যাকে বিবাহ করে। কিন্তু সাধু রাজার সে সব কথায় কিছুতেই ভুললো না। কাকেও কিছু না বলে রাতারাতি সে স্থান ছেড়ে পালিয়ে গেল। আগে যার কথা বলেছি, সেই লোকটি সাধুর ঐরূপ অভূত ত্যাগ দেখে বুঝলে যে, বাস্তবিকই সে একজন ব্রহ্মজ্ঞ পুরুষের দর্শন পেয়েছে ও তাঁর শরণাপন্ন হয়ে তাঁর মুখে উপদেশ পেয়ে তাঁর রূপায় ঈশ্বর-ভক্তি লাভ করে কৃতার্থ হ’ল।

“রাসমণির বাগানে ভিক্ষার স্তুবিধা, মা গঙ্গার রূপায় জলেরও অভাব নেই। আবার নিকটেই মনের মত ‘দিশা-জঙ্গল’ যাবার স্থান—কাজেই সাধুরা তখন তখন এখানেই ডেরা করতো। আবার, কথা মুখে হাঁটে—এ সাধু ওকে বললে, সে আর একজন এদিকে আসছে জেনে তাকে বললে—এইরূপে রাসমণির বাগান যে সাগর ও জগন্নাথ দেখতে যাবার পথে একটি ডেরা কর-বার বেশ জায়গা, একথাটা সকল সাধুদের ভেতরেই তখন চাউর হয়ে গিয়েছিল।”

ঠাকুর আরও বলিতেন, “এক এক সময়ে এক এক রকমের

## শ্রীশ্রীরামকৃষ্ণলীলাপ্রসঙ্গ

সাধুর ভির লেগে যেত। এক সময়ে সন্ন্যাসী পরমহংসই যত  
 ভিন্ন ভিন্ন আসতে লাগল! পেট-বৈরাগীর দল নয়—সব  
 সময়ে ভাল ভাল লোক। (নিজের ঘর দেখাইয়া)  
 ভিন্ন ভিন্ন ঘরে দিনরাত্তির তাদের ভিড় লেগেই থাকত।  
 সাধুসম্প্রদায়ের আর দিবারাত্তির ব্রহ্ম ও মায়ার স্বরূপ, অস্তি  
 ভাতি প্রিয়—এই সব বেদান্তের কথাই চলতো।”

অস্তি, ভাতি, প্রিয়—ঠাকুর ঐ কথা কয়টি বলিয়াই আবার  
 বুঝাইয়া দিতেন। বলিতেন, “সেটা কি জিনিস?—ব্রহ্মের স্বরূপ;  
 বেদান্তে ঐ ভাবে বোঝান আছে, যিনিই ‘অস্তি’  
 পরমহংসদেবের কি না—ঠিক ঠিক বিদ্যমান আছেন, তিনিই,  
 বেদান্তবিচার—‘অস্তি, ভাতি, ভাতি’ কি না—প্রকাশ পাচ্ছেন। এখন,  
 ‘প্রিয়’ ‘প্রকাশটা’ হচ্ছে জ্ঞানের স্বভাব। যে জিনিসটার  
 সম্বন্ধে আমার জ্ঞান হয়েছে সেটাই আমাদের কাছে প্রকাশিত  
 রয়েছে। যেটার জ্ঞান নাই সে জিনিসটা আমাদের কাছে অপ্রকাশ  
 রয়েছে। কেমন, না? তাই বেদান্ত বলে, যে জিনিসটার যখন  
 আমাদের অস্তিত্ব-বোধ হল, তখনই আমরা সেই বোধের সঙ্গে সঙ্গে  
 সেই জিনিসটা আমাদের কাছে দীপ্তিমান বা প্রকাশিত বলে বোধ  
 হল—অর্থাৎ তার জ্ঞান-স্বরূপের কথাটা আমাদের বোধ হল।  
 আর আমরা সেটা আমাদের প্রিয় বলে বোধ হল—অর্থাৎ তার  
 ভেতরের আনন্দ-স্বরূপ আমাদের মনে প্রিয় বুদ্ধির উদয় করে  
 সেটাকে ভালবাসতে আমাদের আকর্ষণ করলে। এইরূপে  
 যেখানেই আমাদের অস্তিত্ব-জ্ঞান হচ্ছে, সেখানেই আবার সঙ্গে  
 সঙ্গে জ্ঞান-স্বরূপ ও আনন্দ-স্বরূপের জ্ঞান হচ্ছে। সে জ্ঞান, যেটা

## গুরুভাব ও নানা সাধুসম্প্রদায়

‘অস্তি’ সেটাই ‘ভাতি’ ও ‘প্রিয়’—যেটা ‘ভাতি’ সেটাই ‘অস্তি’ ও ‘প্রিয়’ এবং যেটা ‘প্রিয়’ সেটাই ‘অস্তি’ ও ‘ভাতি’ বলে বোধ হচ্ছে। কারণ যে ব্রহ্মবস্তু হতে এই জগৎ ও জগতের প্রত্যেক বস্তু ও ব্যক্তির উদয় হয়েছে, তাঁর স্বরূপই হচ্ছে ‘অস্তি-ভাতি-প্রিয়’ বা সৎ-চিৎ-আনন্দ। সে জগতই উত্তর গীতায় বলেছে—জ্ঞান হলে বোঝা যায়, যেখানে বা যে বস্তু বা ব্যক্তিতে তোমার মনকে টানছে, সেখানে বা সেই সেই বস্তু ও ব্যক্তির ভেতর পরমাত্মা রয়েছেন। ‘যত্র যত্র মনো যাতি তত্র তত্র পরং পদং।’ রূপ-রসেও তাঁর অংশ রয়েছে বলে লোকের মন সেদিকে ছোটে, একথা বেদেও আছে।

“ঐ সব কথা নিয়ে তাদের ভেতর ধুম তর্কবিচার লেগে যেত। (আমার) আবার তখন খুব পেটের অসুখ, আমাশয়। হাতের জল শুকাত না! ঘরের কোণে হুঁ সরা পেতে রাখত। সেই পেটের অসুখে ভুগ্‌চি, আর তাদের ঐ সব জ্ঞানবিচার শুন্‌চি! আর, যে কথাটার তারা কোন মীমাংসা করে উঠতে পার্‌চে না, (নিজের শরীর দেখাইয়া) ভিতর থেকে তার এমন এক একটা সহজ কথায় মীমাংসা মা তুলে দেখিয়ে দিচ্চেন।—সেইটে তাদের বল্‌চি, আর তাদের সব ঝগড়া-বিবাদ মিটে যাচ্ছে।

“একবার এক সাধু এল, তার মুখখানিতে বেশ একটা হৃন্দর জ্যোতিঃ রয়েছে। সে কেবল বসে থাকে আর জ্ঞানক সাধুর  
আনন্দস্বরূপ  
উপলব্ধি করায়  
উচ্চাষহার কথা  
ফিক্ ফিক্ করে হাসে! সকাল সন্ধ্যা একবার করে ঘরের বাহিরে এসে সে পাছপালা, আকাশ, গঙ্গা সব তাকিয়ে তাকিয়ে দেখত ও আনন্দে বিভোর হয়ে ছ হাত তুলে নাচত; কখন বা হেসে গড়াগড়ি দিত, আর

## শ্রীশ্রীরামকৃষ্ণলীলাপ্রসঙ্গ

বলত, ‘বাঃ বাঃ ক্যারী মঃ—কাঃদঃ! প্রপঞ্চ বনায়া!’ অর্থাৎ, ঈশ্বর কি জন্মের মায়া বিস্তার করেছেন! তার ঐ ছিল উপাসনা। তার আনন্দলাভ হয়েছিল।

“আর একবার এক সাধু আসে—সে জ্ঞানোন্মাদ! দেখতে যেন পিশাচের মত—উলঙ্গ, গায়ে মাথায় ধুলো, বড় বড় নখ চুল, গায়ে মরার কাঁথার মত একথানা কাঁথা! কালী-ঠাকুরের জ্ঞানোন্মাদ ঘরের সামনে দাঁড়িয়ে দর্শন করতে করতে এমন সাধু-দর্শন স্তব পড়লে, যেন মন্দিরটা শুদ্ধ কাঁপতে লাগল; আর মা যেন প্রসন্ন হয়ে হাসতে লাগলেন! তারপর কাঙ্গালীরা

খানে বসে প্রসাদ পায়, সেখানে তাদের সঙ্গে প্রসাদ পাবে বলে বসতে গেল। কিন্তু তার ঐ রকম চেহারা দেখে তারাও তাকে কাছে বসতে দিলে না, তাড়িয়ে দিলে। তারপর দেখি, প্রসাদ পেয়ে সকলে যেখানে উচ্ছিষ্ট পাতাগুলো ফেলেছে, সেখানে বসে কুকুরদের সঙ্গে এঁটো ভাতগুলো খাচ্ছে! একটা কুকুরের ঘাড়ে হাত দিয়ে রয়েছে, আর একই পাতে ঐ কুকুরটাও খাচ্ছে, আর সেও খাচ্ছে! অচেনা লোকে ঘাড় ধরেছে, তাতে কুকুরটা কিছু বলছে না বা পালাতে চেষ্টাও করছে না! তাকে দেখে মনে ভয় হল যে, শেষে আমারও ঐরূপ অবস্থা হয়ে ঐ রকম থাকতে বেড়াতে হবে না কি!

“দেখে এসেই হতকে বজ্রম, ‘হুহু, এ যে-সে উন্মাদ নয়—জ্ঞানোন্মাদ!’ ঐ কথা শুনে হুহু তাকে খুঁখুতে ছুটলো। গিয়ে দেখে, তখন সে বাগানের বাইরে চলে যাচ্ছে। হুহু অনেক দূর তার সঙ্গে সঙ্গে চললো, আর বলতে লাগল, ‘মহারাজ! ভগবানকে

## গুরুভাব ও নানা সাধুসম্প্রদায়

কেমন করে পাব, কিছু উপদেশ দিন।' প্রথম কিছুই বললে

না। তারপর যখন হৃদে কিছুতেই ছাড়লে না,

ব্রহ্মজ্ঞানে

গঙ্গার জল ও

নর্দমার জল

এক বোধ হয়।

পরমহংসদের

বালক, পিশাচ

বা উম্মাদের

মত অপরে

দেখে

সঙ্গে সঙ্গে যেতে লাগল, তখন পথের ধারের নর্দমার

জল দেখিয়ে বললে—‘এই নর্দমার জল আর ঐ

গঙ্গার জল যখন এক বোধ হবে, সমান পবিত্র

জ্ঞান হবে, তখন পাবি।’ এই পর্য্যন্ত—আর

কিছুই বললে না। হৃদে আরও কিছু শৌনবার চেষ্টা

করলে, বললে, ‘মহারাজ! আমাকে চেলা

করে সঙ্গে নিন।’ তাতে কোন কথাই বললে না।

তারপর অনেক দূর গিয়ে একবার ফিরে দেখলে হৃৎ তখনও সঙ্গে

সঙ্গে আসচে। দেখেই চোখ রাঙিয়ে ইট তুলে হৃদেকে মারতে

তাড়া করলে। হৃদে যেমন পালাল অমনি ইট ফেলে সে পথ ছেড়ে

কোন্ দিকে যে সরে পড়লো, হৃদে তাকে আর দেখতে পেলো না।

অমন সব সাধু, লোকে বিরক্ত করবে বলে ঐ রকম বেশ থাকে।

ঐ সাধুটির ঠিক ঠিক পরমহংস অবস্থা হয়েছিল। শাস্ত্রে আছে,

ঠিক ঠিক পরমহংসেরা বালকবৎ, পিশাচবৎ, উম্মাদবৎ হয়ে সংসারে

থাকে। সে জ্ঞান পরমহংসেরা ছোট ছোট ছেলেদের আপনাদের

কাছে রেখে তাদের মত হতে শেখে। ছেলেদের যেমন সংসারের

কোন জিনিসে আঁট নেই, সকল বিষয়ে সেই রকম হবার চেষ্টা

করে। দেখিস্ নি, বালককে হয়ত একখানি নূতন কাপড় মা পরিয়ে

দিয়েছে, তাতে কতই আনন্দ! যদি বলিস্, ‘কাপড়খানি আমায়

দিবি?’ সে অমনি বলে উঠবে, ‘না, দেব না, মা আমায় দিয়েছে।’

বলেই আবার হয়ত কাপড়ের খোঁটটা জোর করে ধরবে, আর

## শ্রীশ্রীরামকৃষ্ণলীলাপ্রসঙ্গ

তোর দিকে দেখতে থাক্বে—পাছে তুই সেখানি কেড়ে নিস্। কাপড়খানাতেই তখন যেন তার প্রাণটা সব পড়ে আছে! তার পরেই হয়ত তোর হাতে একটা সিকি-পয়সার খেলনা দেখে বল্বে, 'এটে দে, আমি তোকে কাপড়খানা দিচ্ছি।' আবার কিছু পরেই হয়ত সে খেলনাটা ফেলে একটা ফুল নিতে ছুটবে। তার কাপড়েও যেমন আঁট, খেলনাটায়ও সেই রকম আঁট। ঠিক ঠিক জ্ঞানীদেরও ঐ রকম হয়।

“এই রকম করে কতদিন গেল। তারপর তাদের (সন্ন্যাসী পরমহংসশ্রেণীর) যাওয়া-আসাটা কমে গেল। তারা গিয়ে, আসতে

রামাইং	লাগল যত রামাইং বাবাজী—ভাল ভাল তাগী
বাবাজীদের	ভক্ত বৈরাগী বাবাজী। দলে দলে আসতে লাগলো।
দক্ষিণের	আহা, তাদের সব কি ভক্তি, বিশ্বাস! কি সেবায়
আগমন	নিষ্ঠা! তাদের একজনের কাছ (নিকট) থেকেই

তো 'রামলালা'<sup>১</sup> আমার কাছে থেকে গেল। সে সব ঢের কথা!

“সে বাবাজী ঐ ঠাকুরটির চিরকাল সেবা কর্তো। যেখানে রামলালা সম্বন্ধে যেত, সঙ্কে করে নিয়ে যেত। যা ভিক্ষা পেত ঠাকুরের কথা রেঁধে বেড়ে তাকে (রামলালাকে) ভোগ দিত। শুধু তাই নয়—সে দেখতে পেত রামলালা সত্য সত্যই খাচ্ছে বা

১ 'রামলালা' অর্থাৎ বালকবেলী শ্রীরামচন্দ্র। ভারতবর্ষের উত্তর-পশ্চিমাঞ্চলে লোকে বালকবালিকাদের আদর করিয়া লাল্ বা খালা ও লালী বলিয়া ডাকে। সেইজন্য শ্রীরামচন্দ্রের বাল্যাবস্থার পরিচায়ক ঐ অষ্টধাতুনির্মিত মূর্তিটিকে উক্ত বাবাজী 'রামলালা' বলিয়া সম্বোধন করিতেন। বঙ্গভাষায়ও 'হুলাল', 'হুলালী' প্রভৃতি শব্দের ঐরূপ প্রয়োগ দেখিতে পাওয়া যায়।

## গুরুভাব ও নানা সাধুসম্প্রদায়

কোনও একটা জিনিস খেতে চাচ্ছে, বেড়াতে যেতে চাচ্ছে, আবদার করছে, ইত্যাদি! আর ঐ ঠাকুরটি নিয়েই সে আনন্দে বিভোর, ‘মন্ত্’ হয়ে থাকতো! আমিও দেখতে পেতুম রামলালা ঐ রকম সব কচ্ছে! আর রোজ সেই বাবাজীর কাছে চব্বিশ ঘণ্টা বসে থাকতুম—আর রামলালাকে দেখতুম!

“দিনের পর দিন যত যেতে লাগলো, রামলালারও তত আমার উপর পিরীত বাড়তে লাগলো। (আমি) যতক্ষণ বাবাজীর (সাধুর) কাছে থাকি ততক্ষণ সেখানে সে বেশ থাকে—খেলাধূলো করে; আর (আমি) যেই সেখান থেকে নিজের ঘরে চলে আসি, তখন সেও (আমার) সঙ্গে সঙ্গে চলে আসে! আমি বারণ করলেও সাধুর কাছে থাকে না! প্রথম প্রথম ভাবতুম, বুঝি মাথার খেয়ালে ঐ রকমটা দেখি। নইলে তার (সাধুর) চিরকালে পূজোকরা ঠাকুর, ঠাকুরটিকে সে কত ভালবাসে—ভক্তি করে’ সম্ভর্পণে সেবা করে, সে ঠাকুর তার (সাধুর) চেয়ে আমার ভালবাসবে—এটা কি হতে পারে? কিন্তু ওরকম ভাবলে কি হবে? দেখতুম, সত্য সত্য দেখতুম—এই যেমন তোদের সব দেখছি, এই রকম দেখতুম—রামলালা সঙ্গে সঙ্গে কখন আগে কখন পেছনে নাচতে নাচতে আস্চে। কখন বা কোলে ওঠবার জন্য আবদার কচ্ছে। আবার হয়ত কখন বা কোলে করে রয়েছি—কিছুতেই কোলে থাকবে না, কোল থেকে নেমে রোদে দৌড়া-দৌড়ি করতে যাবে, কাঁটাবনে গিয়ে ফুল তুলবে বা গঙ্গার জলে নেমে কাঁপাই জুড়বে! যত বারণ করি, ‘ওরে, অমন করিস নি, গরমে পায়ে কোন্কা পড়বে! ওরে, অত জল ঘাট্‌সি নি, ঠাণ্ডা লেগে



## শ্রীশ্রীরামকৃষ্ণলীলাপ্রসঙ্গ

সন্ধি হবে, জর হবে।’ সে কি তা শোনে? যেন কে কাকে বলছে! হয়ত সেই পদ্মপলাশের মত সুন্দর চোখ দুটি দিয়ে আমার দিকে তাকিয়ে ফিক্ ফিক্ করে হাসতে লাগলো, আর আরো ছরস্তুপনা করতে লাগলো বা ঠোঁট দুখানি ফুলিয়ে মুখভঙ্গী কোরে ভ্যাঙ্‌চাতে লাগলো। তখন সত্যসত্যই রেগে বলতুম, ‘তবে রে পাজি, রোস্, আজ তোকে মেয়ে হাড় গুঁড়ো করে দেবো!’—ব’লে রোদ থেকে বা জল থেকে জোর করে টেনে নিয়ে আসি; আর এ-জিনিসটা ও-জিনিসটা দিয়ে ভুলিয়ে ঘরের ভেতর খেলতে বলি। আবার

চড়টা চাপড়টা বসিয়েই দিতাম। মার খেয়ে সুন্দর ঠোঁট দুখানি ফুলিয়ে সজলনয়নে আমার দিকে দেখতো! তখন আবার মনে কষ্ট হত; কোলে নিয়ে কত আদর করে তাকে ভুলাতাম! এ রকম সব ঠিক ঠিক দেখতুম, করতুম!

“একদিন নাইতে যাচ্ছি, বায়না ধরলে সেও যাবে! কি করি, নিয়ে গেলুম। তারপর জল থেকে আর কিছুতেই উঠবে না, যত বলি কিছুতেই শোনে না। শেষে রাগ করে জলে চুবিয়ে ধরে বললুম—তবে নে, কত জল ঘাঁটতে চাস্‌ ঘাঁট; আর সত্য সত্য দেখলুম সে জলের ভিতর হাঁপিয়ে শিউরে উঠলো! তখন আবার তার কষ্ট দেখে, কি কল্পম বলে কোলে করে জল থেকে উঠিয়ে নিয়ে আসি!

“আর একদিন তার জন্ম মনে যে কত কষ্ট হয়েছিল, কত যে কেঁদেছিলাম তা বলবার নয়। সেদিন রামলালা বায়না করচে দেখে ভোলাবার জন্ম চারটি ধান শুদ্ধ খই খেতে দিয়েছিলুম।

## গুরুভাব ও নানা সাধুসম্প্রদায়

তারপর দেখি, ঐ খই খেতে খেতে ধানের তুষ লেগে তার নরম জিব চিরে গেছে! তখন মনে কষ্ট হ'ল; তাকে কোলে করে ডাক ছেড়ে কঁাদতে লাগলুম আর মুখখানি ধরে বলতে লাগলুম— 'যে মুখে মা কৌশল্যা লাগবে বলে ক্ষীর, সর, ননীও অতি সন্তুর্ণণে তুলে দিতেন, আমি এমন হতভাগা যে, সেই মুখে এই কদর্যা খাবার দিতে মনে একটুও সঙ্কোচ হল না!'—কথাগুলি বলিতে বলিতেই ঠাকুরের আবার পূর্বশোক উথলিয়া উঠিল এবং তিনি আমাদের সম্মুখে অধীর হইয়া এমন ব্যাকুল ক্রন্দন করিতে লাগিলেন যে, রামলালার সহিত তাঁহার প্রেম-সম্বন্ধের কথার বিন্দুবিসর্গও আমরা বুঝিতে না পারিলেও আমাদের চক্ষে জল আসিল!

মায়াবদ্ধ জীব আমরা রামলালার ঐ সব কথা শুনিয়া অবাক। ভয়ে ভয়ে (রামলালা) ঠাকুরটির দিকে তাকাইয়া দেখি, যদি কিছু দেখিতে পাই। ওমা, কিছুই না! আর ঠাকুরের মুখে পাবই বা কেন? রামলালার উপর সে ভালবাসার কথা শুনিয়া টান তো আর আমাদের নেই। ঠাকুরের গ্রায় শ্রীরামচন্দ্রের ভাবটি ভিতরে ঘনীভূত হইয়া আমাদের সে ভাব-চক্ষু তো খুলে নাই যে বাহিরেও রামলালাকে জীবন্ত দেখিব। আমরা একটি ছোট পুতুলই দেখি, আর ভাবি, ঠাকুর যা বলিতেছেন তা কি হইতে পারে বা হওয়া সম্ভব? সংসারে সকল বিষয়েই তো আমাদের ঐরূপ হইতেছে, আর অবিশ্বাসের বুড়ি লইয়া বসিয়া আছি! দেখ না—ব্রহ্মজ্ঞ ঋষি বলিলেন, সর্ব্বং খৰিদ্ং ব্রহ্ম নেহ নানান্তি কিঞ্চন,' জগতে এক সচ্চিদানন্দময় ব্রহ্মবস্তু ছাড়া আর কিছুই

## শ্রীশ্রীরামকৃষ্ণলীলাপ্রসঙ্গ

নাই; তোরা যে নানা জিনিস নানা ব্যক্তি সব দেখিতেছিস্, তার একটা কিছুও বাস্তবিক নাই। আমরা ভাবিলাম, ‘হবেও বা’; সংসারের দিকে চাহিয়া দেখিলাম, একমেবাদ্বিতীয়ং ব্রহ্ম-বস্তুর নামগন্ধও খুঁজিয়া পাইলাম না; দেখিতে পাইলাম, কেবল কাঠ মাটি, ঘর দ্বার, মাতৃষ গরু, নানা রঞ্জের জিনিস। না হয় বড় জোর দেখিলাম, নীল স্ননীল তারকামণ্ডিত অনন্ত আকাশ, শুভ্রকিরীটী হরিৎ-শ্যামলাঙ্গ ভূধর তাহাকে স্পর্শ করিতে স্পর্ধা করিতেছে, আর কলনাদিনী শ্রোতস্বতীকুল ‘অত স্পর্ধা ভাল নয়’ বলিয়া তাহাকে ভৎসনা করিতে করিতে নিমগ্না হইয়া তাহাকে দীনতা শিক্ষা দিতেছে! অথবা দেখিলাম, বাত্যাহত অনন্ত জলধি বিশাল বিক্রমে সর্কগ্রাস করিতে যেন ছুটিয়া আসিতেছে, কিন্তু সহস্র চেষ্টাতেও বেলাতিক্রম করিতে পারিতেছে না! আর ভাবিলাম, ঋষিরা কি কোনরূপ নেশা ভাঙ করিয়া কথাগুলি বলিয়াছেন? ঋষিরা যদি বলিলেন, ‘না হে বাপু, কায়মনোবাক্যে সংযম ও পবিত্রতার অভ্যাস করিয়া একচিন্ত হও, চিন্তকে স্থির কর, তাহা হইলেই আমরা যাহা বলিয়াছি তাহা বুঝিতে—দেখিতে পাইবে; দেখিবে, জগৎটা তোমারই ভিতরের ভাবের ঘনীভূত প্রকাশ; দেখিবে, তোমার ভিতরে ‘নানা’ রহিয়াছে বলিয়াই বাহিরেও ‘নানা’ দেখিতেছ।’ অথবা বলিলাম, ‘ঠাকুর, পেটের দায়ে ইন্দ্রিয়তাড়নায় অস্থির, আমাদের অত অবসর কোথায়?’ অথবা বলিলাম, ‘ঠাকুর, তোমার ব্রহ্মবস্ত্র দেখিতে হইলে যাহা যাহা করিতে হইবে বলিয়া ফর্দ বাহির করিলে, তাহা করা তো দুই-চারি দিন বা মাস বা বৎসরের কাজ

## গুরুভাব ও নানা সাধুসম্প্রদায়

নয়—মাহুষে এক জীবনে করিয়া উঠিতে পারে কি না সন্দেহ। তোমাদের কথা শুনিয়া ঐ বিষয়ে লাগিয়া তারপর যদি ব্রহ্মবস্ত্র না দেখিতে পাই, অনন্ত আনন্দলাভটা সব ফাঁকি বলিয়া বুঝিতে পারি, তাহা হইলেই তো আমার এ কূলও গেল, ও কূলও গেল—না পৃথিবীর, ক্ষণস্থায়ীই হউক আর যাহাই হউক, স্থখগুলো ভোগ করিতে পাইলাম, না তোমার অনন্ত স্থখটাই পাইলাম—তখন কি হইবে? না, ঠাকুর! তুমি অনন্ত স্থখের আশ্বাদ পাইয়া থাক, ভাল—তুমিই উহা শিষ্টপ্রশিষ্টক্রমে স্থখে ভোগদখল কর; আমরা রূপরসাদি হইতে হাতে হাতে যে স্থখটুকু পাইতেছি, আমাদের তাহাই ভোগ করিতে দাও; নানা তর্ক-যুক্তি, কন্দি-ফারকা তুলিয়া আমাদের সে ভোগটুকু মাটি করিও না!’

আবার দেখ, বিজ্ঞানবিৎ আসিয়া আমাদিগকে বলিলেন, ‘আমি তোমাকে যন্ত্র-সহায়ে দেখাইয়া দিতেছি—এক সর্ব-ব্যাপী  
বর্তমান কালের  
জড়বিজ্ঞান  
প্রাণপদার্থ ইট-কাঠ, সোনা-রূপা, গাছপালা,  
মানুষ-গরু সকলের ভিতরেই সমভাবে রহিয়া ভিন্ন  
ভোগ-স্বখ-বুদ্ধির  
ভাবে প্রকাশিত হইতেছে।’ আমরা দেখিলাম,  
সহায়তা করে  
বাস্তবিকই সকলের ভিতরে প্রাণস্পন্দন পাওয়া  
বলিয়া আমাদের  
উহাতে  
যাইতেছে! বলিলাম—‘বা! বা! তোমার  
অমুরাণ  
বুদ্ধিখানার দৌড় খুব বটে। কিন্তু শুধু ঐ জ্ঞান  
লইয়া কি হইবে? ও কথা ত আমাদের শাস্ত্রকর্তা ঋষিরা বলিয়া  
গিয়াছেন বহুকাল পূর্বে।’<sup>১</sup> তুমি না হয় উহা এখন দেখাইতেই

১ “অন্তঃসংজ্ঞা ভবন্ত্যেতে স্থখঃখসমমিতাঃ”—বৃক্ষপ্রভৃতি জড়পদার্থসকলেরও চৈতন্য আছে; উহাদের ভিতরেও স্থখঃখের অনুভূতি বর্তমান।

## শ্রী শ্রীরামকৃষ্ণলীলাপ্রসঙ্গ

পারিলে। উহার সহায়ে আমাদের রূপরসাদি-ভোগের কিছু বৃদ্ধি হইবে বলিতে পার ? তাহা হইলে বৃদ্ধিতে পারি।’ বিজ্ঞানবিৎ বলিলেন—‘হইবে না ? নিশ্চিত হইবে। এই দেখ না, তড়িৎশক্তির পরিচয় পাইয়া তোমার দেশ-দেশান্তরের সংবাদ পাইবার কত সুবিধা হইয়াছে ; বায়ুশক্তি কথার জ্ঞানিয়া রেল-জাহাজ, কল-কারখানা করিয়া বাণিজ্য-ব্যবসায়ের দ্বারা তোমার ভোগের মূল অর্থ-উপার্জনের কত সুবিধা হইয়াছে ; বিস্ফোরক পদার্থের গুট নিয়ম বুঝিয়া বন্দুক কামান করিয়া তোমার ভোগসুখলাভের অন্তরায় শত্রুকুলনাশের কত সুবিধা হইয়াছে। এইরূপে আজ আবার এই যে সর্বব্যাপী প্রাণশক্তির পরিচয় পাইলে তাহার দ্বারাও পথে ঐরূপ কিছু না কিছু সুবিধা হইবেই হইবে।’ তখন আমরা বলিলাম, ‘তা বটে ; আচ্ছা, কিন্তু যত শীঘ্র পার ঐ নরাবিধৃত শক্তিপ্রয়োগে যাহাতে আমাদের ভোগের বৃদ্ধি হয়, সেই বিষয়টায় লক্ষ্য রাখিয়া যাহা হয় কিছু একটা বাহির করিয়া ফেল ; তাহা হইলে বুঝিব, তুমি বাস্তবিক বুদ্ধিমান বটে ; ঐ বেদ-পুরাণ-বক্তা ঋষিগুলোর মত তুমি নেশা ভাঙ করিয়া কথা কহ না।’ বিজ্ঞানবিৎও শুনিয়া আমাদের ধারা বুঝিয়া বলিলেন—‘তথাস্ত !’

ধর্মজগতে জ্ঞানকাণ্ডের প্রচারক ঋষিরা ঐরূপে ‘তথাস্ত’ বলিতে পারিলেন না বলিয়াই তো যত গোল বাধিয়া গেল। আর তাঁহাদিগকে সংসারের কোলাহল হইতে দূরে ঝোড়ে জঙ্গলে বাস করিয়া দুই-চারিটা সংসারবিরাগী লোককে লইয়াই সন্তুষ্ট থাকিতে হইল ! তবে ভারতে ধর্মজগতে ঐরূপ ‘তথাস্ত’

## গুরুভাব ও নানা সাধুসম্প্রদায়

বলিবার চেষ্টা যে কোনকালে কখনও হয় নাই তাহা বোধ  
 বৌদ্ধযুগের শেষে হয় না। বৌদ্ধযুগের শেষের কথাটা স্মরণ কর।  
 কাপালিকদের —যখন তান্ত্রিক কাপালিকেরা মারণ, উচাটন,  
 সন্ধ্যাধর্ম- বশীকরণাদির বিপুল প্রসার করিতেছেন, যখন  
 প্রচারের ফল। শাস্তি-স্বস্ত্যয়নাদিতে মানবের শারীরিক ও মানসিক  
 যোগ ও ভোগ শাস্তির উপশম ও আরোগ্যের এবং ভূত-প্রেত  
 একত্র থাকা ব্যাধির উপশম ও আরোগ্যের এবং ভূত-প্রেত  
 অসম্ভব তাড়াইবার খুব ধুমধাম পড়িয়াছে, যখন তপস্তালঙ্ক  
 সিদ্ধাই-প্রভাবে অলৌকিক কিছু একটা না দেখাইতে পারিলে  
 এবং শিষ্টবর্গের সাংসারিক ভোগস্বখাদি নিবিষ্টে যাহাতে সম্পন্ন  
 হয়, দৈবকে ঐভাবে নিয়ন্ত্রিত করিবার ক্ষমতা তুমি যে ধারণ  
 কর লোকের নিকট এরূপ ভান না করিতে পারিলে তুমি  
 ধার্মিক বলিয়া পরিচিত হইতে পারিতে না—সেই যুগের কথা  
 স্মরণ কর। তখন ধর্মজগৎ একবার ভোগের কামনা পূর্ণ  
 করিবার সহায়ক বলিয়া ধর্মনিহিত গুণ সত্যসকলকে সংসারী  
 মানবের নিকট প্রচার করিতে বন্ধপরিকর হইয়াছিল। কিন্তু  
 আলোক ও অন্ধকার একত্রে একই স্থানে এক সময়ে থাকিবে  
 কিরূপে? ফলে অল্পকালের মধ্যেই কাপালিক তান্ত্রিকদের  
 যোগ ভুলিয়া ভোগভূমিতে অবরোহণ এবং ধর্মের নামে রূপরসাদি  
 স্ববিস্তৃত ভোগশৃঙ্খলের গুপ্ত প্রচার! তখন দেশের যথার্থ  
 ধার্মিকেরা আবার বুঝিল যে, যোগ-ভোগ হই পদার্থ পরম্পর-  
বিরোধী—একত্র একাধারে কোনরূপেই থাকিতে পারে না এবং  
বুঝিয়া পুনরায় ঋষিকুল-প্রবর্তিত জ্ঞানমার্গের পক্ষপাতী হইয়া  
জীবনে তাহার অনুষ্ঠান করিতে লাগিল।

## শ্রীশ্রীরামকৃষ্ণলীলাপ্রসঙ্গ

আমাদেরও সংসারী মানবের মতে মত দিয়া ঐরূপে ‘তথাস্থ’ বলিবার স্বযোগ কোথায়? আমরা যে এক জগৎছাড়া ঠাকুরের কথা বলিতে বসিয়াছি—যাহার মনে ত্যাগের ভাব এত বন্ধমূল হইয়া গিয়াছিল যে, হৃদ্যপ্লাবহুয়ও হস্তে ধাতু স্পর্শ করিলে হস্ত সঙ্কুচিত ও আড়ষ্ট হইয়া যাইত এবং শ্বাস-প্রশ্বাস বন্ধ হইয়া প্রাণের

ঠাকুরের	ভিতর বিষম যন্ত্রণা উপস্থিত হইত—যাহার মনে
নিজের অকৃত	জগজ্জননীর সাক্ষাৎ প্রতিমূর্তি বলিয়া জ্ঞান
ত্যাগ এবং	স্ত্রী-শরীর দেখিলেই উদয় হইত, নানা লোকে নানা
ত্যাগধর্মের	চেষ্টা করিয়াও ঐ ভাব দূর করিতে পারে নাই!—
প্রচার দেখিয়া	সহস্র সহস্র মুদ্রার সম্পত্তি দিতে চাহিয়াছিল বলিয়া
সংসারী	যাহার মনে এমন বিষম যন্ত্রণা উপস্থিত হইয়াছিল
লোকের ভয়	

যে, পরম অহুগত মথুরকে যষ্টিহস্তে আরক্তনয়নে গ্রহণ করিতে ছুটাছুটি করিয়াছিলেন এবং পরেও সে-সব কথা আমাদের নিকট কখন কখন বলিতে বলিতে উত্তেজিত হইয়া বলিতেন, “মথুর ও লক্ষ্মীনারায়ণ মাড়োয়ারী বিষয় লেখাপড়া করে দেবে শুনে ‘মাথায় ঘেন করাত বসিয়ে দিয়েছিল, এমন যন্ত্রণা হয়েছিল!’—যাহার মনে সংসারের রূপরসাদির কখনও আসক্তির কলঙ্ক-কালিমা আনয়ন করিয়া সমাধিভূমির অতীন্দ্রিয় আনন্দানুভবের বিন্দুমাত্র বিচ্ছেদ জন্মাইতে পারে নাই—এ সৃষ্টিছাড়া ঠাকুরের কথা বলিতে যাইয়া আমাদের যে অনেক তিরস্কার-লাঞ্ছনা সহ্য করিতে হইবে, হে ভোগলোলুপ সংসারী মানব, তাহা আমরা বহু পূর্বে হইতেই জানি। শুধু তাহাই নহে, পাছে তোমার দলবল, আত্মীয়-স্বজন, পুত্র-পৌত্রাদির ভিতর সরলমতি কেহ এ অলৌকিক চরিত্রের

## গুরুভাব ও নানা সাধুসম্প্রদায়

প্রতি আমাদের কথায় সত্য সত্যই আকৃষ্ট হইয়া ভোগ-সুখে জলাঞ্জলি দিয়া সংসারের বাহিরে যাইবার চেষ্টা করে, তজ্জন্ম তুমি এ দেবচরিত্রেও যে কলঙ্কার্পণ করিতে কুণ্ঠিত হইবে না—তাহাও আমরা জানি। কিন্তু জানিলে কি হইবে? যখন এ কার্যে হস্তক্ষেপ করিয়াছি, তখন আর আমাদের বিরত হইবার বা অন্ততঃ আংশিক গোপন করিয়া সত্য বলিবার সামর্থ্য নাই। যতদূর জানি, সমস্ত কথাই বলিয়া যাইতে হইবে। নতুবা শাস্তি নাই। কে যেন জোর করিয়া বলাইতেছে যে! অতএব আমরা এ অদৃষ্টপূর্ব দেবমানবের কথা যতদূর জানি বলিয়া যাই, আর তুমি এই সকল কথা যতটা ইচ্ছা ‘গ্রাজামুড়ো বাদ দিয়া’ নিজের যতটা ‘রয় সয়’ ততটা লইও, বা ইচ্ছা হইলে ‘কতকগুলো গাঁজাখুরি কথা লিখিয়াছে’ বলিয়া পুস্তকখানা দূরে নিক্ষেপ করিয়া নিত্য নূতন ফুলে ‘বিষয়-মধু’ পান করিতে ছুটিও। পরে সংসারে বিষম ঘণিপাকে পড়িয়া যদি কখন ‘বিষয়-মধু তুচ্ছ হল কামাদি-কুসুমসকলে’—এমন অবস্থা তোমার ভাগ্যদোষে (বা গুণে?) আসিয়া পড়ে, তখন এ অলৌকিক পুরুষের লীলাপ্রসঙ্গ পড়িও, নিজেও শাস্তি পাইবে এবং আমাদের ঠাকুরেরও ‘কদর’ বৃদ্ধিবে।

‘রামলালার’ ঐ অদ্ভুত আচরণের কথা বলিতে বলিতে ঠাকুর বলিতেন, “এক এক দিন রেঁধেবেড়ে ভোগ  
রামলালার  
ঠাকুরের নিকট দিতে বসে বাবাজী (সাধু) রামলালাকে দেখতেই  
থাকিয়া যাওয়া পেত না। তখন মনে ব্যথা পেয়ে এখানে  
কিরূপে হয় (ঠাকুরের ঘরে) ছুটে আসত; এসে দেখত  
রামলালা ঘরে খেলা করচে! তখন অভিমানে তাকে কত কি



## শ্রীশ্রীরামকৃষ্ণলীলাপ্রসঙ্গ

বলত ! বলত, 'আমি এত করে রেঁধেবেড়ে তোকে খাওয়াব বলে খুঁজে বেড়াচ্ছি, আর তুই কিনা এখানে নিশ্চিন্ত হয়ে ভুলে রয়েছিস ! তোরা ধারাই ঐরূপ, যা ইচ্ছা তাই করবি ; মায়া দয়া 'কিছুই নেই। বাপ-মাকে ছেড়ে বনে গেলি, বাপটা কেঁদে কেঁদে মরে গেল, তবুও ফিরলি না—তাকে দেখা দিলি না'—এই রকম সব কত কি বোলে রামলালাকে টেনে নিয়ে গিয়ে খাওয়াত। এই রকমে দিন যেতে লাগল। সাধু এখানে অনেক দিন ছিল—কারণ রামলালা এখান ( আমাকে ) ছেড়ে যেতে চায় না—আর সেও চিরকালের আদরের রামলালাকে ফেলে যেতে পারে না !

“তারপর একদিন বাবাজী হঠাৎ এসে সজলনয়নে বল্লে, ‘রামলালা আমাকে রূপা করে প্রাণের পিপাসা মিটিয়ে যেমন ভাবে দেখতে চাইতাম তেমনি করে দর্শন দিয়েছে ও বলেছে, এখান থেকে যাবে না ; তোমাকে ছেড়ে কিছুতেই যেতে চায় না—আমার এখন আর মনে দুঃখকষ্ট নাই। তোমার কাছে ও স্বখে থাকে, আনন্দে খেলাধুলো করে তাই দেখেই আমি আনন্দে ভরপুর হয়ে যাই ! এখন আমার এমনটা হয়েছে যে ওর যাতে স্বথ, তাতেই আমার স্বথ। সেজ্ঞা আমি এখন একে তোমার কাছে রেখে অগ্রত্ব যেতে পারব। তোমার কাছে স্বখে আছে ভেবে ধ্যান করেই আমার আনন্দ হবে’—এই ব’লে রামলালাকে আমায় দিয়ে বিদায় গ্রহণ করলে। সেই অবধি রামলালা এখানে রয়েছে।”

আমরা বুঝিলাম ঠাকুরের দেবসঙ্গেই বাবাজীর মন স্বার্থগন্ধহীন

## গুরুভাব ও নানা সাধুসম্প্রদায়

ভালবাসার আশ্বাদন পাইল এবং বুঝিতে পারিল যে ঐ প্রেমে  
ঠাকুরের প্রেমাস্পদের সহিত আর বিচ্ছেদের আশঙ্কা নাই।  
দেবসঙ্গে বুঝিল যে, তাহার শুদ্ধ-প্রেমঘন উপাস্ত তাহার  
বাবাজীর নিকটেই সর্বদা রহিয়াছেন, যখন ইচ্ছা তখন  
স্বার্থশূন্য তাঁহার দর্শন পাইবে। সাধু ঐ আশ্বাস পাইয়াই যে  
প্রেমানুভব তাঁহার দর্শন পাইবে। সাধু ঐ আশ্বাস পাইয়াই যে  
প্রাণের রামলালাকে ছাড়িয়া যাইতে পারিয়াছিল, ইহা নিঃসংশয়।

ঠাকুর বলিতেন, “আবার এক সাধু এসেছিল, তার ঈশ্বরের  
নামেই একান্ত বিশ্বাস! সেও রামায়; তার সঙ্গে অস্ত্র কিছুই  
জৈন সাধুর নেই, কেবল একটি লোটা (ঘটি) ও একখানি  
রামনামে গ্রন্থ। গ্রন্থখানি তার বড়ই আদরের—ফুল দিয়ে  
বিশ্বাস নিত্য পূজা করতো ও এক একবার খুলে দেখতো।

তার সঙ্গে আলাপ হবার পর একদিন অনেক করে বলে কয়ে  
বইখানি দেখতে চেয়ে নিলুম, খুলে দেখি তাতে কেবল লাল  
কালিতে বড় বড় হরফে লেখা রয়েছে, ‘ওঁ রামঃ।’ সে বললে,  
‘মেলা গ্রন্থ পড়ে কি হবে? এক ভগবান থেকেই ত বেদ-পুরাণ  
সব বেরিয়েছে; আর তাঁর নাম এবং তিনি তো অভেদ; অতএব  
চার বেদ, আঠার পুরাণ, আর সব শাস্ত্রে যা আছে, তাঁর একটি  
নামেতে সে-সব রয়েছে। তাই তাঁর নাম নিয়েই আছি।’ তার  
(সাধুর) নামে এমনি বিশ্বাস ছিল!”

এইরূপে কত সাধুর কথাই না ঠাকুর আমাদের নিকট বলিতেন,  
রামাইং আবার কখন কখন ঐ সকল রামাইং বাবাজীদের  
সাধুদের নিকট যে সকল ভগবানের ভজন শিখিয়াছিলেন,  
ভজন-সঙ্গীত তাহা গাহিয়া আমাদের শুনাইতেন। যথা—  
ও দোহাবলী

## শ্রীশ্রীরামকৃষ্ণলীলাপ্রসঙ্গ

(মেরা) রামকো না চিনা হায়, দিল্, চিনা হায় তুম্ ক্যারে ;

আওরু জানা হায় তুম্ ক্যারে ।

সন্ত্ ওহি যো রাম-রস চাথে

• আওরু বিষয়-রস চাথা হায় সো ক্যারে ॥

পুত্র ওহি যো কুলকো তারে

আওরু যো সব পুত্র হায় সো ক্যারে ॥

অথবা—

নীতাপতি রামচন্দ্র, রঘুপতি রঘুরাঙ্গ ।

ভজলে অযোধ্যানাথ, ছসরা ন কোঙ্গি ॥

হসন বোলন চতুর চাল, অয়ন বয়ান দৃগ্-বিশাল ।

জকুটি কুটিল তিলক ভাল, নাসিকা মোহাঙ্গি ॥

কেশরকো তিলক ভাল, মানো রবি প্রাতঃকাল ।

• মানো গিরি শিখর ফোড়ি, সুরসরি বহিরাঙ্গি ॥

মোতিনকো কণ্ঠমাল, তারাগণ উর বিশাল ।

শ্রবণ-কুণ্ডল-বলমলাত, রতিপতি-ছবি-ছাঙ্গি ॥

• সখা সহিত সরযুতীর বিহরে রঘুবংশবীর,

তুলসীদাস হরষ নিরখি, চরণরজ পাঙ্গি ॥

অথবা গাহিতেন—

‘রাম ভজা সেই জিয়ারে জগ্-মে,

রাম ভজা সেই জিয়ারে ॥’

অথবা—

‘মেরা রাম বিনা কোহি নাহিরে তারণ-ওয়াল।’

• —এই মধুর গীত দুইটির অপর চরণসকল আমরা তুলিয়া গিয়াছি ।

## গুরুভাব ও নানা সাধুসম্প্রদায়

কখন বা আবার ঠাকুর ঐ সকল সাধুদিগের নিকট যে-সকল দৌহা শিখিয়াছিলেন, তাহাই আমাদের শুনাইতেন। বলিতেন, “সাধুরা চুরি, নারী ও মিথ্যা এই তিনের হাত থেকে সৰ্ব্বদা আপনাকে বাঁচাতে উপদেশ করে।” বলিয়াই আবার বলিতেন, “এই তুলসীদাসের দৌহায় সব কি বল্ছে শোন—

সত্যবচন্ অধীনতা পরধন-উদাস।

ইস্মে না হরি মিলে তো জামিন্ তুলসীদাস ॥

সত্যবচন্ অধীনতা পরশ্রী মাতৃসমান।

ইস্মে না হরি মিলে, তুলসী খুট্ জবান্ ॥

“অধীনতা কি জানিস্—দীনভাব। ঠিক ঠিক দীনভাব এলে অহঙ্কারের নাশ হয় ও ঈশ্বরকে পাওয়া যায়। কবীর দাসের গানেও ঐ কথা আছে—

সেবা বন্দি আওর অধীনতা, সহজ মিলি রঘুরাঈ।

হরিষে লাগি রহোরে ভাই ॥” ইত্যাদি।

আবার একদিন ঠাকুর বলিলেন, “এক সময়ে এমনটা মনে হল যে, সকল রকমের সাধকদের যা কিছু জিনিস সাধনার ঠাকুরের সকল সস্ত্রদায়ের সাধকদিগকে সাধনের প্রয়োজনীয় অব্য দিব্য ইচ্ছা ও রাজকুমারের (অচলানন্দ্রের) কথা

জন্ম দরকার, সে সব তাদের যোগ্য! তারা এই সব পেয়ে নিশ্চিন্ত হয়ে বসে ঈশ্বরসাধনা করবে, তাই দেখবো আর আনন্দ করবো। মথুরকে বল্লম। সে বলে, ‘তার আর কি বাবা, সব বন্দোবস্ত করে দিচ্ছি; তোমার যাকে যা ইচ্ছা হবে দিও।’ ঠাকুরবাড়ীর ভাণ্ডার থেকে চাল, ডাল, আটা প্রভৃতি যার যেমন ইচ্ছা তাকে

সেই বসন্তে বন্দোবস্ত তো ছিলই—তার উপর মথু সাধুদের দিব্য কৃষ্ণ, কাল, আসন, মায় তার যে-সব নেশা ভাঙ করে—সিদ্ধি, গাঁজা, তান্ত্রিক সাধুদের জন্ম 'কারণ' প্রভৃতি ... করে দিলে। তখন তান্ত্রিক সব ঢের আসতো ও শ্রীচক্রের অহুষ্ঠান করতো। আমি আবার তাদের সাধনার দরকার বলে আদা পেঁয়াজ ছাড়িয়ে, মুড়ি কড়াই ভাজা আনিয়ে সব যোগাড় করে দিতুম; আর তারা সব ঐ নিয়ে পূজা করছে, জগদম্বাকে ডাকছে, দেখতুম। আমাকে তারা আবার অনেক সময় চক্রে নিয়ে বসতো, অনেক সময় চক্রেখর করে বসাতো; 'কারণ' গ্রহণ করতে অহুরোধ করতো। কিন্তু যখন বুঝতো যে, ও সব গ্রহণ করতে পারি না, নাম করলেই নেশা হয়ে যায়, তখন আর অহুরোধ করত না। তাদের সঙ্গে বসলে 'কারণ' গ্রহণ করতে হয় বলে 'কারণ' নিয়ে কপালে ফোঁটা কাটতুম বা আত্মাণ নিতুম বা বড় জোর আঙুলে করে মুখে ছিটে দিতুম আর তাদের পায়ে সব ঢেলে 'ঢেলে দিতুম। দেখতুম, তাদের ভিতর কেউ কেউ উহা গ্রহণ করেই ঈশ্বরচিন্তায় মন দেয়, বেশ তন্নয় হয়ে তাঁকে ডাকে। অনেকে আবার কিন্তু দেখলুম লোভে পড়ে থাক, আর জগদম্বাকে ডাকা দূরে থাক, বেশী খেয়ে শেষটা মাতাল হয়ে পড়ে। একদিন ঐ রকমে বেশী ঢলাঢলি করাতে শেষটা ও সব (কারণাদি) দেওয়া বন্ধ করে দিলুম। রাজকুমারকে<sup>১</sup> কিন্তু বরাবর দেখেছি,

১ ইনি কয়েক বৎসর হইল দেহত্যাগ করিয়াছেন। কালীঘাটে অনেক সময় থাকিতেন এবং অচলানন্দনাথ নামে প্রসিদ্ধ ছিলেন। ইনি অনেকগুলি

গ্রহণ করেই তন্নয় হয়ে জপে —  
না। শেষটা কিন্তু যেন — দিকে ঝাঁক  
হয়েছিল। হতেই পারে—ছেলেপিলে পরিবার ছিল—বাড়ীতে  
অভাবের দরুণ টাকাকড়ি-লাভের দিকে একটু-আধটু মন দিতে  
হত; তা যাই হক্, সে কিন্তু বাবু, সাধনার সহায় বলেই ‘কারণ’  
গ্রহণ করতো; লোভে পড়ে ঐ সব খেয়ে কখন ঢলাঢলি করে  
নি—ওটা দেখেছি।”

ঠাকুর ‘কারণ’ গ্রহণ করিতে কখন পারিতেন না—এ প্রসঙ্গে  
কত কথাবই না মনে উদয় হইতেছে! কতদিন না আমাদের

ঠাকুরের	সম্মুখে তিনি কথা-প্রসঙ্গে ‘সিদ্ধি’, ‘কারণ’ প্রভৃতি
‘সিদ্ধি’ বা ‘কারণ’	পদার্থের নাম করিতে করিতে নেশায় ভরপুর হইয়া
বলিবামাত্র	এমন কি সমাধিস্থ পর্য্যন্ত হইয়া পড়িয়াছেন—
ঈশ্বরীয়	দেখিয়াছি! স্ত্রী-শরীরের বিশেষ গোপনীয় অঙ্গ,
ভাবে তন্নয়	হইয়া নেশা ও
যাহার	নামমাত্রেই সভ্যতাভিমानी জ্বাচোর
খিস্তি-খেউর	আমাদের মনে কুৎসিত ভোগের ভাবই উদিত হয়
উচ্চারণেও	বা ঐরূপ ভাব উদিত হইবে নিশ্চিত জানিয়া
সমাধি	

আমাদের ভিতর শিষ্ট ঐহারা তাঁহারা ‘অশ্লীল’ বলিয়া কর্ণে অঙ্গুলি-  
প্রদান পূর্বক দূরে পলায়ন করিয়া আত্মরক্ষা করেন, সেই অঙ্গের  
নাম করিতে করিতেই এ অদ্ভুত ঠাকুরকে কতদিন না সমাধিস্থ হইয়া  
পড়িতে দেখিয়াছি! আবার দেখিয়াছি—সমাধিভূমি হইতে কিছু  
নিম্নে নামিয়া একটু বাহুদশা প্রাপ্ত হইয়াই ঐ প্রসঙ্গে বলিতেছেন,  
শিগ্ৰু-প্রশিগ্ৰু রাখিয়া যান। ইঁহার দেহত্যাগের পর শিগ্গেরা কালীঘাটের নিকটবর্তী  
গ্রামান্তরে মহাসমারোহে তাঁহার শরীরের মৃত্যুসমাধি দেয়।

“মা, তুই তো পঞ্চাশৎ-বর্ষ-রূপিনী ; তোরা যে-সব বর্ষ নিয়ে বেদ-বেদান্ত, সেই সবই তো খিস্তি-খেউড়ে ! তোরা বেদ-বেদান্তের ক'থ আলাদা, আর খেউরের ক'থ আলাদা তো নয় ! বেদ-বেদান্তও তুই, আর খিস্তি-খেউড়ও তুই !—এই বলিতে বলিতে আবার সমাধিস্থ হইয়া পড়িলেন ! হায়, হায়, বলা-ব্বানর কথা দূরে ষাউক, কে বুঝিবে এ অলৌকিক দেবমানবের নয়নে জগতের ভাল-মন্দ সকল পদার্থই কি অনির্বচনীয়, আমাদের মনোবুদ্ধির অগোচর, এক অপূর্ব আলোকে প্রকাশিত ছিল ! কে সে চক্ষু পাইবে যে তাঁহার দৃষ্টিতে জগৎ-সংসারটা দেখিতে পাইবে ! হে পাঠক, অবহিত হও ; স্তম্ভিত মনে কথাগুলি হৃদয়ে যত্নে ধারণ কর, আর ভাব—এ অদ্ভুত ঠাকুরের মানসিক পবিত্রতা কি স্ফুর্ভীর, কি ছুবগাহ !

শ্রীশ্রীজগদম্বার কৃপাপাত্র শ্রীরামপ্রসাদ গাহিয়াছেন—

“স্বরাপান করি না আমি, জুধা খাই জয় কালী বলে । আমার মন-মাতালে মাতাল করে, যত মদ-মাতালে মাতাল বলে ।” ইত্যাদি । বাস্তবিক নেশা-ভাঙ না করিয়া কেবল ভগবদানন্দে যে লোকে, আমরা যে অবস্থাকে বেয়াড়া মাতাল বলি তদ্রূপ অবস্থাপন্ন হইতে পারে, এ কথা ঠাকুরকে দেখিবার পূর্বে আমাদের ধারণাই হইত না । আমাদের বেশ মনে আছে, আমাদের জীবনে একটা সময় এমন গিয়াছে যখন ‘হরি’ বলিলেই মহাপ্রভু শ্রীচৈতন্য-দেবের বাহজ্ঞান লুপ্ত হইত—একথা কোন গ্রন্থে পাঠ করিয়া গ্রন্থকারকে কুসংস্কারাপন্ন নির্বোধ বলিয়া ধারণা হইয়াছিল । তখন ঐ প্রকারের একটা সকল বিষয়ে সন্দেহ, অবিশ্বাসের তরঙ্গ যেন

শহরের সকল যুবকেরই মনে চলিতেছিল! তাহার পরেই এই অলৌকিক ঠাকুরের সহিত দেখা—দেখা, দিবসে রাত্রে সকল সময়ে দেখা, নিজের চক্ষে দেখা যে কীর্তনানন্দে তাঁহার উদ্দাম নৃত্য ও ঘন ঘন বাহুজ্ঞানের লোপ—টাকা পয়সা হাতে স্পর্শ করাইলেই ঐ অবস্থাপ্রাপ্তি—‘সিদ্ধি’, ‘কারণ’ প্রভৃতি নেশার পদার্থের নাম করিলামাত্র ভগবদানন্দের উদ্দীপন হইয়া ভরপুর নেশা—ঈশ্বরের বা তদবতারদিগের নামের কথা দূরে থাক, যে নামের উচ্চারণে ইতর-সাধারণের মনে কুৎসিত ইন্দ্রিয়জ্ঞ আনন্দেরই উদ্দীপনা হয়, তাহাতে ব্রহ্মযোনি ত্রিজগৎপ্রসবিনী আনন্দময়ী জগদম্বার উদ্দীপন হইয়া ইন্দ্রিয়সম্পর্কমাত্রশূন্য বিমল আনন্দে একেবারে আত্মহারা হইয়া পড়া! এখনও কি বলিতে হইবে, এ অলৌকিক দেবমানবের কি এমন গুণ দেখিয়া আমাদের চক্ষু চিরকালের মত বলসিত হইয়া গেল, যাহাতে তাঁহাকে ঈশ্বরবতারজ্ঞানে হৃদয়ে আসন দান করিলাম?

ঠাকুরের পরম ভক্ত, পরলোকগত ডাক্তার শ্রীরামচন্দ্র দত্তের সিমলার (কলিকাতা) ভবনে ঠাকুর ভক্তসঙ্গে উপস্থিত হইয়া অনেক সময়ে অনেক আনন্দ করিতেন। একদিন ঐ বিষয়ের ১ম দৃষ্টান্ত— ঐরূপে কিছুকাল ঈশ্বরীয় প্রসঙ্গে আনন্দ করিয়া রামচন্দ্র দত্তের দক্ষিণেশ্বরে ফিরিবেন বলিয়া বাহির হইলেন। বাটীতে রাম বাবুর বাটীখানি গলির<sup>১</sup> ভিতর, বাটীর সম্মুখে গাড়ী আসিতে পারে না। বাটীর কিছু দূরে পূর্বের বা পশ্চিমের বড় রাস্তায় গাড়ী রাখিয়া পদব্রজে বাড়ীতে আসিতে হয়। ঠাকুরের

১ গলির নাম মধু রায়ের গলি।



## শ্রীশ্রীরামকৃষ্ণলীলাপ্রসঙ্গ

যাইবার জগ্গ একখানি গাড়ী পশ্চিমের বড় রাস্তায় অপেক্ষা করিতেছিল। ঠাকুর সেদিকে হাঁটিয়া চলিলেন, ভক্তেরা তাঁহার অল্পগমন করিতে লাগিলেন। কিন্তু ভগবদানন্দে সেদিন ঠাকুর এমন টলমল করিতেছিলেন যে, এখানে পা ফেলিতে ওখানে পড়িতেছে। কাজেই বিনা সাহায্যে ঐ কয়েক পদ যাইতে পারিলেন না। দুই জন ভক্ত দুই দিক হইতে তাঁহার হাত ধরিয়া ধীরে ধীরে লইয়া যাইতে লাগিল। গলির মোড়ে কতকগুলি লোক দাঁড়াইয়া ছিলেন—তাঁহারা ঠাকুরের ব্যাপার বুঝিবেন কিরূপে? আপনাদিগের মধ্যে বলাবলি করিতে লাগিলেন, ‘উঃ! লোকটা কি মাতাল হয়েছে হে!’ কথাগুলি ধীরস্বরে উচ্চারিত হইলেও আমরা শুনিতে পাইলাম। শুনিয়া না হাসিয়া থাকিতে পারিলাম না, আর মনে মনে বলিলাম, ‘তা বটে’!

দক্ষিণেথরে একদিন দিনের বেলায় আমাদের পরমারাধ্যা শ্রীশ্রীমাতাঠাকুরাণীকে পান সাজিতে ও তাঁহার বিছানা বাড়িয়া ঘরটা কাঁটপাট দিয়া পরিষ্কার করিয়া রাখিতে বলিয়া ঠাকুর কালীঘরে শ্রীশ্রীজগন্নাথাকে দর্শন করিতে যাইলেন। তিনি ক্ষিপ্ৰহস্তে ঐ সকল কাজ প্রায় শেষ করিয়াছেন, এমন সময় ঠাকুর মন্দির হইতে ফিরিলেন—একেবারে যেন পুরোদস্তুর মাতাল! চক্ষু রক্তবর্ণ, হেথায় পা ফেলিতে হোথায় পড়িতেছে, কথা এড়াইয়া অস্পষ্ট অব্যক্ত হইয়া গিয়াছে! ঘরের ভিতরে প্রবেশ করিয়া ঐ ভাবে টলিতে টলিতে একেবারে শ্রীশ্রীমার নিকটে আসিয়া উপস্থিত হইলেন। শ্রীশ্রীমা তখন একমনে গৃহকার্য্য করিতেছেন, ঠাকুর যে তাঁহার

## গুরুভাব ও নানা সাধুসম্প্রদায়

নিকটে ঐ ভাবে আসিয়াছেন তাহা জানিতেও পারেন নাই। এমন সময়ে ঠাকুর মাতালের মত তাঁহার অঙ্গ ঠেলিয়া তাঁহাকে সঙ্কোচন করিয়া বলিলেন, “ওগো, আমি কি মদ খেয়েছি?” তিনি পশ্চাৎ ফিরিয়া সহসা ঠাকুরকে ঐরূপ ভাবাবস্থা দেখিয়া একেবারে স্তম্ভিত! বলিলেন—‘না, না, মদ খাবে কেন?’

ঠাকুর—তবে কেন টল্‌চি? তবে কেন কথা কহিতে পাচ্চি না? আমি মাতাল?

শ্রীশ্রীমা—না, না, তুমি মদ কেন খাবে? তুমি মা কালীর ভাবামৃত খেয়েছ।

ঠাকুর ‘ঠিক বলেছ’ বলিয়াই আনন্দ প্রকাশ করিতে লাগিলেন।

কলিকাতার ভক্তদিগের ঠাকুরের নিকট আগমন ও রূপালাভের পর হইতেই ঠাকুর প্রায় প্রতি সপ্তাহেই দুই একবার কলিকাতায়

কোন না কোন ভক্তের বাটীতে গমনাগমন করিতেন।

ঐ ৩য় দৃষ্টান্ত—

কাশীপুরে

মাতাল

দেখিয়া

নিয়মিত সময়ে কেহ তাঁহার নিকট উপস্থিত হইতে

না পারিলে এবং অল্প কাহারও মুখে তাহার কুশল-

সংবাদ না পাইলে রূপাময় ঠাকুর স্বয়ং তাহাকে

দেখিতে ছুটিতেন। আবার নিয়মিত সময়ে আসিলেও কাহাকেও কাহাকেও দেখিবার জন্ত কয়েক দিনের মধ্যেই তাঁহার মন চঞ্চল হইয়া উঠিত। তখন তাহাকে দেখিবার জন্ত ছুটিতেন। কিন্তু সর্ব সময়েই দেখা যাইত, তাঁহার ঐরূপ শুভাগমন সেই সেই ভক্তের কল্যাণের জন্তই হইত। উহাতে তাঁহার নিজের বিন্দুমাত্রও স্বার্থ থাকিত না। বরাহনগরে বেণী সাহার কতকগুলি ভাল

## শ্রীশ্রীরামকৃষ্ণলীলাপ্রসঙ্গ

ভাড়াটিয়া গাড়ী ছিল। ঠাকুর প্রায়ই কলিকাতা আসিতেন বলিয়া তাহার সহিত বন্দোবস্ত ছিল যে, ঠাকুর বলিয়া পাঠাইলেই সে দক্ষিণেশ্বরে গাড়ী পাঠাইবে এবং কলিকাতা হইতে ফিরিতে যত রাত্রিই হউক না কেন গোলমাল করিবে না; অধিক সময়ের জ্ঞান নিয়মিত হারে অধিক ভাড়া পাইবে। প্রথমে মথুর বাবু, পরে পানিহাটির মণি সেন, পরে শঙ্কু মল্লিক এবং তৎপরে কলিকাতা সিঁহুরিয়াপটির শ্রীযুক্ত জয়গোপাল সেন ঠাকুরের ঐ সকল গাড়ী-ভাড়ার খরচ যোগাইতেন। তবে যাহার বাটীতে যাইতেন, পারিলে সেদিনকার গাড়ীভাড়া তিনিই দিতেন।

আজ ঠাকুর ঐরূপে কলিকাতায় যাইবেন—যহু মল্লিকের বাটীতে। মল্লিক মহাশয়ের মাতাঠাকুরাণী ঠাকুরকে বিশেষ ভক্তি করিতেন—তাঁহাকে দেখিয়া আসিবেন; কারণ, অনেক দিন তাঁহাদের কোন সংবাদ পান নাই। ঠাকুরের আহাৰাদি হইয়া গিয়াছে, গাড়ী আসিয়াছে। এমন সময় আমাদের বন্ধু অ—কলিকাতা হইতে নৌকা করিয়া তাঁহাকে দর্শন করিতে আসিয়া উপস্থিত। ঠাকুর অ—কে দেখিয়াই কুশল-প্রশ্নাদি করিয়া বলিলেন, “তা বেশ হয়েছে, তুমি এসেছ। আজ আমি যহু মল্লিকের বাটীতে যাচ্ছি; অমনি তোমাদের বাটীতেও নেবে একবার গি—কে দেখে যাব; সে কাজের ভিড়ে অনেক দিন এদিকে আসতে পারে নি। চল, এক সঙ্গেই যাওয়া যাক।” অ—সম্মত হইলেন। অ—র তখন ঠাকুরের সহিত নূতন আলাপ, কয়েকবার মাত্র নানা স্থানে তাঁহাকে দেখিয়াছেন। আমরা যাহাকে তুচ্ছ, ঘৃণ্য, অস্পৃশ্য বা দর্শনযোগ্য বস্তু ও ব্যক্তি বলি সে সকলকে দেখিয়াও

যে অদ্ভুত ঠাকুরের ঈশ্বরোদ্দীপনায় ভাবসমাদি যেখানে সেখানে ঘন তখন উপস্থিত হইয়া থাকে, অ—তাহা তখনও সবিশেষ জানিতে পারেন নাই।

এইবার ঠাকুর গাড়ীতে উঠিলেন। যুবক ভক্ত লাটু, যিনি এখন স্বামী অদ্ভুতানন্দ নামে সকলের পরিচিত, ঠাকুরের বেটুয়া, গামছাদি আবশ্যকীয় দ্রব্যগুলি সঙ্গে লইয়া ঠাকুরের পশ্চাৎ পশ্চাৎ যাইয়া গাড়ীতে উঠিলেন; আমাদের বন্ধু অ—ও উঠিলেন; গাড়ীর একদিকে ঠাকুর বসিলেন এবং অন্যদিকে লাটু মহারাজ ও অ—বসিলেন। গাড়ী ছাড়িল এবং ক্রমে বরাহনগরের বাজার ছাড়াইয়া মতিঝিলের পার্শ্ব দিয়া যাইতে লাগিল। পথিমধ্যে বিশেষ কোন ঘটনাই ঘটিল না। ঠাকুর রাস্তায় এটা ওটা দেখিয়া কখন কখন বালকের গায় লাটু বা অ—কে জিজ্ঞাসা করিতে লাগিলেন; অথবা একথা সেকথা তুলিয়া সাধারণ সহজ অবস্থায় যেরূপ হাস্য-পরিহাসাদি করিতেন, সেইরূপ করিতে করিতে চলিলেন।

মতিঝিলের দক্ষিণে একটি সামান্য বাজার গোছ ছিল; তাহার দক্ষিণে একখানি মদের দোকান, একটি ডাক্তারখানা এবং কয়েকখানি খোলার ঘরে চালের আড়ং, ঘোড়ার আস্তাবল ইত্যাদি ছিল। ঐ সকলের দক্ষিণেই এখানকার প্রাচীন সূত্রসিদ্ধ দেবীস্থান ৩মর্কমঙ্গলা ও ৩চিত্তেশ্বরী দেবীর মন্দিরে যাইবার প্রশস্ত পথ ভাগীরথীতীর পর্য্যন্ত চলিয়া গিয়াছে। ঐ পথটিকে দক্ষিণে রাখিয়া কলিকাতার দিকে অগ্রসর হইতে হয়।

মদের দোকানে অনেকগুলি মাতাল তখন বসিয়া সুরাপান, গোলমাল ও হাস্য-পরিহাস করিতেছিল। তাহাদের কেহ কেহ

## শ্রীশ্রীরামকৃষ্ণলীলাপ্রসঙ্গ

আবার আনন্দে গান ধরিয়াছিল; আবার কেহ কেহ অঙ্গভঙ্গী করিয়া নৃত্য করিতেও ব্যাপৃত ছিল। আর দোকানের স্বত্বাধিকারী নিজ তৃত্যকে তাহাদের সুরাবিক্রয় করিতে লাগাইয়া আপনি দোকানের দ্বারে অগ্রমনে দাঁড়াইয়াছিল। তাহার কপালে বৃহৎ এক সিন্দূরের ফোঁটাও ছিল। এমন সময় ঠাকুরের গাড়ী দোকানের সম্মুখ দিয়া যাইতে লাগিল। দোকানী বোধ হয় ঠাকুরের বিষয় জ্ঞাত ছিল; কারণ ঠাকুরকে দেখিতে পাইয়াই হাত তুলিয়া প্রণাম করিল।

গোলমালে ঠাকুরের মন দোকানের দিকে আকৃষ্ট হইল এবং মাতালদের ঐরূপ আনন্দ-প্রকাশ তাঁহার চক্ষে পড়িল। কারণানন্দ দেখিয়াই অমনি ঠাকুরের মনে জগৎকারণের আনন্দস্বরূপের উদ্দীপনা!—খালি উদ্দীপনা নহে, সেই অবস্থার অনুভূতি আসিয়া ঠাকুর একেবারে নেশায় বিভোর, কথা এড়াইয়া যাইতেছে। আবার শুধু তাহাই নহে, সহসা নিজ শরীরের কিয়দংশ ও দক্ষিণ পদ বাহির করিয়া গাড়ীর পাদানে পা রাখিয়া দাঁড়াইয়া উঠিয়া মাতালের হায়ে তাহাদের আনন্দে আনন্দ প্রকাশ করিতে করিতে হাত নাড়িয়া অঙ্গভঙ্গী করিয়া উচ্চৈঃস্বরে বলিতে লাগিলেন—“বেশ হচ্ছে, খুব হচ্ছে, বা, বা, বা!”

অ— বলেন, “ঠাকুরের যে সহসা ঐরূপ ভাব হইবে ইহার কোন আভাসই পূর্বে আমরা পাই নাই; বেশ সহজ মানুষের মতই কথাবার্তা কহিতেছিলেন। মাতাল দেখিয়াই একেবারে হঠাৎ ঐ রকম অবস্থা! আমি তো ভয়ে আড়ষ্ট; তাড়াতাড়ি শশব্যস্তে ধরিয়া গাড়ীর ভিতর তাঁহার শরীরটা টানিয়া আনিয়া তাঁহাকে

বসাইব ভাবিয়া হাত বাড়াইয়াছি, এমন সময় লাটু বাধা দিয়া বলিল, 'কিছু করতে হবে না, উনি আপনা হতেই সামলাবেন, পড়ে যাবেন না।' কাজেই চুপ করিলাম, কিন্তু বুকটা টিপ্ টিপ্ করিতে লাগিল; আর ভাবিলাম, এ পাগলা ঠাকুরের সঙ্গে এক গাড়ীতে আসিয়া কি অন্তায় কাজই করিয়াছি! আর কখনও আসিব না। অবশ্য এত কথা বলিতে যে সময় লাগিল, তদপেক্ষা ঢের অল্প সময়ের ভিতরই ঐ সব ঘটনা হইল এবং গাড়ীও ঐ দোকান ছাড়াইয়া চলিয়া আসিল। তখন ঠাকুরও পূর্ববৎ গাড়ীর ভিতরে স্থির হইয়া বসিলেন এবং সর্বমঙ্গলা-দেবীর মন্দির দেখিতে পাইয়া বলিলেন, 'ঐ সর্বমঙ্গলা, বড় জাগ্রত ঠাকুর, প্রণাম কর'। ইহা বলিয়া স্বয়ং প্রণাম করিলেন, আমরাও তাঁহার দেখাদেখি দেবীর উদ্দেশে প্রণাম করিলাম। প্রণাম করিয়া ঠাকুরের দিকে দেখিলাম—যেমন তেমনি, বেশ প্রকৃতিস্থ; মুহু মুহু হাসিতেছেন। আমার কিন্তু 'এখনি পড়িয়া গিয়া একটা খুনোখুনি ব্যাপার হইয়াছিল আর কি' ভাবিয়া সে বুক টিপ্-টিপানি অনেকক্ষণ থামিল না!

"তারপর গাড়ী বাড়ীর দুয়ারে আসিয়া লাগিলে আমাকে বলিলেন, 'গি— বাড়ীতে আছে কি? দেখে এস দেখি।' আমিও জানিয়া আসিয়া বলিলাম, 'না।' তখন বলিলেন, 'তাই তো গি—র সঙ্গে দেখা হল না, ভেবেছিলাম তাকে আজকের বেশী ভাড়াটা দিতে বসব। তা তোমার সঙ্গে তো এখন জানা শুনা হয়েছে বাবু, তুমি একটা টাকা দেবে? কি জান, যত মল্লিক রূপণ লোক; সে সেই বরাদ্দ দু টাকা চার আনার বেশী গাড়ীভাড়া কখনও

## শ্রীশ্রীরামকৃষ্ণলীলাপ্রসঙ্গ

দেবে না। আমার কিন্তু বাবু একে ওকে দেখে ফিরতে কত রাত হবে তা কে জানে? বেশী দেবী হলেই আবার গ্যাড়োয়ান 'চল, চল' করে দিক্ করে। তাই বেণীর সঙ্গে বন্দোবস্ত হয়েছে, ফিরতে যত রাতই হোক না কেন, তিন টাকা চার আনা দিলেই গ্যাড়োয়ান আর গোল করবে না। যহু দুই টাকা চার আনা দেবে, আর তুমি একটা টাকা দিলেই আজকের ভাড়ার আর কোন গোল রইল না; এই জন্তে বলছি।' আমি ঐ সব শুনে একটা টাকা লাটুর হাতে দিলাম এবং ঠাকুরকে প্রণাম করিলাম। ঠাকুরও যহু মল্লিককে দেখিতে গেলেন।

ঠাকুরের এইরূপ বাহাদুরি মাতালের ন্যায় অবস্থা নিত্যই যখন তখন আসিয়া উপস্থিত হইত। তাহার কয়টা কথাই বা আমরা লিপিবদ্ধ করিয়া পাঠককে বলিতে পারি!

গ্রামমণির কালীবাড়ীতে পূর্বোক্ত প্রকারে যত সাধু সাধক আসিতেন, তাহাদের কথা ঠাকুর ঐরূপে অনেক সময় অনেকের

দক্ষিণেশ্বরে	কাছেই গল্প করিতেন; কেবল যে আমাদের কাছেই
অগত সকল	করিয়াছিলেন তাহা নহে। ঐ সকল বিষয়ে সাক্ষ্য
সম্প্রদায়ের	দিবার এখনও অনেক লোক জীবিত। আমরা
সাধুদেরই	তখন সেন্ট জেভিয়ার কলেজে পাঠ করি। সপ্তাহে
ঠাকুরের	বৃহস্পতিবার ও রবিবার দুই দিন কলেজ বন্ধ
নিকটে	থাকিত। শনি ও রবিবারে ঠাকুরের নিকট অনেক
শ্রদ্ধা বিষয়ে	ভক্তের ভিড় হইত বলিয়া আমরা বৃহস্পতিবারেও
সহায়তা-লাভ	

তাহার নিকট যাইতাম এবং উহাতে তাহার জীবনের নানা কথা তাহার শ্রীমুখ হইতে শুনিবার বেশ সুবিধা হইত। ঐ সকল কথা

## গুরুভাব ও নানা সাধুসম্প্রদায়

শুনিয়া আমরা বেশ বুঝিতে পারিয়াছি যে, ভৈরবী ব্রাহ্মণী, তোতাপুরী স্বামিজী, মুসলমান গোবিন্দ—যিনি কৈবর্ত-জাতীয় ছিলেন,<sup>১</sup> পূর্ণ নির্বিকল্প ভূমিতে ছয়মাস থাকিবার সময় জোর করিয়া আহাৰ করাইয়া ঠাকুরের শরীররক্ষা করিবার জন্ত যে সাধুটি দৈবপ্রেরিত হইয়া কালীবাটিতে আগমন করেন, তিনি এবং ঐরূপ আরও দুই একটি ছাড়া নানা সম্প্রদায়ের অপর যত সাধু-সাধকসকল ঠাকুরের নিকটে আমরা যাইবার পূর্বে দক্ষিণেশ্বরে আসিয়াছিলেন তাঁহাদের প্রত্যেকেই ঠাকুরের অদ্ভুত অলৌকিক জীবনালোকের সহায়ে নিজ নিজ ধর্মজীবনে নবপ্রাণ-সঞ্চারলাভের জন্তই আসিয়াছিলেন এবং তন্নাভে স্বয়ং কৃতার্থ হইয়া ঐ ঐ সম্প্রদায়ভুক্ত যথার্থ ধর্মপিপাসু সাধকসকলকে সেই সেই পথ দিয়া কেমন করিয়া ঈশ্বরলাভ করিতে হইবে, তাহাই দেখাইবার অবসর লাভ করিয়াছিলেন। তাঁহারা শিথিতেই আসিয়াছিলেন এবং শিক্ষা পূর্ণ করিয়া যে বাহার স্থানে চলিয়া গিয়াছেন। ভৈরবী ব্রাহ্মণী এবং তোতাপুরী প্রভৃতিও বহুভাগ্যে ঠাকুরের ধর্মজীবনের সহায়ক-স্বরূপে আগমন করিলেও এতকাল ধরিয়া সাধনা করিয়াও নিজ নিজ ধর্মজীবনে যে সকল নিগূঢ় আধ্যাত্মিক মত্যের উপলব্ধি করিতে পারিতেছিলেন না, ঠাকুরের অলৌকিক জীবন ও শক্তিবলে সে সকল প্রত্যক্ষ করিয়া ধন্য হইয়া গিয়াছিলেন।

আবার এই সকল সাধু ও সাধকদিগের দক্ষিণেশ্বরে ঠাকুরের নিকট আগমনের ক্রম বা পারস্পর্য্য আলোচনা করিলে আর

১ সাধকভাব (১ম সংস্করণ) ৩৩৩ পৃষ্ঠা দ্রষ্টব্য।—প্রঃ



## শ্রীশ্রীরামকৃষ্ণলীলাপ্রসঙ্গ .

একটি বিশেষ সত্যের উপলব্ধি করিতে বিলম্ব হয় না। তাঁহাদের  
একরূপ আগমনক্রমের কথা আলোচনা করিবার সুবিধা হইবে বলিয়া

ঠাকুর যে	আমরা বর্তমান প্রবন্ধে ঠাকুরের শ্রীমুখে যেমন
ধর্মমতে যখন	শুনিয়াছিলাম, সেই ভাবে যতদূর সম্ভব তাঁহার
সিদ্ধিলাভ	নিজের ভাষায় তিনি যেমন করিয়া ঐ সকল কথা
করিতেন	আমাদের বলিয়াছিলেন, সেই প্রকারে ঐ সকল
তখন ঐ	কথা পাঠকে বলিবার প্রয়াস পাইয়াছি। ঠাকুরের
সম্প্রদায়ের	শ্রীমুখে যাহা শুনিয়াছি, তাহাতে বুঝা যায় যে,
সাধুরাই তাঁহার	তিনি এক এক ভাবের উপাসনা ও সাধনায় লাগিয়া
নিকট আসিত	

ঈশ্বরের ঐ ঐ ভাবের প্রত্যক্ষ উপলব্ধি যেমন যেমন করিতেন,  
অমনি সেই সেই সম্প্রদায়ের যথার্থ সাধকেরা সেই সেই সময়ে  
দলে দলে তাঁহার নিকট কিছুকাল ধরিয়া আগমন করিতেন এবং  
তাঁহাদের সহিত ঠাকুরের ঐ ঐ ভাবের আলোচনায় তখন দিবা-  
রাত্রি কাটিয়া যাইত। রামমন্ত্রের উপাসনায় যেমন সিদ্ধি-লাভ  
করিলেন, অমনি দলে দলে রামাইং সাধুরা তাঁহার নিকট আগমন  
করিতে লাগিলেন। গোড়ীয় বৈষ্ণব-তন্ত্রোক্ত শান্ত দাস্তাদি এক-  
একটি ভাবে যেমন যেমন সিদ্ধিলাভ করিলেন, অমনি সেই সেই  
ভাবের সাধকদিগের আগমন হইতে লাগিল। ভৈরবী ব্রাহ্মণীর  
সহায়ে চৌষটিখানা তন্ত্রোক্ত সকল সাধন যখন সাদ্ধ করিয়া  
ফেলিলেন বা শক্তিসাধনায় সিদ্ধিলাভ করিলেন, অমনি সে সময়ের  
এ প্রদেশের যাবতীয় বিশিষ্ট তান্ত্রিক সাধকসকল তাঁহার নিকট  
আগমন করিতে লাগিলেন। পুরী গোস্বামীর সহায়ে অদ্বৈতমতের  
ব্রহ্মোপাসনা ও উপলব্ধিতে যেমন সিদ্ধিলাভ করিলেন, অমনি

## গুরুভাব ও নানা সাধুসম্প্রদায়

পরমহংস সম্প্রদায়ের বিশিষ্ট সাধকেরা তাঁহার সমীপে দলে দলে আগমন করিতে লাগিলেন।

ভিন্ন ভিন্ন সম্প্রদায়ের সাধককুলের ঐ ভাবে ঐ ঐ সময়ে ঠাকুরের দেবসঙ্গ-লাভ করিবার যে একটা বিশেষ গূঢ় অর্থ আছে তাহা বালকেরও বুঝিতে দেরি লাগিবে না। যুগাবতারের শুভাগমনে জগতে সর্বকালেই এইরূপ হইয়া আসিয়াছে এবং পরেও হইবে। তাঁহারা আধ্যাত্মিক জগতের গূঢ় নিয়মাত্মসারে ধর্মের গ্লানি দূর করিবার জন্ত বা নির্বাপিতপ্রায় ধর্মালোককে পুনরুজ্জীবিত করিবার জন্ত সর্বকালে জন্মগ্রহণ করিয়া থাকেন। তবে তাঁহাদের জীবনালোচনায় তাঁহাদের ভিতরে অল্লাদিক পরিমাণে

সকল অবতার- পুরুষে সমান শক্তি-প্রকাশ দেখা যায় না। কারণ তাঁহাদের কেহ বা জাতিবিশেষকে ও কেহ বা সমগ্র মানবজাতিকে ধর্মদান করিতে আসেন	শক্তিপ্রকাশের তারতম্য দেখিয়া ইহা স্পষ্ট বুঝা যায় যে, তাঁহাদের কেহ বা কোন প্রদেশ- বিশেষের বা দুই চারিটি সম্প্রদায়-বিশেষের অভাব- মোচনের জন্ত আগমন করিয়াছেন; আবার কেহ বা সমগ্র পৃথিবীর ধর্মান্তর মোচনের জন্ত শুভা- গমন করিয়াছেন। কিন্তু সর্বত্রই তাঁহারা তাঁহাদের পূর্ববর্ত্তী ঋষি, আচার্য্য ও অবতারকুলের দ্বারা আবিষ্কৃত ও প্রচারিত আধ্যাত্মিক মত সকলের মর্ম্মাদা সম্যক রক্ষা করিয়া সে সকলকে বজায় রাখিয়া নিজ নিজ আবিষ্কৃত উপলক্ষি ও
---	--

মতের প্রচার করিয়াছেন, দেখা গিয়া থাকে। কারণ তাঁহারা তাঁহাদের দিব্যযোগশক্তিবলে পূর্ব পূর্ব কালের আধ্যাত্মিক মতসকলের ভিতর একটা পারস্পর্য্য ও সম্বন্ধ দেখিতে পাইয়া

## শ্রীশ্রীরামকৃষ্ণলীলাপ্রসঙ্গ

থাকেন। আমাদের বিষয়-মলিন দৃষ্টির সম্মুখে ভাববাজ্যের সে ইতিহাস, সে সম্বন্ধ সর্বথা অপ্রকাশিতই থাকে। তাঁহারা পূর্ব পূর্ব ধর্মমত-সকলকে ‘সূত্রে মণিগণা ইব’ এক সূত্রে গাঁথা দৈখিতে পান এবং নিজ ধর্মোপলব্ধি-সহায়ে সেই মালার অঙ্কই সম্পূর্ণ করিয়া যান।

বৈদেশিক ধর্মমতসকলের আলোচনায় এ বিষয়টি আমরা বেশ স্পষ্ট বুঝিতে পারিব। দেখ, যাহাদি আচার্য্যেরা যে সকল ধর্মবিষয়ক সত্য প্রচার করিয়া গিয়াছিলেন, ঈশা আসিয়া সে সকল বজায় রাখিয়া নিজোপলব্ধ সত্যসকল প্রচার করিলেন। আবার কয়েক শতাব্দী পরে মহম্মদ আসিয়া ঈশা-প্রচারিত মতসকল বজায়

হিন্দু, যাহাদি,  
ক্রীষ্ণান ও  
মুসলমান  
ধর্মপ্রবর্তক  
অবতার-  
পুরুষদিগের  
আধ্যাত্মিক  
শক্তিপ্রকাশের  
সহিত ঠাকুরের  
ঐ বিষয়ে  
ভুলনা

রাখিয়া নিজ মত প্রচার করিলেন। ইহাতে  
এরূপ বুঝায় না যে যাহাদি আচার্য্যগণ বা ঈশা-  
প্রচারিত মত অসম্পূর্ণ; বা ঐ ঐ মতাবলম্বনে  
চলিয়া তাঁহারা প্রত্যেকে ঈশ্বরের যে ভাবের  
উপলব্ধি করিয়াছিলেন, তাহা করা যায় না; তাহ  
নিশ্চয়ই করা যায়, আবার মহম্মদ-প্রচারিত  
মতাবলম্বনে চলিয়া তিনি যে ভাবে ঈশ্বরের  
উপলব্ধি করিয়াছিলেন, তাহাও করা যায়  
আধ্যাত্মিক জগতের সর্বত্র ইহাই নিয়ম। ভারতীয়

ধর্মমতসকলের মধ্যেও এরূপ ভাব বুঝিতে হইবে। ভারতে  
বৈদিক ঋষি, পুরাণকার এবং তত্ত্বকার আচার্য্য মহাপুরুষেরা  
সকল মত প্রচার করিয়া গিয়াছেন, তাহাদের যেটি যেটি ঠিক  
ঠিক অবলম্বন করিয়া তুমি চলিবে, সেই সেই পথ দিয়া।

## গুরুভাব ও নানা সাধুসম্প্রদায়

ঈশ্বরের তত্ত্বভাবের উপলব্ধি করিতে পারিবে। ঠাকুর একাদিক্রমে সকল সম্প্রদায়োক্ত মতে সাধনায় লাগিয়া উহাই উপলব্ধি করিয়াছিলেন এবং উহাই আমাদের শিক্ষা দিয়া গিয়াছেন।

ফুল ফুটিলে ভ্রমর আসিয়া জুটে—আধ্যাত্মিক জগতে যে ইহাই নিয়ম, ঠাকুর সে কথা আমাদের বারংবার বলিয়া গিয়াছেন।

ঐ নিয়মেই, অবতার-মহাপুরুষদিগের জীবনে যখনই ঠাকুরের নিকট সকল সম্প্রদায়ের সাধু-সাধকদিগের আগমন-কারণ সিদ্ধিলাভ বা আধ্যাত্মিক জগতের সত্যোপলব্ধি, অমনি উহা জানিবার শিগিবার জন্য ধর্মপিপাসুগণের তাঁহাদিগের নিকট আকৃষ্ট হওয়া—ইহা সর্বত্র দেখিতে পাওয়া যায়। ঠাকুরের নিকটে একই

সম্প্রদায়ের সাধককূল না আসিয়া যে, সকল সম্প্রদায়ের সাধকেরাই দলে দলে আসিয়াছিলেন তাহার কারণ—তিনি তত্ত্ব সকল পথ দিয়াই অগ্রসর হইয়া তত্ত্ব ঈশ্বরীয় ভাবের সম্যক উপলব্ধি করিয়াছিলেন এবং ঐ ঐ পথের সংবাদ বিশেষরূপে বলিতে পারিতেন। তবে ঐ সকল সাধকদিগের সকলেই যে নিজ নিজ মতে সিদ্ধ হইয়াছিলেন এবং ঠাকুরকে যুগাবতার বলিয়া ধরিতে পারিয়াছিলেন, তাহা নহে; তাঁহাদের ভিতর যাহারা বিশিষ্ট তাঁহারা ইহা করিতে সমর্থ হইয়াছিলেন। কিন্তু প্রত্যেকেই ঠাকুরের দিব্যসঙ্গুণে নিজ নিজ পথে অধিকতর অগ্রসর হইয়াছিলেন এবং ঐ ঐ পথ দিয়া চলিলে যে কালে ঈশ্বরকে লাভ করিবেন নিশ্চয়, ইহা ধ্রুবসত্যরূপে বুঝিতে পারিয়াছিলেন। নিজ নিজ পথের উপর ঐরূপ বিশ্বাসের হানি হওয়াতেই যে ধর্মমানে উপস্থিত

## শ্রীশ্রীরামকৃষ্ণলীলাপ্রসঙ্গ

হয় এবং সাধক নিজ জীবনে ধর্মোপলব্ধি করিতে পারে না, ইহা আর বলিতে হইবে না।

আজকাল একটা কথা উঠিয়াছে যে, ঠাকুর ঐ সকল সাধুদের নিকট হইতেই ঈশ্বর-সাধনার উপায়সকল জানিয়া লইয়া স্বয়ং

উগ্র তপস্যায় প্রবৃত্ত হন এবং তপস্যার কঠোরতায়	দক্ষিণেশ্বরগত
	সাধুদিগের
এক সময়ে সম্পূর্ণ পাগল হইয়া গিয়াছিলেন।	সঙ্গ-লাভেই
তঁাহার মাথা পারাপ হইয়া গিয়াছিল এবং কোনরূপ	ঠাকুরের ভিতর
ভাবের আতিশয্যে বাহ্যজ্ঞান লুপ্ত হওয়া-রূপ	ধর্ম-প্রবৃত্তি
	জাগিয়া উঠে—
একটা শারীরিক রোগও চিরকালের মত তঁাহার	একথা সত্য নহে
শরীরে বদ্ধমূল হইয়া গিয়াছিল। হে ভগবান, এমন	

পণ্ডিত-মূর্খের দলও আমরা! পূর্ণ চিত্তৈকাগ্রতা সহায়ে সমাধি-ভূমিতে আরোহণ করিলেই যে সাধারণ বাহ্যচৈতন্যের লোপ হয়, একথা ভারতের ঋষিকুল বেদ, পুরাণ, তন্ত্রাদিসহায়ে আমাদের যুগে যুগে বুঝাইয়া আসিলেন ও নিজ নিজ জীবনে উহা দেখাইয়া যাইলেন, সমাধি-শাস্ত্রের পূর্ণ ব্যাখ্যা—যাহা পৃথিবীর কোন দেশে কোন জাতির ভিতরেই বিद्यমান নাই—আমাদের জন্ত রাখিয়া যাইলেন; সংসারে এ পর্যন্ত অবতার বলিয়া সর্বদেশে মানব-হৃদয়ের শ্রদ্ধা পাইতেছেন যত মহাপুরুষ তঁাহারাও নিজ নিজ জীবনে প্রত্যক্ষ করিয়া ঐরূপ বাহ্যজ্ঞানলোপটা যে আধ্যাত্মিক উন্নতির সহিত অবশ্যস্বাবী, সে কথা আমাদের ভ্রয়োদ্ধার বুঝাইয়া যাইলেন, তথাপি যদি আমরা ঐ কথা বলি এবং ঐরূপ কথা শুনি, তবে আর আমাদের দশা কি হইবে? হে পাঠক, ভাল বুঝ তো তুমি ঐ সকল অন্তঃসারশূন্য কথা শ্রদ্ধার সহিত শ্রবণ কর; তোমার

## গুরুভাব ও মানা সাধুসম্প্রদায়

এবং যাহারা ঐরূপ বলেন তাঁহাদের মঙ্গল হউক ! আমাদের কিন্তু এ অদ্ভুত দিব্য পাগলের পদপ্রান্তে পড়িয়া থাকিবার স্বাধীনতাটুকু রূপা করিয়া প্রদান করিও, ইহাই তোমার নিকট আমাদের অনির্বাধ্য অনুরোধ বা ভিক্ষা ! কিন্তু বাহা হয় একটা স্থিরনিষ্কণ্টক করিবার অগ্রে ভাল করিয়া আর একবার বুঝিয়া দেখিও ; প্রাচীন উপনিষৎকার যেমন বলিয়াছেন, সেরূপ অবস্থা তোমার না আসিয়া উপস্থিত হয় !—

অবিজ্ঞানামন্তরে বর্তমানাঃ স্বয়ং ধীরাঃ পণ্ডিতম্নতঃমানাঃ ।

দল্লম্যমাণাঃ পরিযন্তি মূঢ়া অন্ধেনৈব নীয়মানা যথাক্কাঃ ॥

ঠাকুরের ভাবসমাদিসমূহকে যোগবিশেষ বলাটা আজ কিছু নূতন কথা নহে । তাঁহার বর্তমান কালে পাশ্চাত্য ভাবে শিক্ষিত অনেকে ওকথা বলিতেন । পরে যত দিন যাইতে লাগিল এবং এ দিব্য পাগলের ভবিষ্যদ্বাণীরূপে উচ্চারিত পাগলামিগুলি যতই পূর্ণ হইতে লাগিল এবং তাঁহার অদৃষ্টপূর্ব ভাবগুলি পৃথিবীময় সাধারণে যতই সাগ্রহে গ্রহণ করিতে লাগিল, ততই ও কথাটার আর জোর থাকিল না । চন্দ্রে ধূলিনিক্ষেপের যে ফল হয় তাহাই হইল এবং লোকে ঐ সকল ব্রান্ত উক্তির সম্যক পরিচয় পাইয়া ঠাকুরের কথাই সত্য জানিয়া স্থির হইয়া রহিল । এখনও তাহাই হইবে । কারণ সত্য কখনও অগ্নির দ্বারা বস্ত্রে আবৃত করিয়া রাখা যায় না । অতএব ঐ বিষয়ে আর আমাদের বুঝাইবার প্রয়াসের আবশ্যক নাই । ঠাকুর নিজেই ঐ সম্বন্ধে যে ছ' একটি কথা বলিতেন, তাহাই বলিয়া ক্ষান্ত থাকিব ।

সাধারণ ব্রাহ্মসমাজের অচার্য্যাদিগের মধ্যে অগ্রতম, শ্রদ্ধাস্পদ

শিবনাথ শাস্ত্রী মহাশয় ঠাকুরের ভাবসমাধিটা স্নায়বিকার-প্রসূত

ঠাকুরের সমাধিতে রোগবিশেষ (hysteria or epileptic fits)

বাহুজ্ঞান লোপ

কাহারও কাহারও

হওয়াটা ব্যাধি

নহে। প্রমাণ—

নিকট নির্দেশ করিতেন এবং ঐ সঙ্গে একরূপ মত

ঠাকুর ও

প্রকাশ করিতেন যে, ঐ সময়ে ঠাকুর ইত্য

শিবনাথ-সংবাদ

সাধারণে ঐ রোগগ্রস্ত হইয়া যেমন অজ্ঞান অচৈতন্য

হইয়া পড়ে, সেইরূপ হইয়া যান! ঠাকুরের কর্ণে ক্রমে সে কথা

উঠে। শাস্ত্রীমহাশয় বহুপূর্ব হইতে ঠাকুরের নিকট মধ্যো মধ্যো

যাতায়াত করিতেন। একদিন তিনি যখন দক্ষিণেশ্বরে উপস্থিত

আছেন, তখন ঠাকুর ঐ কথা উত্থাপিত করিয়া শাস্ত্রী মহাশয়কে

বলেন, “ই্যা শিবনাথ, তুমি নাকি এগুলোকে রোগ বল? আর

বল যে ঐ সময়ে অচৈতন্য হয়ে যাই? তোমরা ইট, কাঠ, মাটি,

টাকাকড়ি এই সব জড় জিনিসগুলোতে দিনরাত মন রেখে ঠিক

থাকলে, আর যার চৈতন্যে জগৎ-সংসারটা চৈতন্যময় হয়ে রয়েছে,

তাকে দিনরাত ভেবে আমি অজ্ঞান অচৈতন্য হলাম! এ কোন্‌দিশি

বুদ্ধি তোমার?” শিবনাথ বাবু নিরুত্তর হইয়া রহিলেন।

ঠাকুর ‘দিব্যান্নাদ’, ‘জ্ঞানোন্মাদ’ প্রভৃতি কথার আমাদের

নিকট নিত্য প্রয়োগ করিতেন এবং যুক্তকণ্ঠে সকলের নিকট

সাধনকালে

বলিতেন যে, তাঁহার জীবনে বার বৎসর ধরিয়া

ঠাকুরের উন্মত্তবৎ

ঈশ্বরানুভবের একটা প্রবল ঝটিকা বহিয়া গিয়াছে।

আচরণের কারণ

বলিতেন, “ঝড়ে ধূলা উড়ে যেমন সব একাকার

দেখায়—এটা আমগাছ, ওটা কাঁটালগাছ বলে বুঝা দূরে থাক,

দেখাও যায় না, সেই রকমটা হয়েছিল রে; ভালমন্দ, নিন্দা-স্তুতি,

শৌচ-অশৌচ এ সকলের কোনটাই বুঝতে দেয় নি ! কেবল এক চিন্তা, এক ভাব—কেমন করে তাঁকে পাব, এইটেই মনে সদা-সর্বক্ষণ থাকত ! লোকে বলতো—পাগল হয়েছে !” যাক্ এখন সে কথা, আমরা পূর্বাত্মসরণ করি।

দক্ষিণেশ্বরে তখন তখন যে সকল সাধক পণ্ডিত ঠাকুরের নিকট আসিয়াছিলেন, তাঁহাদের ভিতর কেহ কেহ আবার ভক্তির আতিশয্যে ঠাকুরের নিকট হইতে দীক্ষা এবং সন্ন্যাস পর্য্যন্ত নইয়া চলিয়া গিয়াছিলেন। পণ্ডিত নারায়ণ শাস্ত্রী উহাদেরই অতীতম। ঠাকুরের শ্রীমুখে শুনিয়াছি, নারায়ণ শাস্ত্রী প্রাচীন যুগের নিষ্ঠাবান ব্রহ্মচারীদিগের ছায় গুরুগৃহে অবস্থান করিয়া একাদিক্রমে পঁচিশ বৎসর স্বাধ্যায় বা নানাশাস্ত্র পাঠ করিয়াছিলেন। শুনিয়াছি, ষড়্ দর্শনের সকলগুলির উপরই সমান অভিজ্ঞতা ও আধিপত্য

দক্ষিণেশ্বরগত  
সাধকদিগের  
মধ্যে কেহ কেহ  
ঠাকুরের নিকট  
দীক্ষাও গ্রহণ  
করেন, যথা—  
নারায়ণ শাস্ত্রী

লাভ করিবার প্রবল বাসনা বরাবর তাঁহার প্রাণে ছিল। উত্তর-পশ্চিমাঞ্চলের কাশী প্রভৃতি নানা স্থানে নানা গুরুগৃহে বাস করিয়া পাঁচটি দর্শন তিনি সম্পূর্ণ আয়ত্ত করিয়াছিলেন। কিন্তু বঙ্গদেশের নবদ্বীপের সুপ্রসিদ্ধ নৈয়ায়িকদিগের অধীনে ছায়-দর্শনের পাঠ সাক্ষ না করিলে ছায়দর্শনে পূর্ণাধিপত্য

লাভ করিয়া প্রসিদ্ধ নৈয়ায়িকমধ্যে পরিগণিত হওয়া অনন্তব, এজন্ত দক্ষিণেশ্বরে ঠাকুরের নিকট আসিবার প্রায় আট বৎসর পূর্বে এদেশে আগমন করেন এবং সাত বৎসর কাল নবদ্বীপে অকিয়া ছায়ের পাঠ সাক্ষ করেন। এইবার দেশে ফিরিয়া যাইবেন। এবার এদিকে কখনও আসিবেন কি না সন্দেহ, এইজন্যই



## শ্রী শ্রী রামকৃষ্ণ-লীলা-প্রসঙ্গ

বোধ হয় কলিকাতা এবং তৎসন্নিকট দক্ষিণেশ্বরদর্শনে আসিয়া ঠাকুরের দর্শন লাভ করেন।

বঙ্গদেশে গ্রায় পড়িতে আসিবার পূর্বেই শাস্ত্রীজীর দেশে পণ্ডিত বলিয়া খ্যাতি হইয়াছিল। ঠাকুরের নিকটেই শুনিয়াছি, এক সময়ে জয়পুরের মহারাজ শাস্ত্রীজীর নাম শুনিয়া শাস্ত্রীজীর সভাপণ্ডিত করিয়া রাখিবেন বলিয়া উচ্চহারে বেতন নিরূপিত করিয়া তাঁহাকে সাদরে আহ্বান করিয়াছিলেন। কিন্তু শাস্ত্রীজীর তখনও জ্ঞানার্জনের স্পৃহা কমে নাই এবং ষড়দর্শন আয়ত্ত করিবার প্রবল আগ্রহও মিটে নাই কাজেই তিনি মহারাজের সাদরাহ্বান প্রত্যাখ্যান করিতে বাধ্য হইয়াছিলেন। শাস্ত্রীর পূর্ববাস রাজপুতানা অঞ্চলের নিকটে বলিয়াই আমাদের অহুমান।

এদিকে আবার নারায়ণ শাস্ত্রী সাধারণ পণ্ডিতদিগের মত ছিলেন না। শাস্ত্রজ্ঞানের সঙ্গে সঙ্গে তাঁহার মনে অল্পে অল্পে

বৈরাগ্যের উদয় হইতেছিল। কেবল পাঠ করিয়া

ঐ পাঠ সাঙ্গ  
ও ঠাকুরের  
দর্শনলাভ

যে বেদান্তাদি শাস্ত্রে কাহারও দখল জন্মিতে পারে না, উহা যে সাধনার জিনিস তাহা তাঁর বেশ বুঝিতে পারিয়াছিলেন এবং সেজন্য পা

সঙ্গ করিবার পূর্বেই মধ্যে মধ্যে তাঁহার এক একবার মা উঠিত—এরূপে ত ঠিক ঠিক জ্ঞানলাভ হইতেছে না, কিছুদি সাধনাদি করিয়া শাস্ত্রে যাহা বলিয়াছে তাহা প্রত্যক্ষ করিব চেষ্টা করিব। আবার একটা বিষয় আয়ত্ত করিতে বসিয়াছে সেটাকে অর্দ্ধপথে ছাড়িয়া সাধনাদি করিতে যাইলে পাছে এদি

## গুরুভাব ও নানা সাধুসম্প্রদায়

ওদিক ছুই দিক যায়, সেজন্ত সাধনায় লাগিবার বাসনাটা চাপিয়া আবার পাঠেই মনোনিবেশ করিতেন। এইবার তাঁহার এতকালের বাসনা পূর্ণ হইয়াছে, ষড়দর্শনে অভিজ্ঞতা লাভ করিয়াছেন; এখন দেশে ফিরিবার বাসনা। সেখানে ফিরিয়া যাহা হয় একটা করিবেন, এই কথা মনে স্থির করিয়া রাখিয়াছেন। এমন সময়ে তাঁহার ঠাকুরের সহিত দেখা এবং দেখিয়াই কি জানি কেন তাঁহাকে ভাল লাগা।

পূর্বেই বলিয়াছি, দক্ষিণেশ্বর কালীবাটীতে তখন তখন অতিথি, ফকির, সাধু, সন্ন্যাসী, ব্রাহ্মণ, পণ্ডিতদের থাকিবার এবং খাইবার বেশ সুবন্দোবস্ত ছিল। শাস্ত্রীজী একে বিদেশী ব্রহ্মচারী ব্রাহ্মণ, তাহাতে আবার সুপণ্ডিত, কাজেই তাঁহাকে যে ওখানে সম্মানে তাঁহার যতদিন ইচ্ছা থাকিতে দেওয়া হইবে ইহাতে বিচিত্র কিছুই নাই। আহারাদি সকল বিষয়ের অতুল এমন রমণীয় স্থানে এমন দেবমানবের সঙ্গ! শাস্ত্রীজী কিছুকাল এখানে কাটাইয়া যাইবেন স্থির করিলেন। আর না করিয়াই বা করেন কি? ঠাকুরের সহিত যতই পরিচয় হইতে লাগিল, ততই তাঁহার প্রতি কেমন একটা ভক্তি-ভালবাসার উদয় হইয়া তাঁহাকে আরও বিশেষভাবে দেখিতে জানিতে ইচ্ছা দিন দিন শাস্ত্রীর প্রবল হইতে লাগিল। ঠাকুরও সরলহৃদয় উন্নতচেতা শাস্ত্রীকে পাইয়া বিশেষ আনন্দ প্রকাশ করিতে এবং অনেক সময় তাঁহার সহিত ঈশ্বরীয় কথায় কাটাইতে লাগিলেন।

শাস্ত্রীজী বেদান্তোক্ত সপ্তভূমিকার কথা পড়িয়াছিলেন। শাস্ত্র-দৃষ্টে জানিতেন, একটির পর একটি করিয়া নিম্ন হইতে উচ্চ

## শ্রীশ্রীরামকৃষ্ণলীলাপ্রসঙ্গ

উচ্চতর ভূমিকায় যেমন যেমন মন উঠিতে থাকে অমনি বিচিত্র  
 ঠাকুরের বিচিত্র উপলব্ধি ও দর্শন হইতে হইতে শেষে  
 দিব্যসঙ্গে নিৰ্বিকল্পসমাধি আসিয়া উপস্থিত হয় এবং ঐ  
 শাস্ত্রীর সকল অবস্থায় অথও সচ্চিদানন্দস্বরূপ ব্রহ্মবস্তুর সাক্ষাৎ  
 উপলব্ধিতে তন্ময় হইয়া মানবের যুগযুগান্তরাগত সংসারভ্রম এক-  
 কালে তিরোহিত হইয়া যায়। শাস্ত্রী দেখিলেন, তিনি যে সকল  
 কথা শাস্ত্রে পড়িয়া কণ্ঠস্থ করিয়াছেন মাত্র, ঠাকুর সেই সকল  
 জীবনে সাক্ষাৎ প্রত্যক্ষ করিয়াছেন। দেখিলেন—‘সমাধি’,  
 ‘অপরোক্ষানুভূতি’ প্রভৃতি যে সকল কথা তিনি উচ্চারণমাত্রই  
 করিয়া থাকেন, ঠাকুরের সেই সমাধি দিবারাত্রি যখন তখন  
 ঈশ্বরীয় প্রসঙ্গে হইতেছে। শাস্ত্রী ভাবিলেন, ‘এ কি অদ্ভুত  
 ব্যাপার! শাস্ত্রের নিগূঢ় অর্থ জানাইবার বুঝাইবার এমন লোক  
 আর কোথায় পাইব? এ স্বযোগ ছাড়া হইবে না। যেক্ষেপে  
 হউক ইহার নিকট হইতে ব্রহ্মসাক্ষাৎকারলাভের উপায় করিতে  
 হইবে। মরণের তো নিশ্চয়তা নাই—কে জানে কবে এ শরীর  
 যাইবে। ঠিক ঠিক জ্ঞানলাভ না করিয়া মরিব? তাহা হইবে না।  
 একবার তন্নাভে চেষ্টাও অন্ততঃ করিতে হইবে। রহিল এখন  
 দেশে ফেরা।’

দিনের পর দিন যতই যাইতে লাগিল, শাস্ত্রীর বৈরাগ্যব্যাকুলতাও  
 ততই ঠাকুরের দিব্য সঙ্গে বাড়িয়া উঠিতে লাগিল। পাণ্ডিত্যে  
 শাস্ত্রীর সকলকে চমৎকার করিয়া, মহামহোপাধ্যায় হইয়া  
 বৈরাগ্যোদয় সংসারে সর্বাপেক্ষা অধিক নাম যশ প্রতিষ্ঠা লাভ  
 করিব—এ সকল বাসনা তুচ্ছ হেয় জ্ঞান হইয়া মন হইতে

## গুরুভাব ও নানা সাধুসম্প্রদায়

একেবারে অস্তব্ধ হইয়া গেল। শাস্ত্রী যথার্থ দীনভাবে শিষ্যের ত্রায় ঠাকুরের নিকট থাকেন এবং তাঁহার অমৃতময়ী বাক্যাবলী একচিন্তে শ্রবণ করিয়া ভাবেন—আর অন্য কোন বিষয়ে মন দেওয়া হইবে না ; কবে কখন শরীরটা যাইবে তাহার স্থিরতা নাই ; এই বেলা সম্মুখ থাকিতে থাকিতে ঈশ্বরলাভের চেষ্টা করিতে হইবে। ঠাকুরকে দেখিয়া ভাবেন—‘আহা, ইনি মহাশক্তিমান লাভ করিয়া যাহা জানিবার বুঝিবার, তাহা বুঝিয়া কেমন নিশ্চিন্ত হইয়া রহিয়াছেন ! মৃত্যুও ইহার নিকট পরাজিত ; ‘মহারাত্রির’ করাল ছায়া সম্মুখে ধরিয়া ইতরসাধারণের ত্রায় ইহাকে আর অকূল পাথর দেখাইতে পারে না। আচ্ছা, উপনিষৎকার তো বলিয়াছেন একরূপ মহাপুরুষ সিদ্ধ-সংকল্প হন ; ইহাদের ঠিক ঠিক কৃপা লাভ করিতে পারিলে মানবের সংসার-বাসনা মিটিয়া যাইয়া ব্রহ্মজ্ঞানের উদয় হয়। তবে ইহাকে কেন ধরি না ; ইহারই কেন শরণ গ্রহণ করি না ?’ শাস্ত্রী মনে মনে এইরূপ জল্পনা করেন এবং দক্ষিণেশ্বরে ঠাকুরের নিকটে থাকেন। কিন্তু পাছে ঠাকুর অযোগ্য ভাবিয়া আশ্রয় না দেন এজন্য সহসা তাঁহাকে কিছু বলিতে পারেন না। এইরূপে দিন কাটিতে লাগিল।

শাস্ত্রীর মনে দিন দিন যে সংসার-বৈরাগ্য তীব্রভাবে ধারণ করিতেছিল, ইহার পরিচয় আমরা নিম্নের ঘটনাটি হইতে বেশ

পাইয়া থাকি। এই সময়ে রাসমণির তরফ

শাস্ত্রীর মাইকেল  
মধুসূদনের সহিত  
আলাপে বিরক্ত

হইতে কি একটি মকদ্দমা চালাইবার ভার বঙ্গের  
কবিবুলগৌরব শ্রীযুক্ত মাইকেল মধুসূদন দত্ত প্রাপ্ত  
হইয়াছিলেন। ঐ মকদ্দমার সকল বিষয় যথাযথ

জানিবার জন্ত তাঁহাকে রাণীর কোন বংশধরের সহিত একদিন

## শ্রীশ্রীরামকৃষ্ণলীলাপ্রসঙ্গ

দক্ষিণেশ্বর কালীবাটীতে আসিতে হইয়াছিল। মকদ্দমা সংক্রান্ত সকল বিষয় জানিবার পর এ কথা সে কথায় তিনি ঠাকুর এখানে আছেন জানিতে পারেন এবং তাঁহাকে দেখিবার বাসনা প্রকাশ করেন। ঠাকুরের নিকট সংবাদ দেওয়া হইলে ঠাকুর মধুসূদনের সহিত আলাপ করিতে প্রথম শাস্ত্রীকেই পাঠান এবং পরে আপনিও তথায় উপস্থিত হন। শাস্ত্রীজী মধুসূদনের সহিত আলাপ করিতে করিতে তাঁহার স্বধর্ম ত্যাগ করিয়া ঈশার ধর্মাবলম্বনের হেতু জিজ্ঞাসা করেন। মাইকেল তত্ত্বতরে বলিয়াছিলেন যে, তিনি পেটের দায়েই ঐরূপ করিয়াছেন। মধুসূদন অপরিচিত পুরুষের নিকট আত্মকথা খুলিয়া বলিতে অনিচ্ছুক হইয়া ঐ ভাবে প্রশ্নের উত্তর দিয়াছিলেন কি না, তাহা বলিতে পারি না; কিন্তু ঠাকুর এবং উপস্থিত সকলেরই মনে হইয়াছিল তিনি আত্মগোপন করিয়া বিদ্রোপ করিলে যে ঐরূপ বলিলেন তাহা নহে, যথার্থ প্রাণের ভাবই বলিতেছেন। যাহাই হউক, ঐরূপ উত্তর শুনিয়া শাস্ত্রীজী তাঁহার উপর বিষম বিরক্ত হন; বলেন—“কি! এই দুই দিনের সংসারে পেটের দায়ে নিজের ধর্ম পরিত্যাগ করা? এ কি হীন বুদ্ধি! মরিতে তো এক দিন হইবেই—না হয় মরিয়াই যাইতেন।” ইহাকেই আবার লোকে বড় লোক বলে এবং ইহার গ্রন্থ আদর করিয়া পড়ে, ইহা ভাবিয়া শাস্ত্রীজীর মনে বিষম ঘৃণার উদয় হওয়ায় তিনি তাঁহার সহিত আর অধিক বাক্যালাপে বিরত হন।

অতঃপর মধুসূদন ঠাকুরের শ্রীমুখ হইতে কিছু ধর্মোপদেশ শুনিবার বাসনা প্রকাশ করেন। ঠাকুর আমাদের বলিতেন—

“(আমার) মুখ যেন কে চেপে ধরলে, কিছু বলতে দিলে না।”

ঠাকুর ও হৃদয় প্রভৃতি কেহ কেহ বলেন, কিছুক্ষণ পরে  
মাইকেল ঠাকুরের ঐ ভাব চলিয়া গিয়াছিল এবং তিনি  
সংবাদ রামপ্রসাদ, কমলাকান্ত প্রভৃতি বিশিষ্ট সাধকদিগের  
কয়েকটি পদাবলী মধুর স্বরে গাহিয়া মধুসূদনের মন মোহিত  
করিয়াছিলেন এবং তদ্ব্যপদেশে তাঁহাকে ভগবন্তকৃষ্ণই যে সংসারে  
একমাত্র সার পদার্থ তাহা শিক্ষা দিয়াছিলেন।

মাইকেল বিদায় গ্রহণ করিবার পরেও শাস্ত্রীজী মাইকেলের  
ঐক্যে স্বধর্মত্যাগের কথা আলোচনা করিয়া বিরক্তি প্রকাশ করেন  
শাস্ত্রীর নিজ এবং পেটের দায়ে স্বধর্মত্যাগ করা যে অতি হীন-  
মত দেয়ালে বুদ্ধির কাজ, একথা ঠাকুরের ঘরে ঢুকিবার  
লিখিয়া রাখা দরজার পূর্বদিকের দালানের দেয়ালের গায়ে  
একখণ্ড কয়লা দিয়া বড় বড় অক্ষরে লিখিয়া রাখেন। দেয়ালের  
গায়ে সুস্পষ্ট বড় বড় বাঙ্গালা অক্ষরে লেখা শাস্ত্রীর ঐ দিব্যক  
মনোভাব আমাদের অনেকেই নজরে পড়িয়া আমাদের  
কৌতূহলাক্রান্ত করিত। পরে একদিন জিজ্ঞাসায় সকল কথা  
জানিতে পারিলাম। শাস্ত্রী অনেক দিন এদেশে থাকায় বাঙ্গালা  
ভাষা বেশ শিক্ষা করিয়াছিলেন।

এইবার শাস্ত্রীর জীবনের শেষ কথা। সুযোগ বুঝিয়া শাস্ত্রীজী  
একদিন ঠাকুরকে নির্জনে পাইয়া নিজ মনোভাব  
শাস্ত্রীর সন্ধ্যাসংগ্রহ প্রকাশ করিলেন এবং ‘নাছোড়বান্দা’ হইয়া ধরিয়া  
ও তপস্তা বসিলেন, তাঁহাকে সন্ধ্যাসদীক্ষা দিতে হইবে।  
ঠাকুরও তাঁহার আগ্রহাতিশয়ে সন্মত হইয়া শুভদিনে তাঁহাকে ঐ

## শ্রীশ্রীরামকৃষ্ণলীলাপ্রসঙ্গ

দীক্ষাপ্রদান করিলেন। সম্মাসগ্রহণ করিয়াই শাস্ত্রী' আর কালী-  
বাটীতে রহিলেন না। বশিষ্ঠাশ্রমে বসিয়া দিক্‌কাম না হওয়া পর্য্যন্ত  
ব্রহ্মোপলব্ধির চেষ্টায় প্রাণপাত করিবেন বলিয়া ঠাকুরের নিকট  
মনোগত অভিপ্রায় জানাইলেন এবং সজলনয়নে তাঁহার আশীর্বাদ-  
ভিক্ষা ও শ্রীচরণবন্দনাস্তে চিরদিনের মত দক্ষিণেশ্বর পরিত্যাগ করিয়া  
চলিয়া গেলেন; ইহার পর নারায়ণ শাস্ত্রীর কোনও নিশ্চিত সংবাদই  
আর পাওয়া গেল না। কেহ কেহ বলেন, বশিষ্ঠাশ্রমে অবস্থান  
করিয়া কঠোর তপশ্চরণ করিতে করিতে তাঁহার শরীর রোগাক্রান্ত  
হয় এবং ঐ রোগেই তাঁহার মৃত্যু হইয়াছিল।

আবার যথার্থ সাধু, সাধক বা ভগবন্ত, যে কোনও সম্প্রদায়ের  
হউন না কেন, কোনও স্থানে বাস করিতেছেন শুনিলেই ঠাকুরের  
তাঁহাকে দর্শন করিতে ইচ্ছা হইত এবং ঐরূপ ইচ্ছার উদয় হইলে  
অর্ঘ্যচিত্ত হইয়াও তাঁহার সহিত ভগবৎপ্রসঙ্গে কিছুকাল কাটাইয়া  
আসিতেন। লোকে ভাল বা মন্দ বলিবে, অপরিচিত সাধক তাঁহার  
যাওয়ায় সন্তুষ্ট বা অসন্তুষ্ট হইবেন, আপনি তথায় যথাযথ সম্মানিত

হইবেন কি না—এসকল চিন্তার একটিরও তখন  
সাধু ও  
সাধকদিগকে  
দেখিতে যাওয়া  
ঠাকুরের  
স্বভাব ছিল

হইয়াছেন ইত্যাদি সকল কথা জানিয়া, বুঝিয়া,  
একটা স্থির মীমাংসায় উপনীত হইয়া জ্ঞানোন্মত্ত হইতেন। শাস্ত্রজ্ঞ  
সাধক পণ্ডিতদিগের কথা শুনিলেও ঠাকুর অনেক সময় ঐরূপ  
ব্যবহার করিতেন। পণ্ডিত পদ্মলোচন, স্বামী দয়ানন্দ সরস্বতী

## গুরুভাব ও নানা সাধুসম্প্রদায়

প্রভৃতি অনেককে ঠাকুর ঐভাবে দর্শন করিতে গিয়াছিলেন এবং তাঁহাদের কথা আমাদিগকে অনেক সময় গল্পছলে বলিতেন। তন্মধ্যে পণ্ডিত পদলোচনের কথাই আমরা এখন পাঠককে বলিতেছি।

ঠাকুরের আবির্ভাবের পূর্বে বাঙ্গালায় বেদান্তশাস্ত্রের চর্চা অতীব বিরল ছিল। আচার্য্য শঙ্কর বহু শতাব্দী পূর্বে বঙ্গের তান্ত্রিকদিগকে তর্কযুদ্ধে পরাজিত করিলেও বঙ্গের জ্ঞানের প্রবেশ-কারণ সাধারণে নিজমত বড় একটা প্রতিষ্ঠা করিতে পারেন নাই। ফলে এদেশের তন্ত্র অর্ধৈতম্যভাবরূপ বেদান্তের মূল তত্ত্বটি সত্য বলিয়া স্বীকার করিয়া নিজ উপাসনা-প্রণালীর ভিতর উহার কিছু কিছু প্রবিষ্ট করাইয়া জনসাধারণে পূর্ববৎ পূজাদির প্রচার করিতেই থাকে এবং বাঙ্গালার পণ্ডিতগণ গ্রন্থদর্শনের আলোচনাতেই নিজ উর্কর মস্তিষ্কের সমস্ত শক্তি ব্যয় করিতে থাকিয়া কালে নব্য গ্রন্থের সৃজন করতঃ উক্ত দর্শনের রাজ্যে অদ্ভুত যুগবিপর্যয় আনয়ন করেন। আচার্য্য শঙ্করের নিকট তর্কে পরাজিত ও অপদস্থ হইয়াই কি বাঙ্গালী জাতির ভিতর তর্কশাস্ত্রের আলোচনা এত অধিক বাড়িয়া যায়—কে বলিবে? তবে জাতিবিশেষের নিকট কোন বিষয়ে পরাজিত হইয়া অভিমানে অপমানে পরাজিত জাতির ভিতর ঐ বিষয়ে সকলকে অতিক্রম করিবার ইচ্ছা ও চেষ্টার উদয় জগৎ অনেকবার দেখিয়াছে।

তন্ত্র ও গ্রন্থের রঙ্গভূমি বঙ্গে ঠাকুরের আবির্ভাবের পূর্বে বেদান্তচর্চা ঐরূপে বিরল থাকিলেও, কেহ কেহ যে উহার উদার



## শ্রীশ্রীরামকৃষ্ণলীলা প্রসঙ্গ

মীমাংসা-সকলের অনুশীলনে আকৃষ্ট হইতেন না, তাহা নহে।

বৈদান্তিক পণ্ডিত পদ্মলোচন	পণ্ডিত পদ্মলোচন ঐ ব্যক্তিগণের মধ্যে অগ্রতম। ত্ৰায়ে ব্যাপ্তিলাভ করিবার পর পণ্ডিতজীর বেদান্ত- দর্শন-পাঠে ইচ্ছা হয় এবং তজ্জন্ম ৮ কাশীধামে গমন
---------------------------------	--

করিয়া গুরুগৃহে বাসকরতঃ তিনি দীর্ঘকাল ঐ দর্শনের চর্চায় কালাতিপাত করেন। ফলে কয়েক বৎসর পরেই তিনি বৈদান্তিক বলিয়া প্রসিদ্ধিলাভ করেন এবং দেশে আগমন করিবার পর বর্দ্ধমানাধিপের দ্বারা আহূত হইয়া তদীয় সভাপণ্ডিতের পদ গ্রহণ করেন। পণ্ডিতজীর অদ্ভুত প্রতিভার পরিচয় পাইয়া বর্দ্ধমানরাজ তাঁহাকে ক্রমে প্রধান সভাপণ্ডিতের পদে প্রতিষ্ঠিত করেন এবং তাঁহার স্বয়ং বঙ্গের সর্বত্র পরিব্রাজ্য হয়।

পণ্ডিতজীর অদ্ভুত প্রতিভা সম্বন্ধে একটি কথা এখানে বলিলে মন্দ হইবে না। আধ্যাত্মিক কোন বিষয়ে একদেশী ভাব বুদ্ধি-

পণ্ডিতর অদ্ভুত প্রতিভার দৃষ্টান্ত	হীনতা হইতেই উপস্থিত হয়—এই প্রসঙ্গে ঠাকুর পণ্ডিতজীর ঐ কথা কখন কখন আমাদের নিকট উল্লেখ করিতেন। কারণ আমরা পূর্বেই বলিয়াছি, অসাধারণ সত্যিনিষ্ঠ ঠাকুর কাহারও নিকট হইতে কখন কোন মনোমত উদারভাব-প্রকাশক কথা শুনিলে উহা স্মরণ করিয়া রাখিতেন এবং কথাপ্রসঙ্গে উহার উল্লেখকালে যাহার নিকটে তিনি উহা প্রথম শুনিয়াছিলেন তাহার নামটিও বলিতেন।
---	---

ঠাকুর বলিতেন, বর্দ্ধমান-রাজসভার পণ্ডিতদিগের ভিতর 'শিব বড় কি বিষ্ণু বড়'—এই কথা লইয়া এক সময়ে মহা আন্দোলন উপস্থিত হয়। পণ্ডিত পদ্মলোচন তখন তথায় উপস্থিত ছিলেন

## গুরুভাব ও নানা সাধুসম্প্রদায়

না। উপস্থিত পণ্ডিতসকল নিজ নিজ শাস্ত্রজ্ঞান, ও বোধ হয়  
‘শিব বড় কি  
বিষ্ণু বড়’  
অভিরুচির সহায়ে কেহ এক দেবতাকে আবার  
কেহ ব্রাহ্ম দেবতাকে বড় বলিয়া নির্দেশ করিয়া  
বিষম কোলাহল উপস্থিত করিলেন। এইরূপে  
শৈব ও বৈষ্ণব উভয়পক্ষে দ্বন্দ্বই চলিতে লাগিল, কিন্তু কথাটার  
একটা স্তম্ভীমাংসা আর পাওয়া গেল না। কাজেই প্রধান সভা-  
পণ্ডিতকে তখন উহার মৌমাংসা করিবার জ্ঞাত ডাক পড়িল। পণ্ডিত  
পন্নালোচন সভাতে উপস্থিত হইয়া প্রশ্ন শুনিয়াই বলিলেন, “আমার  
চৌদ্দপুরুষে কেহ শিবকেও কখন দেখে নি, বিষ্ণুকেও কখন  
দেখে নি; অতএব কে বড় কে ছোট, তা কেমন করে বলবো? তবে  
শাস্ত্রের কথা শুনতে চাও তো এই বলতে হয় যে, শৈবশাস্ত্রে শিবকে  
বড় করেছে ও বৈষ্ণবশাস্ত্রে বিষ্ণুকে বাড়িয়াছে; অতএব যার  
যে ইষ্ট, তার কাছে সেই দেবতাই অগ্র সকল দেবতা অপেক্ষা  
বড়।” এই বলিয়া পণ্ডিতজী শিব ও বিষ্ণু উভয়েরই সৰ্বদেবতাপেক্ষা  
প্রাধান্যসূচক শ্লোকগুলি প্রমাণস্বরূপে উদ্ধৃত করিয়া উভয়কেই সমান  
বড় বলিয়া সিদ্ধান্ত করিলেন। পণ্ডিতজীর ঐরূপ সিদ্ধান্তে তখন  
বিবাদ মিটিয়া গেল এবং সকলে তাঁহাকে ধন্য ধন্য করিতে লাগিলেন।  
পণ্ডিতজীর ঐরূপ আড়ম্বরশূন্য সরল শাস্ত্রজ্ঞান ও স্পষ্টবাদিত্বেই  
তাঁহার প্রতিভার পরিচয় আমরা বিলক্ষণ পাইয়া থাকি এবং  
তাঁহার এত স্তন্যম ও প্রসিদ্ধি যে কেন হইয়াছিল, তাহার কারণ  
বুঝিতে পারি।

শব্দজালরূপ মহারণ্যে বহুদূর পরিভ্রমণ করিয়াছিলেন বলিয়াই  
যে পণ্ডিতজীর এত স্মৃতি-লাভ হইয়াছিল তাহা নহে। লোকে

## শ্রী শ্রী রামকৃষ্ণলীলা প্রসঙ্গ

দৈনন্দিন জীবনেও তাঁহাতে সদাচার, ইষ্টনিষ্ঠা, তপস্বীতা, উদারতা, নিলিপ্ততা প্রভৃতি সদগুণরাশির পুনঃ পুনঃ পরিচয় পণ্ডিতের পাইয়া তাঁহাকে একজন বিশিষ্ট সাধক বা ঈশ্বর-প্রেমিক বলিয়া স্থির করিয়াছিল। যথার্থ পাণ্ডিত্য ও গভীর ঈশ্বরভক্তির একত্র সমাবেশ সংসারে দুর্লভ; অতএব তদুভয় কোথাও একত্র পাইলে লোকে ঐ পাত্রের প্রতি বিশেষ আকৃষ্ট হয়। অতএব লোক-পরম্পরায় ঐ সকল কথাগুলি শুনিয়া ঠাকুরের ঐ সুপুরুষকে যে দেখিতে ইচ্ছা হইবে, ইহাতে বিচিত্র কিছুই নাই। ঠাকুরের মনে যখন ঐরূপ ইচ্ছার উদয় হয়, তখন পণ্ডিতজী প্রোচ্যবস্থা প্রায় অতিক্রম করিতে চলিয়াছেন এবং বর্দ্ধমান-রাজসরকারে অনেককাল সম্মানে নিযুক্ত আছেন।

ঠাকুরের মনে যখনি যে কার্য্য করিবার ইচ্ছা হইত, তখনি তাহা সম্পন্ন করিবার জন্ত তিনি বালকের জায় ব্যস্ত হইয়া উঠিতেন। ‘জীবন ক্ষণস্থায়ী, যাহা করিবার শীঘ্র করিয়া লও’—বাল্যাবধি মনকে ঐ কথা বুঝাইয়া তীব্র অল্পরূপে সকল কার্য্য করিবার ফলেই বোধ হয় ঠাকুরের মনের ঐরূপ স্বভাব হইয়া গিয়াছিল। আবার একনিষ্ঠা ও একাগ্রতা-অভ্যাসের ফলেও যে মন ঐরূপ স্বভাবাপন্ন হয়, এ কথা অল্প চিন্তাতেই বুঝিতে পারা যায়। সে যাহা হউক, ঠাকুরের ব্যস্ততা দেখিয়া মথুরানাথ তাঁহাকে বর্দ্ধমানে পাঠাইবার সঙ্কল্প করিতেছিলেন, এমন সময় সংবাদ পাওয়া গেল পণ্ডিত পদ্বলোচনের শরীর দীর্ঘকাল অসুস্থ হওয়ায় তাঁহাকে আরিয়াদহের নিকট গঙ্গাতীরবর্ত্তী একটি বাগানে

## গুরুভাব ও নানা সাধুসম্প্রদায়

বায়ু-পরিবর্তনের জন্ত আনিয়া রাখা হইয়াছে এবং গন্ধার নির্মল বায়ু-সেবনে তাঁহার শরীরও পূৰ্ব্বাপেক্ষা কিছু ভাল আছে। সংবাদ যথার্থ কি না, জানিবার জন্ত হৃদয় প্রেরিত হইল।

হৃদয় ফিরিয়া সংবাদ দিল—কথা যথার্থ, পণ্ডিতজী ঠাকুরের কথা শুনিয়া তাঁহাকে দেখিবার জন্ত বিশেষ আগ্রহ প্রকাশ করিয়াছেন এবং হৃদয়কে তাঁহার আত্মীয় জানিয়া বিশেষ সমাদর করিয়াছেন। তখন দিন স্থির হইল। ঠাকুর পণ্ডিতজীকে দেখিতে চলিলেন। হৃদয় তাঁহার সঙ্গে চলিল।

হৃদয় বলেন, প্রথম মিলন হইতেই ঠাকুর ও পণ্ডিতজী পরস্পরের দর্শনে বিশেষ প্রীতিলাভ করিয়াছিলেন। ঠাকুর তাঁহাকে অমায়িক, পণ্ডিতের উদার-স্বভাব, সুপণ্ডিত ও সাধক বলিয়া জানিতে ঠাকুরকে পারিয়াছিলেন এবং পণ্ডিতজীও ঠাকুরকে অদ্ভুত প্রথম দর্শন আধ্যাত্মিক অবস্থায় উপনীত মহাপুরুষ বলিয়া ধারণা করিয়াছিলেন। ঠাকুরের মধুর কণ্ঠে মার নামগান শুনিয়া পণ্ডিতজী অশ্রু-সংবরণ করিতে পারেন নাই এবং সমাধিতে মুহুমূর্ছঃ বাহ্য চৈতন্তের লোপ হইতে দেখিয়া এবং ঐ অবস্থায় ঠাকুরের কিরূপ উপলক্ষিসমূহ হয়, সে সকল কথা শুনিয়া পণ্ডিতজী নির্বাক হইয়াছিলেন। শাস্ত্রজ্ঞ পণ্ডিত শাস্ত্রে লিপিবদ্ধ আধ্যাত্মিক অবস্থা-সকলের সহিত ঠাকুরের অবস্থা মিলাইয়া লইতে যে চেষ্টা করিয়াছিলেন, ইহা আমরা বেশ বুঝিতে পারি। কিন্তু ঐরূপ করিতে যাইয়া তিনি যে সেদিন ফাঁপরে পড়িয়াছিলেন এবং কোন একটা বিশেষ সিদ্ধান্তে উপনীত হইতে পারেন নাই ইহাও স্থনিশ্চিত। কারণ ঠাকুরের চরম উপলক্ষিসকল শাস্ত্রে লিপিবদ্ধ দেখিতে না

## শ্রীশ্রীরামকৃষ্ণলীলাপ্রসঙ্গ

পাইয়া তিনি শাস্ত্রের কথা সত্য অথবা ঠাকুরের উপলব্ধিই সত্য, ইহা স্থির করিতে পারেন নাই। অতএব শাস্ত্রজ্ঞান ও নিজ তীক্ষ্ণ বুদ্ধিসহায়ে আধ্যাত্মিক সর্ববিষয়ে সর্বদা স্থিরসিদ্ধান্তে উপনীত পণ্ডিতজীর বিচারশীল মন ঠাকুরের সহিত পরিচয়ে আলোকের ভিতর একটা অন্ধকারের ছায়ার মত অপূর্ব আনন্দের ভিতরে একটা অশান্তির ভাব উপলব্ধি করিয়াছিল।

প্রথম পরিচয়ের এই প্রীতি ও আকর্ষণে ঠাকুর ও পণ্ডিতজী আরও কয়েকবার একত্র মিলিত হইয়াছিলেন এবং উহার ফলে

পণ্ডিতের	পণ্ডিতজীর ঠাকুরের আধ্যাত্মিক অবস্থাবিষয়ক
ভক্তি-প্রদা-	ধারণা অপূর্ব গভীর ভাব প্রাপ্ত হইয়াছিল।
বুদ্ধির কারণ	পণ্ডিতজীর ঐরূপ দৃঢ় ধারণা হইবার একটি বিশেষ

কারণও আমরা ঠাকুরের শ্রীমুখে শুনিয়াছি।

পণ্ডিত পঞ্চলোচন বেদান্তোক্ত জ্ঞানবিচারের সহিত তত্ত্বোক্ত সাধনপ্রণালীর বহুকাল অনুষ্ঠান করিয়া আসিতেছিলেন এবং ঐরূপ অনুষ্ঠানের ফলও কিছু কিছু জীবনে প্রত্যক্ষ করিয়াছিলেন। ঠাকুর বলিতেন, জগদম্বা তাঁকে পণ্ডিতজীর সাধনলব্ধ-শক্তিসম্বন্ধে একটি গোপনীয় কথা ঐ সময়ে জানাইয়া দেন। তিনি জানিতে পারেন, সাধনায় প্রসঙ্গ হইয়া পণ্ডিতজীর ইষ্টদেবী তাঁহাকে বরপ্রদান করিয়াছিলেন বলিয়াই তিনি এতকাল ধরিয়া অগণ্য পণ্ডিতসভায় অপর সকলের অঙ্গে হইয়া আপন প্রাধান্য অক্ষুণ্ণ রাখিতে পারিয়াছেন! পণ্ডিতজীর নিকটে সর্বদা একটি জলপূর্ণ গাডু ও একখানি গামছা থাকিত; এবং কোনও প্রশ্নের মীমাংসায় অগ্রসর হইবার পূর্বে উহা হস্তে লইয়া ইতস্ততঃ কয়েক পদ পরিভ্রমণ করিয়

## গুরুভাব ও নানা সাধুসম্প্রদায়

আসিয়া মুখপ্রক্ষালন ও মোক্ষণ করতঃ তৎকাল্যে প্রবৃত্ত হওয়া আবহমান কাল হইতে তাঁহার রীতি ছিল। তাঁহার ঐ রীতি বা অভ্যাসের কারণানুসন্ধানে কাহারও কখন কোতুহল হয় নাই এবং উহার যে কোন নিগূঢ় কারণ আছে তাহাও কেহ কখন কল্পনা করে নাই। তাঁহার ইষ্টদেবীর নিয়োগানুসারেই যে তিনি ঐরূপ করিতেন এবং ঐরূপ করিলেই যে তাঁহাতে শাস্ত্রজ্ঞান, বুদ্ধি ও প্রত্যাশম-মতিত্ব দৈববলে সম্যক্ জাগরিত হইয়া উঠিয়া তাঁহাকে অস্ত্রের অঙ্গেয় করিয়া তুলিত, পণ্ডিতজী একথা কাহারও নিকটে এমন কি, নিজ সহধর্ম্মিণীর নিকটেও কখন প্রকাশ করেন নাই। পণ্ডিতজীর ইষ্টদেবী তাঁহাকে ঐরূপ করিতে নিভূতে প্রাণে প্রাণে বলিয়া দিয়াছিলেন এবং তিনিও তদবধি এতকাল ধরিয়া উহা অক্ষুণ্ণভাবে পালন করিয়া অস্ত্রের অজ্ঞাতসারে উহার ফল প্রত্যক্ষ করিতেছিলেন !

ঠাকুর বলিতেন—জগদম্বার রূপায় ঐ বিষয় জানিতে পারিয়া তিনি অবসর বুঝিয়া একদিন পণ্ডিতজীর গাড়ু, গামছা তাঁহার অজ্ঞাতসারে লুকাইয়া রাখেন এবং পণ্ডিতজীও তদভাবে উপস্থিত প্রশ্নের মীমাংসায় প্রবৃত্ত হইতে না পারিয়া উহার অন্বেষণেই ব্যস্ত হন। পরে যখন জানিতে পারিলেন ঠাকুর ঐরূপ করিয়াছেন তখন আর পণ্ডিতজীর আশ্চর্য্যের সীমা থাকে নাই। আবার

ঠাকুরের	যখন বুঝিলেন ঠাকুর সকল কথা জানিয়া শুনিয়াই
পণ্ডিতের	ঐরূপ করিয়াছেন, তখন পণ্ডিতজী আর থাকিতে
সিদ্ধাই	না পারিয়া তাঁহাকে সাক্ষাৎ নিজ ইষ্টজ্ঞানে সজল-
জানিতে পারা	নয়নে স্তবস্তুতি করিয়াছিলেন ! তদবধি পণ্ডিতজী

ঠাকুরকে সাক্ষাৎ ঈশ্বরাবতার বলিয়া জ্ঞান ও তদ্রূপ ভক্তি

## শ্রী শ্রীরামকৃষ্ণলীলাপ্রসঙ্গ

করিতেন। ঠাকুর বলিতেন, “পদ্মলোচন অত বড় পণ্ডিত হয়েও এখানে (আমাতে) এতটা বিশ্বাস ভক্তি করতো! বলেছিল— ‘আমি সেরে উঠে সব পণ্ডিতদের ডাকিয়ে সভা করে সকলকে বলবো, তুমি ঈশ্বরাবতার; আমার কথা কে কাটতে পারে দেখবো।’ মথুর (এক সময়ে অগ্নি কারণে) যত পণ্ডিতদের ডাকিয়ে দক্ষিণেশ্বরে এক সভার যোগাড় করেছিল। পদ্মলোচন নিরলোভ অশূদ্রপ্রতিগ্রাহী নিষ্ঠাচারী ব্রাহ্মণ; সভায় আসবে না ভেবে আসবার জুহু অল্পরোধ করতে বলেছিল। মথুরের কথায় তাকে জিজ্ঞাসা করেছিলাম—‘হ্যাঁগা, তুমি দক্ষিণেশ্বরে যাবে না?’ তাইতে বলেছিল, ‘তোমার সঙ্গে হাড়ির বাটীতে গিয়ে খেয়ে আসতে পারি! কৈবর্তের বাড়ীতে সভায় যাব, এ আর কি বড় কথা!’”

মথুর বাবুর আহূত সভায় কিন্তু পণ্ডিতজীকে যাইতে হয় নাই।

<p>পণ্ডিতের কাশীধামে শরীরত্যাগ</p>	<p>সভা আহূত হইবার পূর্বেই তাঁহার শারীরিক অসুস্থতা বিশেষ বৃদ্ধি পায় এবং তিনি মজলনয়নে ঠাকুরের নিকট হইতে বিদায় গ্রহণ করিয়া কাশীধামে গমন করেন। শুনা যায়, সেখানে অল্পকাল পরেই তাঁহার শরীরত্যাগ হয়।</p>
--	---

ইহার বহুকাল পরে ঠাকুরের কলিকাতার ভক্তেরা যখন তাঁহার শ্রীচরণপ্রাপ্তে আশ্রয় লইয়াছে এবং ভক্তির উত্তেজনায় তাহাদের ভিতর কেহ কেহ ঠাকুরকে ঈশ্বরাবতার বলিয়া প্রকাশ্যে নির্দেশ করিতেছে, তখন ঐ সকল ভক্তের ঐরূপ ব্যবহার জানিতে পারিয়া ঠাকুর তাহাদিগকে ঐরূপ করিতে নিষেধ করিয়া পাঠান এবং ভক্তির আতিশয্যে তাহারা ঐ কার্যে বিরত হয় নাই, কয়েকদিন

## গুরুভাব ও নানা সাধুসম্প্রদায়

পরে এ সংবাদ প্রাপ্ত হইয়া বিরক্ত হইয়া একদিন আমাদিগকে বলিয়াছিলেন, “কেউ ডাক্তারি করে, কেউ থিয়েটারের ম্যানেজারি করে, এখানে এসে অবতার বলেন। ওরা মনে করে ‘অবতার’ বলে আমাকে খুব বাড়ালে—বড় কল্লে! কিন্তু ওরা অবতার কাকে বলে, তার বোঝে কি? ওদের এখানে আসবার ও অবতার বলবার ঢের আগে পদ্মলোচনের মত লোক—যারা সারাজীবন ঐ বিষয়ের চর্চায় কাল কাটিয়েছে, কেউ ছটা দর্শনে পণ্ডিত, কেউ তিনটে দর্শনে পণ্ডিত—কত সব এখানে এসে অবতার বলে গেছে। অবতার বলায় তুচ্ছজ্ঞান হয়ে গেছে। ওরা অবতার বলে এখানকার (আমার) আর কি বাড়াবে বল?”

পদ্মলোচন ভিন্ন আরও অনেক খ্যাতনামা পণ্ডিতদিগের সহিত ঠাকুরের সময়ে সময়ে সাক্ষাৎ হইয়াছিল। তাঁহাদের ভিতর ঠাকুর যে সকল বিশেষ গুণের পরিচয় পাইয়াছিলেন, কথাপ্রসঙ্গে তাহাও তিনি কখন কখন আমাদিগকে বলিতেন। ঐরূপ কয়েকটির কথাও সংক্ষেপে এখানে বলিলে মন্দ হইবে না।

আর্য্যমত-প্রবর্তক স্বামী দয়ানন্দ সরস্বতী এক সময়ে বঙ্গদেশে বেড়াইতে আসিয়া কলিকাতার উত্তরে বরাহনগরের সিঁদ্ধি নামক পল্লীতে জনৈক ভদ্রলোকের উত্থানে কিছুকাল বাস করেন। সুপণ্ডিত বলিয়া বিশেষ প্রসিদ্ধি লাভ করিলেও, তখনও তিনি নিজের মত প্রচার করিয়া দলগঠন করেন নাই।

দয়ানন্দ

সদ্যে ঠাকুর

তাঁহার কথা শুনিয়া ঠাকুর একদিন ঐ স্থানে

তাঁহাকে দেখিতে আসিয়াছিলেন। দয়ানন্দের

কথাপ্রসঙ্গে ঠাকুর একদিন আমাদিগকে বলিয়াছিলেন, “সিঁদ্ধির



## শ্রীশ্রীরামকৃষ্ণলীলাপ্রসঙ্গ

বাগানে দেখতে গিয়েছিলাম ; দেখলাম—একটু শক্তি হয়েছে ; বুকটা সর্বদা লাল হয়ে রয়েছে ; বৈথরী অবস্থা—দিনরাত চব্বিশ ঘণ্টাই কথা (শাস্ত্রকথা) কচে ; ব্যাকরণ লাগিয়ে অনেক কথার (শাস্ত্রবাক্যের) মানে সব উল্টো-পাল্টা করতে লাগলো ; নিজে একটা কিছু করবো, একটা মত চালাবো—এ অহংকার ভেতরে রয়েছে !”

জয়নারায়ণ পণ্ডিতের কথায় ঠাকুর বলিতেন, “অত বড় পণ্ডিত, কিন্তু অহংকার ছিল না ; নিজের মৃত্যুর কথা জানতে পেরে বলেছিল, কালী যাবে ও সেখানে দেহ রাখবে—তাই হয়েছিল।”

আরিয়াদহ-নিবাসী কৃষ্ণকিশোর ভট্টাচার্য্যের শ্রীরামচন্দ্রে পরম ভক্তির কথা ঠাকুর অনেক সময় উল্লেখ করিতেন। কৃষ্ণকিশোরের বাটীতে ঠাকুরের গমনাগমন ছিল এবং তাঁহার রামভক্ত কৃষ্ণকিশোর পরম ভক্তিমতী সহধর্মিণীও ঠাকুরকে বিশেষ ভক্তি করিতেন। রামনামে ভক্তির তো কথাই নাই, ঠাকুর বলিতেন—কৃষ্ণকিশোর ‘মরা’ ‘মরা’ শব্দটিকেও ঋষিপ্রদত্ত মহামন্ত্রজ্ঞানে বিশেষ ভক্তি করিতেন। কারণ পুরাণে লিখিত আছে, ঐ শব্দই মন্ত্ররূপে নারদ ঋষি দহা বান্দ্রীকিকে দিয়াছিলেন এবং উহার বারংবার ভক্তিপূর্বক উচ্চারণের ফলেই বান্দ্রীকির মনে শ্রীরামচন্দ্রের অপূর্ব লীলার স্মৃতি হইয়া তাঁহাকে রামায়ণপ্রণেতা কবি করিয়াছিল। কৃষ্ণকিশোর সংসারে শোক-তাপও অনেক পাইয়াছিলেন। তাঁহার দুই উপযুক্ত পুত্রের মৃত্যু হয়। ঠাকুর বলিতেন, পুত্রশোকের এমনি প্রভাব, অত বা

## গুরুভাব ও নানা সাধুসম্প্রদায়

বিশ্বাসী ভক্ত কৃষ্ণকিশোরও তাহাতে প্রথম প্রথম সামলাইতে না পারিয়া আত্মহারা হইয়াছিলেন !

পূর্বোক্ত সাধকগণ ভিন্ন ঠাকুর মহর্ষি দেবেন্দ্রনাথ, পণ্ডিত ঈশ্বরচন্দ্র বিজ্ঞাসাগর প্রভৃতিকেও দেখিতে গিয়াছিলেন এবং মহর্ষির উদার ভক্তি ও ঈশ্বরচন্দ্রের কর্মযোগপরায়ণতার কথা আমাদের নিকট সময়ে সময়ে উল্লেখ করিতেন ।

## তৃতীয় অধ্যায়

গুরুভাবে তীর্থ-ভ্রমণ ও সাধুসঙ্গ

যদ যদ বিভূতিমৎ সত্ত্বং শ্রীমদুজ্জিতমেব বা

তত্তদেবাবগচ্ছ স্বং মম তেজোহংশসম্ভবম্ ॥

—গীতা, ১০।৪১

গুরুভাবের প্রেরণায় ভাবমুখে অবস্থিত ঠাকুর কত স্থানে কত লোকের সহিত কত প্রকারে যে লীলা করিয়াছিলেন তাহার সমুদয় লিপিবদ্ধ করা কাহারও সাধ্যায়ত্ত নহে। উহার কিছু কিছু ইতিপূর্বেই আমরা পাঠককে উপহার দিয়াছি। ঠাকুরের তীর্থভ্রমণও ঐ ভাবেই হইয়াছিল। এখন আমরা পাঠককে উহাই বলিবার চেষ্টা করিব।

আমরা যতদূর দেখিয়াছি ঠাকুরের কোন কার্য্যটিই উদ্দেশ্য-বিহীন বা নিরর্থক ছিল না। তাঁহার জীবনের অতি সামান্য সামান্য

• অপরাপর	দৈনিক ব্যবহারগুলির পর্যালোচনা করিলেও
আচার্য্য-	গভীর ভাবপূর্ণ বলিয়া দেখিতে পাওয়া যায়—
পুরুষদিগের	বিশেষ ঘটনাগুলির তো কথাই নাই। আবার
সহিত তুলনায়	এমন অঘটন-ঘটনাবলী-পরিপূর্ণ জীবন বর্ত্তমান
ঠাকুরের	যুগে আধ্যাত্মিক জগতে আর একটিও দেখা যায়
জীবনের	নাই। আজীবন তপস্যা ও চেষ্টার দ্বারা ঈশ্বরের
অঙ্কিত নূতনদ	অনন্তভাবের কোন একটি সম্যক উপলব্ধিই মানুষ করিয়া উঠিতে
	পারে না, তা নানাভাবে তাঁহার উপলব্ধি ও দর্শন করা—সকল

## গুরুভাবে তীর্থ-ভ্রমণ ও সাধুসঙ্গ

প্রকার ধর্মমত সাধনসহায়ে সত্য বলিয়া প্রত্যক্ষ করা এবং সকল মতের সাধকদিগকেই নিজ নিজ গন্তব্য পথে অগ্রসর হইতে সহায়তা করা ! আধ্যাত্মিক জঁগতে এরূপ দৃষ্টান্ত দেখা দূরে থাকুক, কখনও কি আর শুনা গিয়াছে ? প্রাচীন যুগের ঋষি আচার্য বা অবতার মহাপুরুষেরা এক একটি বিশেষ বিশেষ ভাবরূপ পথাবলম্বনে স্বয়ং ঈশ্বরোপলব্ধি করিয়া তত্তৎ ভাবেই ঈশ্বরদর্শনের একমাত্র পথ বলিয়া ঘোষণা করিয়াছিলেন ; অপরাপর নানা ভাবাবলম্বনেও যে ঈশ্বরের উপলব্ধি করা যাইতে পারে, একথা উপলব্ধি করিবার অবসর পান নাই। অথবা নিজেরা ঐ সত্যের অল্প বিস্তার প্রত্যক্ষ করিতে সমর্থ হইলেও তৎপ্রচারে জনসাধারণের ইষ্টনিষ্ঠার দৃঢ়তা কমিয়া যাইয়া তাহাদের ধর্মোপলব্ধির অনিষ্ট সাধিত হইবে—এই ভাবিয়া সর্বসমক্ষে ঐ বিষয়টির ঘোষণা করেন নাই। কিন্তু যাহা ভাবিয়াই তাঁহারা এরূপ করিয়া থাকুন, তাঁহারা যে তাঁহাদের গুরুভাব-সহায়ে একদেশী ধর্মমতসমূহই প্রচার করিয়াছিলেন এবং কালে উহাই যে মানবমনে ঈর্ষাদ্বেষাদির বিপুল প্রসার আনয়ন করিয়া অনন্ত বিবাদ এবং অনেক সময়ে রক্তপাতেরও হেতু হইয়াছিল, ইতিহাস এ বিষয়ে নিঃসংশয় সাক্ষ্য দিতেছে।

শুধু তাহাই নহে, এরূপ একঘেয়ে একদেশী ধর্মভাব-প্রচারে পরস্পরবিরোধী নানামতের উৎপত্তি হইয়া ঈশ্বরলাভের পথকে এতই জটিল করিয়া তুলিয়াছিল যে, সে জটিলতা ভেদ করিয়া সত্যরূপ ঈশ্বরের দর্শনলাভ করা সম্পূর্ণ অসম্ভব বলিয়াই সাধারণ বুদ্ধির প্রভীত হইতেছিল। ইহকালাবসায়ী ভোগৈক-সর্বস্ব পাশ্চাত্যের জড়বাদ আবার সময় বুঝিয়াই যেন ছুর্দমনীয় বেগে

## শ্রী শ্রী ১০৮ কৃষ্ণলীলা প্রসঙ্গ

শিক্ষার ভিতর দিয়া ঠাকুরের আবির্ভাবের কিছুকাল পূর্ব হইতে ভারতে প্রবিষ্ট হইয়া তরলমাতা বালক ও যুবকদিগের মন কলুষিত করিয়া নাস্তিকতা ভোগাহুঁরাগ প্রভৃতি নানা বৈদেশিক ভাবে দেশ প্রাবিত করিতেছিল। পবিত্রতা, ত্যাগ ও ঈশ্বরাহুঁরাগের জলন্ত নিদর্শন-স্বরূপ এ অলৌকিক ঠাকুরের আবির্ভাবে ধর্ম পুনরায় প্রতিষ্ঠিত না হইলে দুর্দশা কতদূর গড়াইত তাহা কে বলিতে পারে? ঠাকুর স্বয়ং অনুষ্ঠান করিয়া দেখাইলেন যে, ভারত

<p>ঠাকুর নিজ জীবনে কি সম্রমাণ করিয়াছেন এবং তাঁহার উদার মত প্রতিষ্ঠিত কতদূর প্রসারিত হইবে</p>	<p>এবং ভারতেতর দেশে প্রাচীন যুগে যত ঋষি, আচার্য্য, অবতার মহাপুরুষেরা জন্মগ্রহণ করিয়া যত প্রকার ভাবে ঈশ্বরোপলব্ধি করিয়াছেন এবং ধর্ম-জগতে ঈশ্বরলাভের যত প্রকার মত প্রচার করিয়া গিয়াছেন তাহার কোনটিই মিথ্যা নহে— প্রত্যেকটিই সম্পূর্ণ সত্য; বিশ্বাসী সাধক ঐ ঐ পথাবলম্বনে অগ্রসর হইয়া এখনও তাঁহাদের ত্রায় ঈশ্বরদর্শন করিয়া ধন্য হইতে পারেন।—দেখাইলেন</p>
---	---

যে, পরস্পর-বিরুদ্ধ সামাজিক আচার রীতি নীতি প্রভৃতি লইয়া ভারতীয় হিন্দু ও মুসলমানের ভিতর পর্কত-সদৃশ ব্যবধান বিद्यমান থাকিলেও উভয়ের ধর্মই সত্য; উভয়েই এক ঈশ্বরের ভিন্ন ভিন্ন ভাবের উপাসনা করিয়া, বিভিন্ন পথ দিয়া অগ্রসর হইয়া কালে সেই প্রেম-স্বরূপের সহিত প্রেমে এক হইয়া যায়। দেখাইলেন যে, ঐ সত্যের ভিত্তির উপর দণ্ডায়মান হইয়াই উহারা উভয়ে উভয়কে কালে সপ্রেম আলিঙ্গনে বদ্ধ করিবে এবং বহু কালের বিবাদ ভুলিয়া শান্তিলাভ করিবে এবং

## গুরুভাবে তীর্থ-ভ্রমণ ও সাধুসঙ্গ

দেখাইলেন যে, কালে ভোগলোলুপ পাশ্চাত্যও ‘ত্যাগেই শান্তি’ একথা হৃদয়ঙ্গম করিয়া ঈশাপ্রচারিত ধর্মমতের সহিত ভারত এবং অন্যান্য প্রদেশের ঋষি এবং অবতারকুল-প্রচারিত ধর্মমতসমূহের সত্যতা উপলব্ধি করিয়া নিজ কর্মজীবনের সহিত ধর্ম-জীবনের সম্বন্ধ আনয়ন করিয়া ধন্য হইবে! এ অদ্ভুত ঠাকুরের জীবনালোচনায় আমরা যতই অগ্রসর হইব ততই দেখিতে পাইব, ইনি দেশবিশেষ, জাতিবিশেষ, সম্প্রদায়বিশেষ বা ধর্মবিশেষের সম্পত্তি নহেন। পৃথিবীর সমস্ত জাতিকেই একদিন শান্তিলাভের জন্য ইহার উদার-মতের আশ্রয় গ্রহণ করিতে হইবে। ভাবমুখে অবস্থিত ঠাকুর ভাবরূপে তাহাদের ভিতর প্রবিষ্ট হইয়া সমুদয় সন্ধীর্ণতার গভী ভাঙ্গিয়া চুরিয়া তাঁহার নবীন ছাঁচে ফেলিয়া তাহাদিগকে এক অপূর্ণ একতাবন্ধনে আবদ্ধ করিবেন।

ভারতের পরম্পর-বিরোধী চিরবিবদমান যাবতীয় প্রধান প্রধান সম্প্রদায়ের সাধককুল ঠাকুরের নিকট আগমন করিয়া যে তাঁহাতে

এ বিষয়ে	নিজ নিজ ভাবের পূর্ণাদর্শ দেখিতে পাইয়াছিলেন,
প্রমাণ	এবং তাঁহাকে নিজ নিজ গম্ভব্য পথেরই পথিক বলিয়া স্থির ধারণা করিয়াছিলেন, ইহাতে পূর্ণোক্ত

ভাবই সূচিত হইতেছে। ঠাকুরের গুরুভাবের যে কার্য্য এইরূপে ভারতে প্রথম প্রারম্ভ হইয়া ভারতীয় ধর্মসম্প্রদায়সমূহের ভিতর একতা আনিয়া দিবার সূত্রপাত করিয়া গিয়াছে, সে কার্য্য যে শুধু ভারতের ধর্মবিবাদ ঘুচাইয়া নিরস্ত হইবে তাহা নহে—এশিয়ার ধর্মবিবাদ, ইউরোপের ধর্মহীনতা ও ধর্মবিদ্বেষ সমস্তই দীর্ঘ স্থির পদসঙ্কাবে শনৈঃ শনৈঃ তিরোহিত করিয়া সমগ্র পৃথিবী ব্যাপিয়া

## শ্রীশ্রীরামকৃষ্ণলীলাপ্রসঙ্গ

এক অদৃষ্টপূর্ব শাস্তির রাজ্য স্থাপন করিবে। দেখিতেছ না ঠাকুরের অন্তর্দ্বানের পর হইতে ঐ কার্য্য কত দ্রুতপদসঞ্চারে অগ্রসর হইতেছে? দেখিতেছ না, কিরূপে গুরুগতপ্রাণ পূজ্যপাদ স্বামী বিবেকানন্দের ভিতর দিয়া আমেরিকা ও ইউরোপে ঠাকুরের ভাব প্রবেশলাভ করিয়া এই স্বল্পকালের মধ্যেই চিন্তাজগতে কি যুগান্তর আনিয়া উপস্থিত করিয়াছে? দিনের পর দিন, মাসের পর মাস, বৎসরের পর বৎসর যতই চলিয়া যাইবে ততই এ অমোঘ ভাবরাশি সকল জাতির ভিতর, সকল ধর্ম্মের ভিতর, সকল সমাজের ভিতর আপন প্রভাব বিস্তার করিয়া অদ্ভুত যুগান্তর আনিয়া উপস্থিত করিবে। কাহার সাধ্য ইহার গতি রোধ করে? অদৃষ্টপূর্ব তপশ্যা ও পবিত্রতার সাম্বিক তেজোদীপ্ত এ ভাবরাশির সীমা কে উল্লঙ্ঘন করিবে? যে সকল যন্ত্রসহায়ে উহা বর্ত্তমানে প্রসারিত হইতেছে, সে সকল ভগ্ন হইবে, কোথা হইতে ইহা প্রথম উথিত হইল তাহাও হয়ত বহুকাল পরে অনেকে ধরিতে বুঝিতে পারিবে না, কিন্তু এ অনন্তমহিমোজ্জ্বল ভাবময় ঠাকুরের স্নিগ্ধোদীপ্ত ভাবরাশি হৃদয়ে যত্নে পোষণ করিয়া তাঁহারই ছাঁচে জীবন গঠিত করিয়া পৃথিবীর সকলকেই একদিন ধন্য হইতে হইবে নিশ্চয়!

অতএব ভারতের বিভিন্ন ধর্ম্মসম্প্রদায়ভুক্ত সাধককুলের ঠাকুরের

ঠাকুরের	নিকট আগমন ও যথার্থ ধর্ম্মলাভ করিয়া ধন্য
ভাবপ্রসার	হইবার যে সকল কথা আমরা তোমাকে উপহার
কিরূপে	দিতেছি, হে পাঠক, ক্ষেত্রবলমাত্র ভাষাভাষা ভাবে
বুঝিতে হইবে	গল্পের মত ঐ সকল পাঠ করিয়াই নিরন্তর থাকিও

না। ভাবমুখে অবস্থিত এ অলৌকিক ঠাকুরের দিব্য ভাবরাশি প্রথম

## শুরুভাবে তীর্থ-ভ্রমণ ও সাধুসঙ্গ

যথাসম্ভব ধরিবার বুঝিবার চেষ্টা কর; পরে ঐ সকল কথার ভিতর তলাইয়া দেখিতে থাক কিরূপে ঐ ভাবরাশির প্রসার আরম্ভ হইয়া প্রথম পুরাতন, পরে নবীন ভাবে শিক্ষিত জনসমূহের ভিতর আপন প্রভাব বিস্তার করিতে থাকিল এবং কিরূপেই বা পরে উহা ভারত হইতে ভারতেতর উপস্থিত করিতেছে।

ভারতীয় বিভিন্ন সম্প্রদায়ভুক্ত সাধককুলকে লইয়াই ঠাকুরের ভাবরাশির প্রথম বিস্তার। আমরা পূর্বেই বলিয়াছি, ঠাকুর যখন যে যে ভাবে সিদ্ধ হইয়াছিলেন তখন সেই সেই ঠাকুরের ভাবের ভাবুক সাধককুল তাঁহার নিকট স্বতঃপ্রেরিত প্রচার হয় তাহাতে দক্ষিণেশ্বরগত এবং তীর্থে দৃষ্ট সকল সম্প্রদায়ের সাধুদের ভিতরে অবলোকন ও তাঁহার সহায়তা লাভ করিয়া অগত্যা চলিয়া গিয়াছিলেন। তদ্ভিন্ন মথুরা বাবু ও তৎপত্নী পরম ভক্তি-মতী জগদম্বা দাসীর অহুরোধে ঠাকুর শ্রীবৃন্দাবন পর্য্যন্ত তীর্থপর্য্যটনে গমন করিয়াছিলেন। কাশী বৃন্দাবনাদি তীর্থে সাধুভক্তের অভাব নাই।

অতএব তত্তৎস্থানেও যে বিশিষ্ট বিশিষ্ট সাধকেরা ঠাকুরের সহিত হইয়াছিলেন একথা শুধু যে আমরা অহুমান করিতে পারি তাহাই নহে, কিন্তু উহার কিছু কিছু আভাস তাঁহার শ্রীমুখেও শুনিতে পাইয়াছি। তাহারও কিছু কিছু এখানে লিপিবদ্ধ করা আবশ্যক।

ঠাকুর বলিতেন, "ঘুটি সব ঘর ঘুরে তবে চিকে ওঠে; মেথর



## শ্রীশ্রীরামকৃষ্ণলীলাপ্রসঙ্গ

থেকে রাজা অবধি সংসারে যত রকম অবস্থা আছে সে সমুদয় দেখে

শুনে, ভোগ করে, তুচ্ছ বলে ঠিক ঠিক ধারণা

জীবনে উচ্চাচল হলে তবে পরমহংস অবস্থা হয়, যথার্থ জ্ঞানী হয়।”

নানা অজুত এত গেল সাধকের নিজের চরমজ্ঞানে উপনীত

অবস্থায় পড়িয়া হইবার কথা। আবার লোকশিক্ষা বা জন-

নানা শিক্ষা সাধারণের যথার্থ শিক্ষক হইতে হইলে কিরূপ হওয়া

পাইয়াই আবশ্যক তৎসম্বন্ধে বলিতেন, “আত্মহত্যা একটা

ঠাকুরের নকুন দিয়ে করা যায়; কিন্তু পরকে মারতে হলে

ভিতর অপূর্ব আচার্য্যই

কুটিয়া উঠে (শত্রুজয়ের জন্ত) ঢাল খাঁড়ার দরকার হয়।”

ঠিক ঠিক আচার্য্য হইতে গেলে তাঁহাকে সব রকম সংস্কারের ভিতর

দিয়া নানাপ্রকারে শিক্ষালাভ করিয়া অপর সাধারণাপেক্ষা সমধিক

শক্তিসম্পন্ন হইতে হয়। “অবতার, সিদ্ধপুরুষ এবং জীবৈশক্তি

লইয়াই প্রভেদ”—ঠাকুর একথা বারংবার আমাদের বলিয়াছেন।

দেখনা, ব্যবহারিক রাজনৈতিকাদি জগতে বিশমার্ক, প্লাডষ্টোন

প্রাচীন ও বর্তমান সমস্ত

ইতিহাস ও ঘটনাদির প্রতি দৃষ্টি রাখিয়া ইতরসাধারণাপেক্ষা

কতদূর শক্তিসম্পন্ন হইতে হয়; ঐরূপে শক্তিসম্পন্ন হওয়াতেই ত

তাঁহারা পঞ্চাশ বা ততোধিক বৎসর পরে বর্তমানকালে প্রচলিত

কোন ভাবটি কিরূপ আকার ধারণ করিয়া দেশের জনসাধারণের

অহিত করিবে তাহা ধরিতে বুঝিতে পারেন এবং সেজন্ত এখন

হইতে তদ্বিপরীত ভাবের এমন সকল কার্যের সূচনা করিয়া যান

যাহাতে দীর্ঘকাল পরে ঐ ভাব প্রবল হইয়া দেশে ঐরূপ অমঙ্গল

আর আনিতে পারে না! আধ্যাত্মিক জগতেও ঠিক তদ্রূপ বুঝিতে

## গুরুভাবে তীর্থ-ভ্রমণ ও সাধুসঙ্গ

হইবে। অবতার বা যথার্থ আচার্য্যপুরুষদিগকে প্রাচীন যুগের ঋষিরা পূর্ব পূর্ব যুগে কি কি আধ্যাত্মিক ভাবের প্রবর্তনা করিয়া গিয়াছিলেন, এতদিন পরে ঐ সকল ভাব কিরূপ আকার ধারণ করিয়া জনসাধারণের কতটা ইষ্ট করিয়াছে ও করিতেছে এবং বিকৃত হইয়া কতটা অনিষ্টই বা করিতেছে ও করিবে, ঐ সকল ভাবের ঐরূপে বিকৃত হইবার কারণই বা কি, বর্তমানে দেশে যে সকল আধ্যাত্মিক ভাব প্রবর্তিত রহিয়াছে সে সকলও কালে বিকৃত হইতে হইতে দুই-এক শতাব্দী পরে কিরূপ আকার ধারণ করিয়া কিভাবে জনসাধারণের অধিকতর অহিতকর হইবে—এ সমস্ত কথা ঠিক ঠিক ধরিয়া বুঝিয়া নবীন ভাবের কার্য্য প্রবর্তন করিয়া যাইতে হয়। কারণ ঐ সকল বিষয় যথার্থভাবে ধরিতে বুঝিতে না পারিলে সকলের বর্তমান অবস্থা ধরিবেন, বুঝিবেন কিরূপে এবং রোগ ঠিক ঠিক ধরিতে না পারিলে তাহার ঔষধ প্রয়োগই বা কিরূপে করিবেন? সে জ্ঞান তীত্র তপস্শাদি করিয়া পূর্বোক্ত ঔষধদানে আপনাকে শক্তিসম্পন্ন করা ভিন্ন আচার্য্যদিগকে সংসারে নানা অবস্থায় পড়িয়া যতটা শিক্ষালাভ করিতে হয়— ইতরসাধারণ সাধককে ততটা করিতে হয় না! দেখনা, ঠাকুরকে কত প্রকার অবস্থার সহিত পরিচিত হইতে হইয়াছিল। দরিদ্রের কুটীরে জন্মগ্রহণ করিয়া বাল্যে কঠোর দারিদ্র্যের সহিত, কালীবাটীর পূজকের পদগ্রহণে স্বীকৃত হইয়া যৌবনে পরের দাসত্বকরা-রূপ হীনাবস্থার সহিত, সাধকাবস্থায় ভগবানের জ্ঞান আত্মহারা হইয়া আত্মীয় কুটুম্বদিগের তীত্র তিরস্কার লাঞ্ছনা অথবা গভীর মনস্তাপ এবং সাংসারিক অপর সাধারণের পাগল বলিয়া নিতান্ত উপেক্ষা

## শ্রীশ্রীরামকৃষ্ণলীলাপ্রসঙ্গ

বা করুণার সহিত, মথুর বাবুর তাঁহার উপর ভক্তি-শ্রদ্ধার উদয়ে রাজতুল্য ভোগ ও সম্মানের সহিত, নানা সাধককূলের ঈশ্বরাবতার বলিয়া তাঁহার পাদপদ্মে হৃদয়ের ভক্তি-প্রীতি ঢালিয়া দেওয়ায় দেবতুল্য পরম ঐশ্বর্যের সহিত—এইরূপ কতই না অবস্থার সহিত পরিচিত হইয়া ঐ সকল অবস্থাতে সর্বতোভাবে বিচলিত থাকারূপ বিষম পরীক্ষায় উত্তীর্ণ হইতে হইয়াছিল ! অনন্ত অনুরাগ একদিকে যেমন তাঁহাকে ঈশ্বরলাভের অদৃষ্টপূর্ব তীব্র তপস্যায় লাগাইয়া তাঁহার যোগপ্রসূত অতীন্দ্রিয় সূক্ষ্মদৃষ্টি সম্পূর্ণ খুলিয়া দিয়াছিল, সংসারের এই সকল নানা অবস্থার সহিত পরিচয়ও আবার তেমনি অপর দিকে তাঁহাকে বাহ্য বর্তমান জগতের সকল প্রকার অবস্থাপন্ন লোকের ভিতরের ভাব ঠিক ঠিক ধরিয়া বুঝিয়া তাহাদের সহিত ব্যবহারে কুশলী এবং তাহাদের সকল প্রকার স্নেহদুঃখের সহিত কারণ ভিতরের ও বাহিরের ঐ সকল অবস্থার ভিতর দিয়াই ঠাকুরের গুরুভাব বা আচার্য্যভাব দিন দিন অধিকতর বিকশিত ও পরিষ্কৃত হইতে দেখা গিয়াছিল ।

তীর্থভ্রমণও যে ঠাকুরের জীবনে ঐরূপ ফল উপস্থিত করিয়াছিল তাহার আর সন্দেহ নাই । যুগাচার্য্য ঠাকুরের তীর্থ-ভ্রমণে দেশের ইতরসাধারণের আধ্যাত্মিক অবস্থার ঠাকুর কি বিষয় জ্ঞাত হওয়া আবশ্যক ছিল । মথুরের সহিত শিখিয়াছিলেন । তীর্থভ্রমণে যাইয়া উঠা যে অনেকটা সংশ্লিষ্ট ঠাকুরের ভিতর হইয়াছিল এ বিষয় নিঃসন্দেহ । কারণ অন্তর্জগতে দেব ও মানব উভয় ভাব ঠাকুরের যে প্রজ্ঞাচক্ষু মায়ার সমগ্র আবরণ ভেদ ছিল ঠাকুরের যে প্রজ্ঞাচক্ষু মায়ার সমগ্র আবরণ ভেদ করিয়া সকলের অন্তনিহিত ‘একমেবাদ্বিতীয়ম্’ অথও সচ্চিদানন্দের

## গুরুভাবে তীর্থ-ভ্রমণ ও সাধুসঙ্গ

দর্শন স্পর্শন সর্বদা করিতে সমর্থ হইত, বহির্জগতে লৌকিক ব্যবহারের সম্পর্কে আসিয়া উহাই আবার এখন এক কথায় লোকের ভিতরের ভাব ধরিতে এবং দুই-চারিটি ঘটনা দেখিয়াই সমাজের ও দেশের অবস্থা বুঝিতে বিশেষ পটু হইয়াছিল। অবশ্য বুঝিতে হইবে, ঠাকুরের সাধারণ অবস্থা লক্ষ্য করিয়াই আমরা একথা বলিতেছি, নতুবা যোগবলে উচ্চ ভূমিতে উঠিয়া যখন তিনি দিব্যদৃষ্টি-সহায়ে ব্যক্তিগত, সমাজগত বা প্রদেশগত অবস্থার দর্শন ও উপলব্ধি করিতেন এবং কোন্ উপায়াবলম্বনে তাহাদের বর্তমান দুর্দশার অবসান হইবে তাহা সম্যক্ নির্দ্ধারণ করিতেন তখন ইতরসাধারণের হ্রায় বাহ্য দৃষ্টিতে দেখিয়া শুনিয়া তুলনায় আলোচনা করিয়া কোনও বিষয় জ্ঞানিবার পারে তিনি চলিয়া যাইতেন এবং ঐরূপে ঐ বিষয়ের তত্ত্বনিরূপণের তাঁহার আর প্রয়োজনই হইত না। দেব-মানব ঠাকুরকে আমরা সাধারণ বাহ্যদৃষ্টি এবং অসাধারণ যোগদৃষ্টি—উভয় দৃষ্টিসহায়েই সকল বিষয়ের তত্ত্বনিরূপণ করিতে দেখিয়াছি। সেজ্ঞা দেবভাব ও মহত্ত্বভাব উভয়বিধ ভাবের সম্যক্ বিকাশের পরিচয় পাঠকে না দিতে পারিলে এ অলৌকিক চরিত্রের একদেশী ছবিমাত্রই পাঠকের মনে অঙ্কিত হইবে। তজ্জন্ম ঐ উভয়বিধ ভাবেই এই দেবমানবের জীবনালোচনা করিতে আমাদের প্রয়াস।

শাস্ত্রদৃষ্টিতে ঠাকুরের তীর্থভ্রমণের আর একটি কারণও পাওয়া যায়। শাস্ত্র বলেন, ঈশ্বরের দর্শনলাভে সিদ্ধকাম পুরুষেরা তীর্থে যাইয়া ঐসকল স্থানের তীর্থত্ব সম্পাদন করিয়া থাকেন। তাঁহারা ঐ সকল স্থানে ঈশ্বরের বিশেষ দর্শনলাভের জন্ম ব্যাকুল অন্তরে আগমন ও অবস্থান করেন বলিয়াই সেখানে ঈশ্বরের বিশেষ প্রকাশ

## শ্রীশ্রীরামকৃষ্ণলীলাপ্রসঙ্গ

আসিয়া উপস্থিত হয়, অথবা ঐ ভাবের পূর্বপ্রকাশ সমধিক বর্দ্ধিত হইয়া উঠে এবং মানব-সাধারণ সেখানে উপস্থিত হইলে অতি সহজেই ঈশ্বরের ঐ ভাবের কিছু না কিছু উপলব্ধি করে। সিদ্ধ

•	পুরুষদের সম্বন্ধেই যখন শাস্ত্র এ কথা বলিয়াছেন
ঠাকুরের গ্রাম	তখন তদপেক্ষা সমধিক শক্তিমান ঠাকুরের গ্রাম
দিব্যপুরুষদিগের	অবতারপুরুষদিগের তো কথাই নাই! তীর্থসম্বন্ধে
তীর্থপর্ষটিনের	পূর্বোক্ত কথাটি ঠাকুর অনেক সময় আমাদিগকে
কারণ-সম্বন্ধে	তাহার সরল ভাষায় বুঝাইয়া বলিতেন। বলিতেন
শাস্ত্র কি	
বলেন	

—“ওরে, যেখানে অনেক লোকে অনেক দিন ধরে

ঈশ্বরকে দর্শন করবে বলে তপ, জপ, ধ্যান, ধারণা, প্রার্থনা, উপাসনা করেছে, সেখানে তাঁর প্রকাশ নিশ্চয় আছে, জান্‌বি। তাদের ভক্তিতে সেখানে ঈশ্বরীয় ভাবের একটা জমাট বেঁধে গেছে; তাই সেখানে সহজেই ঈশ্বরীয় ভাবের উদ্দীপন ও তাঁর দর্শন হয়। যুগযুগান্তর থেকে কত সাধু, ভক্ত, সিদ্ধপুরুষেরা এই সব তীর্থে ঈশ্বরকে দেখবে বলে এসেছে, অন্য সব বাসনা ছেড়ে তাঁকে প্রাণটলে ডেকেছে, সেজন্ত ঈশ্বর সব জায়গায় সমানভাবে থাকলেও এই সব স্থানে তাঁর বিশেষ প্রকাশ; যেমন মাটি খুঁড়লে সব জায়গাতেই জল পাওয়া যায়, কিন্তু যেখানে পাত্‌কো, ডোবা, পুকুর বা হ্রদ আছে সেখানে আর জলের জন্ত খুঁড়তে হয় না—যখনই ইচ্ছা জল পাওয়া যায়, সেই রকম।

আবার ঈশ্বরের বিশেষপ্রকাশযুক্ত ঐ সকল স্থান দর্শনাদি পর ঠাকুর আমাদিগকে ‘জাবর কাটিতে’ শিক্ষা দিতেন! বলিতে: —“গুরু যেমন পেটভরে জাব খেয়ে নিশ্চিন্ত হয়ে এক জায়গা

## গুরুভাবে তীর্থ-ভ্রমণ ও সাধুসঙ্গ

বসে সেই সব খাবার উগ্রে ভাল করে চিবাতে বা জাবর কাটতে থাকে, সেই রকম দেবস্থান, তীর্থস্থান দেখবার পর সেখানে যে

তীর্থ ও

দেবস্থান দেখিয়া

‘জাবর কাটিবার’

উপদেশ

সব পবিত্র ঈশ্বরীয় ভাব মনে জেগে ওঠে সেই সব

নিম্নে একান্তে বসে ভাবতে হয় ও তাইতে ডুবে

যেতে হয়; দেখে এসেই সে সব মন থেকে

তাড়িয়ে বিষয়ে, রূপ-রসে মন দিতে নাই; তা হলে

ঐ ঈশ্বরীয় ভাবগুলি মনে স্থায়ী ফল আনে না।”

কালীঘাটে শ্রীশ্রীজগদম্বাকে দর্শন করিতে ঠাকুরের সঙ্গে একবার আমাদের কেহ কেহ গমন করিয়াছিলেন। পীঠস্থানে বিশেষ প্রকাশ এবং ঠাকুরের শরীর-মনে শ্রীশ্রীজগন্নাথার জীবন্ত প্রকাশ উভয় মিলিত হইয়া ভক্তদিগের প্রাণে যে এক অপূর্ব উল্লাস আনয়ন করিল, তাহা আর বলিতে হইবে না। দর্শনাদি করিয়া প্রত্যাগমন-কালে পথিমধ্যে ভক্তদিগের একজনকে বিশেষ অনুরুদ্ধ হইয়া তাঁহার শশুরালয়ে গমন এবং সে রাত্রি তথায় যাপন করিতে হইল। পরদিন তিনি যখন পুনরায় ঠাকুরের নিকট আগমন করিলেন তখন ঠাকুর তাঁহাকে পূর্বরাত্রি কোথায় ছিলেন জিজ্ঞাসা করিলেন এবং তাঁহার পূর্বোক্তরূপে শশুরালয়ে থাকিবার কথা শুনিয়া বলিলেন, “সে কিরে? মাকে দর্শন করে এলি, কোথায় তাঁর দর্শন, তাঁর ভাব নিয়ে জাবর কাটিবি, তা না করে রাতটা কিনা বিষয়ীর মত শশুরবাড়ীতে কাটিয়ে এলি? দেবস্থান তীর্থস্থান দর্শনাদি করে এসে সেই সব ভাব নিয়ে থাকতে হয়, জাবর কাটতে হয়, তা নইলে ও সব ঈশ্বরীয় ভাব প্রাণে দাঁড়াবে কেন?”

আবার ঈশ্বরীয় ভাব ভক্তিভরে হৃদয়ে পূর্ব হইতে পোষণ না

## শ্রীশ্রীরামকৃষ্ণলীলাপ্রসঙ্গ

করিয়া তীর্থাদিতে যাইলে যে বিশেষ ফল পাওয়া যায় না, সে সম্বন্ধেও ঠাকুর অনেকবার আমাদের বলিয়াছেন। তাঁহার বর্তমান-কালে আমাদের অনেকে অনেক সময়ে তীর্থাদি-ভ্রমণে যাইবার

ভক্তিভাব পূর্বে হৃদয়ে আনিয়া তবে তীর্থে যাইতে হয়	বাসনা প্রকাশ করিতেন। তাহাতে তিনি অনেক সময় আমাদের বলিয়াছেন, “ওরে, যার হেথায় আছে, তার সেথায় আছে; যার হেথায় নাই, তার সেথায়ও নাই।” <sup>১</sup> আবার বলিতেন—“যার প্রাণে ভক্তিভাব আছে, তীর্থে উদ্দীপনা হয়ে তার
--	--

সেই ভাব আরও বেড়ে যায়; আর যার প্রাণে ঐ ভাব নেই, তার বিশেষ আর কি হবে? অনেক সময়ে শোনা যায়, অমকের ছেলে কান্দতে বা অগ্র কোথায় পালিয়ে গিয়েছে; তারপর আবার শুনতে পাওয়া যায়, সে সেখানে চেষ্ঠা-বেষ্ঠা করে একটা চাকরি যোগাড় করে নিয়ে বাড়ীতে চিঠি লিখেছে ও টাকা পাঠিয়েছে! তীর্থে বাস করতে গিয়ে কত লোকে সেখানে আবার দোকান-পাট-ব্যবসা ফেঁদে বসে। মথুরের সঙ্গে পশ্চিমে গিয়ে দেখি, এখানেও যা সেখানেও তাই; এখানকার আমগাছ তেঁতুলগাছ বাঁশঝাড়টি যেমন, সেখানকার সেগুলিও তেমনি! তাই দেখে হৃদকে বলেছিলাম, ‘ওরে হৃদ, এখানে আর তবে কি দেখতে এলুম রে? সেখানেও যা এখানেও

---

১ অবতারপুরুষেরা অনেক সময় একইভাবে শিক্ষা দিয়া থাকেন। মহামহিম ঈশা এক সময়ে তাঁহার শিষ্যবর্গকে বলিয়াছিলেন—“To him who hath more, more shall be given and from him who hath little, that little shall be taken away!” অর্থাৎ যাহার অধিক ভক্তি-বিশ্বাস আছে তাহাকে আরও ঐ ভাব দেওয়া হইবে। আর যাহার ভক্তি-বিশ্বাস অল্প তাহার নিকট হইতে সেই অল্পটুকুও কাড়িয়া লওয়া যাইবে।

## গুরুভাবে তীর্থ-ভ্রমণ ও সাধুসঙ্গ

তাই! কেবল, মাঠে-ঘাটের বিষ্ঠাগুলো দেখে মনে হয় এখানকার লোকের হজ্জমশক্তিটা ওদেশের লোকের চেয়ে অধিক।”<sup>১</sup>

পূর্বে একস্থানে বলিয়াছি, গলরোগের চিকিৎসার জন্ত ভক্তেরা ঠাকুরকে প্রথম কলিকাতায় শ্রামপুকুর নামক পল্লীস্থ একটি ভাড়াটিয়া

স্বামী	বাটীতে এবং পরে কলিকাতার কিছু উত্তরে অবস্থিত
বিবেকানন্দের	কাশীপুর নামক স্থানে একটি বাগানবাটীতে আনিয়া
বুদ্ধগয়াগমনে	রাখিয়াছিলেন। কাশীপুরের বাগানে আসিবার
তথ্য	কয়েকদিন পরেই স্বামী বিবেকানন্দ একদিন
গমনোৎসব	কাহাকেও কিছু না বলিয়া কহিয়া অপর দুইটি
জ্ঞানক ভক্তকে	গুরুভ্রাতার সহিত বুদ্ধগয়ায় গমন করেন। সে সময়ে
ঠাকুর ঘাটা	
বলেন	

আমাদের ভিতর ভগবান বুদ্ধদেবের অদ্ভুত জীবন এবং সংসারবৈরাগ্য, ত্যাগ ও তপস্তার আলোচনা দিবারাত্র চলিতেছিল। বাগানবাটীর নিম্নতলের দক্ষিণ দিক্কার যে ছোট ঘরটিতে আমরা সর্বদা উঠা বসা করিতাম, তাহার দেওয়ালের গায়ে—যতদিন সত্যাভ না হয় ততদিন একাসনে বসিয়া ধ্যানধারণাদি করিব, ইহাতে শরীর ঘায় যাক্—বুদ্ধদেবের এইরূপ দৃঢ়প্রতিজ্ঞাব্যঞ্জক ‘ললিতবিস্তর’ একটি শ্লোক লিখিয়া রাখা হইয়াছিল। দিবারাত্র ঐ কথাগুলি চক্ষের সামনে থাকিয়া সর্বদা আমাদের স্মরণ করাইয়া দিত আমাদেরও সত্যস্বরূপ ঈশ্বরলাভের জগৎ ঐরূপে প্রাণপাত করিতে হইবে। আমাদেরও—

ইহাসনে শুদ্ধাত্ম মে শরীরং ভগস্থিমাংসং প্রলয়ঞ্চ যাতু।

অপ্রাপ্য বোধিং বহুকল্পহ্রল্লাভাং নৈবাসনাং কায়মতশ্চলিষ্ঠতে ॥<sup>২</sup>

১ ঠাকুর এ কথাগুলি অল্প ভাবে বলিয়াছিলেন।

২ ললিতবিস্তর



## শ্রীশ্রী রামকৃষ্ণলীলা প্রসঙ্গ

—করিতে হইবে। দিবারাত্র ঐরূপ বৈরাগ্যালোচনা করিতে করিতে স্বামিজী সহসা বুদ্ধগয়ায় চলিয়া যাইলেন। কিন্তু কোথায় যাইবেন, কবে ফিরিবেন সে কথা কাহাকেও জানাইলেন না; কাজেই আমাদের কাহারও কাহারও মনে হইল তিনি বুঝি আর সংসারে ফিরিবেন না, আর বুঝি তাঁহাকে আমরা দেখিতে পাইব না! পরে সংবাদ পাওয়া গেল তিনি গৈরিক ধারণ করিয়া বুদ্ধগয়ায় গিয়াছেন। আমাদের সকলের মন তখন হইতে স্বামিজীর প্রতি এমন বিশেষ আকৃষ্ট যে একদণ্ড তাঁহাকে ছাড়িয়া থাকা বিষম যন্ত্রণাদায়ক; কাজেই মন চকল হইয়া অনেকের অনুরোধে পশ্চিমে স্বামিজীর নিকট যাইবার ইচ্ছা হইতে লাগিল। ক্রমে ঠাকুরের কানেও সে কথা উঠিল। স্বামী ব্রহ্মানন্দ একদিন একজনের ঐ বিষয়ে সংকল্প জানিতে পারিয়া ঠাকুরকে তাহার কথা বলিয়াই দিলেন। ঠাকুর তাহাতে তাহাবে বলিলেন—“কেন ভাবছিস? কোথায় যাবে সে (স্বামিজী)। কদিন বাহিরে থাকতে পারবে? দেখ না এল বলে।” তারপর হাসিতে হাসিতে বলিলেন—“চার খুঁট ঘুরে আয়, দেখবি কোথা কিছু (যথার্থ ধর্ম) নেই; যা কিছু আছে সব (নিজের শরী দেখাইয়া) এই খানে!” “এই খানে”—কথাটি ঠাকুর বোধ হুই ভাবে ব্যবহার করিয়াছিলেন, যথা—তাঁহার নিজের ভিতর ধর্মভাবের, ঈশ্বরীয় ভাবের বর্তমান যেরূপ বিশেষ প্রকাশ হইয়াছে সেরূপ আর কোথাও নাই, অথবা প্রত্যেকের নিজে ভিতরেই ঈশ্বর রহিয়াছেন; নিজের ভিতর তাঁহার প্রতি ভাঁ ভালবাসা প্রভৃতি ভাব উদ্দীপিত না করিতে পারিলে বাহি

## গুরুভাবে তীর্থ-ভ্রমণ ও সাধুসঙ্গ

নানাস্থানে ঘুরিয়াও কিছুই লাভ হয় না। ঠাকুরের অনেক কথারই এইরূপ দুই বা ততোধিক ভাবের অর্থ পাওয়া যায়। শুধু ঠাকুরের কেন?—জগতে যত অবতারপুরুষ যুগে যুগে জন্মগ্রহণ করিয়াছেন, তাঁহাদের সকলের কথাতেই ঐরূপ বহু ভাব পাওয়া যায় এবং মানবসাধারণ যাহার যেৰূপ অভিরূচি, যাহার যেৰূপ সংস্কার ঐ সকল কথার সেইরূপ অর্থই গ্রহণ করিয়া থাকে। যাহাকে সম্বোধন করিয়া ঠাকুর পূৰ্ব্বোক্ত কথাগুলি বলিলেন, তিনি কিন্তু এক্ষেত্রে ঐগুলির প্রথম অর্থই বুঝিলেন এবং ঠাকুরের ভিতরে ঈশ্বরীয় ভাবের যেৰূপ প্রকাশ, এমন আর কুত্ৰাপি নাই এ কথা দৃঢ় ধারণা করিয়া নিশ্চিত মনে তাঁহার নিকট অবস্থান করিতে লাগিলেন। স্বামী বিবেকানন্দও বাস্তবিক কয়েকদিন পরেই পুনরায় কাশীপুরে কিরিয়া আসিলেন।

পরম ভক্তিমত্তী জ্ঞানকা জ্ঞী-ভক্তও এক সময়ে ঠাকুরের শরীর-রক্ষা করিবার কিছুকাল পূৰ্বে তাঁহার নিকটে শ্রীবৃন্দাবনে গমন করিয়া কিছুকাল তপস্শ্রাদি করিবার বাসনা প্রকাশ  
 যার হেথায়  
 আছে  
 তার সেথায়  
 আছে  
 করেন। ঠাকুর সে সময় তাঁহাকে হাত নাড়িয়া  
 বলিয়াছিলেন, “কেন যাবি গো? কি করতে  
 যাবি? যার হেথায় আছে, তার সেথায় আছে—  
 যার হেথায় নাই, তার সেথায়ও নাই।” জ্ঞী-ভক্তটি মনের  
 অল্পরোগে তখন ঠাকুরের সে কথা গ্রহণ করিতে না পারিয়া বিদায়  
 গ্রহণ করিলেন। কিন্তু সেবার তীথে যাইয়া তিনি কোন বিশেষ  
 ফল যে লাভ করিতে পারেন নাই এ কথা আমরা তাঁহার নিকট  
 শ্রবণ করিয়াছি। অধিকন্তু ঠাকুরের সহিতও তাঁহার আর

## শ্রীশ্রীরামকৃষ্ণলীলাপ্রসঙ্গ

সাক্ষাৎ হইল না, কারণ উহার অল্পকাল পরেই ঠাকুর শরীর-  
রক্ষা করিলেন।

ভাবময় ঠাকুরের তীর্থে গমন বিশেষ ভাব লইয়া যে হইয়াছিল,  
একথা আমরা তাঁহার নিকট বহুবার শুনিয়াছি। তিনি

ঠাকুরের  
সরল মন  
তীর্থে ঘাইয়া  
কি দেখিবে  
ভাবিয়াছিল

বলিতেন, “ভেবেছিলাম, কাশীতে সকলে চব্বিশ  
ঘণ্টা শিবের ধ্যানে সমাধিতে আছে দেখতে পাব ;  
বৃন্দাবনে সকলে গোবিন্দকে নিয়ে ভাবে প্রেমে  
বিহ্বল হয়ে রয়েছে দেখব ! গিয়ে দেখি সবই  
বিপরীত !” ঠাকুরের অদৃষ্টপূর্ব সরল মন সকল

কথা পঞ্চমবর্ষীয় বালকের গ্রায় সরলভাবে গ্রহণ ও বিশ্বাস  
করিত। আমরা সকল বস্তু ও ব্যক্তিকে সন্দেহের চক্ষে দেখিতেই  
বাল্যাবধি সংসারে শিক্ষালাভ করিয়াছি ; আমাদের ক্রুর মনে  
সে রূপ বিশ্বাসের উদয় কিরূপে হইবে ? কোন কথা সরলভাবে  
কাহাকেও বিশ্বাস করিতে দেখিলে আমরা তাহাকে বোকা,  
নির্বোধ বলিয়াই ধারণা করিয়া থাকি। ঠাকুরের নিকটেই প্রথম  
শুনলাম, “ওরে, অনেক তপস্শ্রা, অনেক সাধনার ফলে লোকে সরল  
উদার হয়, সরল না হলে ঈশ্বরকে পাওয়া যায় না ; সরল বিশ্বাসীর  
কাছেই তিনি আপনার স্বরূপ প্রকাশ করেন।” আবার সরল, বিশ্বাসী  
হইতে হইবে শুনিয়া কেহ পাছে বোকা বাদর হইতে হইবে  
ভাবিয়া বসে, এজন্ত ঠাকুর বলিতেন, “জন্তু হবি, তা বলে বোকা  
হবি কেন ? আবার বলিতেন, “সকুঁদা মনে মনে বিচার করবি—  
কোনটা সৎ কোনটা অসৎ, কোনটা নিত্য কোনটা অনিত্য, আর  
অনিত্য জিনিসগুলো ত্যাগ করে নিত্য পদার্থে মন রাখবি।”

## গুরুভাবে তীর্থ-ভ্রমণ ও সাধুসঙ্গ

এ দুই প্রকার কথার সামঞ্জস্য করিতে না পারিয়া আমাদের অনেকে অনেক সময় তাঁহার নিকট তিরস্কৃতও হইয়াছে। স্বামী

‘ভক্ত হবি, তা বলে বোকা হবি কেন?’ ঠাকুরের যোগানন্দ স্বামীকে এ বিষয়ে উপদেশ	যোগানন্দ তখন গৃহত্যাগ করেন নাই। বাটীতে একখানি কড়ার আবশ্যক থাকায় বড়বাজারে এক- দিন একখানি কড়া কিনিয়া আনিতে যাইলেন। দোকানীকে ধর্মভয় দেখাইয়া বলিলেন, “দেখে বাপু, ঠিক ঠিক দাম নিয়ে ভাল জিনিস দিও, কাটা ফুটো না হয়।” দোকানীও ‘আজ্ঞা মশায় তা দেব বৈ কি’ ইত্যাদি নানা কথা কহিয়া বাছিয়া বাছিয়া
--	--

তাঁহাকে একখানি কড়া দিল; তিনি দোকানীর কথায় বিশ্বাস করিয়া উহা আর পরীক্ষা না করিয়াই লইয়া আসিলেন; কিন্তু দক্ষিণেশ্বরে আসিয়া দেখিলেন, কড়াখানি কাটা। ঠাকুর সে কথা শুনিয়াই বলিলেন, “সে কি রে? জিনিসটা আনলি, তা দেখে আনলি নি? দোকানী ব্যবসা করতে বসেছে—সে ত আর ধর্ম করতে বসে নি? তার কথায় বিশ্বাস করে ঠকে এলি? ভক্ত হবি, তা বলে বোকা হবি? লোকে তোকে ঠকিয়ে নেবে? ঠিক ঠিক জিনিস দিলে কি না দেখে তবে দাম দিবি; ওজনে কম দিলে কি না তা দেখে নিবি; আবার যে সব জিনিসের ফাউ পাওয়া যায় সে সব জিনিস কিন্তে গিয়ে ফাউটি পর্য্যন্ত ছেড়ে আসবি নি।” ঐরূপ আরও অনেক দৃষ্টান্ত দেওয়া যাইতে পারে, কিন্তু ইহা তাহার স্থান নহে। এখানে আমরা ঠাকুরের অদৃষ্টপূর্ব সরলতার সহিত অদ্বুত বিচারশীলতার কথাটির উল্লেখমাত্র করিয়াই পূর্বোক্তসংগ্ৰহ করি।

ঠাকুরের নিকট শুনিয়াছি এই তীর্থভ্রমণোপলক্ষে মথুর লক্ষ

## শ্রীশ্রীরামকৃষ্ণলীলাপ্রসঙ্গ

মুদ্রারও অধিক ব্যয় করিয়াছিলেন। মথুর কাশীতে আসিয়াই

ব্রাহ্মণ পণ্ডিতগণকে প্রথমে মাধুকরী দেন; পরে  
কাশীবাসীদিগের একদিন তাঁহাদিগকে সপরিবারে নিমন্ত্রণ করিয়া  
বিষয়স্বরূপ- আনিয়া পরিতোষপূর্বক ভোজন, প্রত্যেককে এক  
দর্শনে ঠাকুর— একখানি বস্ত্র ও এক এক টাকা দক্ষিণা দেন;  
'মা, তুই একখানি বস্ত্র ও এক এক টাকা দক্ষিণা দেন;  
আমাকে এখানে আবাব শ্রীবৃন্দাবন দর্শন করিয়া এখানে পুনরাগমন  
কেন আনলি?' করিয়া ঠাকুরের আজ্ঞায় একদিন 'কল্পতরু' হইয়া

তৈজস, বস্ত্র, কঙ্কল, পাছকা প্রভৃতি নিত্য আবশ্যকীয় ব্যবহার্য  
পদার্থসকলের মধ্যে যে যাহা চাহিয়াছিল তাহাকে তাহাই দান  
করেন। মাধুকরী দিবস দিনেই ব্রাহ্মণ-পণ্ডিতদিগের মধ্যে বিবাদ  
গুণ্ডগোল, এমন কি পরস্পর মারামারি পর্যন্ত হইয়া যাইতে দেখিয়া  
ঠাকুরের মনে বিষম বিরাগ উপস্থিত হয় এবং বারাণসীতেও ইতর-  
সাধারণকে অপর সকল স্থানের ত্রায় এইরূপে কামকাঞ্চে রত  
থাকিতে দেখিয়া তাঁহার মনে একপ্রকার হতাশ ভাব আসিয়াছিল।  
তিনি সজলনয়নে শ্রীশ্রীজগদম্বাকে বলিয়াছিলেন, “মা, তুই আমাকে  
এখানে কেন আনলি? এর চেয়ে দক্ষিণেশ্বরে যে আমি ছিলাম  
ভাল!”

এইরূপে সাধারণের ভিতর বিষয়স্বরূপ প্রবল দেখিয়া ব্যথিত  
হইলেও এখানে অদ্ভুত দর্শনাদি হইয়া ঠাকুরের শিব-মহিমা এবং  
ঠাকুরের কাশীর মাহাত্ম্য সঙ্কল্পে দৃঢ় ধারণা হইয়াছিল।  
'স্বর্ণময়ী কাশী' নৌকাযোগে বারাণসী-প্রবেশকাল হইতেই ঠাকুর  
দর্শন ভাবনয়নে দেখিতে থাকেন শিবপুরী বাস্তুবিকই  
স্বর্ণে নির্মিত—বাস্তুবিকই ইহাতে মুক্তিকা প্রস্তরাদির একান্ত

## গুরুভাবে তীর্থ-ভ্রমণ ও সাধুসঙ্গ

বাব—বাস্তবিকই যুগযুগান্তর ধরিয়া সাধু-ভক্তগণের কাঞ্চনতুলা মুঞ্জল, অমূল্য হৃদয়ের ভাবরাশি স্তরে স্তরে পুঞ্জীকৃত ও ঘনীভূত হইয়া ইহার বর্তমান আকারে প্রকাশ! সেই জ্যোতির্ময় ভাবঘন তিই ইহার নিত্য সত্যরূপ—আর বাহিরে যাহা দেখা যায় সেটা কাহারই ছায়ামাত্র!

স্কুল দৃষ্টিসহায়েও ‘স্বর্ণ-নিষ্মিত বারানসী’ কথাটির একটা মাটামুটি অর্থ হৃদয়ঙ্গম করিতে বিশেষ চেষ্টার আবশ্যক হয় না।

পাশীকে  
‘স্বর্ণ-নিষ্মিত’  
কন বলে?

কাশীর অসংখ্য মন্দির ও সৌধাবলী, কাশীর প্রস্তর-প্রস্তর-মণ্ডিত তোরণভূষিত অসংখ্য পথ, পয়ঃ-প্রণালী, বাপী, তড়াগ, পুষ্করিণী, মঠ ও উদ্যানবাটিকা এবং সর্বোপরি কাশীর ব্রাহ্মণ, বিজ্ঞানী, ধর্মী, ষাণ্ডী ও দরিদ্রগণের পোষণার্থ অসংখ্য অন্নসত্রসকল দেখিয়া কে বলিবে বহু প্রাচীন কাল হইতে ভারতের সর্ব প্রদেশ মিলিত হইয়া অজস্র স্বর্ণ-বর্ষণেই এ বিচিত্র শিবপুরী নিষ্মাণ করিয়াছে? ভারতের প্রায় ত্রিশ কোটি হৃদয়ের ভক্তিভাব এতকাল ধরিয়া এইরূপে এই নগরীতে যে সমভাবে মিলিত থাকিয়া ইহার এইরূপ হিঃপ্রকাশ আনয়ন করিতেছে, এ কথা ভাবিয়া কাহার মন না হস্তিত হইবে? কে না এই বিপুল ভাবপ্রবাহের অদম্য বেগ দেখিয়া মাহিত এবং উহার উৎপত্তিনির্ণয় করিতে ঘাইয়া আত্মহারা হইবে? কে না বিষ্মিত হইয়া ভক্তিপূর্ণ হৃদয়ে অবনত মস্তকে বলিবে—এ ষষ্টি বাস্তবিকই অতুলনীয়, বাস্তবিকই ইহা মনুষ্যকৃত নহে, বাস্তবিকই অসহায় জীবের প্রতি দীনশরণ আত্মকৃত্রাণ শ্রীবিষ্বনাথের

## শ্রীশ্রীরামকৃষ্ণলীলাপ্রসঙ্গ

অপার করুণাই ইহার জন্ম দিয়াছে এবং তাঁহার সাক্ষাৎ শক্তিই শ্রীঅন্নপূর্ণারূপে এখানে চিরাদিষ্টিতা থাকিয়া অন্নবিতরণে জীবের অন্নময় ও প্রাণময় শরীরের এবং আধ্যাত্মিক ভাববিতরণে তাহার মনোময়, বিজ্ঞানময় ও আনন্দময় শরীরের পূর্ণ পুষ্টিবিধান করিতেছেন এবং দ্রুতপদে তাহাকে মুক্তি বা শ্রীবিষ্বনাথের সহিত ঐক্যাবোধে আনয়ন করিতেছেন! ভাবমুখে অবস্থিত ঠাকুর এখানে আগমনমাত্রেই যে ঐ দিব্য হেমময় ভাবপ্রবাহ শিবপুরীর সর্বত্র ওতপ্রোতভাবে পরিব্যাপ্ত দেখিতে পাইবেন এবং উহারই জমাট প্রকাশ-রূপে এ নগরীকে স্বর্ণময় বলিয়া উপলব্ধি করিবেন, ইহাতে আর বিচিত্র কি?

প্রকাশশীল পদার্থমাত্রই হিন্দুর নয়নে সত্ত্বগুণ-প্রসূত ও পবিত্র। আলোক হইতে পদার্থসকলের প্রকাশ, সে জন্ম আলোক বা স্বর্ণময় কানী উজ্জলতা আমাদের নিকট পবিত্র; দেবতার দেখিয়া নিকটে জ্যোৎস্নাদীপ রাখা, দেবদেবীর সম্মুখে দীপ ঠাকুরের নির্বাণ না করা, এই সকল শাস্ত্র-নিয়ম হইতেই ঐ স্থান আমরা এ কথা বুঝিতে পারি। এজন্যই বোধ অপবিত্র হয় আবার উজ্জ্বলপ্রকাশবৃদ্ধ স্বর্ণাদি পদার্থ-সকলকে পবিত্র বলিয়া দেখিবার, শরীরের অধোভাগে স্বর্ণালঙ্কার-ধারণ না করিবার বিধিসমূহের উৎপত্তি। বারাণসী সর্বদা স্বর্ণময় দেখিতে পাইয়া শৌচাদি করিয়া স্বর্ণকে অপবিত্র করিতে হইবে বলিয়া বালকস্বভাব ঠাকুর প্রথম প্রথম ভাবিয়া আকুল হইয়াছিলেন। তাঁহার শ্রীমুখে শুনিয়াছি, এজন্য তিনি মথুরকে বলিয়া পাকীর বন্দোবস্ত করিয়া কয়েকদিন অসীর পারে গমন ও তথায় (বারাণসীর

## গুরুভাবে তীর্থ-ভ্রমণ ও সাধুসঙ্গ

বাহিরে) শৌচাদি সারিয়া আসিতেন। পরে ঐ ভাবের বিরামে আর ঐরূপ করিতে হইত না।

কাশীতে আর একটি বিশেষ দর্শনের কথা আমরা ঠাকুরের শ্রীমুখে শুনিয়াছিলাম। বারাণসীর মণিকর্ণিকাди পঞ্চতীর্থ দর্শন করিতে

কাশীতে	অনেকেই গঙ্গাবক্ষে নৌকাযোগে যাইয়া থাকেন।
মরিলেই	মথুরাও ঠাকুরকে সঙ্গে লইয়া তদ্রূপে গমন করিয়া-
জীবের মুক্তি	ছিলেন। মণিকর্ণিকার পাশেই কাশীর প্রধান শ্মশান-
হওয়া সম্বন্ধে	ভূমি। মথুরের নৌকা যখন মণিকর্ণিকা ঘাটের
ঠাকুরের	সম্মুখে আসিল তখন দেখা গেল শ্মশান চিতাধূমে
মণিকর্ণিকায়	দর্শন
	ব্যাপ্ত—শবদেহসকল সেখানে দাহ হইতেছে।

ভাবময় ঠাকুর সহসা সেদিকে দেখিয়াই একেবারে আনন্দে উৎফুল্ল ও রোমাঞ্চিতকলেবর হইয়া নৌকার বাহিরে ছুটিয়া আসিলেন এবং একেবারে নৌকার কিনারায় দাঁড়াইয়া সমাধিস্থ হইয়া পড়িলেন। মথুরের পাণ্ডা ও নৌকার মাঝি-মাল্লারা লোকটি জলে পড়িয়া শ্রোতে ভাসিয়া যাইবে ভাবিয়া ঠাকুরকে ধরিতে ছুটিল। কিন্তু কাহাকেও আর ধরিতে হইল না; দেখা গেল ঠাকুর দীর্ঘ-স্থির-নিশ্চেষ্টভাবে দণ্ডায়মান আছেন এবং এক অদ্ভুত জ্যোতিঃ ও হাশ্বে তাঁহার মুখ-মণ্ডল সমুদ্ভাসিত হইয়া যেন সে স্থানটিকে শুদ্ধ জ্যোতির্ময় করিয়া তুলিয়াছে। মথুরা ও ঠাকুরের ভাগিনেয় হৃদয়সাবধানে ঠাকুরের নিকট দাঁড়াইয়া রহিলেন, মাঝি-মাল্লারাও বিশ্বয়পূর্ণনয়নে ঠাকুরের অদ্ভুত ভাব দূরে দাঁড়াইয়া নিরীক্ষণ করিতে লাগিল। কতক্ষণ পরে ঠাকুরের সেদিক ভাবের বিরাম হইলে সকলে মণিকর্ণিকায় নামিয়া স্নানদানাদি বাহা করিবার করিয়া পুনরায় নৌকাযোগে অন্ত্র গমন করিলেন।



## শ্রীশ্রীরামকৃষ্ণলীলাপ্রসঙ্গ

তখন ঠাকুর তাঁহার সেই অদ্ভুত দর্শনের কথা মথুর প্রভৃতিকে বলিতে লাগিলেন। বলিলেন, “দেখিলাম পিঙ্গলবর্ণ জটাধারী দীর্ঘাকার এত শ্বেতকায় পুরুষ গম্ভীর পাদবিক্ষেপে আশানে প্রত্যেক চিতার পার্শ্বে আগমন করিতেছেন এবং প্রত্যেক দেহীকে সম্বন্ধে উত্তোলন করিয়া তাহার কর্ণে তারক-ব্রহ্মমন্ত্র প্রদান করিতেছেন!—সর্বশক্তিময়ী শ্রীশ্রীজগদম্বাও স্বয়ং মহাকালীরূপে জীবের অপর পার্শ্বে সেই চিতার উপর বসিয়া তাহার স্থূল, সূক্ষ্ম, কারণ প্রভৃতি সকল প্রকার সংস্কার-বন্ধন খুলিয়া দিতেছেন এবং নির্বাণের দ্বার উন্মুক্ত করিয়া স্বহস্তে তাহাকে অখণ্ডের ঘরে প্রেরণ করিতেছেন। এইরূপে বহুকল্পের যোগ-তপস্যায় যে অদ্বৈতাহুভবের ভূমানন্দ জীবের আসিয়া উপস্থিত হয় তাহা তাহাকে শ্রীবিষ্বনাথ সত্ত্ব সত্ত্ব প্রদান করিয়া কৃতার্থ করিতেছেন।”

মথুরের সঙ্গে যে সকল শাস্ত্রজ্ঞ পণ্ডিত ছিলেন তাঁহারা ঠাকুরের পূর্বোক্ত দর্শনের কথা শুনিয়া বলিয়াছিলেন—“কাশীখণ্ডে মোটামুটি ভাবে লেখা আছে, এখানে মৃত্যু হইলে ৮বিষ্বনাথ জীবকে নির্বাণ-পদবী দিয়া থাকেন; কিন্তু কি ভাবে যে উহা দেন তাহা সবিস্তার লেখা নাই। আপনার দর্শনেই বুঝা যাইতেছে উহা কিরূপে সম্পাদিত হয়। আপনার দর্শনাদি শাস্ত্রে লিপিবদ্ধ কথারও পারে চলিয়া যায়।”

কাশীতে অবস্থানকালে ঠাকুর এখানকার খ্যাতনামা নাথুদেরও দর্শন করিতে যান। তন্মধ্যে ত্রৈলোক্য স্বামিজীকে দেখিয়াই তাঁহার বিশেষ প্রীতি হইয়াছিল। স্বামিজীর অনেক কথা ঠাকুর অনেক সময় আমাদিগকে বলিতেন। বলিতেন, “দেখিলাম সাক্ষাৎ বিষ্বনাথ

## গুরুভাবে তীর্থ-ভ্রমণ ও সাধুসঙ্গ

তাঁহার শরীরটা আশ্রয় করে প্রকাশিত হয়ে রয়েছেন ! তাঁর থাকায়  
কাশী উজ্জ্বল হয়ে রয়েছে ! উঁচু জ্ঞানের অবস্থা ! শরীরের কোন

ঠাকুরের

ছঁশই নেই ; রোদে বালি এমনি তেতেছে যে পা

ব্রেলজ

দেয় কার সাধ্য—সেই বালির ওপরেই স্থখে শুয়ে

স্বামিজীকে

আছেন ! পায়ের রেঁধে নিয়ে গিয়ে খাইয়ে দিয়ে-

দর্শন

ছিলাম। তখন কথা কন না—মোনী। ইশারায়

জিজ্ঞাসা করেছিলাম, ‘ঈশ্বর এক না অনেক ?’ তাতে ইশারা  
করে বুঝিয়ে দিলেন—‘সমাদিস্থ হয়ে দেখ তো এক ; নইলে যতক্ষণ  
আমি, তুমি, জীব, জগৎ ইত্যাদি নানা জ্ঞান রয়েছে ততক্ষণ  
অনেক।’ তাঁকে দেখিয়ে হৃদেকে বলেছিলাম, ‘একেই ঠিক ঠিক  
পরমহংস অবস্থা বলে।’”

কাশীতে কিছু কাল থাকিয়া ঠাকুর মথুর বাবুর সহিত বৃন্দাবনে  
গমন করেন। গুনিয়াছি বাঁকাবিহারী মূর্তি দর্শন করিয়া তথায়

শ্রীবৃন্দাবনে

তাঁহার অদ্ভুত ভাবাবেশ হইয়াছিল—আত্মহারা

‘বাঁকাবিহারী’

হইয়া তাঁহাকে আলিঙ্গন করিতে ছুটিয়া গিয়া-

মূর্তি ও

ছিলেন ! আবার সন্ধ্যাকালে রাখাল বালকগণ

ব্রজ-দর্শনে

গরুর পাল লইয়া যমুনা পার হইয়া গোষ্ঠ হইতে

ঠাকুরের ভাব

ফিরিতেছে দেখিতে দেখিতে তাহাদের ভিতর

শিখিপুচ্ছধারী নবনীরদশ্যাম গোপালকৃষ্ণের দর্শনলাভ করিয়া তিনি  
প্রেমে বিভোর হইয়াছিলেন। ঠাকুর এখানে নিধুবন, গোবর্দ্ধন  
প্রভৃতি ব্রজের কয়েকটি স্থানও দর্শন করিতে যান। ব্রজের এই-  
সকল স্থান তাঁহার বৃন্দাবন অপেক্ষা অধিক ভাল লাগিয়াছিল এবং  
ব্রজেশ্বরী শ্রীরাধা ও শ্রীকৃষ্ণকে নানাভাবে দর্শন করিয়া এইসকল

## শ্রীশ্রীরামকৃষ্ণলীলাপ্রসঙ্গ

স্থানেই তাঁহার বিশেষ প্রেমের উদয় হইয়াছিল। গুনিয়া গোবর্দ্ধনাদি দর্শন করিতে যাইবার কালে মথুর তাঁহাকে পাড়ী পাঠাইয়া দেন এবং দেবস্থানেও দরিদ্রদিগকে দান করিতে করি মাইবেন বলিয়া পাড়ীর এক পার্শ্বে একখানি বস্ত্র বিছাইয়া তাহ উপর টাকা আধুলি সিকি দু-আনি ইত্যাদি কাঁড়ি করিয়া ঢালি দিয়াছিলেন; কিন্তু ঐ সকল স্থানে যাইতে যাইতেই ঠাকুর ভা প্রেমে এতদূর বিহ্বল হইয়া পড়েন যে ঐ সকল আর হাতে করি তুলিয়া দান করিতে পারেন নাই! অগত্যা ঐ বস্ত্রের এক কোণ ধরিয়া টানিয়া স্থানে স্থানে দরিদ্রদিগের ভিতর ছড়াইতে ছড়াইতে গিয়াছিলেন।

ব্রজের এই সকল স্থানে ঠাকুর সংসারবিরাগী অনেক সাধক-  
 'কূপের' ভিতর পশ্চাৎ ফিরিয়া বসিয়া বাহিরের সকল বিষ  
 হইতে দৃষ্টি ফিরাইয়া জপ-ধ্যানে নিমগ্ন থাকিবে  
 ব্রজে ঠাকুরের  
 বিশেষ শ্রীতি দেখিয়াছিলেন। ব্রজের প্রাকৃতিক শোভা, ফল  
 ফুলে শোভিত ক্ষুদ্র গিরি-গোবর্দ্ধন, যুগ ও শিখি  
 কুলের বনমধ্যে যথা তথা নিঃশব্দ বিচরণ, সাধু-তপস্বীদের নিরন্ত  
 ঈশ্বরের চিন্তায় দিনযাপন এবং সরল ব্রজবাসীদের কপটোত্তম সশ্র  
 ব্যবহার ঠাকুরের চিত্ত বিশেষভাবে আকৃষ্ট করিয়াছিল; তাহা  
 উপর নিধুবনে সিদ্ধপ্রেমিকা বর্ষায়সী তপস্বিনী গঙ্গামাতার দর্শ  
 ও মধুর সঙ্গ লাভ করিয়া ঠাকুর এতটাই মোহিত হইয়াছিলেন যে

১ বাশ-থড়ে তৈয়ারী একজন মাত্র লোকের বাসোপযোগী ঘরকে এখানে কু  
 বলে। একটি মোচার অগ্রভাগ কাটরা জমীর উপর বসাইয়া রাখিলে যের  
 দেখিতে হয় কূপও দেখিতে ভ্রূপ।

তাহার ... আর কোথাও যাইবেন না; এখানেই জীবনের অবশিষ্ট কাল কাটাইয়া দিবেন।

গঙ্গামাতার তখন প্রায় ষষ্টি বর্ষ বয়ঃক্রম হইবে। বহুকাল ধরিয়া ব্রজেশ্বরী শ্রীমতী রাধা ও ভগবান শ্রীকৃষ্ণের প্রতি তাঁহার

নিধুবনের প্রেমবিহ্বল ব্যবহার দেখিয়া এখানকার লোকে গঙ্গামাতা। তাঁহাকে শ্রীরাধিকার প্রধানা সঙ্গিনী ললিতা সখী ঠাকুরের ঐ কোন কারণবশতঃ স্বয়ং দেহ ধারণ করিয়া জীবকে স্থানে থাকিবার প্রেমশিক্ষা দিবার নিমিত্ত অবতীর্ণা বলিয়া মনে ইচ্ছা; পরে করিত। ঠাকুরের শ্রীমুখে শুনিয়াছি ইনি দর্শন-বুড়ো মায় মাত্রেই ধরিতে পারিয়াছিলেন, ঠাকুরের শরীরে সেবা কে করিবে কলিকাতায় শ্রীমতী রাধিকার গ্রাম মহাভাবে প্রকাশ এবং ফিরা সেজ্ঞা ইনি ঠাকুরকে শ্রীমতী রাধিকাই স্বয়ং

অবতীর্ণা ভাবিয়া ‘দুলালি’ বলিয়া সম্বোধন করিয়াছিলেন। ‘দুলালি’র এইরূপ অযতুলভ্য দর্শন পাইয়া গঙ্গামাতা আপনাকে ধন্য জ্ঞান করিয়াছিলেন এবং ভাবিয়াছিলেন তাহার এতকালের হৃদয়ের সেবা ও ভালবাসা আজ সফল হইল! ঠাকুরও তাঁহাকে পাইয়া চির-পরিচিতের গ্রাম তাঁহারই আশ্রয়ে সকল কথা ভুলিয়া কিছুকাল ধবস্থান করিয়াছিলেন। শুনিয়াছি ইহারা উভয়ে পরস্পরের প্রমে এতই মোহিত হইয়াছিলেন যে, মথুর প্রভৃতির মনে ভয় ইয়াছিল ঠাকুর বুঝি আর তাঁহাদের সঙ্গে দক্ষিণেশ্বরে ফিরিবেন না! পরম অল্পবয়স্ক মথুরের মন এই ভাবনায় যে বিরূপ আকুল ইয়াছিল তাহা আমরা বেশ অনুমান করিতে পারি। যাহা উক, ঠাকুরের মাতৃভক্তিই পরিশেষে জয়লাভ করিল এবং তাহার

## শ্রীশ্রীরামকৃষ্ণলীলাপ্রসঙ্গ

ব্রজে থাকিবার সম্বল পরিবর্তন করিয়া দিল। ঠাকুর এ সম্বন্ধে আমাদের বলিয়াছিলেন, “ব্রজে গিয়ে সব ভুল হয়ে গিয়েছিল। মনে হয়েছিল আর ফিরব না কিন্তু কিছুদিন বাদে মার কথা মনে পড়ল, মনে হল তাঁর কত কষ্ট হবে, কে তাঁকে বুড়ো বয়সে দেখবে, সেবা করবে। ঐ কথা মনে উঠায় আর সেখানে থাকতে পারলুম না।”

বাস্তবিক যতই ভাবিয়া দেখা যায়, এ অলৌকিক পুরুষের সকল কথা ও চেষ্টা ততই অদ্ভুত বলিয়া প্রতীত হয়, ততই আপাতদৃষ্টিতে পরস্পরবিরুদ্ধ গুণসকলের ইহাতে ঠাকুরের জীবনে পরস্পরবিরুদ্ধ ভাব ও গুণসকলের অপূর্ণ সম্মিলন।  
 অপরূপভাবে দেখিয়া মুগ্ধ হইতে হয়! দেখনা, শ্রীশ্রীজগদম্বার পাদপদ্মে শরীর-মন-সর্বস্ব অর্পণ করিলেও ঠাকুর সত্যটি তাঁহাকে দিতে পারিলেন না, জগতের সকল ব্যক্তির সহিত লৌকিক সম্বন্ধ ত্যাগ করিয়াও নিজ জননীর প্রতি ভালবাসা ও কর্তব্যটি ভুলিতে পারিলেন না, পত্নীর সহিত শারীরিক সম্বন্ধের নামগন্ধ কোনকালে না রাখিলেও

গুরুভাবে তাঁহার সহিত সর্বকালে সপ্রেম সম্বন্ধ রাখিতে বিস্মৃত হইলেন না; ঠাকুরের এইরূপ অলৌকিক চেষ্টার কতই না দৃষ্টান্ত দেওয়া যাইতে পারে! পূর্ব পূর্ব যুগের ঋশি আচার্য্য বা অবতার-পুরুষের জীবনে এইরূপ অদ্ভুত বিপরীত চেষ্টার একত্র সমাবেশ ও সামঞ্জস্য দোখতে পাওয়া যায়? কে না বলিবে এরূপ আর কখনও কোথায়ও দেখা যায় নাই? ঈশ্বরবতার বলিয়া ইহাকে ধারণ করুক আর নাই করুক, কে না স্বীকার করিবে এরূপ দৃষ্টান্ত

## গুরুভাবে তীর্থ-ভ্রমণ ও সাধুসঙ্গ

আধ্যাত্মিক জগতে আর একটিও খুঁজিয়া পাওয়া যায় না ? ঠাকুরের বর্ষায়সী মাতাঠাকুরাণী জীবনের শেষ কয়েক বৎসর দক্ষিণেশ্বরে ঠাকুরের নিকটেই বাস করিতেন এবং তাঁহার সকল প্রকার সেবা-শুশ্রূষা ঠাকুর নিজ হস্তে নিত্য সম্পাদন করিয়া আপনাকে কৃত্তার্থ জ্ঞান করিতেন—এ কথা আমরা ঠাকুরের শ্রীমুখে বহু বার শ্রবণ করিয়াছি। আবার সেই আরাধ্যা মাতার যখন দেহান্ত হইল তখন ঠাকুরকে শোকসন্তপ্ত হইয়া এতই কাতর ও অজস্র অশ্রুবর্ষণ করিতে দেখা গিয়াছিল যে, সংসারে বিরল কাহাকেও কাহাকেও ঐরূপ করিতে দেখা যায় ! মাতৃবিয়োগে ঐরূপ কাতর হইলেও কিন্তু তিনি যে সন্ন্যাসী, একথা ঠাকুর একক্ষণের জ্ঞাতও বিস্মৃত হন নাই। সন্ন্যাসী হওয়ায় মাতার ঔর্দ্ধদেহিক ও শ্রাদ্ধাদি করিবার নিজের অধিকার নাই বলিয়া লাভুপুত্র রামলালের দ্বারা উহা সম্পাদিত করাইয়াছিলেন এবং স্বয়ং বিজনে বসিয়া মাতার নিমিত্ত প্রোদন করিয়াই মাতৃঋণের যথাসম্ভব পরিশোধ করিয়াছিলেন। ঐ সম্বন্ধে ঠাকুর আমাদের কতদিন বলিয়াছিলেন, “ওরে, সংসারে বাপ মা পরম গুরু ; যতদিন বেঁচে থাকেন যথাশক্তি উহাদের সেবা করিতে হয়, আর মরে গেলে যথাসাধ্য শ্রাদ্ধ করিতে হয় ; যে দরিদ্র, কিছু নেই, শ্রাদ্ধ করবার ক্ষমতা নেই, তাকেও বনে গিয়ে তাঁদের স্মরণ করে কাঁদতে হয় ; তবে তাঁদের ঋণশোধ হয় ! কেবলমাত্র ঈশ্বরের জ্ঞাত বাপ-মার আঞ্জালজ্ঞান করা চলে, তাতে দোষ হয় না ; যেমন প্রহ্লাদ বাপ বললেও কৃষ্ণনাম নিতে ছাড়ে নি ; এমন কি, ধ্রুব মা বারণ করলেও তপস্তা করতে বনে গিয়েছিল ; তাতে তাদের দোষ হয় নি।” এইরূপে ঠাকুরের মাতৃভক্তির ভিতর

## শ্রীশ্রীরামকৃষ্ণলীলাপ্রসঙ্গ

দিয়াও গুরুভাবের অদ্ভুত বিকাশ ও লোকশিক্ষা দেখিয়া আমরা ধন্ত হইয়াছি !

গঙ্গামাতার নিকট হইতে কষ্টে বিদায়গ্রহণ করিয়া ঠাকুর মথুরের সহিত পুনরায় কাশীতে প্রত্যাগমন করেন। আমরা

সমাধিস্থ হইয়া	শুনিয়াছি কয়েক দিন সেখানে থাকিবার পরে
শরীরত্যাগ	দীপাবলিতে অমাবস্তার দিনে শ্রীশ্রীঅন্নপূর্ণা দেবীর
হইবে ভাবিয়া	সুবর্ণ প্রতিমা দর্শন করিয়া ঠাকুর ভাবে প্রেমে
ঠাকুরের	মোহিত হইয়াছিলেন। কাশী হইতে গয়াধামে
গয়াধামে	যাইবার মথুরের ইচ্ছা হইয়াছিল। কিন্তু ঠাকুর
যাইতে	অস্বীকার।
ঐরূপ ভাবের	সেখানে যাইতে অমত করায় মথুর সে সঙ্কল্প
কারণ কি ?	পরিত্যাগ করেন। ঠাকুরের শ্রীমুখে শুনিয়াছি

ঠাকুরের পিতা গয়াধামে আগমন করিয়াই ঠাকুর যে তাঁহার গৃহে জন্মগ্রহণ করিবেন একথা স্বপ্নে জানিতে পারিয়াছিলেন এবং এইজগুই জন্মিবার পর তাঁহার নাম গদাধর রাখিয়াছিলেন। গয়াধামে ৮গদাধরের শাদপদ্মদর্শনে প্রেমে বিহ্বল হইয়া তাঁহা হইতে পৃথকভাবে নিজ শরীরধারণের কথা পাছে একেবারে ভুলিয়া যান এবং তাঁহার সহিত চিরকালের নিমিত্ত পুনরায় সম্মিলিত হন—এই ভয়েই ঠাকুর যে এখন মথুরের সহিত গয়ায় যাইতে অমত করিয়াছিলেন, একথাও তিনি কখন কখন আমাদিগকে বলিয়াছেন। ঠাকুরের ধ্রুব ধারণা ছিল, তিনিই পূর্ব পূর্ব যুগে শ্রীরামচন্দ্র, শ্রীকৃষ্ণ এবং শ্রীগৌরানন্দ প্রভৃতি রূপে অবতীর্ণ হইয়াছিলেন, তিনিই এখন তাঁহার শরীর আশ্রয় করিয়া ধরায় আগমন করিয়াছেন। সেজগৎ পূর্বোক্ত পিতৃস্বপ্নে পরিজ্ঞাত নিজ

## গুরুভাবে তীর্থ-ভ্রমণ ও সাধুসঙ্গ

বর্তমান শরীর-মনের উৎপত্তিস্থল গয়াধাম এবং যে যে স্থলে অল্প অবতারণপুরুষেরা লীলাসম্বরণ করিয়াছিলেন সেই সেই স্থান দর্শন করিতে যাইবার কথায় তাঁহার মনে কেমন একটা অব্যক্ত ভাবের সঞ্চার হইতে দেখিয়াছি। ঠাকুর বলিতেন, ঐ সকল স্থানে যাইলে তাঁহার শরীর থাকিবে না, এমন গভীর সমাধিস্থ হইবেন যে তাহা হইতে তাঁহার মন আর নিম্নে মনুষ্যলোকে ফিরিয়া আসিবে না! কারণ শ্রীগৌরানন্দদেবের লীলাসম্বরণ-স্থল নীলাচল বা ৬পুরীধামে যাইবার কথাতেও ঠাকুর ঐরূপ ভাব অল্প সময়ে প্রকাশ করিয়াছিলেন। শুধু তাঁহার নিজের সম্বন্ধে কেন, ভক্তদের কাহাকেও যদি তিনি ভাব-নয়নে কোন দেববিশেষের অংশ বা বিকাশ বলিয়া বুঝিতে পারিতেন তবে ঐ দেবতার বিশেষ লীলাস্থলে যাইবার বিষয়ে তাঁহার সম্বন্ধেও ঐরূপ ভাব প্রকাশ করিয়া তাহাকে তথায় যাইতে নিষেধ করিতেন। ঠাকুরের ঐ ভাবটি পাঠককে বুঝান দুরূহ। উহাকে ‘ভয়’ বলিয়া নির্দেশ করাটা যুক্তিসঙ্গত নহে; কারণ সামান্য সমাধিবান পুরুষেরাই যখন দেহী ক্রীড়ে মৃত্যুকালে শরীরটা ছাড়িয়া যায় জীবৎকালেই তাহার অনুভব করিয়া মৃত্যুকে কোমার যৌবনাদি দেহের পরিবর্তন-সকলের ত্রায় একটা পরিবর্তনবিশেষ বলিয়া দেখিতে পাইয়া নির্ভয় হইয়া থাকেন, তখন ইচ্ছামাত্রেরেই গভীরসমাধিবান অবতারণপুরুষেরা যে একেবারে অভীঃ মৃত্যুঞ্জয় হইয়া থাকেন ইহাতে আর বিচিত্র কি? উহাকে ইতরসাধারণের ত্রায় শরীরটা রক্ষা করিবার বা বাঁচিবার আগ্রহও বলিতে পারি না। কারণ ইতরসাধারণে যে ঐরূপ আগ্রহ প্রকাশ করে সেটা স্বার্থহীন বা ভোগের জ্ঞান। কিন্তু



## শ্রীশ্রীরামকৃষ্ণলীলাপ্রসঙ্গ

যাঁহাদের মন হইতে স্বার্থপরতা চিরকালের মত ধুইয়া-পুঁছিয়া গিয়াছে তাঁহাদের সম্বন্ধে আর ও কথা খাটে না। তবে ঠাকুরের মনের পূর্বোক্ত ভাব আমরা কেমন করিয়া বুঝাইব? আমাদের অভিধানে, আমাদের মনে যে সকল ভাব উঠে তাহাই বুঝাইবার, প্রকাশ করিবার উপযোগী শব্দসমূহ পাওয়া যায়। ঠাকুরের গ্রাম মহাপুরুষদিগের মনের অত্যাচ্ছাদিত ভাবসকল প্রকাশ করিবার সে সকল শব্দের সামর্থ্য কোথায়! অতএব হে পাঠক, এখানে তর্ক-বুদ্ধি ছাড়িয়া দিয়া ঠাকুর ঐ সকল বিষয় যে ভাবে বলিয়া যাইতেন তাহা বিশ্বাসের সহিত গুনিয়া যাওয়া এবং কল্পনাসহায়ে ঐ উচ্চ-ভাবের যথাসম্ভব ছবি মনে অঙ্কিত করিবার চেষ্টা করা ভিন্ন আমাদের গত্যন্তর আর নাই।

ঠাকুর বলিতেন এবং শাস্ত্রেও ইহার নানা দৃষ্টান্ত পাওয়া যায় যে, যে প্রকাশ যেখান হইতে বা যে বস্তু বা ব্যক্তি হইতে

কার্য-পদার্থের কারণ-পদার্থ লয় হওয়াই নিয়ম	উৎপন্ন হয়, সেই প্রকাশ পুনরায় সেই স্থলে বা সেই বস্তু বা ব্যক্তির বিশেষ সমীপাগত হইলে তাহাতেই লয় হইয়া যায়। ব্রহ্ম হইতে জীবের
--	--

উৎপত্তি বা প্রকাশ; সেই জীব আবার জ্ঞানলাভ দ্বারা তাঁহার সমীপাগত হইলেই তাঁহাতে লীন হইয়া যায়। অনন্ত মন হইতে তোমার আমার ও সকলের ক্ষুদ্র ব্যক্তিগত মনের উৎপত্তি বা প্রকাশ; আমাদের জিজ্ঞাস্য কাহারও সেই ক্ষুদ্র মন নির্লিপ্ততা, করুণা, পবিত্রতা প্রভৃতি সদগুণসমূহের বুদ্ধি করিতে করিতে সেই অনন্ত মনের সমীপাগত বা সদৃশ হইলেই তাহাতে লীন হইয়া যায়। স্থূল জগতেও ইহাই নিয়ম। সূর্য্য হইতে

## গুরুভাবে তীর্থ-ভ্রমণ ও সাধুসঙ্গ

পৃথিবীর বিকাশ, সেই পৃথিবী আবার কোনরূপে সূর্যের সমীপাগত হইলেই তাহাতে লীন হইয়া যাইবে। অতএব বুঝিতে হইবে ঠাকুরের ঐরূপ ধারণার নিম্নে আমাদের অজ্ঞাত কি একটা ভাববিশেষ আছে এবং বাস্তবিক যদি ৬গদাধর বলিয়া কোন বস্তু বা ব্যক্তিবিশেষ থাকেন এবং ঠাকুরের শরীর-মনটার উৎপত্তি ও বিকাশ তাঁহা হইতে কোন কারণে হইয়া থাকে, তবে ঐ উভয় পদার্থ পুনরায় সমীপাগত হইলে যে পরস্পরের প্রতি প্রেমে আকৃষ্ট হইয়া একত্র মিলিত হইবে, একথায় যুক্তিবিহীনতা হই বা কি আছে ?

অবতারপুরুষেরা যে ইতরসাধারণ জীবের ভ্রায় নহেন, এ কথা আর যুক্তিতর্ক দ্বারা বুঝাইতে হয় না। তাঁহাদের ভিতর অচিন্ত্য কল্পনাভীত শক্তি-প্রকাশ দেখিয়াই জীব অবনত মস্তকে তাঁহাদিগকে হৃদয়ের পূজাদান ও তাঁহাদের শরণ গ্রহণ করিয়া থাকে। মহর্ষি কপিলাদি ভারতের তীক্ষ্ণদৃষ্টিসম্পন্ন দার্শনিকগণ ঐরূপ অদৃষ্টপূর্ব শক্তিমান পুরুষদিগের জীবনরহস্য ভেদ করিবার অশেষ চেষ্টা

অবতার-	করিয়াছেন। কি কারণে তাঁহাদের ভিতর দিয়া
পুরুষদিগের	ইতরসাধারণাপেক্ষা সমধিক শক্তিপ্রকাশ হয়, এ
জীবনরহস্তের	বিষয়ের নির্ণয় করিতে যাইয়া তাঁহারা প্রথমেই
মীমাংসা	দেখিলেন সাধারণ কর্মবাদ ইহার মীমাংসায় সম্পূর্ণ
করিতে কর্মবাদ	সক্ষম নহে। অক্ষম। কারণ ইতরসাধারণ পুরুষের অহুষ্ঠিত
উহার কারণ	শুভাশুভ কর্ম স্বার্থস্বার্থাঘেযেই হইয়া থাকে।

কিন্তু ইহাদের কৃত কার্যের আলোচনায় দেখা যায়, সে উদ্দেশ্যের একান্ত অভাব। পরের দুঃখমোচনের বাসনাই ইহাদের ভিতর

## শ্রীশ্রীরামকৃষ্ণলীলাপ্রসঙ্গ

অদম্য উৎসাহ আনয়ন করিয়া ইহাদিগকে কার্যে প্রেরণ করিয়া থাকে এবং সে বাসনার সম্মুখে ইহারা নিজের সমস্ত ভোগস্বথ এককালে বলি প্রদান করিয়া থাকেন। আবার পার্থিব মান-যশলাভ যে ঐ বাসনার মূলে বর্তমান তাহাও দেখা যায় না। কারণ লোকৈষণা, পার্থিব মান-যশ ইহারা কাকবিষ্ঠার ন্যায় সর্বথা পরিত্যাগ করিয়াই থাকেন। দেখনা, নর ও নারায়ণ ঋষিষয় বহুকাল বদরিকাশ্রমে তপস্যায় কাটাইলেন, জগতের কল্যাণোপায়-নির্দ্ধারণের জন্ত। শ্রীরামচন্দ্র প্রাণের প্রতিমা সীতাকে পর্যন্ত ত্যাগ করিলেন প্রজাদিগের কল্যাণের জন্ত। শ্রীকৃষ্ণ প্রত্যেক কার্য্যাহুষ্ঠান করিলেন সত্য ও ধর্ম্মের প্রতিষ্ঠার জন্ত। বুদ্ধদেব রাজাসম্পদ ত্যাগ করিলেন জন্ম-জরা-মরণাদি-দুঃখের হস্ত হইতে জীবকে উদ্ধার করিবেন বলিয়া। ঈশা প্রাণপাত করিলেন দুঃখশোকাকুল পৃথিবীতে প্রেম-স্বরূপ পরমপিতার প্রেমের রাজ্য-স্থাপনার জন্ত। মহম্মদ অধর্ম্মের বিরুদ্ধেই তরবারি ধারণ করিলেন। শঙ্কর অদ্বৈতানুভবেই যথার্থ শান্তি জীবকে একথা বুঝাইতেই আপন শক্তি নিয়োগ করিলেন এবং শ্রীচৈতন্য একমাত্র শ্রীহরির নামেই জীবের কল্যাণকারী সমস্ত শক্তি নিহিত রহিয়াছে জানিয়া সংসারের ভোগস্বথে জলাঞ্জলি দিয়া উদ্ধাম তাওবে হরিনাম-প্রচারেই জীবনোৎসর্গ করিলেন। কোন্ স্বার্থ ইহাদিগকে ঐ সকল কার্য্যে প্রেরণ করিয়াছিল? কোন্ আত্মস্বথ-লাভের জন্ত ইহারা জীবনে এত কষ্ট স্বীকার করিয়া গিয়াছেন?

দার্শনিকগণ আরও দেখিলেন, অসাধারণ মানসিক অল্পভবে মুক্ত-পুরুষদিগের শরীরে যে সমস্ত লক্ষণ আসিয়া উপস্থিত হয়

## গুরুভাবে তীর্থ-ভ্রমণ ও সাধুসঙ্গ

বলিয়া তাঁহারা শাস্ত্র-দৃষ্টে স্বীকার করিয়া থাকেন, সে সমস্ত ইহাদের জীবনে বিশেষভাবে বিকশিত। কাজেই ঐ সকল পুরুষদিগকে বাধ্য হইয়াই এক নূতন শ্রেণীর অন্তর্গত করিতে হইল। সাংখ্যকার কপিল বলিলেন, ইহাদের ভিতর এক প্রকার মহত্বদার লোকৈষণা বা লোককল্যাণ-বাসনা থাকে। 'সে জন্ত ইহারা পূর্ব পূর্ব জন্মের তপস্য়াপ্রভাবে মুক্ত হইয়াও নির্বাণ-পদবীতে অবস্থান করেন না—প্রকৃতিতে লীন হইয়া

মুক্তাস্থার  
শাস্ত্রনির্দিষ্ট  
লক্ষণসকল  
অবতার-পুরুষে  
বাল্যকালাবধি  
প্রকাশ দেখিয়া  
দার্শনিকগণের  
মীমাংসা।  
সাংখ্য-মতে  
তাঁহারা  
'প্রকৃতি-লীন'-  
শ্রেণীভুক্ত

থাকেন, বা প্রকৃতিগত সমস্ত শক্তিই তাঁহাদের শক্তি, এই প্রকার বোধে এক কল্পকাল অবস্থান করিয়া থাকেন এবং এজন্তই ইহাদের মধ্যে যিনি যে কল্পে ঐরূপ শক্তিসম্পন্ন বলিয়া আপনাকে অনুভব করেন তিনিই সে কল্পে অপর সাধারণ মানবের নিকট ঈশ্বর বলিয়া প্রতীত হন। কারণ প্রকৃতির ভিতর যত কিছু শক্তি আছে সে সমস্তই আমাদের বলিয়া যাহার বোধ হইবে তিনি সে সমস্ত শক্তিই ইচ্ছামত প্রয়োগ ও সংহার করিতে পারিবেন। আমাদের প্রত্যেকের ক্ষুদ্র শরীর-মনে

প্রকৃতির যে সকল শক্তি রহিয়াছে সে সকলকে আমরা বলিয়া বোধ করিতেছি বলিয়াই আমরা যেমন উহাদের ব্যবহার করিতে পারিতেছি, তাঁহারাও এরূপ প্রকৃতির সমস্ত শক্তিসমূহ তাঁহাদের আপনার বলিয়া বোধ করায় সে সমস্তই ইচ্ছামত ব্যবহার করিতে পারিবেন। সাংখ্যকার কপিল এইরূপে সর্বকালব্যাপী এক নিত্য ঈশ্বরের অস্তিত্ব স্বীকার না করিলেও এককল্পব্যাপী সর্বশক্তিমান

## শ্রীশ্রীরামকৃষ্ণলীলাপ্রসঙ্গ

পুরুষসকলের অস্তিত্ব স্বীকার করিয়া তাঁহাদিগের 'প্রকৃতিলীন' আখ্যা প্রদান করিয়াছেন।

বেদান্তকার আবার একমাত্র ঈশ্বর পুরুষের নিত্য অস্তিত্ব স্বীকার করিয়া এবং তিনিই জীব ও জগৎরূপে প্রকাশিত রহিয়াছেন বলিয়া ঐ সকল বিশেষ শক্তিমান পুরুষদিগকে নিত্য-শুদ্ধ-বুদ্ধ-মুক্ত-স্বভাব ঈশ্বরের বিশেষ অংশসম্ভূত বলিয়া স্বীকার করিয়াছেন। শুধু তাহাই নহে, এইরূপ পুরুষেরা লোককল্যাণকর এক একটি বিশেষ

বেদান্ত বলেন,	কার্যের জন্তই আবশ্যকমত জন্মগ্রহণ করেন এবং
তাঁহারা	তদুপযোগী শক্তিসম্পন্নও হইয়া আসেন দেখিয়া
'আধিকারিক'	ইহাদিগের 'আধিকারিক' নাম প্রদান করিয়াছেন।
এবং ঐ শ্রেণীর	'আধিকারিক' অর্থাৎ কোন একটি কার্যাবিশেষের
পুরুষদিগের	অধিকার বা সেই কার্যটি সম্পন্ন করিবার ভার ও
ঈশ্বরবতার	ক্ষমতাপ্রাপ্ত। এইরূপ পুরুষসকলেও আবার
ও নিত্যমুক্ত	উচ্চাভিমান শক্তির প্রকাশ দেখিয়া এবং ইহাদের
ঈশ্বরকোটারূপ	দ্রুত বিভাগ
দ্রুত বিভাগ	আছে
	কাহারও কার্য সমগ্র পৃথিবীর সকল লোকের

সর্বকাল কল্যাণের জন্ত অহুষ্ঠিত ও কাহারও কার্য একটি প্রদেশের বা তদন্তর্গত একটি দেশের লোকসমূহের কল্যাণের জন্ত অহুষ্ঠিত দেখিয়া বেদান্তকার আবার এই সকল পুরুষের ভিতর কতকগুলিকে ঈশ্বরবতার এবং কতকগুলিকে সমান্ত-অধিকারপ্রাপ্ত নিত্যমুক্ত ঈশ্বরকোটা পুরুষশ্রেণীর বলিয়া স্বীকার করিয়া গিয়াছেন। বেদান্তকারের ঐ মতকে ভিত্তিরূপে অবলম্বন করিয়াই পুরাণকারেরা পরে কল্পনাসহায়ে অবতার-পুরুষদিগের প্রত্যেকে কে কতটা ঈশ্বরের অংশসম্ভূত ইহা নির্ধারণ করিতে

## গুরুভাবে তীর্থ-ভ্রমণ ও সাধুসঙ্গ

অগ্রসর হইয়া ঐ চেষ্টার একটু বাড়াবাড়ি করিয়া বসিয়াছেন এবং ভাগবৎকার—

এতে চাংশকলাঃ পুংসঃ কৃষ্ণস্ত ভগবান স্বয়ম্ ।

ইত্যাদি বচন প্রয়োগ করিয়াছেন ।

আমরা ইতিপূর্বে পাঠককে এক স্থলে বুঝাইতে চেষ্টা করিয়াছি যে, গুরুভাবটি স্বয়ং ঈশ্বরেরই ভাব । অজ্ঞানমোহে পতিত জীবকে উহার পারে স্বয়ং যাইতে অক্ষম দেখিয়া তিনিই অপার করুণায় তাহাকে উহা হইতে উদ্ধার করিতে আগ্রহবান হন । ঈশ্বরের সেই করুণাপূর্ণ আগ্রহ এবং তদ্ভাবাপন্ন হইয়া চেষ্টাদিই শ্রীগুরু ও গুরুভাব । ইতরসাধারণ মানবের ধরিবার বুঝিবার সুবিধার জ্ঞাত সেই গুরুভাব কখন কখন বিশেষ নরাকারে আমাদের নিকট আবহমানকাল হইতে প্রকাশিত হইয়া আসিতেছে । সে সকল পুরুষকেই জগৎ অবতার বলিয়া পূজা করিতেছে । অতএব বুঝা যাইতেছে, অবতারপুরুষেরাই মানবসাধারণের যথার্থ গুরু ।

আধিকারিক পুরুষদিগের শরীর-মন সেজ্ঞাত এমন উপাদানে গঠিত দেখা যায় যে, তাহাতে ঐশ্বরিক ভাব-প্রেম ও উচ্চাঙ্গের শক্তিপ্রকাশ ধারণ ও হজম করিবার সামর্থ্য থাকে । জীব এতটুকু আধ্যাত্মিক শক্তি ও লোকমান্য পাইলেই অহঙ্কৃত ও আনন্দে উৎফুল্ল হইয়া উঠে ; আধিকারিক পুরুষেরা ঐ সকল শক্তি তদপেক্ষা সহস্র সহস্র গুণে অধিক পরিমাণে পাইলেও কিছুমাত্র ক্ষুদ্র বা বুদ্ধিব্রষ্ট ও অহঙ্কৃত হন না । জীব সকলপ্রকার বন্ধন হইতে বিমুক্ত হইয়া সমাধিতে আত্মানুভবের পরম আনন্দ একবার কোনরূপে পাইলে আর সংসারে কোন কারণেই ফিরিতে চাহে না ;

## শ্রীশ্রীরামকৃষ্ণলীলাপ্রসঙ্গ

আধিকারিক পুরুষদিগের জীবনে সে আনন্দের যেমনি অভূতব হয়  
অমনি মনে হয় অপর সকলকে কি উপায়ে এ আনন্দের ভাগী করি-  
পারি। জীবের জীবন-দর্শনের পরে আর কো-  
কার্যই থাকে না; আধিকারিক পুরুষদিগের সেই  
দর্শনলাভের পরেই যে বিশেষ কার্য করিবার জ্ঞান  
স্বাধারণ তাঁহারা আসিয়াছেন তাহা ধরিতে বুঝিতে পারেন  
তাহা। এবং সেই কার্য করিতে আরম্ভ করেন। সেজন্ত  
আধিকারিক পুরুষদিগের সম্বন্ধে নিয়মই এই যে,  
যতদিন না তাঁহারা যে কার্যবিশেষ করিতে  
আসিয়াছেন তাহা সমাপ্ত করেন, ততদিন পর্য্যন্ত  
তাঁহাদের মনে সাধারণ মুক্তপুরুষদিগের মত ‘শরীরটা এখন যায়  
যাক, ক্ষতি নাই,’ এরূপ ভাবের উদয় কখনও হয় না—মনুষ্যলোকে  
বাঁচিয়া থাকিবার আগ্রহই দেখিতে পাওয়া যায়। কিন্তু তাঁহাদের  
ঐ আগ্রহে ও জীবের বাঁচিয়া থাকিবার আগ্রহে আকাশ-পাতাল  
প্রভেদ বর্ত্তমান দেখিতে পাওয়া যায়। আবার কার্যশেষ হইলেই  
আধিকারিক পুরুষ উহা তৎক্ষণাৎ বুঝিতে পারেন এবং আর  
তিলান্ধও সংসারে না থাকিয়া পরম আনন্দে সমাধিতে দেহত্যাগ  
করেন। জীবের ইচ্ছামাত্রই সমাধিতে শরীরত্যাগ তো দূরের  
কথা—জীবনের কার্য যে শেষ হইয়াছে এরূপ উপলব্ধিই হয় না; এ  
জীবনে অনেক বাসনা পূর্ণ হইল না এইরূপ উপলব্ধিই হইয়া থাকে।  
অন্য সকল বিষয়েও তদ্রূপ প্রভেদ থাকে। সেজন্তই আমাদের  
মাপকাঠিতে অবতার বা আধিকারিক পুরুষদিগের জীবন ও কার্যের  
উদ্দেশ্য মাপিতে যাইয়া আমাদের বিমম ভ্রমে পতিত হইতে হয়।

## গুরুভাবে তীর্থ-ভ্রমণ ও সাধুসঙ্গ

‘গয়ায় যাইলে শরীর থাকিবে না,’— ‘হইবেন’—ঠাকুরের এই সকল কথাগুলির ভাব কিঞ্চিন্নাত্রও হৃদয়ঙ্গম করিতে হইলে শাস্ত্রের পূর্বোক্ত কথাগুলি পাঠকের কিছু কিছু জানা আবশ্যক। এজন্তই আমরা যত সহজে পারি সংক্ষেপে উহার আলোচনা এখানে করিলাম। ঠাকুরের কোন ভাবটিই যে শাস্ত্রবিরুদ্ধ নহে, পূর্বোক্ত আলোচনায় পাঠক ইহাও বুঝিতে পারিবেন।

পূর্বেই বলিয়াছি ঠাকুর মথুরের সহিত ৮গয়াধামে যাইতে অস্বীকার করেন। কাছেই সে যাত্রায় কাহারও আর গয়াদর্শন হইল না। বৈজনাথ হইয়া কলিকাতায় সকলে প্রত্যাগমন করিলেন। বৈজনাথের নিকটবর্তী কোন গ্রামের লোকসকলের দারিদ্র্য দেখিয়াই ঠাকুরের হৃদয় করুণাপূর্ণ হয় এবং মথুরকে বলিয়া তাহাদের পরিতোষপূর্বক একদিন থাওয়াইয়া প্রত্যেককে এক একখানি বস্ত্র প্রদান করেন। একথার বিস্তারিত উল্লেখ আমরা লীলাপ্রসঙ্গে পূর্বেই একস্থলে করিয়াছি।<sup>১</sup>

কাশী বৃন্দাবনাদি তীর্থ ভিন্ন ঠাকুর একবার মহাপ্রভু শ্রীচৈতন্যের জন্মস্থল নবদ্বীপ দর্শন করিতেও গমন করিয়াছিলেন; সেবারেও

মথুর বাবু তাঁহাকে সঙ্গে লইয়া যান। শ্রীগৌরাঙ্গ-  
ঠাকুরের নবদ্বীপ-দর্শন দেবের সম্বন্ধে ঠাকুর আমাদের এক সময়ে বাহা বলিয়াছিলেন তাহা হইতেই বেশ বুঝা যায় যে,

অবতারপুরুষদিগের মনের সম্মুখেও সকল সময় সকল দত্ত্য প্রকাশিত থাকে না, তবে আধ্যাত্মিক জগতের যে বিষয়ের তত্ত্ব

১ গুরুভাব—পূর্বোক্ত, সপ্তম অধ্যায়ের শেষভাগ দেখ।



তাঁহারা জানিতে বুঝিতে ইচ্ছা করেন, অতি সহজেই তাহা তাঁহাদের মন-বুদ্ধির গোচর হইয়া থাকে।

শ্রীগৌরাক্ষের অবতারত্ব সম্বন্ধে আমাদের ভিতর অনেকেই তখন সন্দ্বিহান ছিলেন, এমন কি ‘বৈষ্ণব’-অর্থে ‘ছোটলোক’ এই কথাই বুঝিতেন এবং সন্দেহ-নিরসনের নিমিত্ত ঠাকুরকে অনেক সময় ঐ বিষয় জিজ্ঞাসাও করিয়াছিলেন। ঠাকুর তদুত্তরে একদিন আমাদের বলিয়াছিলেন, “আমারও তখন তখন ঐ রকম মনে হোত রে; ভাবতুম, পুরাণ ভাগবত কোথায়ও কোন নামগন্ধ নেই—চৈতন্য আবার অবতার! ছাড়া-নেড়ীরা টেনে বুনে একটা বানিয়েচে

ঠাকুরের	আর কি!—কিছুতেই ওকথা বিশ্বাস হোত না।
চৈতন্য	মথুরের সঙ্গে নবদ্বীপ গেলুম। ভাবলুম, যদি
মহাপ্রভু	অবতারই হয় ত সেখানে কিছু না কিছু প্রকাশ
সম্বন্ধে	থাকবে, দেখলে বুঝতে পারব। একটু প্রকাশ
পূর্বমত এবং	(দেবভাবের) দেখবার জন্ত এখানে ওখানে বড়
নবদ্বীপে	গোঁসাইয়ের বাড়ী, ছোট গোঁসাইয়ের বাড়ী ঘুরে
দর্শনলাভে	ঘুরে ঠাকুর দেখে বেড়ালুম—কোথাও কিছু দেখতে
ঐ মতের	পেলুম না—সব জায়গাতেই এক এক কাঠের মুরদ হাত তুলে
পরিবর্তন	খাড়া হয়ে রয়েছে দেখলুম! দেখে প্রাণটা খারাপ হয়ে গেল
	ভাবলুম, কেনই বা এখানে এলুম। ভ্রমরফিরে আসব বলে
	নৌকায় উঠচি এমন সময়ে দেখতে পেলুম অদ্ভুত দর্শন
	দুটি স্তম্ভের ছেলে—এমন রূপ কখন দেখি নি, তপ্ত কাঞ্চনের মা
	রাং, কিশোর বয়স, মাথায় একটা করে জ্যোতির মণ্ডল, হা
	তুলে আমার দিকে চেয়ে হাসতে হাসতে আকাশ-পথ দিয়ে ছে

## গুরুভাবে তীর্থ-ভ্রমণ ও সাধুসঙ্গ

আসচে ! অমনি ‘ঐ এলোরে, এলোরে’ বলে চৌচিয়ে উঠলুম। ঐ কথাগুলি বলতে না বলতে তারা নিকটে এসে (নিজের শরীর দেখাইয়া) এর ভেতর ঢুকে গেল, আর বাহুজ্ঞান হারিয়ে পড়ে গেলুম ! জলেই পড়তুম, হৃদে নিকটে ছিল ধরে ফেললে। এই রকম, এই রকম ঢের সব দেখিয়ে বুঝিয়ে দিলে—বাস্তবিকই অবতার, ঐশ্বরিক শক্তির বিকাশ !” ঠাকুর ‘ঢের সব দেখিয়ে’ কথাগুলি এখানে ব্যবহার করিলেন, কারণ পূর্বেই একদিন শ্রীগৌরানন্দেবের নগর-সঙ্কীৰ্ত্তন-দর্শনের কথা আমাদের নিকট গল্প করিয়াছিলেন। সে দর্শনের কথা আমরা লীলাপ্রসঙ্গে অগ্ৰত উল্লেখ করিয়াছি বলিয়া এখানে আর করিলাম না।<sup>১</sup>

পূর্বোক্ত তীর্থসকল ভিন্ন ঠাকুর আর একবার মথুর বাবুর সহিত কালনা গমন করিয়াছিলেন। মহাপ্রভু শ্রীচৈতন্যের পাদম্পর্শে বাঙ্গালার গঙ্গাতীরবর্তী অনেকগুলি গ্রাম যে তীর্থবিশেষ হইয়া উঠিয়াছে, তাহা আর বলিতে হইবে না। কালনা তাহাদেরই ভিতর অগ্ৰতম। আবার বর্দ্ধমানরাজবংশের ঠাকুরের অষ্টাধিকশত শিব-মন্দির প্রভৃতি নানা কীৰ্ত্তি কালনায গমন এখানে বর্তমান থাকিয়া কালনাকে একটি বেশ জম-জমাট স্থান যে করিয়া তুলিয়াছে একথা দর্শনকারীমাত্রেই অস্বভব করিয়াছেন। ঠাকুরের কিন্তু এবার কালনা দর্শন করিতে যাওয়ার ভিন্ন উদ্দেশ্য ছিল। এখানকার খ্যাতনামা সাধু ভগবানদাস বাবাজীকে দর্শন করাই তাঁহার মনোগত অভিপ্রায় ছিল।

ভগবানদাস বাবাজীর তখন অশীতি বৎসরেরও অধিক বয়ঃক্রম

১ সপ্তম অধ্যায়ের পূর্বভাগ দেখ।

## শ্রীশ্রীরামকৃষ্ণলীলাপ্রসঙ্গ

হইবে। তিনি কোন কুল পবিত্র করিয়াছিলেন তাহা আমাদের জানা নাই। কিন্তু তাঁহার জলন্ত ত্যাগ, বৈরাগ্য ভগবানদাস বাবাজীর ও ভগবন্তক্তির কথা বাঙ্গালার আবালবৃদ্ধ অনেকেরই জাগ, ভক্তি ও তখন প্রতিগোচর হইয়াছিল। শুনিয়াছি একস্থানে প্রতিপত্তি একভাবে বসিয়া দিবারাত্র জপ-তপ-ধ্যান-ধারণাদি করায় শেষদশায় তাঁহার পদব্য় অসাড় ও অবশ হইয়া গিয়াছিল। কিন্তু অশীতিবর্ষেরও অধিকবয়স্ক হইয়া শরীর অপটু ও প্রায় উত্থান-শক্তিরহিত হইলেও বৃদ্ধ বাবাজীর হরিনামে উদ্দাম উৎসাহ, ভগবৎ-প্রেমে অজস্র অশ্রুবর্ষণ ও আনন্দ কিছুমাত্র না কমিয়া বরং দিন-দিন বর্দ্ধিতই হইয়াছিল। এখানকার বৈষ্ণবসমাজ তাঁহাকে পাইয়া তখন বিশেষ সজীব হইয়া উঠিয়াছিল এবং ত্যাগী বৈষ্ণব-সাধুগণের অনেকে তাঁহার উজ্জ্বল আদর্শ ও উপদেশে নিজ নিজ জীবন গঠিত করিয়া ধন্য হইবার অবসর পাইয়াছিলেন। শুনিয়াছি বাবাজীর দর্শনে যিনিই তখন যাইতেন, তিনিই তাঁহার বহুকালান্তর্জিত ত্যাগ, তপস্শ্রা, পবিত্রতা ও ভক্তির সঞ্চিত প্রভাব প্রাণে প্রাণে অনুভব করিয়া এক অপূর্ব আনন্দের উপলব্ধি করিয়া আসিতেন। মহাপ্রভু শ্রীচৈতন্যের প্রেমধর্মসম্বন্ধীয় কোন বিষয়ে বাবাজী যে মতামত প্রকাশ করিতেন তাহাই তখন লোকে অস্রান্ত সত্য বলিয়া ধারণা করিয়া তদনুষ্ঠানে প্রবৃত্ত হইত। কাজেই সিদ্ধ বাবাজী তখন কেবল নিজের সাধনাতেই ব্যস্ত থাকিতেন না কিন্তু বৈষ্ণবসমাজের কিসে কল্যাণ হইবে, কিসে ত্যাগী বৈষ্ণবগণ ঠিক ঠিক ত্যাগের অনুষ্ঠানে ধন্য হইবে, কিসে ইতরসাধারণ সংসারী জীব শ্রীচৈতন্য-প্রদর্শিত প্রেমধর্মের আশ্রয়ে আসিয়া শান্তিলাভ করিবে—এ সকলের

## গুরুভাবে তীর্থ-ভ্রমণ ও সাধুসঙ্গ

আলোচনা ও অল্পষ্টানে অনেক কাল কাটাইতেন। বৈষ্ণবসমাজের কোথায় কি হইতেছে, কোথায় কোন্ সাধু ভাল বা মন্দ আচরণ করিতেছে—সকল কথাই লোকে বাবাজীর নিকট আনিয়া উপস্থিত করিত এবং তিনিও সে সকল শুনিয়া বুঝিয়া তত্ত্ব বিষয়ে যাহা করা উচিত তাহার উপদেশ করিতেন। ত্যাগ, তপস্যা ও প্রেমের জগতে চিরকালই কি যে এক অদৃশ্য হৃদয় বন্ধন! লোকে বাবাজীর উপদেশ শিরোধার্য্য করিয়া তৎক্ষণাৎ তাহা সম্পাদন করিতে স্বতঃপ্রেরিত হইয়া ছুটিত। এইরূপে গুপ্তচরাদি সহায় না থাকিলেও সিদ্ধ বাবাজীর স্বতীক্ষ্ণ দৃষ্টি বৈষ্ণবসমাজের সর্বত্রাহুষ্ঠিত কার্য্যেই পতিত হইত এবং ঐ সমাজগত প্রত্যেক ব্যক্তিই তাঁহার প্রভাব অনুভব করিত। আর সে দৃষ্টি ও প্রভাবের সম্মুখে মরল বিশ্বাসীর উৎসাহ যেমন দিন দিন বদ্ধিত হইয়া উঠিত; কপটাচারী আবার তেমনি ভীত কুণ্ঠিত হইয়া আপন স্বভাব-পরিবর্তনের চেষ্টা পাইত।

অহুয়োগের তীব্র প্রেরণায় ঠাকুর যখন ঈশ্বরলাভের জন্ত ছাদশ-বর্ষব্যাপী কঠোর তপস্যায় লাগিয়াছিলেন এবং তাহাতে গুরুভাবের

ঠাকুরের	অদৃষ্টপূর্ব্ব বিকাশ হইতেছিল, তখন উত্তর ভারতবর্ষের
তপস্যাকালে	অনেক স্থলেই ধর্ম্মের একটা বিশেষ আন্দোলন যে
ভারতে	চলিয়াছিল একথার উল্লেখ আমরা লীলাপ্রসঙ্গের
ধর্ম্মান্দোলন	অগ্র স্থলে করিয়াছি। <sup>১</sup> কলিকাতা ও তন্নিকটবর্ত্তী

নানাস্থানের হরিসভাসকল এবং ব্রাহ্মসমাজের আন্দোলন, উত্তর-পশ্চিম ও পাঞ্জাব অঞ্চলে শ্রীযুত দয়ানন্দ স্বামীজীর বেদধর্ম্মের আন্দোলন—যাহা এখন আর্য্যসমাজে পরিণত হইয়াছে, বাঙ্গালায়

১ পঞ্চম অধ্যায় দেখ।

## শ্রীশ্রীরামকৃষ্ণলীলাপ্রসঙ্গ

বিশুদ্ধ বৈদান্তিক ভাবের, কর্ত্তাভজা-সম্প্রদায়ের ও রাধাস্বামী মতের, গুজরাতে নারায়ণ স্বামী মতের—এইরূপে নানাস্থলে নানা ধর্মমতের উৎপত্তি ও আন্দোলন এই সময়েরই কিছু অগ্র-পশ্চাৎ উপস্থিত হইয়াছিল। ঐ আন্দোলনের সবিস্তার আলোচনা এখানে আমাদের উদ্দেশ্য নয়; কেবল কলিকাতার কলুটোলা নামক পল্লীতে প্রতিষ্ঠিত ঐরূপ একটি হরিসভায় ঠাকুরকে লইয়া যে ঘটনা হইয়াছিল তাহাই এখানে আমরা পাঠককে বলিব।

ঠাকুর নিমন্ত্রিত হইয়া একদিন ঐ হরিসভায় উপস্থিত হইয়াছিলেন; ভাগিনেয় হৃদয় তাঁহার সঙ্গে গিয়াছিল। কেহ কেহ বলেন, পণ্ডিত বৈষ্ণবচরণ—যাঁহার কথা আমরা ঠাকুরের কলুটোলার পূর্বে পাঠককে বলিয়াছি—সেদিন সেখানে হরিসভায় গমন শ্রীমদ্ভাগবতপাঠে ব্রতী ছিলেন এবং তাঁহার মুখ হইতে ভাগবত শুনিবার জন্তই ঠাকুর তথায় গমন করিয়াছিলেন; এ কথা কিন্তু আমরা ঠাকুরের শ্রীমুখ হইতে শুনিয়াছি বলিয়া মনে হয় না। সে যাহাই হউক, ঠাকুর যখন সেখানে উপস্থিত হইলেন তখন ভাগবতপাঠ হইতেছিল এবং উপস্থিত সকলে তন্ময় হইয়া সেই পাঠ শ্রবণ করিতেছিল। ঠাকুরও তদর্শনে শ্রোতৃমণ্ডলীর ভিতর একস্থানে উপবিষ্ট হইয়া পাঠ শুনিতে লাগিলেন।

কলুটোলার হরিসভার সভ্যগণ আপনাদিগকে মহাপ্রভু শ্রীচৈতন্যের একান্ত পদাশ্রিত মনে করিতেন এবং ঐ কথাটি ঐ সভায় অল্পক্ষণ স্মরণ রাখিবার জন্ত তাঁহারা একখানি আসন বিস্তৃত রাখিয়া উহাতে মহাপ্রভুর আবির্ভাব কল্পনা করিয়া পূজা, পাঠ প্রভৃতি সভার সমুদয় অর্হস্তান ঐ আসনের

সম্মুখেই করিতেন। ঐ আসন 'শ্রীচৈতন্তের আসন' বলিয়া নির্দিষ্ট হইত। সকলে ভক্তিভরে উহার সম্মুখে প্রণাম করিতেন এবং উহাতে কাহাকেও কখন বসিতে দিতেন না। অত্র সকল দিবসের ন্যায় আজও পুষ্পমালাদি-ভূষিত ঐ আসনের সম্মুখেই ভাগবতপাঠ হইতেছিল। পাঠক শ্রীশ্রীমহাপ্রভুকেই হরিকথা শুনাইতেছেন ভাবিয়া ভক্তিভরে পাঠ করিতেছিলেন এবং শ্রোতৃবৃন্দও তাঁহারই দিব্যাবির্ভাবের সম্মুখে বসিয়া হরিকথামৃতপান করিয়া ধন্য হইতেছি ভাবিয়া উল্লসিত হইতেছিলেন। ঠাকুরের আগমনে শ্রোতা ও পাঠকের সে উল্লাস ও ভক্তিভাব যে শতগুণে সজীব হইয়া উঠিল, ইহা আর বলিতে হইবে না।

ভাগবতের অমৃতোপম কথা শুনিতে শুনিতে ঠাকুর আত্মহারা হইয়া পড়িলেন এবং 'শ্রীচৈতন্ত্যাসনের' অভিমুখে সহসা ছুটিয়া যাওয়া ঠাকুরের চৈতন্ত্যাসন-গ্রহণ তাহার উপর দাঁড়াইয়া এমন গভীরসমাধিমগ্ন হইলেন যে তাঁহাতে আর কিছুমাত্র প্রাণসঞ্চার লক্ষিত হইল না। কিন্তু তাঁহার জ্যোতির্ময় মুখের সেই অদৃষ্টপূর্ব প্রেমপূর্ণ হাসি এবং শ্রীচৈতন্ত্যদেবের মূর্তিসকলে যেমন দেখিতে পাওয়া যায় সেই প্রকার উর্দ্ধোত্তোলিত হস্তে অঙ্গুলীনির্দেশ দেখিয়া বিশিষ্ট ভক্তেরা প্রাণে প্রাণে বুঝিলেন ঠাকুর ভাবমুখে শ্রীশ্রীমহাপ্রভুর সহিত একেবারে তন্ময় হইয়া গিয়াছেন! তাঁহার শরীর-মন এবং ভগবান শ্রীশ্রীচৈতন্ত্যের শরীর-মনের মধ্যে স্থলদৃষ্টে দেশকাল এবং অত্র নানা বিষয়ের বিস্তর ব্যবধান ঘেঁরহিয়াছে, ভাবমুখে উর্দ্ধে উঠিয়া সে বিষয়ের কিছুমাত্র প্রত্যক্ষই তিনি আর তখন করিতেছেন না! পাঠক পাঠ ভুলিয়া ঠাকুরের দিকে চাহিয়া

## শ্রীশ্রীরামকৃষ্ণলীলাপ্রসঙ্গ

সুস্থিত হইয়া রহিলেন ; শ্রোতারাগ ঠাকুরের ঐক্লপ ভাবাবেশ ধরিতে বুঝিতে না পারিলেও একটা অব্যক্ত দিব্য ভয়-বিশ্ময়ে অভিভূত হইয়া মুগ্ধ শাস্ত হইয়া রহিলেন, ভাল-মন্দ কোন কথাই সে সময়ে কেহ আর বলিতে সমর্থ হইলেন না। ঠাকুরের প্রবল ভাব-প্রবাহে সকলেই তৎকালের নিমিত্ত অবশ হইয়া অনির্দেশ্য কোন এক প্রদেশে যেন ভাসিয়া চলিয়াছে—এইরূপ একটা অনির্বচনীয় আনন্দের উপলব্ধি করিয়া প্রথম কিংকর্তব্যবিমূঢ় হইয়া রহিলেন, পরে ঐ অব্যক্তভাব-প্রেরিত হইয়া সকলে মিলিয়া উচ্চরবে হরিশ্বনি করিয়া নামসঙ্কীৰ্ত্তন আরম্ভ করিলেন। সমাধিতত্ত্বের আলোচনায়<sup>১</sup> পূর্বে একস্থলে আমরা বলিয়াছি যে, ঈশ্বরের যে নামবিশেষের ভিতর অনন্ত দিব্য ভাবরাশির উপলব্ধি করিয়া মন সমাধিলীন হয়, সেই নামাবলম্বনেই আবার সে নিম্নে নামিয়া বহির্জগতের উপলব্ধি করিয়া থাকে—ঠাকুরের দিব্য সঙ্গে আমরা প্রত্যহ বারংবার ইহা বিশেষভাবে দেখিয়াছি। এখনও তাহাই হইল ; সঙ্কীৰ্ত্তনে হরিনাম শ্রবণ করিতে করিতে ঠাকুরের নিজশরীরের কতকটা হুঁশ আসিল এবং ভাবে প্রেমে বিভোর অবস্থায় কীৰ্ত্তনসম্প্রদায়ের সহিত মিলিত হইয়া তিনি কখনও উদ্দাম মধুর নৃত্য করিতে লাগিলেন, আবার কখনও বা ভাবের আতিশয্যে সমাধিমগ্ন হইয়া স্থির নিশ্চেষ্টভাবে অবস্থান করিতে লাগিলেন। ঠাকুরের ঐক্লপ চেষ্টায় উপস্থিত সাধারণের ভিতর উৎসাহ শতগুণে বাড়িয়া উঠিয়া সকলেই কীৰ্ত্তনে উন্মত্ত হইয়া উঠিল। তখন ‘শ্রীচৈতন্যের আসন’ ঠাকুরের ঐক্লপে অধিকার করাটা ছায়াসঙ্গত বা অজ্ঞায় হইয়াছে, এ কথার বিচার আর

১ গুরুভাব—পূর্বার্দ্ধ, সপ্তম অধ্যায় দেখ।

## গুরুভাবে তীর্থ-ভ্রমণ ও সাধুসঙ্গ

বরে কে ? এইরূপে উদ্দাম তাণ্ডবে বহুক্ষণ শ্রীহরির ও শ্রীমহাপ্রভুর গুণাবলীকীর্তনের পর সকলে জয়ধ্বনি উচ্চারণ করিয়া সেদিনকার সে দিব্য অভিনয় সাক্ষ্য করিলেন এবং ঠাকুরও অল্পক্ষণ পরেই সেখান হইতে দক্ষিণেশ্বরে প্রত্যাগমন করিলেন ।

ঠাকুরের দিব্যপ্রভাবে হরিনামতাণ্ডবে উচ্চভাবপ্রবাহে উঠিয়া কিছুক্ষণের জন্ত মানবের দোষদৃষ্টি স্তব্ধীভূত হইয়া থাকিলেও তাঁহার সেখান হইতে চলিয়া আসিবার পর আবার সকলে পূর্বের ন্যায় 'পুনর্মূষিক'-ভাব প্রাপ্ত হইল । বাস্তবিক, জ্ঞানকে উপেক্ষা করিয়া কেবলমাত্র ভক্তি-সহায়ে ঈশ্বরপথে অগ্রসর হইতে যে সকল ধর্ম গ্রহণ করায় শিক্ষা দেয়, তাহাদের উহাই দোষ । ঐ সকল বৈষ্ণবসমাজে ধর্মপথের পথিকগণ শ্রীহরির নামসঙ্কীর্ণনাদি-আলোচন সহায়ে কিছুক্ষণের জন্ত আধ্যাত্মিক ভাবের উচ্চ আনন্দাবস্থায় অতি সহজে উঠিলেও পরক্ষণেই আবার তেমনি নিয়ে নামিয়া পড়েন । উহাতে তাঁহাদের বিশেষ দোষ নাই ; কারণ উত্তেজনার পর অবসাদ আসাটা প্রকৃতির অন্তর্গত শরীর ও মনের ধর্ম । তরঙ্গের পরেই 'গোড়', উত্তেজনার পরেই অবসাদ আসাটাই প্রকৃতির নিয়ম । হরিসভার সভাগণও উচ্চ ভাব-প্রবাহের অবসাদে এখন নিজ নিজ পূর্ব প্রকৃতি ও সংস্কারের বশবর্তী হইয়া ঠাকুরের ক্রিয়াকলাপের সমালোচনায় প্রবৃত্ত হইলেন । একদল ঠাকুরের ভাবমুখে 'শ্রীচৈতন্যাসন' এইরূপে গ্রহণ করার পক্ষসমর্থন করিতে এবং অন্যদল ঐ কার্যের তীব্র প্রতিবাদে নিযুক্ত হইলেন । উভয় দলে ঘোরতর দ্বন্দ্ব ও বাকবিতণ্ডা উপস্থিত হইল, কিন্তু কিছুই মীমাংসা হইল না ।



## শ্রীশ্রীরামকৃষ্ণলীলাপ্রসঙ্গ

ক্রমে ঐ কথা লোকমুখে বৈষ্ণবসমাজের সর্বত্র প্রচারিত হইল। ভগবানদাস বাবাজীও উহা শুনিতে পাইলেন। শুধু শুনাই নহে, ভবিষ্যতে আবার ঐরূপ হইতে পারে—ভগবন্তাবের ভান করিয়া নাম-যশঃপ্রার্থী ধৃত ভগুরাও ঐ আসন স্বার্থসিদ্ধির জন্ত ঐরূপে অধিকার করিয়া বসিতে পারে ভাবিয়া হরিসভার সভাগণের কেহ কেহ তাঁহার নিকটে ঐ আসন ভবিষ্যতে কিভাবে রক্ষা করা কর্তব্য সে বিষয়ের মীমাংসা করিয়া লইবার জন্ত উপস্থিত হইলেন।

কিন্তু ভগবানদাস শ্রীশ্রীরামকৃষ্ণদেবের দ্বারা অধিকৃত হইয়াছে শুনা অবধি

চৈতন্যাসন- গ্রহণের কথা শুনিয়া ভগবানদাসের বিরক্তি	বিশেষ বিরক্ত হইয়াছিলেন। এমন কি, ক্রোধাক্ত হইয়া তাঁহার উদ্দেশে কটুকাটব্য বলিতে এবং তাঁহাকে ভণ্ড বলিয়া নির্দেশ করিতেও কুপ্তিত হন নাই। হরিসভার সভাগণের দর্শনে বাবাজীর সেই বিরক্তি ও ক্রোধ যে এখন দ্বিগুণ বাড়িয়া
---	---

উঠিল এবং ঐরূপ বিসদৃশ কার্য সম্মুখে অভ্যুত্থিত হইতে দেওয়ায় তাঁহাদিগকেও যে বাবাজী অপরাধী সাব্যস্ত করিয়া বিশেষ ভৎসনা করিলেন, এ কথা আমরা বেশ বুঝিতে পারি। পরে ক্রোধশান্তি হইলে ভবিষ্যতে আর যাহাতে কেহ ঐরূপ আচরণ না করিতে পারে, বাবাজী সে বিষয়ে সকল বন্দোবস্ত নির্দেশ করিয়া দিলেন। কিন্তু যাহাকে লইয়া হরিসভার এত গোলমাল উপস্থিত হইল তিনি ঐ সকল কথা বিশেষ কিছু জানিতে পারিলেন না।

ঐ ঘটনার কয়েক দিন পরেই শ্রীরামকৃষ্ণদেব স্বতঃপ্রেরিত হইয়া ভাগিনেয় হৃদয় ও মথুর বাবুকে সঙ্গে লইয়া কালনাথ

## গুরুভাবে তীর্থ-ভ্রমণ ও সাধুসঙ্গ

উপস্থিত হইলেন। প্রত্যুষে নৌকা ঘাটে আসিয়া লাগিলে মথুর  
ঠাকুরের থাকিবার স্থান প্রভৃতির বন্দোবস্তে ব্যস্ত হইলেন।  
ভগবানদাসের শ্রীরামকৃষ্ণদেব ইত্যবসরে হৃদয়কে সঙ্গে লইয়া শহর  
আশ্রমে গমন দেখিতে বহির্গত হইলেন এবং লোকমুখে ঠিকানা  
জানিয়া ক্রমে ভগবানদাস বাবাজীর আশ্রমসন্নিধানে উপস্থিত হইলেন।

বালকস্বভাব ঠাকুর পূর্বাপরিচিত কোনও ব্যক্তির সম্মুখীন  
হইতে হইলে সকল সময়েই একটা অব্যক্ত ভয়লজ্জা-ভাবে প্রথম  
অভিভূত হইয়া পড়িতেন। ঠাকুরের এ ভাবটি আমরা অনেক  
সময়ে লক্ষ্য করিয়াছি। বাবাজীর সহিত সাক্ষাৎ করিতে যাইবার

সময়ও ঠিক তদ্রূপ হইল। হৃদয়কে অগ্রে যাইতে  
হৃদয়ের বাবাজীকে বলিয়া আপনি প্রায় আপাদমস্তক বস্ত্রাবৃত হইয়া  
ঠাকুরের তাহার পশ্চাৎ পশ্চাৎ আশ্রমে প্রবেশ করিলেন।  
কথা বলা হৃদয় ক্রমে বাবাজীর নিকটে উপস্থিত হইয়া প্রণাম  
করিয়া নিবেদন করিলেন, “আমার মামা ঈশ্বরের নামে কেমন  
বিহ্বল হইয়া পড়েন; অনেক দিন হইতেই ঐরূপ অবস্থা;  
আপনাকে দর্শন করিতে আসিয়াছেন।”

হৃদয় বলেন, বাবাজীর সাধনসম্বৃত একটি শক্তির পরিচয় নিকটে  
উপস্থিত হইবামাত্র তিনি পাইয়াছিলেন। কারণ প্রণাম করিয়া  
উপরোক্ত কথাগুলি বলিবার পূর্বেই তিনি বাবাজীকে  
বাবাজীর বলিতে শুনিয়াছিলেন, “আশ্রমে যেন কোনও  
জনৈক সাধুর মহাপুরুষের আগমন হইয়াছে, বোধ হইতেছে।”  
কার্য্যে বিরক্তি-প্রকাশ কথাগুলি বলিয়া বাবাজী নাকি ইতস্ততঃ নিরীক্ষণ  
করিয়াও দেখিয়াছিলেন; কিন্তু হৃদয় ভিন্ন অপর কাহাকেও

## শ্রীশ্রীরামকৃষ্ণলীলাপ্রসঙ্গ

সে সময়ে আগমন করিতে না দেখিয়া সম্মুখাবস্থিত ব্যক্তিসকলের সহিত উপস্থিত প্রসঙ্গেই মনোনিবেশ করিয়াছিলেন। জ্ঞানৈক বৈষ্ণব সাধু কি অন্তায় কার্য্য করিয়াছিলেন, তাঁহার সম্বন্ধে কি করা কর্তব্য—এই প্রশ্নই তখন চলিতেছিল; এবং বাবাজী সাধুর ঐক্য বিন্দুশ কার্য্যে বিষম বিরক্ত হইয়া—তাঁহার কষ্টী (মালা) কাড়িয়া লইয়া সম্প্রদায় হইতে তাড়াইয়া দিবেন, ইত্যাদি বলিয়া তাহাকে তিরস্কার করিতেছিলেন। এমন সময় শ্রীরামকৃষ্ণদেব তথায় উপস্থিত হইয়া তাঁহাকে প্রণাম করিয়া উপস্থিত মণ্ডলীর এক পার্শ্বে দীনভাবে উপবিষ্ট হইলেন। সর্ব্বাঙ্গ বস্ত্রাবৃত থাকায় তাঁহার মুখমণ্ডল ভাল করিয়া কাহারও নয়নগোচর হইল না। তিনি ঐরূপে আসিয়া বসিবামাত্র হৃদয় তাঁহার পরিচায়ক পূর্ব্বোক্ত কথাগুলি বাবাজীকে নিবেদন করিলেন। হৃদয়ের কথায় বাবাজী উপস্থিত কথায় বিরত হইয়া ঠাকুরকে এবং তাঁহাকে প্রতিমমস্কার করিয়া কোথা হইতে তাঁহাদের আগমন হইল, ইত্যাদি প্রশ্ন করিতে লাগিলেন।

বাবাজী হৃদয়ের সহিত কথার অবসরে মালা ফিরাইতেছেন দেখিয়া হৃদয় বলিলেন, “আপনি এখনও মালা রাখিয়াছেন কেন? আপনি সিদ্ধ হইয়াছেন, আপনার উহা এখন আর রাখিবার প্রয়োজন তো নাই?” ঠাকুরের অভিপ্রায়ানুসারে হৃদয় বাবাজীকে

বাবাজীর	ঐক্য প্রশ্ন করেন বা স্বতঃ-প্রণোদিত হইয়া করেন,
লোকশিক্ষা	তাহা আমাদের জানা নাই। বোধ হয় শেষোক্ত
দিবার	ভাবেই ঐক্য করিয়াছিলেন। কারণ ঠাকুরের
অহঙ্কার	সেবায় সর্ব্বদা নিযুক্ত থাকিয়া এবং তাঁহার সহিত

সমাজের উচ্চাভিলাষ নানা লোকের সঙ্গে মিশিয়া হৃদয়েরও তখন তখন

## গুরুভাবে তীর্থ-ভ্রমণ ও সাধুসঙ্গ

উপস্থিত বুদ্ধিমত্তা এবং যখন যেমন তখন তেমন কথা কহিবার ও প্রসঙ্গ উত্থাপিত করিবার ক্ষমতা বেশ পরিশূট হইয়া উঠিয়াছিল। বাবাজী হৃদয়ের ঐরূপ প্রশ্নে প্রথম দীনতা প্রকাশ করিয়া পরে বলিলেন, “নিজের প্রয়োজন না থাকিলেও লোকশিক্ষার জন্ত ও-সকল রাখা নিতান্ত প্রয়োজন; নতুবা আমার দেখাদেখি লোকে ঐরূপ করিয়া ভ্রষ্ট হইয়া যাইবে।”

চিরকাল শ্রীশ্রীজগন্নাথার উপর সকল বিষয়ে বালকের ন্যায় সম্পূর্ণ নির্ভর করিয়া আসায় ঠাকুরের নির্ভরশীলতা এত সহজ স্বাভাবিক ও মজ্জাগত হইয়া গিয়াছিল যে, নিজে বাবাজীর ঐরূপ বিরক্তি ও অহঙ্কার দেখিয়া ঠাকুরের ভাবাবেশে প্রতিবাদ ঈশ্বরের দাসভাবে অতি বিরল সময়ে ‘আমি’ কথাটির প্রয়োগ করা ছাড়া অপর কোনও ভাবে আমাদের ন্যায় ঐ শব্দের উচ্চারণ করিতে পারিতেন না! অল্প সময়ের জন্তও যে ঠাকুরকে দেখিয়াছে সেও তাঁহার ঐরূপ স্বভাব দেখিয়া বিস্মিত ও মুগ্ধ হইয়াছে, অথবা অল্প কেহ কোনও কৰ্ম্ম ‘আমি করিব’ বলায় তাঁহার বিষম বিরক্তিক্রকাশ দেখিয়া অবাক হইয়া ভাবিয়াছে—ঐ লোকটাকি এমন কুকাঙ্গ করিয়াছে যাহাতে তিনি এতটা বিরক্ত হইতেছেন! ভগবানদাসের নিকটে আসিয়াই ঠাকুর প্রথম শুনিলেন তিনি কষ্টী ছিঁড়িয়া লইয়া একজনকে তাড়াইয়া দিব বলিতেছেন। আবার অল্পক্ষণ পরেই শুনিলেন তিনি লোকশিক্ষা

দিবার জন্তই এখনও মালা-তিলকাদি-ব্যবহার ত্যাগ করেন নাই। বাবাজীর ঐরূপে বারংবার ‘আমি তাড়াইব, আমি লোকশিক্ষা দিব, আমি মালা-তিলকাদি ত্যাগ করি নাই’ ইত্যাদি বলায় সরলস্বভাব ঠাকুর আর মনের বিরক্তি আমাদের দ্বারা চাপিয়া সভ্যভাব্য হইয়া উপবিষ্ট থাকিতে পারিলেন না। একেবারে দাঁড়াইয়া উঠিয়া বাবাজীকে লক্ষ্য করিয়া বলিলেন, “কি? তুমি এখনও এত অহঙ্কার রাখ? তুমি লোকশিক্ষা দিবে? তুমি তাড়াইবে? তুমি ত্যাগ ও গ্রহণ করিবে? তুমি লোকশিক্ষা দিবার কে? যাহার জগৎ তিনি না শিখাইলে তুমি শিখাইবে?”—ঠাকুরের তখন সে অজ্ঞাবরণ পড়িয়া গিয়াছে; কটিদেশ হইতে বস্ত্রও শিথিল হইয়া থসিয়া পড়িয়াছে এবং মুখমণ্ডল এক অপূর্ব দিব্য তেজে উদ্ভাসিত হইয়া উঠিয়াছে! তিনি তখন একেবারে আত্মহারা হইয়া পড়িয়াছেন, কাহাকে কি বলিতেছেন তাহার কিছুমাত্র যেন বোধ নাই! আবার ঐ কয়েকটি কথামাত্র বলিয়াই ভাবের আতিশয্যে তিনি একেবারে নিশ্চেষ্ট নিষ্পন্দ হইয়া সমাধিস্থ হইয়া পড়িলেন।

সিদ্ধ বাবাজীকে এপর্যন্ত সকলে মাত্র-ভক্তিই করিয়া আসিয়াছে। তাঁহার বাক্যের প্রতিবাদ করিতে বা তাঁহার দোষ দেখাইয়া দিতে এ পর্যন্ত কাহারও সামর্থ্য ও সাহসে কুলায় নাই। ঠাকুরের ঐরূপ চেষ্টা দেখিয়া তিনি প্রথম বিস্মিত হইলেন; কিন্তু

বাবাজীর	ইতরসাধারণ মানবের	ঐরূপ অবস্থায় পড়িলে
ঠাকুরের কথা	ক্রোধপরবশ হইয়া	প্রতিহিংসা লইতেই প্রবৃত্ত হয়
মানিয়া লওয়া	বাবাজীর মনে	সে রূপ ভাবের উদয় হইল না!

তপস্তাপ্রসূত সরলতা তাঁহার সহায় হইয়া শ্রীরামকৃষ্ণদেবের

## গুরুভাবে তীর্থ-ভ্রমণ ও সাধুসঙ্গ

কথাগুলির যাথার্থ্য হৃদয়ঙ্গম করাইয়া দিল। তিনি বুঝিলেন, বাস্তবিকই এ জগতে ঈশ্বর ভিন্ন আর দ্বিতীয় কর্তা নাই। অহঙ্কৃত মানব যতই কেন ভাবুক না সে সকল কার্য্য করিতেছে, বাস্তবিক কিন্তু সে অবস্থার দাসমাত্র; যতটুকু অধিকার তাহাকে দেওয়া হইয়াছে ততটুকুমাত্রই সে বুঝিতে ও করিতে পারে। সংসারী মানব যাহা করে করুক, ভক্ত ও সাধকের তিলেকের জন্ত এ কথা বিস্মৃত হইয়া থাকা উচিত নহে। উহাতে তাঁহার পথভ্রষ্ট হইয়া পতনের সম্ভাবনা। এইরূপে ঠাকুরের শক্তিপূর্ণ কথাগুলিতে বাবাজীর অন্তদৃষ্টি অধিকতর প্রস্ফুটিত হইয়া তাঁহাকে নিজের দোষ দেখাইয়া বিনীত ও নম্র করিল। আবার শ্রীরামকৃষ্ণদেবের শরীরে অপূর্ব ভাববিকাশ দেখিয়া তাঁহার ধারণা হইল ইনি সামান্য পুরুষ নহেন।

পরে ভগবৎপ্রসঙ্গে সেখানে যে এক অপূর্ব দিব্যানন্দের প্রবাহ ছুটিল একথা আমাদের সহজেই অনুমিত হয়। ঐ প্রসঙ্গে শ্রীরাম-

ঠাকুর ও	কৃষ্ণদেবের মুহূর্ত্তঃ ভাবাবেশ ও উদ্দাম আনন্দে
ভগবানদাসের	বাবাজী মোহিত হইয়া দেখিলেন যে, যে মহাভাবের
প্রেমালাপ	শাস্ত্রীয় আলোচনা ও ধারণায় তিনি এতকাল
ও মথুরের	কাটাইয়াছেন তাহাই শ্রীরামকৃষ্ণ-শরীরে নিত্য
আশ্রমস্থ	প্রকাশিত। কাজেই শ্রীরামকৃষ্ণদেবের উপর তাঁহার
সাধুদের	ভক্তি-শ্রদ্ধা গভীর হইয়া উঠিল। পরে যখন বাবাজী
সেবা	

শুনিলেন ইনিই সেই দক্ষিণেশ্বরের পরমহংস যিনি কলুটোলায় হরিসভায় ভাবাবেশে আত্মহারা হইয়া খ্রীষ্টচৈতন্যসন অধিকার করিয়া বসিয়াছিলেন, তখন ইহাকেই আমি অযথা কটুকটব্য

## শ্রীশ্রীরামকৃষ্ণলীলাপ্রসঙ্গ

বলিয়াছি—ভাবিয়া তাঁহার মনে ক্ষোভ ও পরিতাপের অবধি রহিল না। তিনি বিনীতভাবে শ্রীরামকৃষ্ণদেবকে প্রণাম করিয়া তজ্জগৎ কৃম্যপ্রার্থনা করিলেন। এইরূপে ঠাকুর ও বাবাজীর সেদিনকার প্রেমাভিনয় সাক্ষ হইল এবং শ্রীরামকৃষ্ণদেবও হৃদয়কে সজ্জা লইয়া কিছুক্ষণ পরে মথুরের সন্নিধানে আগমন করিয়া ঐ ঘটনার আত্মোপান্ত তাঁহাকে শুনাইয়া বাবাজীর উচ্চ আধ্যাত্মিক অবস্থার অনেক প্রশংসা করিলেন। মথুর বাবুও উহা শুনিয়া বাবাজীকে দর্শন করিতে যাইলেন এবং আশ্রমস্থ দেববিগ্রহের সেবা ও একদিন মহোৎসবদির জগৎ বিশেষ বন্দোবস্ত করিয়া দিলেন।

## চতুর্থ অধ্যায়

গুরুভাব সম্বন্ধে শেষ কথা।

অজোহপি সন্নব্যাস্তা ভূতানামীষরোহপি সন্।

প্রকৃতিং স্বামধিষ্ঠায় সম্ভবাম্যাস্তমায়য়া ॥

যদা যদা হি ধর্মস্তা প্রানির্ভবতি ভারত।

অভ্যুত্থানমধর্মস্তা উদাত্থানং সৃজামাহম্ ॥

পরিত্রাণায় সাধুনাং বিনাশায় চ দ্রুততাম্।

ধর্মসংস্থাপনার্থায় সম্ভবামি যুগে যুগে ॥

—গীতা, ৪র্থ, ৬।৭।৮

বেদ-প্রমুখ শাস্ত্র বলেন, ব্রহ্মজ্ঞ পুরুষ সর্বজ্ঞ হন। সাধারণ  
মানবের ত্রায় তাঁহার মনে কোনরূপ মিথ্যা সঙ্কল্পের কখন উদয় হয়

না। তাঁহারা যখনই যে বিষয় জানিতে বুদ্ধিতে

বেদে ব্রহ্মজ্ঞ

পুরুষকে

সর্বজ্ঞ বলায়

আমাদের

না বুদ্ধি হয়

বাদান্তুবাদ

ইচ্ছা করেন, তাঁহাদের অন্তর্দৃষ্টির সম্মুখে সে বিষয়

তখন প্রকাশিত হয়, অথবা তদ্বিষয়ের তত্ত্ব তাঁহারা

বুদ্ধিতে পারেন। কথাগুলি শুনিয়া ভাব বুদ্ধিতে

না পারিয়া আমরা পূর্বের শাস্ত্রের বিরুদ্ধ পক্ষ

অবলম্বন করিয়া কতই না মিথ্যা তর্কের অবতারণা

করিয়াছি! বলিয়াছি, ঐ কথা যদি সত্য হয় তবে ভারতের

পূর্ব পূর্ব যুগের ব্রহ্মজ্ঞেরা জড়বিজ্ঞান সম্বন্ধে এত অজ্ঞ ছিলেন

কেন? হাইড্রোজেন ও অক্সিজেন একত্র মিলিত হইয়া যে জল

হয়, একথা ভারতের কোন্ ব্রহ্মজ্ঞ বলিয়া গিয়াছেন? তড়িৎ-



## শ্রীশ্রীরামকৃষ্ণলীলাপ্রসঙ্গ

শক্তির সহায়ে চার-পাঁচ ঘণ্টার ভিতরেই যে ছয় মাসের পথ আমেরিকা-প্রদেশের সংবাদ আমরা এখানে বসিয়া পাইতে পারি একথা তাঁহারা বলিয়া যান নাই কেন? অথবা যন্ত্রসাহায্যে মানুষ যে বিহঙ্গমের গ্রায় আকাশচারী হইতে পারে, একথাই বা জানিতে পারেন নাই কেন?

ঠাকুরের নিকট আসিয়াই শুনিলাম, শাস্ত্রের ঐ কথা ঐভাবে বুঝিতে যাইলে তাহার কোনও অর্থই পাওয়া যাইবে না; অথচ

শাস্ত্র যেভাবে ঐ কথা বলিয়াছেন, সেভাবে

ঠাকুর উহা

কি ভাবে

সত্য বলিয়া

বুঝাইতেন।

“ভাতের

হাঁড়ির একটি

ভাত টিপে

বোঝা, সিদ্ধ

হয়েছে কি না”

দেখিলে উহা সত্য বলিয়া নিশ্চয় প্রতীতি হইবে।

এইজন্ত ঠাকুর শাস্ত্রের ঐকথা দুই-একটি গ্রাম্য

দৃষ্টান্তসহায়ে বুঝাইয়া বলিতেন, “হাঁড়িতে ভাত

ফুটছে; চালগুলি স্থসিদ্ধ হয়েছে কিনা জান্তে তুই

তার ভেতর থেকে একটা ভাত তুলে টিপে দেখলি

যে হয়েছে—আর অমনি বুঝতে পারলি যে, সব

চালগুলি সিদ্ধ হয়েছে। কেন? তুই তো ভাত-

গুলির সব এক একটি করে টিপে টিপে দেখলি না—তবে কি

করে বুঝলি? ঐ কথা যেমন বোঝা যায়, তেমনি জগৎসংসারটা

নিত্য কি অনিত্য, সৎ কি অসৎ—একথাও সংসারের দুটো-চারটে

জিনিস পরখ (পরীক্ষা) করে দেখেই বোঝা যায়। মানুষটা

জন্মাল, কিছুদিন বেঁচে রইল, তারপর মলো; গোকটাও—তাই;

গাছটাও—তাই; এইরূপে দেখে দেখে বুঝলি যে, যে জিনিসেরই

নাম আছে, রূপ আছে, সেগুলোরই এই ধারা। পৃথিবী, সূর্যালোক,

চন্দ্রলোক, সকলের নাম রূপ আছে, তাদেরও এই ধারা।

## গুরুভাব সম্বন্ধে শেষ কথা

এইরূপে জান্তে পার্বে, সমস্ত জগৎসংসারটারই এই স্বভাব। তখন জগতের ভিতরের সব জিনিসেরই স্বভাবটা জান্দি—কি না? এইরূপে যখন সংসারটাকে ঠিক ঠিক অনিত্য, অসং বলে বুঝি, অমনি সেটাকে আর ভালবাসতে পারবি না—মন থেকে ত্যাগ করে নির্বাসনা হবি। আর যখন ত্যাগ করবি, তখন জগৎকারণ ঈশ্বরের দেখা পাবি। ঐরূপে যার ঈশ্বরদর্শন হলো সে সর্বজ্ঞ হলো না তো কি হলো তা বল!”

ঠাকুরের এত কথার পরে আমরা বুঝিতে পারিলাম—ঠিক কথাই তো, একভাবে সর্বজ্ঞই তো সে হইল বটে! কোন একটা

কোন বিষয়ের	পদার্থের আদি, মধ্য ও অন্ত দেখিতে পাওয়া এবং
উৎপত্তির	ঐ পদার্থটার উৎপত্তি যাহা হইতে হইয়াছে তাহা
কারণ হইতে	দেখিতে বা জানিতে পারাকেই তো আমরা সেই
লয় অবধি	পদার্থের জ্ঞান বলিয়া থাকি। তবে পূর্বোক্তভাবে
জানাই	জগৎসংসারটাকে জানা বা বুঝাকেও জ্ঞান বলিতে
তদ্বিশয়ের	হইবে। আবার ঐ জ্ঞান জগদন্তর্গত সকল পদার্থ
সর্বজ্ঞতা।	হইবে। আবার ঐ জ্ঞান জগদন্তর্গত সকল পদার্থ
ঈশ্বর-লাভে	সম্বন্ধেই সমভাবে সত্য। কাজেই উহাকে জগদন্তর্গত
জগৎ সম্বন্ধেও	সর্ব পদার্থের জ্ঞান বলিতে হয় এবং যাহার ঐরূপ
তরুণ হয়	জ্ঞান হয়, তাহাকে সর্বজ্ঞ তো বাস্তবিকই বলা

যায়! শাস্ত্র তো তবে ঠিকই বলিয়াছে!

ব্রহ্মজ্ঞ পুরুষ সত্যসকল হন, সিক্তসকল হন—শাস্ত্রীয় ঐ বচনেরও তখন একটা মোটামুটি অর্থ খুঁজিয়া পাইলাম। বুঝিতে পারিলাম যে, এক-একটা বিষয়ে মনের সমগ্র চিন্তাশক্তি একত্রিত করিয়া অল্পসঙ্কানেই আমাদের তত্ত্ববিষয়ে জ্ঞান আসিয়া উপস্থিত হয়, ইহা

## শ্রীশ্রীরামকৃষ্ণলীলাপ্রসঙ্গ

নিজ-প্রত্যক্ষ। তবে ব্রহ্মজ্ঞ পুরুষ, যিনি আপন মনকে সম্পূর্ণরূপে বশীভূত এবং আয়ত্ত করিয়াছেন, তিনি যখনই যে কোনও বিষয়ে জানিবার জ্ঞান মনের সর্বশক্তি একত্রিত করিয়া

ব্রহ্মজ্ঞ পুরুষ সিদ্ধসকল হন, একথাও সত্য। একবার অর্থ। ঠাকুরের জীবন দেখিয়া ঐ সম্বন্ধে কি বুঝা যায়। 'হাড়-মাসের খাচার মন আনতে পারলুম না'	অমুসন্ধানে প্রবৃত্ত হইবেন, তখনই অতি সহজে যে তিনি ঐ বিষয়ের জ্ঞানলাভ করিতে পারিবেন, এ কথা তো বিচিত্র নহে। তবে উহার ভিতর একটা কথা আছে—যিনি সমগ্র জগৎসংসারটাকে অনিত্য বলিয়া ধ্রুব-ধারণা করিয়াছেন এবং সর্বশক্তির আকরস্বরূপ জগৎকারণ ঈশ্বরকে প্রেমে সাক্ষাৎ সম্বন্ধেও ধরিতে পারিয়াছেন, তাঁহার রেলগাড়ী চালাইতে, মানুষমারা কলকারখানা নির্মাণ করিতে সক্ষম বা প্রবৃত্তি হইবে কি-না। যদি ঐরূপ
--	--

সক্ষম তাঁহাদের মনে উদয় হওয়া অসম্ভব হয়, তাহা হইলেই তে  
 আর ঐরূপ কলকারখানা নির্মিত হইল না। ঠাকুরের দিব্যসঙ্গ  
 লাভে দেখিলাম বাস্তবিকই ঐরূপ হয়। বাস্তবিকই তাঁহাদের  
 ভিতর ঐরূপ প্রবৃত্তির উদয় হওয়া অসম্ভব হইয়া উঠে। ঠাকু-  
 রকাশীপুরে দারুণ ব্যাধিতে ভুগিতেছেন, এমন সময়ে স্বামী বিবেকানন্দ  
 প্রমুখ আমরা আমাদের কল্যাণের নিমিত্ত মনঃশক্তি-প্রয়োগে  
 রোগমুক্ত হইতে সজলনয়নে তাঁহাকে অনুরোধ করিলেও তিনি  
 ঐরূপ চেষ্টা বা সক্ষম করিতে পারিলেন না! বলিলেন যে, ঐরূপ  
 করিতে যাইয়া সক্ষমের একটা দৃঢ়তা বা ঐটি কিছুতেই ম-  
 আনিতে পারিলেন না! বলিলেন, “এ হাড়-মাসের খাচার উপ-  
 মনকে সচ্চিদানন্দ হতে ফিরিয়ে কিছুতেই আনতে পারলুম না।

## গুরুভাব সম্বন্ধে শেষ কথা

সর্বদা শরীরটাকে তুচ্ছ হয়ে জ্ঞান করে যে মনটা জগদম্বার পাদপদ্মে চিরকালের জগ্ন দিয়েছি, সেটাকে এখন তা-থেকে ফিরিয়ে শরীরটাতে আনতে পারি কিরে ?”

আর একটা ঘটনার উল্লেখ এখানে করিলে পাঠকের ঐ বিষয়টি বুঝা সহজ হইবে। বাগবাজারের শ্রীযুক্ত বলরাম বসু মহাশয়ের

ঐ বিষয়	বাটীতে ঠাকুর একদিন আসিয়াছেন। বেলা তখন
বুঝিতে	দশটা হইবে। ঠাকুরের এখানে সে দিন আসাটা
ঠাকুরের	পূর্ব হইতে স্থির ছিল। কাজেই শ্রীযুক্ত নরেন্দ্রনাথ-
জীবন হইতে	প্রমুখ অনেকগুলি যুবক-ভক্ত তাঁহার দর্শনলাভের
আর একটি	জগ্ন সেখানে আসিয়া উপস্থিত হইলেন এবং
ঘটনার উল্লেখ।	কখন ঠাকুরের সহিত এবং কখনও তাঁহাদের
‘মন উচ্চ	পরস্পরের ভিতরে নানা প্রসঙ্গ চলিতে লাগিল।
বিষয়ে রয়েছে,	সূক্ষ্ম ইন্দ্রিয়াতীত বিষয় দেখার কথায় ক্রমে
নীচে নামাতে	
পারলুম না’	

অণুবীক্ষণ-যন্ত্রের কথা আসিয়া পড়িল। স্থূল চক্ষে যাহা দেখা যায় না ঐরূপ সূক্ষ্ম সূক্ষ্ম পদার্থও উহার সহায়ে দেখিতে পাওয়া যায়, একগাছি অতি ক্ষুদ্র রোমকে ঐ যন্ত্রের ভিতর দিয়া দেখিলে একগাছি লাঠির মত দেখায় এবং দেহের প্রত্যেক রোমগাছটি পোঁপের ডালের মত ফাঁপা ইহাও দেখিতে পাওয়া যায় ইত্যাদি নানা কথা শুনিয়া ঠাকুর ঐ যন্ত্রসহায়ে দুই-একটি পদার্থ দেখিতে বালকের ন্যায় আগ্রহ প্রকাশ করিতে লাগিলেন। কাজেই ভক্তগণ স্থির করিলেন, সেদিন অপরাহ্নেই কাহারও নিকট হইতে ঐ যন্ত্র চাহিয়া আনিয়া ঠাকুরকে দেখাইবেন।

তখন অতঃস্থানে জানা গেল, শ্রীযুক্ত প্রেমানন্দ স্বামিজীর ভ্রাতা,

## শ্রীশ্রীরামকৃষ্ণলীলাপ্রসঙ্গ

আমাদের শ্রদ্ধাস্পদ বন্ধু ডাক্তার বিপিনবিহারী ঘোষ—তিনি অল্প দিন মাত্রই ডাক্তারী পরীক্ষায় সম্মানে উত্তীর্ণ হইয়াছিলেন—এরূপ একটি যন্ত্র মেডিকেল কলেজ হইতে পুরস্কারস্বরূপে প্রাপ্ত হইয়াছেন। ঐ যন্ত্রটি আনয়ন করিয়া ঠাকুরকে দেখাইবার জন্য তাঁহার নিকট লোক প্রেরিত হইল। তিনিও সংবাদ পাইয়া কয়েক ঘণ্টা পরে বেলা চারিটা আনন্দের যন্ত্রটি লইয়া আসিলেন এবং উহা ঠিকঠাক করিয়া খাটাইয়া ঠাকুরকে তন্মধ্যে দিয়া দেখিবার জন্য আহ্বান করিলেন।

ঠাকুর উঠিলেন, দেখিতে যাইলেন, কিন্তু না দেখিয়াই আবার ফিরিয়া আসিলেন! সকলে কারণ জিজ্ঞাসা করিলে বলিলেন, “মন এখন এত উঁচুতে উঠে রয়েছে যে, কিছুতেই এখন তাকে নামিয়ে নীচের দিকে দেখতে পারছি না।” আমরা অনেকক্ষণ অপেক্ষা করিলাম—ঠাকুরের মন যদি নামিয়া আসে তজ্জন্ম। কিন্তু কিছুতেই সেদিন আর ঠাকুরের মন ঐ উচ্চ ভাবভূমি হইতে নামিল না—কাজেই তাঁহার আর সেদিন অণুবীক্ষণসহায়ে কোন পদার্থই দেখা হইল না। বিপিন বাবু আমাদের কয়েক জনকে ঐ সকল দেখাইয়া অগত্যা যন্ত্রটি ফিরাইয়া লইয়া যাইলেন।

দেহাদি-ভাব ছাড়াইয়া ঠাকুরের মন যখন যত উচ্চতর ভাব-  
 ঠাকুরের ভূমিতে বিচরণ করিত, তখন তাঁহার তত্ত্ব ভূমি  
 হইদিক দিয়া হইতে লব্ধ তত অসামান্য দিব্যদর্শনসমূহ আসিয়া  
 হইপ্রকারের উপস্থিত হইত এবং দেহ হইতে সম্পূর্ণ বিযুক্ত হইয়া  
 সকল বস্তু ও বিষয় দেখা যখন তিনি সর্বোচ্চ অদ্বৈতভাবভূমিতে বিচরণ  
 করিতেন, তখন তাঁহার হৃদয়ের স্পন্দনাদি দেহের সমস্ত ইন্দ্রিয়-বাপার

## গুরুভাব সম্বন্ধে শেষ কথা

কিছুকালের জগৎ রুদ্ধ হইয়া দেহটা মৃতবৎ পড়িয়া থাকিত এবং মনের চিন্তাসকল্লাদি সমস্ত ব্যাপারও সম্পূর্ণরূপে স্থির হইয়া যাইয়া

অদ্বৈত ভাবভূমি ও সাধারণ ভাবভূমি— ১মটি হইতে ইন্দ্রিয়াতীত দর্শন; ২য়টি হইতে ইন্দ্রিয় দ্বারা দর্শন

তিনি অখণ্ডসচ্চিদানন্দের সহিত এককালে অপৃথক্ ভাবে অবস্থান করিতেন। আবার ঐ সর্বোচ্চ ভাবভূমি হইতে নিম্নে নিম্নতর ভূমিতে ক্রমে ক্রমে নামিতে নামিতে যখন ঠাকুরের মানবসাধারণের গ্রায় 'এই দেহটা আমার'—পুনরায় এইরূপ ভাবের উদয় হইত তখন তিনি আবার আমাদের গ্রায় চক্ষু দ্বারা দর্শন, কর্ণ দ্বারা শ্রবণ, স্বক্ দ্বারা স্পর্শ এবং মনের দ্বারা চিন্তা-সকল্লাদি করিতেন।

পাশ্চাত্যের একজন প্রধান দার্শনিক<sup>১</sup> মানব-মনের সমাধি-ভূমিতে ঐ প্রকারে আরোহণ-অবরোহণের কিঞ্চিৎ আভাস পাইয়াই

সাধারণ মানব ২য় প্রকারেই সকল বিষয় দেখে

সাধারণ মানবের দেহান্তর্গত চৈতন্যও যে সকল সময় একাবস্থায় থাকে না, এইপ্রকার মত প্রকাশ করিয়াছেন। ঐ মতই যে যুক্তিযুক্ত এবং ভারতের পূর্ব পূর্ব ঋষিগণের অল্পমোদিত, একথা আর বলিতে হইবে না। তবে সাধারণ মানব ঐ উচ্চতম অদ্বৈতভাব-ভূমিতে বহুকাল আরোহণ না করিয়া উহার কথা একেবারে ভুলিয়া গিয়াছে এবং ইন্দ্রিয়াদি-সহায়েই কেবলমাত্র জ্ঞানলাভ করা যায়, এই কথাটায় একেবারে দৃঢ় বিশ্বাস স্থাপন করিয়া সংসারে এক-প্রকার নোঙ্গর ফেলিয়া নিশ্চিন্ত হইয়া বসিয়া আছে। নিজ জীবনে

<sup>১</sup> Ralph Waldo Emerson—"Consciousness ever moves along a graded plane."

## শ্রীশ্রীরামকৃষ্ণলীলাপ্রসঙ্গ

তদ্বিপরীত করিয়া দেখাইয়া তাহার ঐ ভ্রম দূর করিতেই বে  
ঠাকুরের শ্রায় অবতারপ্রসিদ্ধ জগদগুরু আধিকারিক পুরুষমকলের  
কালে কালে উদয়—এ কথাই বেদপ্রমুখ শাস্ত্র আমাদের শিক্ষা  
দিতেছেন।

সে যাহাই হউক, এখন বুঝা যাইতেছে যে, ঠাকুর সংসারের  
সকল বস্তু ও ব্যক্তিকে আমাদের মত কেবল একভাবেই দেখিতেন  
ঠাকুরের না। উচ্চ উচ্চতর ভাবভূমিসকলে আরোহণ করিয়া  
দ্রুতপ্রকার ঐ সকল বস্তু ও ব্যক্তিকে যেমন দেখায়, তাহাও  
দৃষ্টির দৃষ্টান্ত সর্বদা দেখিতে পাইতেন। তজ্জগুই তাঁহার সংসারে  
কোন বিষয়েই আমাদের শ্রায় একদেশী মত ও ভাবাবলম্বী হওয়া  
অসম্ভব হইয়া উঠিয়াছিল এবং সেজগুই তিনি আমাদের কথা ও  
ভাব ধরিতে বুঝিতে পারিলেও আমরা তাঁহার কথা ও ভাব বুঝিতে  
পারিতাম না। আমরা মানুষটাকে মানুষ বলিয়া, গরুটাকে গরু  
বলিয়া, পাহাড়টাকে পাহাড় বলিয়াই কেবল জানি। তিনি  
দেখিতেন মানুষটা, গরুটা, পাহাড়টা—মানুষ, গরু ও পাহাড় বটে ;  
অধিকন্তু আবার দেখিতেন সেই মানুষ, গরু ও পাহাড়ের ভিতর  
হইতে সেই জগৎকারণ অখণ্ডসচ্চিদানন্দ উকি মারিতেছেন ! মানুষ  
গরু ও পাহাড়রূপ আবরণে আবৃত হওয়ায় কোথাও তাঁহার অঙ্গ  
( প্রকাশ ) অধিক দেখা যাইতেছে এবং কোথাও বা কম দেখা  
যাইতেছে এইমাত্র প্রভেদ। সেজগু ঠাকুরকে বলিতে শুনিয়াছি—

“দেখি কি—যেন গাছপালা, মানুষ, গরু, ঘাস, জল সব ভিন্ন  
ভিন্ন রকমের খোলগুলো ! বালিশের খোল যেমন হয়, দেখিস্ নি ?  
—কোনটা খেরোর, কোনটা ছিটের, কোনটা বা অন্ত

## গুরুভাব সম্বন্ধে শেষ কথা

কাপড়ের, কোনটা চারকোণা, কোনটা গোল—সেই রকম।  
আর বালিশের ঐ সবরকম খোলের ভেতরেই যেমন একই জিনিস

ঐ সম্বন্ধে  
গুরুবর নিজের  
কথা ও দর্শন—

‘ভিন্ন ভিন্ন  
খোলগুলোর  
ভেতর থেকে

না উঁকি মারচে! মারচেন! একটা অবস্থা হয়েছিল, যখন সদ্দা-  
রমণী বেষ্টাও  
না হয়েছে।”

তুলো ভরা থাকে—সেই রকম ঐ মাহুঘ, গরু, ঘাস,

দল, পাহাড়, পর্বত সব খোলগুলোর ভেতরেই

সেই এক অখণ্ড সচ্চিদানন্দ রয়েছে! ঠিক ঠিক

দেখতে পাই রে, মা যেন নানারকমের চাদর মুড়ি

দিয়ে নানা রকম সেজে ভেতর থেকে উঁকি

মারচে! মারচেন! একটা অবস্থা হয়েছিল, যখন সদ্দা-  
রমণী বেষ্টাও

সর্বক্ষণ ঐ রকম দেখতুম। ঐরকম অবস্থা দেখে

বুঝতে না পেরে সকলে বোঝাতে, শাস্ত করতে

এল; রামলালের মা-টা সব কত কি বলে কাঁদতে লাগলো;

তাদের দিকে চেয়ে দেখছি কি যে, ( কালীমন্দির দেখাইয়া ) ঐ

মা-ই নানারকমে সেজে এসে ঐ রকম করচে! তং দেখে হেসে

ভাগড়ি দিতে লাগলুম আর বলতে লাগলুম, ‘বেশ সেজেচ!’

একদিন কালীঘরে আসনে বসে মাকে চিন্তা করছি; কিছুতেই

তার মূর্তি মনে আনতে পারলুম না। পরে দেখি কি—রমণী বলে

একটা বেষ্টা ঘাটে চান্ন করতে আসত, তার মত হয়ে পূজার ঘণ্টের

গাশ থেকে উঁকি মারচে! দেখে হাসি আর বলি, ‘ওমা, আজ

তার রমণী হতে ইচ্ছে হয়েছে—তা বেশ, ঐরূপেই আজ পূজা

না!’ ঐ রকম করে বুঝিয়ে দিলে—‘বেষ্টাও আমি—আমা ছাড়া

কিছু নেই!’ আর একদিন গাড়ী করে মেছোবাজারের রাস্তা

দিয়ে যেতে যেতে দেখি কি—সেজে গুজে, খোপা বেঁধে, টিপ

পরে বারাণ্ডায় দাঁড়িয়ে বাঁধা হাঁকোয় তামাক খাচ্ছে, আর মোহিনী



## শ্রীশ্রীরামকৃষ্ণলীলাপ্রসঙ্গ

হয়ে লোকের মন ভুলুচ্ছে! দেখে অবাক হয়ে বললুম, ‘মা! তুই এখানে এইভাবে রয়েছিস?’—বলে প্রশ্নাম করলুম!” উচ্চ ভাবভূমিতে উঠিয়া ঐরূপে সকল বস্তু ও ব্যক্তিকে দেখিতে আমরা ভুলিয়াই গিয়াছি। অতএব ঠাকুরের ঐ সকল উপলক্ষির কথা বুঝিব কিরূপে?

আবার দেহাদি-ভাব লইয়া ঠাকুর যখন আমাদের গ্রাম সাধারণ ভাবভূমিতে থাকিতেন, তখনও স্বার্থ-ভোগসুখ-স্পৃহার বিন্দুমাত্রও

ঠাকুরের	মনেতে না থাকায় ঠাকুরের বুদ্ধি ও দৃষ্টি আমাদের
ইন্দ্রিয়, মন	অপেক্ষা কত বিষয় অধিক ধরিতে এবং তলাইয়া
ও বুদ্ধির	বুঝিতেই না সক্ষম হইত! যে ভোগসুখটা লাভ
সাধারণাপেক্ষা	করিবার প্রবল কামনা আমাদের প্রত্যেকের ভিতরে
তীক্ষ্ণতা।	রহিয়াছে, খাইতে শুইতে দেখিতে শুনিতে
উহার কারণ	বেড়াইতে ঘুমাইতে বা অপরের সহিত আলাপাদি
ভোগ-সুখে	করিতে সকল সময়ে উহারই অহুকুল বিষয়সমূহ
অনাসক্তি।	আমাদের নয়নে উজ্জ্বল বর্ণে প্রতিভাসিত হয় এবং
আসক্ত ও	তজ্জগৎ আমাদের মন উহার প্রতিকূল বস্তু ও ব্যক্তি
অনাসক্ত মনের	সকলকে উপেক্ষা করিয়া পূর্বোক্ত বিষয়সকলের দিকেই অধিকতর
কাঁখাতুলনা	আকৃষ্ট হইয়া থাকে। ঐরূপে উপেক্ষিত প্রতিকূল ব্যক্তি ও বিষয়

সকলের স্বভাব জানিবার আর আমাদের অবসর হইয়া উঠে না এইরূপে কতকগুলি বস্তু ও ব্যক্তিকেই আপনার করিয়া লইয়া ব নিঃস্ব করিয়া লইবার চেষ্টাতেই আমরা জীবনটা কাটাওয়া দি থাকি। এইজগৎই ইতরসাধারণ মানবের ভিতর জ্ঞানলাভ করিবার ক্ষমতার এত তারতম্য দেখা যায়। আমাদের সকলেরই চক্ষুর্গার্হ

## গুরুভাব সম্বন্ধে শেষ কথা

ইন্দ্রিয় থাকিলেও ঐ সকলের সমভাবে সকল বিষয়ে চালনা করিয়া জ্ঞানোপার্জন করিতে আমরা সকলে পারি কৈ? এইজন্যই আমাদের ভিতরে যাহাদের স্বার্থপরতা এবং ভোগস্পৃহা অল্প, তাহারাই অত্র সকলের অপেক্ষা সহজে সকল বিষয়ে জ্ঞানলাভে সক্ষম হয়।

সাধারণ ভাবভূমিতে অবস্থানকালেও ঠাকুরের দৃষ্টি যে কি তীক্ষ্ণ ছিল, তাহার দুটি-একটি দৃষ্টান্ত এখানে দিলে মন্দ হইবে না।

সাধারণতঃ যে সকল দৃষ্টান্ত ও রূপকাদি ব্যবহার  
ঠাকুরের মনের তীক্ষ্ণতার দৃষ্টান্ত  
আধ্যাত্মিক জটিল তত্ত্বসকল বুঝাইতে ঠাকুর করিতেন, তাহাতে ঐ তীক্ষ্ণদৃষ্টিমন্তার কতদূর পরিচয় যে পাওয়া যাইত, তাহা বলিবার নহে।

উহার প্রত্যেকটির সহায়ে ঠাকুর যেন এক একটি জলন্ত চিত্র দেখাইয়া ঐ জটিল বিষয় যে সম্ভবপর একথা শ্রোতার হৃদয়ে একেবারে প্রবিষ্ট করাইয়া দিতেন!

ধর, জটিল সাংখ্যদর্শনের কথা চলিয়াছে। ঠাকুর আমাদের পুরুষ ও প্রকৃতি হইতে জগতের উৎপত্তির কথা বলিতে বলিতে

বলিলেন, “ওতে বলে—পুরুষ অকর্তা, কিছু করেন না। প্রকৃতিই সকল কাজ করেন; পুরুষ “বে-বাড়ীর কৰ্ত্তা-গিন্নী” প্রকৃতির ঐ সকল কাজ সাফিস্বরূপ হয়ে দেখেন, প্রকৃতিও আবার পুরুষকে ছেড়ে আপনি কোনও

কাজ করতে পারেন না।” শ্রোতারা তো সকলেই পণ্ডিত—আফিসের চাকুরে বাবু বা মুন্সুদী, না হয় বড় জোর ডাক্তার, উকিল বা ডেপুটি, আর স্কুল-কলেজের ছোঁড়া; কাজেই ঠাকুরের

## শ্রীশ্রীরামকৃষ্ণলীলাপ্রসঙ্গ

কথাগুলি শুনিয়া সকলে মুখ-চাওয়াচাওয়ি করিতেছে। ভাবগতিক দেখিয়া ঠাকুর বলিলেন, “ওই যে গো দেখনি বে-বাড়ীতে? কর্তা হুকুম দিয়ে নিজে বসে বসে আলবোলায় তামাক টানচে। গিন্নী কিন্তু কাপড়ে হলুদ মেখে একবার এখানে একবার ওখানে বাড়ীময় ছুটোছুটি করে এ কাজটা হল কি না, ও কাজটা করলে কি না সব দেখচেন, শুনচেন, বাড়ীতে যত মেয়েছেলে আসছে তাদের আদর-অভ্যর্থনা করচেন আর মাঝে মাঝে কর্তার কাছে এসে হাতমুখ নেড়ে শুনিয়ে যাচ্ছেন—‘এটা এই রকম করা হল, ওটা এই রকম হল, এটা করতে হবে, ওটা করা হবে না’ ইত্যাদি। কর্তা তামাক টানতে টানতে সব শুনচেন আর ‘হ’ ‘হ’ করে ঘাড় নেড়ে সব কথায় সায় দিচ্ছেন! সেই রকম আর কি।” ঠাকুরের কথা শুনিয়া সকলে হাসিতে লাগিল এবং সাংখ্যদর্শনের কথাও বুঝিতে পারিল!

পরে আবার হয়ত কথা উঠিল—“বেদান্তে বলে, ব্রহ্ম ও ব্রহ্মশক্তি, পুরুষ ও প্রকৃতি অভেদ অর্থাৎ পুরুষ ও প্রকৃতি দুইটি পৃথক পদার্থ নহে; একই পদার্থ, কখন পুরুষভাবে এবং কখনও বা

ব্রহ্ম ও মায়া প্রকৃতিভাবে থাকে।” আমরা বুঝিতে পারিতেছি  
 এক কথায়— না দেখিয়া ঠাকুর বলিলেন, “সেটা কি রকম  
 “সাপ চলচে জানিস? যেমন সাপটা কখন চলচে, আবার  
 ও সাপ স্থির” কখন বা স্থির হয়ে পড়ে আছে। যখন স্থির হয়ে

আছে তখন হল পুরুষভাব—প্রকৃতি তখন পুরুষের সঙ্গে মিশে এক  
 হয়ে আছে। আর যখন সাপটা চলচে, তখন যেন প্রকৃতি  
 পুরুষ থেকে আলাদা হয়ে কাজ করচে।” ঐ চিত্রটি হইতে কথাটি

## গুরুভাব সম্বন্ধে শেষ কথা

বুদ্ধিমা সকলে ভাবিতে লাগিল, এত মোজা কথাটা বুঝিতে পারি নাই।

আবার হয়ত পরে কথা উঠিল, মায়া ঈশ্বরেরই শক্তি, ঈশ্বরেতেই রহিয়াছেন; তবে কি ঈশ্বরও আমাদের জন্য মায়াবদ্ধ? ঠাকুর

ঈশ্বর মায়াবদ্ধ  
নন—

‘সাপের মুখে

বিষ থাকে,

কিন্তু সাপ

মরে না’

শুনিয়া বলিলেন, “না, ঈশ্বরের মায়া হলেও

এবং মায়া ঈশ্বরে সর্বদা থাকলেও ঈশ্বর কখনও

মায়াবদ্ধ হন না। এই দেখ, না—সাপ বাকে

কামড়ায় সেই মরে; সাপের মুখে বিষ সর্বদা

রয়েছে, সাপ সর্বদা সেই মুখ দিয়ে খাচ্ছে, ঢোক

গিলে, কিন্তু সাপ নিজে তো মরে না—সেই

রকম।” সকলে বুঝিল, উহা সম্ভবপর বটে।

ঐ সকল দৃষ্টান্ত হইতেই বেশ বুঝা যায়, সাধারণ ভাবভূমিতে ঠাকুর যখন থাকিতেন তখন তাঁহার তীক্ষ্ণদৃষ্টির সম্মুখে কোনও পদার্থের কোনও প্রকার ভাবই লুকায়িত থাকিতে পারিত না। মানব-প্রকৃতির ত কথাই নাই, বাহ্য-প্রকৃতির অন্তর্গত যত কিছু পরিবর্তনও তাঁহার দৃষ্টিসম্মুখে আপন রূপ অপ্রকাশিত রাখিতে পারিত না। অবশ্য যজ্ঞাদি-সহায়ে বাহ্য-প্রকৃতির যে সকল পরিবর্তন ধরা বুঝা যায়, আমরা সে সকলের কথা এখানে বলিতেছি না।

আর এক আশ্চর্যের বিষয়, সাধারণ ভাবভূমিতে থাকিবার কালে বাহ্যপ্রকৃতির অন্তর্গত পদার্থনিচয়ের যে সকল অসাধারণ পরিবর্তন বা বিকাশ লোকনয়নে সচরাচর পতিত হয় না, সেই-গুলিই যেন অগ্রে ঠাকুরের নয়নে গোচরীভূত হইত! ঈশ্বরেচ্ছাতেই স্রষ্ট্যন্তর্গত সকল পদার্থের সকল প্রকার বিকাশ আসিয়া উপস্থিত

শ্রী শ্রী ১২৮ নং নীল প্রসঙ্গ

হয়, অথবা তিনিই সাক্ষাৎ সম্বন্ধে জগদন্তর্গত বস্তু ও ব্যক্তিসকলের

ঠাকুরের  
প্রকৃতিগত  
অসাধারণ  
পরিধ্বনিসকল  
দেখিতে পাইয়া  
ধারণা—  
ঈশ্বর আইন  
বা নিয়ম  
বদলাইয়া  
থাকেন

ভাগ্যচক্রের নিয়ামক—এই ভাবটি ঠাকুরের প্রাণে  
প্রাণে প্রবিষ্ট করাইয়া দিবার নিমিত্তই যেন  
জগদম্বা ঠাকুরের সম্মুখে সাধারণ নিয়মের বহির্ভূত  
ঐ অসাধারণ প্রাকৃতিক বিকাশগুলি ( excep-  
tions ) যখন তখন আনিয়া ধরিতেন ! “বীহার  
আইন ( Law ) অথবা যিনি আইন করিয়াছেন,  
তিনি ইচ্ছা করিলে সে আইন পাটাইয়া আবার  
অন্যরূপ আইন করিতে পারেন”—ঠাকুরের ঐ  
কথাগুলির অর্থ আমরা তাঁহার বাল্যাবধি ঐরূপ দর্শন হইতেই স্পষ্ট  
পাইয়া থাকি। দৃষ্টান্তস্বরূপ ঐ বিষয়ের কয়েকটি ঘটনা এখানে  
বর্ণিলে মন্দ হইবে না।

আমরা তখন কলেজে তড়িৎশক্তি সম্বন্ধে জড়বিজ্ঞানের বর্তমান  
যুগে আবিষ্কৃত বিষয়গুলির কিছু কিছু পড়িয়া মুগ্ধ হইতেছি।

বজ্রনিবারক  
দণ্ডের কথায়  
ঠাকুরের নিজ  
দর্শন বলা—  
তেতাল।  
বাড়ীর কোলে  
কুঁড়ে ঘর,  
তাইতে বাজ  
পড়লো।

## গুরুভাব সম্বন্ধে শেষ কথা

বজ্রনিবারকদণ্ডের ( Lightning-Conductor ) উপকারিতা সর্বাপেক্ষা উচ্চ পদার্থের উপরেই বজ্রপতন হয়, এজন্য ঐ দণ্ডের উচ্চতা বাটীর উচ্চতাপেক্ষা কিঞ্চিৎ অধিক হওয়া উচিত— ইত্যাদি নানা কথা তাঁহাকে শুনাইতে লাগিলাম। ঠাকুর আমাদের সকল কথাগুলি মন দিয়া শুনিয়া বলিলেন, “কিন্তু আমি যে দেখেছি, তেতালা বাড়ীর পাশে ছোট চালা ঘর—শালার বাজ্ তেতালায় না পড়ে তাইতে এসে ঢুকলো! তার কি করুলি বল! ওসব কি একেবারে ঠিকঠাক্ বলা যায় রে! তাঁর (ঈশ্বরের বা জগদম্বার) ইচ্ছাতেই আইন, আবার তাঁর ইচ্ছাতেই উল্টে পাণ্টে যায়!” আমরাও সেবার মথুর বাবুর গায় ঠাকুরকে প্রাকৃতিক নিয়ম(Natural Laws) বুঝাইতে যাইয়া ঠাকুরের ঐ প্রশ্নের উত্তরদানে অসমর্থ হইয়া কি বলিব কিছুই খুঁজিয়া পাইলাম না। বাজ্টা তেতালায় দিকেই আকৃষ্ট হইয়াছিল, কি একটা অপরিজ্ঞাত কারণে সহসা তাহার গতি পরিবর্তিত হইয়া চালায় গিয়া পড়িয়াছে, অথবা ঐরূপ নিয়মের ব্যতিক্রম একটি আধটিই হইতে দেখা যায়, অগ্রত সহস্রস্থলে আমরা যেরূপ বলিতেছি সেইভাবে উচ্চ পদার্থেই বজ্রপতন হইয়া থাকে—ইত্যাদি নানা কথা আমরা ঠাকুরকে বলিলেও ঠাকুর প্রাকৃতিক ঘটনাবলী যে অমূল্যজন্যীয় নিয়মবশে ঘটয়া থাকে একথা কিছুতেই বুঝিলেন না। বলিলেন, “হাজার জায়গায় তোরা যেমন বলচিস্ তেমনি না হয় হোলো, কিন্তু দুটার জায়গায় ঐ রকম না হওয়াতেই ঐ আইন যে পাণ্টে যায় এটা বোঝা যাচ্ছে!”

উদ্ভিদ-প্রকৃতির আলোচকেরা সর্বদা শ্বেত বা রক্ত বর্ণের পুষ্প-প্রসবকারী উদ্ভিদসমূহে কখন কখন তদ্ব্যতিক্রমও হইয়া থাকে বলিয়া

গ্রন্থে লিখিয়া গিয়াছেন! কিন্তু ঐরূপ হওয়া এত অসাধারণ যে,  
 রক্ত জ্বর সাধারণ মানব উহা কখনও দেখে নাই বলিলেও  
 নাহে যেত অত্যাশ্চর্য্য হয় না। ঠাকুরের জীবনে ঘটনা দেখ—  
 জবা দর্শন মথুর বাবুর সহিত প্রাকৃতিক নিয়ম সব সময় ঠিক  
 থাকে না, ঈশ্বরেচ্ছায় অন্তরূপ হইয়া থাকে—এই বিষয় লইয়া যখন  
 ঠাকুরের বাদানুবাদ হইয়াছে, সেই সময়েই ঐরূপ একটি দৃষ্টান্ত তাহার  
 দৃষ্টিগোচর হওয়া এবং মথুর বাবুকে উহা দেখাইয়া দেওয়া।

ঐরূপ জীবন্ত প্রস্তর দেখা, মনুষ্য-শরীরের মেরুদণ্ডের শেষ-  
 ভাগের অস্থি (Coccyx) পশুপুচ্ছের মত অল্প সল্প বাড়িয়া পরে  
 প্রকৃতিগত আবার উহা কমিয়া যাইতে দেখা, স্ত্রীভাবের প্রাবল্যে  
 অসাধারণ পুরুষশরীরকে স্ত্রীশরীরের গায় যথাকালে সামান্য  
 দৃষ্টান্তগুলি ভাবে পুষ্পিত হইতে এবং পরে ঐ ভাবের প্রবলতা  
 হইতেই ঠাকুরের কমিয়া যাইলে উহা রহিত হইয়া যাইতে দেখা,  
 ধারণা— প্রেতযোনি এবং দেবযোনিগত পুরুষসকলের সন্দর্শন  
 জগৎ-সংসারটা করা প্রভৃতি ঠাকুরের জীবনে অনেক ঘটনা  
 • জগদম্বার লীলাবিনাস শুনিয়াছি। জগৎপ্রসূতি প্রকৃতিকে (Nature)

আমরা পাশ্চাত্যের অনুকরণে একেবারে বুদ্ধিশক্তি-রহিত জড় বলিয়া  
 ধারণা করিয়াছি বলিয়াই ঐ সকল অসাধারণ ঘটনাবলীকে প্রকৃতির  
 অন্তর্গত কার্যকারণসম্বন্ধবিচ্যুত সহসোৎপন্ন ঘটনাবলী (Natural  
 aberrations) নাম দিয়া নিশ্চিস্ত হইয়া বসি এবং মনে করি প্রকৃতি  
 যে সকল নিয়মে পরিচালিত তাহার সকলগুলিই বুঝিতে পারিয়াছি।  
 ঠাকুরের অন্তরূপ ধারণা ছিল। তিনি দেখিতেন—সমগ্র বাহ্যাত্তঃ-  
 প্রকৃতি জীবন্ত প্রত্যক্ষ জগদম্বার লীলাবিনাস ভিন্ন আর কিছুই

## গুরুভাব সম্বন্ধে শেষ কথা।

নহে। কাজেই ঐ সকল অসাধারণ ঘটনাবলীকে তাঁহার বিশেষ ইচ্ছা-সম্মত বলিয়া মনে করিতেন। আর কিছু না হইলেও ঠাকুরের মনে যে ঐরূপ ধারণায় আমাদের অপেক্ষা শান্তি ও আনন্দ অনেক পরিমাণে অধিক থাকিত, একথা আর বুঝাইতে হইবে না। ঠাকুরের জীবনে ঐরূপ দৃষ্টান্তের কিছু কিছু উল্লেখ আমরা পূর্বে করিয়াছি এবং পরেও করিব। এখন যাহা করা হইল, তাহা হইতেই পাঠক আমাদের বক্তব্য বিষয় বুঝিতে পারিবেন। অতএব আমরা পূর্বাহ্নসরণ করি।

প্রত্যেক বস্তু এবং ব্যক্তিকে ঠাকুর পূর্বোক্ত প্রকারে দুই ভাবে দেখিয়া তবে তৎসম্বন্ধে একটা স্থির ধারণা করিতেন। আমাদের

ঠাকুরের উচ্চ ভাবভূমি হইতে স্থান-বিশেষে প্রকাশিত ভাবের জমাটের পরিমাণ বুঝা	শ্রায় কেবলমাত্র সাধারণ ভাবভূমি (ordinary plane of consciousness) হইতে দেখিয়াই যাহা হয় একটা মতামত স্থির করিতেন না। অতএব তীর্থভ্রমণ এবং সাধুসন্দর্শনও যে ঠাকুরের ঐ প্রকারে দুই ভাবে হইয়াছিল একথা আর বলিতে হইবে না। উচ্চ ভাবভূমি (higher plane of consciousness or super-consciousness) হইতে দেখিয়াই ঠাকুর কোন্
--	--

তীর্থে কতটা পরিমাণে উচ্চ ভাবের জমাট আছে, অথবা মানব-মনকে উচ্চ ভাবে আনোহণ করাইবার শক্তি কোন্ তীর্থের কতটা পরিমাণে আছে তদ্বিষয় অনুভব করিতেন। ঠাকুরের রূপরসাদি-বিষয়সম্পর্কশূন্য সর্বদা দেবতুল্য পবিত্র মন ঐ সূক্ষ্ম বিষয় স্থির করিবার একটি অপূর্ব পরিচায়ক ও পরিমাপক যন্ত্র (detector) স্বরূপ ছিল।  
তীর্থে বা



## শ্রীশ্রীরামকৃষ্ণলীলাপ্রসঙ্গ

সকল স্থানের দিব্য প্রকাশ ঠাকুরের সম্মুখে প্রকাশিত করিত। উচ্চ ভাবভূমি হইতেই ঠাকুর কাশী স্বর্ণময় দেখিয়াছিলেন, কাশীতে মৃত্যু হইলে কি প্রকারে জীব সৰ্ববন্ধন-বিমুক্ত হয়—তাহা বুঝিতে পারিয়াছিলেন, শ্রীবন্দাবনে দিব্যভাগের বিশেষ প্রকাশ অল্পভব করিয়াছিলেন এবং নবদ্বীপে যে আজ পর্য্যন্ত শ্রীগৌরানন্দের স্মৃতিবিজ্ঞাপন বর্তমান তাহা প্রত্যক্ষ করিয়াছিলেন।

কথিত আছে, বন্দাবনের দিব্যভাব প্রকাশ শ্রীচৈতন্যদেবই প্রথম অল্পভব করেন। ব্রজের তীর্থাস্পদ স্থানসকল তাঁহার আবির্ভাবের

চৈতন্যদেবের	পূর্বে লুপ্ত-প্রায় হইয়া গিয়াছিল। ঐ সকল স্থানে
বন্দাবনে	ভ্রমণকালে উচ্চ ভাবভূমিতে উঠিয়া তাঁহার মন
শ্রীকৃষ্ণের	যেখানে যে রূপ শ্রীকৃষ্ণের দিব্য প্রকাশসকল অল্পভব
লীলাভূমি-সকল	বা প্রত্যক্ষ করিত, সেইখানেই যে ভগবান শ্রীকৃষ্ণ
আবিষ্কার	বা পূর্বে যুগে বাস্তবিক সেইরূপ লীলা করিয়াছিলেন
করা বিষয়ের	
প্রসিদ্ধি	—একথায় রূপসনাতনাদি তাঁহার শিষ্যগণ প্রথমে

বিশ্বাস স্থাপন করেন এবং পরে তাঁহাদিগের মুখ হইতে শুনিয় সমগ্র ভারতবাসী উহাতে বিশ্বাসী হইয়াছে। শ্রীচৈতন্যদেব পূর্বোক্ত ভাবে বন্দাবনাবিষ্কারের কথা আমরা কিছুই বুঝিতে পারিতাম না। ঐ প্রকার হওয়া যে সম্ভবপর, একথা একেবারে মনে স্থান দিতাম না। উচ্চ ভাবভূমিতে উঠিয়া বস্তু ও ব্যক্তিসকলে ঠাকুরের মনের ঐরূপে যথাযথ ধরিবার বুঝিবার ক্ষমতা দেখিয়া এখন আমরা ঐ কথায় কিছুমাত্র বিশ্বাসী হইতে পারিয়াছি। ঠাকুরের জীবন হইতে ঐ বিষয়ের দুই-একটি দৃষ্টান্ত এখানে প্রদ করিলেই পাঠক আমাদের কথা বুঝিতে পারিবেন।

## গুরুভাব সম্বন্ধে শেষ কথা।

ঠাকুরের ভাগিনেয় হৃদয়ের বাটী কামারপুকুরের অনতিদূরে  
সিহড় গ্রামে ছিল। ঠাকুর যে তথায় মধ্যে মধ্যে গমন করিয়া

সময়ে সময়ে কিছুকাল কাটাইয়া আসিতেন, একথা  
ঠাকুরের জীবনে  
ঐক্য ঘটনা—  
বন-বিষ্ণুপুরে  
শ্রুতগৌ দেবীর  
পূর্বমুষ্টি  
ভাবে দর্শন  
আমরা ইতিপূর্বেই পাঠককে জানাইয়াছি। এক-  
বার ঐ স্থানে ঠাকুর রহিয়াছেন, এমন সময়ে  
হৃদয়ের কনিষ্ঠ ভ্রাতা রাজারামের সহিত গ্রামের  
এক ব্যক্তির বিষয়ক লইয়া বচসা উপস্থিত হইল।

বকাবকি ক্রমে হাতাহাতিতে পরিণত হইল এবং  
রাজারাম হাতের নিকটেই একটি ছঁকা পাইয়া তদ্বারা ঐ ব্যক্তির  
মস্তকে আঘাত করিল। আহত ব্যক্তি ফৌজদারী মোকদ্দমা  
কাজু করিল এবং ঠাকুরের সম্মুখেই ঐ ঘটনা হওয়ায় এবং তাঁহাকে  
সাধু সত্যবাদী বলিয়া পূর্ব হইতে জানা থাকায় সে ব্যক্তি  
ঠাকুরকেই ঐ বিষয়ে সাক্ষিয়রূপে নির্বাচিত করিল। কাজেই  
সাক্ষ্য দিবার জন্ত ঠাকুরকে বন-বিষ্ণুপুরে আসিতে হইল। পূর্ব  
হইতেই ঠাকুর রাজারামকে ঐরূপে ক্রোধান্বিত হইবার জন্ত বিশেষরূপে  
ভৎসনা করিতেছিলেন; এখানে আসিয়া আবার বলিলেন,  
“ওকে (বাদীকে) ঢাকাকড়ি দিয়ে যেমন করে পারিস মোকদ্দমা  
মিটিয়ে নে; নয়ত তোরা ভাল হবে না; আমি তো আর মিথ্যা  
বলতে পারব না। জিজ্ঞাসা করলেই যা জানি ও দেখেছি সব  
কথা বলে দেব।” কাজেই রাজারাম ভয় পাইয়া মামলা আপোসে  
মিটাইয়া ফেলিতে লাগিল।

ঠাকুর সেই অবসরে বন-বিষ্ণুপুর সহরটি দেখিতে বাহির  
হইলেন।

এককালে ঐ স্থান বিশেষ সমৃদ্ধশালী ছিল। লাল-বাঁধ, কৃষ্ণ-বাঁধ প্রভৃতি বড় বড় দীঘি, অসংখ্য দেবমন্দির, যাতায়াতের সুবিধার জন্য পরিষ্কার প্রশস্ত বাঁধান পথসকল, বিষ্ণুপুর মহরের বহুসংখ্যক বিপণি-পূর্ণ বাজার, অসংখ্য ভগ্নমন্দির-অবস্থা। শুপু এবং বহুসংখ্যক লোকের বাস এবং ব্যবসায়াদি করিতে গমনাগমনেই ঐ কথা স্পষ্ট বুঝা যায়। বিষ্ণুপুরের রাজারা এককালে বেশ প্রতাপশালী ধর্মপরায়ণ এবং বিজ্ঞানহুরাগী ছিলেন। বিষ্ণুপুর এককালে সঙ্গীতবিজ্ঞার চর্চাতেও প্রসিদ্ধ ছিল। রূপসনাতনাদি শ্রীচৈতন্যদেবের প্রধান সাক্ষোপাঙ্গগণের তিরোভাবের কিছুকাল পর হইতে রাজবংশীয়েরা বৈষ্ণবমতাবলম্বী হন। কলিকাতার বাগবাজার পল্লীতে প্রতিষ্ঠিত ৩মদনমোহন ৩মদনমোহন বিগ্রহ পূর্বে এখানকার রাজাদেরই ঠাকুর ছিলেন। ৩গোকুলচন্দ্র মিত্র এখানকার রাজাদের এক সময়ে অনেক টাকা ধার দিয়াছিলেন এবং ঠাকুরটি দেখিয়া মোহিত হইয়া ঋণ পরিশোধ কালে টাকা না লইয়া ঠাকুরটি চাহিয়া লইয়াছিলেন, এইরূপ প্রসিদ্ধি।

৩মদনমোহন ভিন্ন রাজাদের প্রতিষ্ঠিত ৩মুম্ময়ী নাম্নী এক বহু প্রাচীন দেবীমূর্তিও ছিলেন। লোকে বলিত ৩মুম্ময়ী দেবী বড় জাগ্রতা। রাজবংশীয়েদের ভগ্নদশায় ঐ মূর্তি এক ৩মুম্ময়ী . . . . . রাজবংশীয়েরা

সেজ্ঞান্য পূর্বমূর্তির মত অগ্ৰ একটি নূতন মূর্তির পুনঃস্থাপনা করেন।

ঠাকুর এখানকার অপর দেবস্থানসকল দেখিয়া ৩মুম্ময়ী দেবীকে দর্শন করিতে যাইতেছিলেন। পথিমধ্যে একস্থানে ভাবাবেশে

মুম্বায়ীর মুখখানি দেখিতে পাইলেন। মন্দিরে যাইয়া নবপ্রতিষ্ঠিত মূর্তিটি দেখিবার কালে দেখিলেন, ঐ মূর্তিটি তাঁহার ভাবকালে দৃষ্ট মূর্তিটির সদৃশ নহে। এইরূপ হইবার কারণ কিছুই বুঝিলেন না। পরে অল্পসম্মানে জানা গেল, বাস্তবিকই নূতন মূর্তিটি পুরাতন মূর্তিটির মত হয় নাই। নূতন মূর্তির কারিকর নিজ গুণপনা দেখাইবার জন্য উহার মুখখানি বাস্তবিক অল্প ভাবেই গড়িয়াছে এবং পুরাতন মূর্তিটির ভগ্ন মুখখানি এক ব্রাহ্মণ কর্তৃক সময়ে নিজালয়ে রক্ষিত হইতেছে। ইহার কিছুকাল পরে ঐ ভক্তিনিষ্ঠা-সম্পন্ন ব্রাহ্মণ ঐ মুখখানি সংযোজিত করিয়া অল্প একটি মূর্তি গড়াইয়া লালবাঁধ দীঘির পার্শ্বে এক রমণীয় প্রদেশে প্রতিষ্ঠিত করিলেন এবং উহার নিত্যপূজাদি করিতে লাগিলেন।

সমীপাগত ব্যক্তিগণের আগমনের উদ্দেশ্য ও ভাব ধরিবার ক্ষমতা সম্বন্ধে একটি দৃষ্টান্তেরও এখানে উল্লেখ করা ভাল।

ঠাকুরের পূজনীয় স্বামী ব্রহ্মানন্দকে ঠাকুর নিজের পুত্রের  
 ঐরূপে মত ভালবাসিতেন, একথার উল্লেখ আমরা পূর্বেই  
 ব্যক্তিগত করিয়াছি। একদিন দক্ষিণেশ্বরে তিনি ঠাকুরের  
 ভাব ও উদ্দেশ্য সহিত ঠাকুরের ঘরের পূর্ব দিকের লম্বা বারাণ্ডার  
 ধরিবার উত্তরাংশে দাঁড়াইয়া নানা কথা কহিতেছেন, এমন  
 ক্ষমতা— সময়ে দেখিতে পাইলেন বাগানের ফটকের দিক  
 ১ম দৃষ্টান্ত হইতে একখানি জুড়িগাড়ী তাঁহাদের দিকে আসিতেছে। গাড়ী-  
 খানি ফিটন; মধ্যে কয়েকটি বাবু বসিয়া আছেন। দেখিয়াই  
 কলিকাতার জনৈক প্রসিদ্ধ ধনী ব্যক্তির গাড়ী বলিয়া তিনি  
 বুঝিতে পারিলেন। ঠাকুরকে দর্শন করিতে সে সময় কলিকাতা

হইতে অনেকে আসিয়া থাকেন। ইহারাও সেইজন্মই আসিয়াছেন ভাবিয়া তিনি বিস্মিত হইলেন না।

ঠাকুরের দৃষ্টি কিন্তু গাড়ীর দিকে পড়িবামাত্র তিনি ভয়ে জড়সড় হইয়া শশব্যস্তে অন্তরালে আপন ঘরে যাইয়া বসিলেন। তাঁহার ঐ প্রকার ভাব দেখিয়া বিস্মিত হইয়া ব্রহ্মানন্দ স্বামীও তাঁহার পশ্চাৎ পশ্চাৎ ঘরে ঢুকিলেন। ঠাকুর তাঁহাকে দেখিয়াই বলিলেন, “যা—যা, ওরা এখানে আসতে চাইলে বলিস্ এখন দেখা হবে না।” ঠাকুরের ঐ কথা শুনিয়া তিনি পুনরায় বাহিরে আসিলেন। ইতিমধ্যে আগন্তুকেরাও নিকটে আসিয়া তাঁহাকে জিজ্ঞাসা করিলেন, “এখানে একজন সাধু থাকেন, না?” ব্রহ্মানন্দ স্বামী শুনিয়া ঠাকুরের নাম করিয়া বলিলেন, “হাঁ, তিনি এখানে থাকেন। আপনারা তাঁহার নিকট কি প্রয়োজনে আসিয়াছেন?” তাঁহাদের ভিতর এক ব্যক্তি বলিলেন, “আমাদের এক আত্মীয়ের বিষম পীড়া হইয়াছে; কিছুতেই সারিতেছে না। তাই তিনি (সাধু) যদি কোন ঔষধ দিয়া করিয়া দেন, সেজন্ম আসিয়াছি।” স্বামী ব্রহ্মানন্দ বলিলেন, “আপনারা ভুল শুনিয়াছেন। ইনি তে কখন কাহাকেও ঔষধ দেন না। বোধ হয় আপনারা দুর্গানন্দ ব্রহ্মচারীর কথা শুনিয়াছেন। তিনি ঔষধ দিয়া থাকেন বটে তিনি ঐ পঞ্চবটীতে কুটিরে আছেন। যাইলেই দেখা হইবে।”

আগন্তুকেরা ঐ কথা শুনিয়া চলিয়া গেলে ঠাকুর ব্রহ্মানন্দ স্বামীকে বলিলেন, “ওদের ভেতর কি যে একটা তমোভাব দেখ্‌লুম—দেখেই আর ওদের দিকে চাইতে পারলুম না, তা কথা কই কি! ভয়ে পালিয়ে এলুম!”

## গুরুভাব সম্বন্ধে শেষ কথা

এইরূপে উচ্চ ভাবভূমিতে উঠিয়া ঠাকুরকে প্রত্যেক স্থান, বস্তু বা ব্যক্তির অন্তর্গত উচ্চাচর ভাবপ্রকাশ উপলব্ধি করিতে আমরা নিত্য প্রত্যক্ষ করিতাম। ঠাকুর যেরূপ দেখিতেন, ঐ সকলের ভিতরে বাস্তবিকই সেইরূপ ভাব যে বিद्यমান ইহা বারংবার অনুসন্ধান করিয়া দেখিয়াই আমরা তাঁহার কথায় বিশ্বাসী হইয়াছি। তন্মধ্যে আরও দুই-একটি এখানে উল্লেখ করিয়া সাধারণ ভাবভূমি হইতে তিনি তীর্থাদিতে কি অনুভব করিয়াছিলেন তাহাই পাঠককে বলিতে আরম্ভ করিব।

উদারচেতা স্বামী বিবেকানন্দের মন বাল্যকালাবধি পরদুঃখে কাতর হইত। সেজন্ত তিনি যাহাতে বা যাহার সাহায্যে আপনাকে

কোনও বিষয়ে উপরূত বোধ করিতেন, তাহা
ঐ বিষয়ে ২য় করিতে বা তাঁহার নিকটে ঐরূপ সাহায্য পাইবার
দৃষ্টান্ত—
স্বামী বিবেকানন্দ জন্ত গমন করিতে আপন আত্মীয়-বন্ধুবান্ধব সকলকে
ও তাঁহার সর্বদা উৎসাহিত করিতেন। লেখাপড়া ধর্মকর্ম
দক্ষিণেশ্বরগত সকল বিষয়েই স্বামিজীর মনের ঐ প্রকার রীতি
সহপাঠীগণ ছিল। কলেজে পড়িবার সময় সহপাঠীদিগকে

লইয়া নানা স্থানে নিয়মিত দিনে প্রার্থনা ও ধ্যানাদি-অহুষ্ঠানের জন্ত সভা-সমিতি গঠন করা, মহাবি দেবেন্দ্রনাথ ও ভক্তাচার্য্য কেশবের সহিত স্বয়ং পরিচিত হইবার পরেই সহপাঠীদিগের ভিতর অনেককে উহাদের দর্শনের জন্ত লইয়া যাওয়া প্রভৃতি যৌবনে পদার্পণ করিয়াই স্বামিজীর জীবনে অহুষ্ঠিত কার্য্যগুলি দেখিয়া আমরা পূর্বোক্ত বিষয়ের পরিচয় পাইয়া থাকি।

ঠাকুরের পুণ্যদর্শন লাভ করিয়া তাঁহার অদৃষ্টপূর্ব ত্যাগ, বৈরাগ্য

## শ্রী শ্রী রামকৃষ্ণলীলা প্রসঙ্গ

ও ঈশ্বরশ্রেয়ের পরিচয় পাওয়া অবধি নিজ সহপাঠী বন্ধুদিগকে তাঁহার নিকটে লইয়া যাইয়া তাঁহার সহিত পরিচিত করিয়া দেওয়া স্বামিজীর জীবনে একটা ব্রতবিশেষ তইয়া উঠিয়াছিল। আমরা একথা বলিতেছি বলিয়া কেহ যেন না ভাবিয়া বসেন যে, বুদ্ধিমান স্বামিজী একদিনের আলাপে কাহারও প্রতি আকৃষ্ট হইলেই তাহাকে ঠাকুরের নিকট লইয়া যাইতেন। অনেক দিন পরিচয়ের ফলে যাহাদিগকে সংস্কার-বিশিষ্ট এবং ধর্ম্মাহুবাগী বলিয়া বুঝিতেন, তাহাদিগকেই সঙ্গে করিয়া দক্ষিণেশ্বরে লইয়া যাইতেন।

স্বামিজী ঐরূপে অনেকগুলি বন্ধুবান্ধবকেই তখন ঠাকুরের নিকট লইয়া গিয়াছিলেন; কিন্তু ঠাকুরের দিব্যদৃষ্টি যে তাঁহাদের অন্তর চেষ্টা করলেই দেখিয়া অগ্নরূপ সিদ্ধাস্তে উপনীত হইয়াছিল, একথা যার যা ইচ্ছা আমরা ঠাকুর ও স্বামিজী উভয়েরই মুখে সময়ে হ'তে পারে না সময়ে শুনিয়াছি। স্বামিজী বলিতেন, “ঠাকুর আমাকে গ্রহণ করিয়া ধর্ম্মসম্বন্ধীয় শিক্ষাদি-দানে আমার উপর যেরূপ ক্রুপা করিতেন, সেরূপ ক্রুপা তাহাদিগকে না করায় আমি তাঁহাকে ঐরূপ করিবার জন্ত পীড়াপীড়ি করিয়া ধরিয়া বসিতাম। বালস্বভাব-বশতঃ অনেক সময় তাঁহার সহিত কোমর বাঁধিয়া তর্ক করিতেও উত্তত হইতাম। বলিতাম, ‘কেন মহাশয়, ঈশ্বর তো আর পক্ষপাতী নন যে এক জনকে ক্রুপা করবেন এবং আর এক জনকে ক্রুপা করবেন না? তবে কেন আপনি উহাচ্ছে আমার ন্যায় গ্রহণ করবেন না? ইচ্ছা ও চেষ্টা করলে সকলেই যেমন বিদ্বান্ পণ্ডিত হতে পারে, ধর্ম্মলাভ ঈশ্বরলাভও যে তেমনি করতে পারে, এ কথা তো নিশ্চয়?’ তাহাতে ঠাকুর বলিতেন, ‘কি করবো রে—আমাকে মা যে

## গুরুভাব সম্বন্ধে শেষ কথা

দেখিয়ে দিচ্ছে, ওদের ভেতর ঘাঁড়ের মত পশুভাব রয়েছে, ওদের এ জন্মে ধর্মলাভ হবে না—তা আমি কি করবো? তোর ও কি কথা? ইচ্ছা ও চেষ্টা করলেই কি লোকে এ জন্মে যা ইচ্ছা তাই হতে পারে?’ ঠাকুরের ও কথা তখন শোনে কে? আমি বলিতাম, ‘সে কি মশায়, ইচ্ছা ও চেষ্টা করলে যার যা ইচ্ছা তা হতে পারে না? নিশ্চয় পারে। আমি আপনার ও কথায় বিশ্বাস করতে পারছি না।’ ঠাকুরের তাহাতেও ঐ কথা—‘তুই বিশ্বাস করিস্ আর নাই করিস্ মা যে আমায় দেখিয়ে দিচ্ছে!’ আমিও তখন তাঁর কথা কিছুতেই স্বীকার করতুম না। তারপর যত দিন যেতে লাগল, দেখে শুনে তত বুঝতে লাগলুম—ঠাকুর যা বলেছেন তাই সত্য, আমার ধারণাই মিথ্যা।”

স্বামিজী বলিতেন—এইরূপে যাচাইয়া বাজাইয়া লইয়া তবে তিনি ঠাকুরের সকল কথায় ক্রমে ক্রমে বিশ্বাসী হইতে পারিয়া-

ছিলেন। ঠাকুরের প্রত্যেক কথা ও ব্যবহার  
 ঐরূপে পরীক্ষা করিয়া লওয়া সম্বন্ধে আর একটি  
 ঘটনার কথা আমরা স্বামিজীর নিকট হইতে যেরূপ  
 শুনিয়াছি, এখানে বলিলে মন্দ হইবে না। ১৮৮৫

খৃষ্টাব্দের বথষাত্রার দিনে ঠাকুর স্বামিজীর নিকট

হইতে শুনিয়া পণ্ডিত শশধর তর্কচূড়ামণিকে দোখতে গিয়াছিলেন।<sup>১</sup>  
 শ্রীশ্রীজগদম্বার নিকট হইতে সাক্ষাৎ ক্ষমতাপ্রাপ্ত ব্যক্তিই যথার্থ ধর্ম-  
 প্রচারে সক্ষম, অপর সকল প্রচারক-নামধারীর বাগাড়ম্বর বৃথা—  
 পণ্ডিতজীকে ঐরূপ নানা উপদেশদানের পর ঠাকুর পান করিবার

১ পঞ্চম অধ্যায় দেখ।



## শ্রীশ্রীরামকৃষ্ণলীলাপ্রসঙ্গ

জন্ম এক গেলাস জল চাহিলেন। ঠাকুর যথার্থ তৃষ্ণার্ত হইয়া ঐরূপে জল চাহিলেন অথবা তাঁহার অন্ত কোন উদ্দেশ্য ছিল তাহা আমরা বলিতে পারি না। কারণ ঠাকুর অন্ত এক সময়ে আমাদের বলিয়াছিলেন যে সাধু, সন্ন্যাসী, অতিথি, ফকিরেরা কোন গৃহস্থের বাটীতে যাইয়া যাহা হয় কিছু খাইয়া না আসিলে তাহাতে গৃহস্থের অকলাপ হয় এবং সেজন্য তিনি যাহার বাটীতেই ঘান না কেন, তাহার না বলিলে বা ভুলিয়া গেলেও স্বয়ং তাহার নিকট হইতে চাহিয়া লইয়া কিছু না কিছু খাইয়া আসেন।

সে যাহা হউক, এখানে জল চাহিবামাত্র তিলক কণ্ঠি প্রভৃতি ধর্মলিঙ্গধারী এক ব্যক্তি সমস্ত্রমে ঠাকুরকে এক গেলাস জল আনিয়া দিলেন। ঠাকুর কিন্তু ঐ জল পান করিতে যাইয়া উহা পান করিতে পারিলেন না। নিকটস্থ অপর ব্যক্তি উহা দেখিয়া গেলাসের জলটি ফেলিয়া দিয়া আর এক গেলাস জল আনিয়া দিল এবং ঠাকুরও উহার কিঞ্চিৎ পান করিয়া পণ্ডিতজীর নিকট হইতে সেদিনকার মত বিদায় গ্রহণ করিলেন। সকলে বুঝিল, পূর্বানীত জলে কিছু পড়িয়াছিল বলিয়াই ঠাকুর উহা পান করিলেন না।

স্বামিজী বলিতেন—তিনি তখন ঠাকুরের অতি নিকটেই বসিয়াছিলেন সেজন্য বিশেষ করিয়া দেখিয়াছিলেন গেলাসের জলে কুটোকাটা কিছুই পড়ে নাই, অথচ ঠাকুর উহা পান করিতে আপত্তি করিয়াছিলেন। ঐ বিষয়ের কারণ অনুমান করিতে যাইয়া স্বামিজী মনে মনে স্থির করিলেন, তবে বোধ হয় জল-গেলাসটি স্পর্শদোষভূত হইয়াছে! কারণ ইতিপূর্বেই তিনি ঠাকুরকে বলিতে শুনিয়াছিলেন যে, যাহাদের ভিতর বিষয়-বুদ্ধি অত্যন্ত প্রবল, যাহারা জুয়াচুরি

## গুরুভাব সম্বন্ধে শেষ কথা

বাটপাড়ি এবং অপরের অনিষ্টসাধন করিয়া অসহুপায়ে উপার্জন করে এবং যাহারা কাম-কাঞ্চন-লাভের সহায় হইবে বলিয়া বাহিরে ধর্মের ভেক ধারণ করিয়া লোককে প্রতারণিত করে, তাহারা কোনরূপ খাতিপানীয় আনিয়া দিলে তাঁহার হস্ত উহা গ্রহণ করিতে যাইলেও কিছুদূর যাইয়া আর অগ্রসর হয় না, পশ্চাতে গুটাইয়া আসে এবং তিনি উহা তৎক্ষণাৎ বৃষ্টিতে পারেন !

স্বামিজী বলিতেন—ঐ কথা মনে উদিত হইবামাত্র তিনি ঐ বিষয়ের সত্যাসত্য-নির্দারণের জন্ত দৃঢ়সঙ্কল্প করিলেন এবং ঠাকুর স্বয়ং তাঁহাকে সেদিন তাঁহার সহিত আসিতে অহুরোধ করিলেও ‘বিশেষ কোনও আবশ্যক আছে, সেজন্ত যাইতে পারিতেছি না’ বলিয়া বুঝাইয়া তাঁহাকে গাড়ীতে উঠাইয়া দিলেন। ঠাকুর চলিয়া যাইলে স্বামিজী পূর্বোক্ত ধর্মলিপ্যধারী ব্যক্তির কনিষ্ঠ ভ্রাতার সহিত পূর্ব হইতে পরিচয় থাকায় তাহাকে একান্তে ডাকিয়া তাহার অগ্রজের চরিত্র সম্বন্ধে প্রশ্ন করিতে লাগিলেন। ঐরূপে জিজ্ঞাসিত হইলে সে ব্যক্তি বিশেষ ইতস্ততঃ করিয়া অবশেষে বলিল, ‘জ্যেষ্ঠের দোষের কথা কেমন করিয়া বলি’ ইত্যাদি। স্বামিজী বলিতেন, “আমি তাহাতেই বুঝিয়া লইলাম। পরে ঐ বাটীর অপর একজন পরিচিত ব্যক্তিকে জিজ্ঞাসা করিয়া সকল কথা জানিয়া ঐ বিষয়ে নিঃসংশয় হইলাম এবং অবাক হইয়া ভাবিতে লাগিলাম—ঠাকুর কেমন করিয়া লোকের অন্তরের কথা ঐরূপে জানিতে পারেন !”

সাধারণ ভাবভূমিতে থাকিবার কালে ঠাকুর যেরূপে সকল পদার্থের অন্তর্নিহিত গুণাগুণ ধরিতেন ও বৃষ্টিতেন, তাহার পরিচয় পাইতে হইলে আমরাগিকে প্রথমে তাঁহার মানসিক গঠন কি

## শ্রীশ্রীরামকৃষ্ণলীলাপ্রসঙ্গ

প্রকারের ছিল, তাহা বুঝিতে হইবে এবং পরে কোন্ পদার্থটিকে পরিমাপকস্বরূপে সর্বদা স্থির রাখিয়া তিনি অপর বস্তু ও বিষয়-সকল পরিমাণ করিয়া তৎসম্বন্ধে একটা স্থির ঠাকুরের মানসিক গঠন সিদ্ধান্তে উপনীত হইতেন, তাহাও ধরিতে হইবে। কি ভাবের ছিল লীলাপ্রসঙ্গে স্থানে স্থানে ঐ বিষয়ের কিছু কিছু এবং কোন্ আভাস আমরা পাঠককে ইতিপূর্বেই দিয়াছি। বিষয়টির দ্বারা অতএব এখন উহার সংক্ষেপে উল্লেখমাত্র করিলেই তিনি সকল বস্তু ও ব্যক্তিকে চলিবে। আমরা দেখিয়াছি, ঠাকুরের মন পার্থিব পরিমাপ করিয়া কোন পদার্থে আসক্ত না থাকায় তিনি যখনই যাহা তাহাদের গ্রহণ বা ত্যাগ করিবেন মনে করিয়াছেন, তখনই মূল্য বুঝিতেন উহা ঐ বিষয়ে সম্যক যুক্ত বা উহা হইতে সম্যক পৃথক হইয়া দাঁড়াইয়াছে। পৃথক হইবার পর আজীবন আর ঐ বিষয়ের প্রতি একবারও ফিরিয়া দেখেন নাই। আবার ঠাকুরের অদৃষ্টপূর্ব নিষ্ঠা, অদ্ভুত বিচারশীলতা এবং ঐকান্তিক একাগ্রতা তাঁহার মনের হস্ত সর্বদা ধারণ করিয়া উহাকে যাহাতে ইচ্ছা, যতদিন ইচ্ছা এবং যেখানে ইচ্ছা স্থিরভাবে রাখিয়াছে। এক ক্ষণের জগৎ উহাকে ঐ বিষয়ের বিপরীত চিন্তা বা কল্পনা করিতে দেয় নাই। কোনও বিষয় ত্যাগ বা গ্রহণ করিতে যাইবামাত্র এ মনের এক ভাগ বলিয়া উঠিত, ‘কেন ঐরূপ করিতেছ তাহা বল।’ আর যদি ঐ প্রশ্নের যথাযথ যুক্তিসহ মীমাংসা পাইত তবেই বলিত, ‘বেশ কথা, ঐরূপ কর।’ আবার ঐরূপ সিদ্ধান্তে উপনীত হইবামাত্র ঐ মনের অন্য এক ভাগ বলিয়া উঠিত, ‘তবে পাকা করিয়া উহা ধর; শয়নে, স্বপনে, ভোজনে, বিরামে কখন উহার বিপরীত অনুষ্ঠান আর করিতে

## গুরুভাব সম্বন্ধে শেষ কথা

পারিবে না।’ তৎপরে তাঁহার সমগ্র মন একতানে ঐ বিষয় গ্রহণ করিয়া তদনুসারে অন্বেষণ করিতে থাকিত এবং নিষ্ঠা প্রহরীস্বরূপে ঐরূপ সতর্কভাবে উহার ঐ বিষয়ক কার্যকলাপ সর্বদা দেখিত যে, সহসা ভুলিয়া ঠাকুর তদ্বিপরীতানুষ্ঠান করিতে যাইলে স্পষ্ট বোধ করিতেন, ভিতর হইতে কে যেন তাঁহার ইঞ্জিনিয়ারকে বাধিয়া রাখিয়াছে—ঐরূপ অন্বেষণ করিতে দিতেছে না। ঠাকুরের আজীবন সকল বস্তু ও ব্যক্তির সহিত ব্যবহারের আলোচনা করিলেই আমাদের পূর্বোক্ত কথাগুলি হৃদয়ঙ্গম হইবে।

দেখনা—বালক গদাধর কয়েকদিন পাঠশালে যাইতে না যাইতে বলিয়া বসিলেন, “ও চাল-কলা-বাঁধা বিছাতে আমার কাজ নাই,

ও বিছা আমি শিখব না।” ঠাকুরের অগ্রজ রাম-

ঐ বিষয়ে

দৃষ্টান্ত—

চাল-কলা-বাঁধা

বিছায় আমার

কাজ নেই

কুমার ভ্রাতা উচ্ছৃঙ্খল হইয়া যাইতেছে ভাবিয়া

কিছুকাল পরে বুঝাইয়া সুঝাইয়া কলিকাতায়

আপনার টোলে নিজের তত্ত্বাবধানে রাখিয়া ঐ বিছা

শিখাইবার প্রয়াস পাইলেও ঠাকুরের অর্থকরী বিছা

সম্বন্ধে বাল্যকালের ঐ মত ঘুরাইতে পারিলেন না। শুধু তাহাই নহে, নিষ্ঠাচারী পণ্ডিত হইয়া টোল খুলিয়া যথাসাধ্য শিক্ষাদান করিয়াও পরিবারবর্গের অন্তর্ভুক্তের অভাব মিটাইতে পারিলেন না বলিয়াই যে অনন্তোপায় অগ্রজের রাণী রাসমণির দেবালয়ে পৌরোহিত্য-স্বীকার—এ কথাও ঠাকুরের নিকট লুকায়িত রহিল না এবং ধনীদিগের ভোষামোদ করিয়া উপার্জনাপেক্ষা অগ্রজের ঐরূপ করা অনেক ভাল বুঝিয়া উহা তিনি অমুমোদনও করিলেন।

দেখনা—সামান্যকালে ঠাকুর রথ্যান করিতে বসিবামাত্র তাঁহার

## শ্রীশ্রীরামকৃষ্ণলীলাপ্রসঙ্গ

অম্ভব হইতে লাগিল, তাঁহার শরীরের প্রত্যেক সন্ধিস্থলগুলিতে খট্ খট্ করিয়া আওয়াজ হইয়া বন্ধ হইয়া গেল। তিনি যে ভাবে ২য় দৃষ্টান্ত— আসন করিয়া বসিয়াছেন সেই ভাবে অনেকক্ষণ ধ্যান করিতে তাঁহাকে বসাইয়া রাখিবার জন্ত কে যেন ভিতর বসিবামাত্র হইতে ঐ সকল স্থানে চাৰি লাগাইয়া দিল। যতক্ষণ শরীরের না আবার সে খুলিয়া দিল ততক্ষণ হাত পা সন্ধিস্থলগুলিতে কাহারও যেন প্রাণী কোমর প্রভৃতি স্থানের সন্ধিগুলি তিনি চাৰি লাগাইয়া আমাদের মত ফিরাইতে, ঘুরাইতে, যথা ইচ্ছা বন্ধ করিয়া ব্যবহার করিতে চেষ্টা করিলেও কিছুকাল আর দেওয়া— করিতে পারিলেন না! অথবা দেখিলেন, শূলহস্তে এই অনুভব ও এক ব্যক্তিকে দেখা এক ব্যক্তি নিকটে বসিয়া রহিয়াছে এবং বলিতেছে, 'যদি ঐশ্বরচিন্তা ভিন্ন অপর চিন্তা করবি, তো এই শূল তোর বুকে বসাইয়া দিব।'

দেখনা—পূজা করিতে বসিয়া আপনাকে জগদম্বার সহিত অভেদজ্ঞান করিতে বলিবামাত্র মন তাহাই করিতে লাগিল; জগদম্বার পাদপদ্মে বিলজ্জবা দিতে যাইলেও ঠাকুরের হাত তখন কে যেন ঘুরাইয়া নিজ মস্তকের দিকেই টানিয়া লইয়া চলিল!

অথবা দেখ—সন্ন্যাস-দীক্ষাগ্রহণ করিবামাত্র মন সর্বভূতে এক অদ্বৈত ব্রহ্মদর্শন করিতেই থাকিল। অভ্যাসবশতঃ ঠাকুর ঐ কালে ৩য় দৃষ্টান্ত— পিতৃতর্পণ করিতে যাইলেও হাত আড়ষ্ট হইয়া জগদম্বার গেল, অঞ্জলিবন্ধ করিয়া হাতে জল তুলিতেই পাদপদ্মে পারিলেন না! অগত্যা বুঝিলেন, সন্ন্যাসগ্রহণে ফুল দিতে তাঁহার কৰ্ম উঠিয়া গিয়াছে। ঐরূপ ভূকি ভূরি যাইয়া নিজের

## গুরুভাব সম্বন্ধে শেষ কথা

মাথায় দেওয়া  
ও পিতৃ-তর্পণ  
করিতে যাইয়া  
উহা করিতে  
না পারা।

নিরক্ষর  
ঠাকুরের  
আধ্যাত্মিক  
অনুভবসকলে র  
দ্বারা বেদাদি  
শাস্ত্র সম্রমাণিত  
হয়

কথা যে সত্য এবং বাস্তবিকই যে মানুষ ঐসকল পথ দিয়া  
চলিয়া ঐরূপ অবস্থাসকল লাভ করিতে পারে, ইহাই প্রমাণিত  
করিবেন বলিয়া।

ঠাকুরের মনের স্বভাব আলোচনা করিতে যাইয়া একথা স্পষ্ট  
বুঝা যায় যে, নির্বিকল্প ভূমিতে উঠিয়া অদ্বৈতভাবে ঈশ্বরোপলব্ধিই

অদ্বৈতস্বাভা-  
লাভ করাই  
মানবজীবনের  
উদ্দেশ্য।  
ঐ ভাবে  
'সব শিয়ালের  
এক রা'।  
শ্রীচৈতন্যের ভক্তি  
বাহিরের দাঁত  
ও অদ্বৈতজ্ঞান  
ভিতরের  
দাঁত ছিল।

মানব-জীবনের চরমে আসিয়া উপস্থিত হয়। আবার  
ঐ ভূমিলব্ধ আধ্যাত্মিক দর্শন সম্বন্ধে ঠাকুর বলিতেন,  
'সব শিয়ালের এক রা'; অর্থাৎ সকল শিয়ালই  
যেমন একভাবে শব্দ করে তেমনি নির্বিকল্পভূমিতে  
যাঁহারা উঠিতে সমর্থ হইয়াছেন, তাঁহারা প্রত্যেকেই  
ঐ ভূমি হইতে দর্শন করিয়া জগৎকারণ ঈশ্বর  
সম্বন্ধে এক কথাই বলিয়া গিয়াছেন। প্রেমাবতার  
শ্রীচৈতন্যের সম্বন্ধেও ঠাকুর বলিতেন, "হাতীর  
বাহিরের দাঁত যেমন শত্রুকে মারবার জন্ত এবং

## শ্রীশ্রীরামকৃষ্ণলীলাপ্রসঙ্গ

অদ্বৈতজ্ঞানের ভিতরের দাঁত নিজের খাবার জগৎ, সেইরকম মহা-  
 তারতম্য প্রভুর দ্বৈতভাব বাহিরের ও অদ্বৈতভাব ভিতরের  
 লইয়াই জিনিস ছিল।” অতএব সর্বদা একরূপ অদ্বৈতভাবই  
 ঠাকুর ব্যক্তি ও সমাজের যে ঠাকুরের সকলবিষয়ের পরিমাপকস্বরূপ ছিল,  
 উচ্চাচল অবস্থা একথা আর বলিতে হইবে না। ব্যক্তি ও ব্যক্তির  
 স্থির করিতেন সমষ্টি সমাজকে যে ভাব ও অহুষ্ঠান ঐ ভূমির দিক  
 যত অগ্রসর করাইয়া দিত, ততই ঠাকুর ঐ ভাব ও অহুষ্ঠানকে অপর  
 সকল ভাব ও অহুষ্ঠান হইতে উচ্চ বলিয়া সিদ্ধান্ত করিতেন।

আবার ঠাকুরের আধ্যাত্মিকভাবপ্রসূত দর্শনগুলির আলোচনা  
 করিলে দেখিতে পাওয়া যায় উহাদের কতকগুলি স্বসংবেগ এবং  
 কতকগুলি পরসংবেগ। অর্থাৎ উহাদের কতক-  
 স্বসংবেগ ও গুলি ঠাকুরের নিজ শরীরাবদ্ধ মনের চিন্তাসকল  
 পরসংবেগ নিষ্ঠা ও অভ্যাসসহায়ে ঘনীভূত হইয়া মূর্ত্তিধারণ  
 দর্শন করিয়া তাঁহার নিকট ঐরূপে প্রকাশিত হইত এবং

ঠাকুর নিজেই দেখিতে পাইতেন এবং কতকগুলি তিনি উচ্চ-উচ্চতর  
 ভাবভূমিতে উঠিয়া নির্বিকল্প ভাবভূমির নিকটস্থ হইবার কালে বা  
 ভাবমুখে অবস্থিত হইয়া দেখিয়া অপরের উহা অপরিজ্ঞাত হইলেও  
 বর্ত্তমানে বিজ্ঞমান বা ভবিষ্যতে ঘটবে বলিয়া প্রকাশ করিতেন এবং  
 অপরে ঐ সকলকে কালে বাস্তবিকই ঘটিতে দেখিত। ঠাকুরের  
 প্রথম শ্রেণীর দর্শনগুলি সত্য বলিয়া উপলব্ধি করিতে হইলে অপরবে  
 তাঁহার ত্রায় বিশ্বাস, শ্রদ্ধা ও নিষ্ঠাদিসম্পন্ন হইতে বা ঠাকুর যে  
 ভূমিতে উঠিয়া ঐরূপ দর্শন করিয়াছেন সেই ভূমিতে উঠিতে হইত  
 এবং দ্বিতীয় শ্রেণীর গুলিকে সত্য বলিয়া বুঝিতে হইলে লোকে

## গুরুভাব সম্বন্ধে শেষ কথা

বিশ্বাস বা কোনরূপ সাধনাদির আবশ্যক হইত না—ঐ সকল যে সত্য, তাহা ফল দেখিয়া লোককে বিশ্বাস করিতেই হইত।

সে যাহা হউক, ঠাকুরের মানসিক প্রকৃতি সম্বন্ধে আমরা পূর্বে যাহা বলিয়াছি এবং এখন যে সকল কথা উপরে বলিয়া আসিলাম, তাহা হইতেই আমরা বুঝিতে পারি সাধারণ ভাবভূমিতে থাকিবার কালেও ঐরূপ মন নিশ্চিন্ত থাকিবার নহে। যে সকল

বস্তু ও ব্যক্তির সম্পর্কে উহা একক্ষণের জ্ঞান ও উপস্থিত হইত, তৎসকলের স্বভাব রীতি নীতি সম্বন্ধে আলোচনা করিয়া একটা বিশেষ সিদ্ধান্তে উপনীত না হইয়া উহা কখন স্থির থাকিতে পারিত না। বাল্যকালে যেমন অর্থের জ্ঞানই বর্তমান সময়ে পণ্ডিতদিগের শাস্ত্রালোচনা এ কথা ধরিয়া ‘চালকলা-বাঁধা’ বিজ্ঞা শিথিল না, ঠাকুরের ব্যোবুদ্ধির সঙ্গে সঙ্গে নানা স্থানের নানা লোকের সম্পর্কে আসিয়া ঐ মন তাহাদের সম্বন্ধে যে সকল সিদ্ধান্তে উপনীত হইয়াছিল, অতঃপর তাহাই আমাদের আলোচনীয়।

ঐচ্ছিকের তিরোভাবের পর হইতে আরম্ভ হইয়া বঙ্গদেশে সাধারণ শাক্ত ও বৈষ্ণবগণের পরস্পর বিদ্বেষ যে সমভাবেই ভাবভূমি হইতে চলিয়া আসিতেছিল, একথা আর বলিতে হইবে না। শ্রীরামপ্রসাদাদি বিবল কতিপয় শক্তিসাধকেরা নিজ সাধনসহায়ে কালী ও কৃষ্ণকে এক বলিয়া প্রত্যক্ষ করিয়া ঐ বিদ্বেষ ভ্রান্ত বলিয়া প্রচার করিলেও সর্বসাধারণে তাঁহাদের কথা বড় একটা গ্রহণ না করিয়া



## শ্রী শ্রীরামকৃষ্ণলীলাপ্রসঙ্গ

বিদ্যে-ভরদেই যে গা ঢালিয়া রহিয়াছে, একথা উভয় পক্ষের পরস্পরের দেব-নিন্দাসূচক হস্তকৌতুকাদিতেই স্পষ্ট প্রতীয়মান হয়। বালাবধি ঠাকুর ঐ বিষয়ের সহিত যে পরিচিত ছিলেন, ইহা বলা বাহুল্য। আবার উভয় পক্ষের শাস্ত্র-নিবন্ধ সাধনে প্রবৃত্ত হইয়া সিদ্ধিলাভ করিয়া ঠাকুর যখন উভয় পন্থাই সমান সত্য বলিয়া উপলব্ধি করিলেন, তখন শাস্ত্র-বৈষ্ণবের ঐ বিদ্যেষের কারণে ধর্মহীনতা প্রসূত অভিমান বা অহংকার, একথা বুঝিতে তাঁহার বাকি রহিল না।

ঠাকুরের পিতা শ্রীরামচন্দ্রের উপাসক ছিলেন এবং শ্রীশ্রীরঘুবীর-শিলাকে দৈবযোগে লাভ করিয়া বাটাতে প্রতিষ্ঠা করিয়াছিলেন।

নিজ	ঠাকুর ঐরূপে বৈষ্ণববংশে জন্মগ্রহণ করিলেও কিন্তু
পরিবারবর্গের	বালাকাল হইতে তাঁহার শিব ও বিষ্ণু উভয়ের
ভিত্তর ঐ	উপর সমান অকুরাগের পরিচয় পাওয়া যাইত।
বিদ্যে	
দূর করিবার	বালাকালে এক সময়ে শিব সাজিয়া তাঁহার ঐ ভাবে
জগৎ সকলকে	সমাধিস্থ হইয়া কয়েক ঘণ্টাকাল থাকার কথা
শক্তি-মন্ত্রে	প্রতিবেশিগণ এখনও বলিয়া ঐ স্থান দেখাইয়া
দীক্ষা-গ্রহণ	দেয়। ঐ বিষয়ের পরিচায়কস্বরূপ আর একা
করান	কথারও এখানে উল্লেখ করা যাইতে পারে; ঠাকুর আপন

পরিবারবর্গের প্রত্যেককে এক সময়ে বিষ্ণুমন্ত্র ও শক্তিমন্ত্র উভয় মন্ত্রেই দীক্ষাগ্রহণ করাইয়াছিলেন। তাঁহাদের মন হইতে বিদ্যে-ভাব সম্যক দূরীভূত করিবার জগাই ঠাকুরের ঐরূপ আচরণ এ কথাই আমাদের অহুমিত হয়।

বহু প্রাচীন যুগে মহারাজ ধর্ম্মাশোক মনো-ব-ম-দ-র-ণের কল্যাণে নিমিত্ত ধর্ম ও বিদ্যা-বিত্তারে কৃতসম্বল হইয়াছিলেন, এ কথা এ

## গুরুভাব সম্বন্ধে শেষ কথা

সকলেই জানেন। মানব এবং গ্রাম্য পশুসকলের শারীরিক রোগনিবারণের জন্ত তিনি হাসপাতাল, পিজরাপোলাদি ভারতের

সাধুদের	নানা স্থানে প্রতিষ্ঠা করেন, ভেষজসকলের সংগ্রহ ও
ঔষধ-দেওয়া	চাষ করিয়া সাধারণের সহজ-প্রাপ্য করেন এবং
প্রথার উৎপত্তি	বৌদ্ধ যতীদিগের সহায়ে ঔষধ ও ঔষধিসকলের
ও ক্রমে উহাতে	দেশদেশান্তরে প্রেরণ ও প্রচার করিয়াছিলেন।
সাধুদের	মাধুনিগের ঔষধ সংগ্রহ করিয়া রাখা বোধ হয়
আধ্যাত্মিক	অবনতি

ঐ কাল হইতেই অকুণ্ঠিত হয়। আবার তদ্ব্যুৎ

ঐ প্রথা বিশেষ বৃদ্ধি পায়। পরবর্ত্তী যুগের সংহিতাকারেরা সাধুদের উহাতে আধ্যাত্মিক অবনতি দেখিয়া ঐ বিষয়ে বিশেষ প্রতিবাদ করিলেও রক্ষণশীল ভারতে ঐ প্রথার এখনও উচ্ছেদ হয় নাই। দক্ষিণেশ্বরে থাকিবার কালে এবং তীর্থভ্রমণ করিবার সময় ঠাকুর অনেক সাধু-সন্ন্যাসীকে ঐ ভাবে প্রতিষ্ঠালাভ করিয়া ভোগস্বখে চিরকালের নিমিত্ত পতিত হইতে দেখিয়া সাধুদের ভিতরেও যে ধর্মহীনতা অঙ্কুশ করেন, ইহা আমাদের স্পষ্ট বোধ হয়। কারণ ঠাকুর আমাদের অনেককে অনেক সময়ে বলিতেন, “যে সাধু ঔষধ দেয়, যে সাধু ঝাড়ফুক করে, যে সাধু টাকা নেয়, যে সাধু বিভূতিতিলকের বিশেষ আড়ম্বর করে, খড়ম পায়ে দিয়ে যেন সাইনবোর্ড (sign-board) মেরে নিজেকে বড় সাধু বলে অপরকে জানায়, তাদের কদাচ বিশ্বাস করবি নি।”

উপরোক্ত কথাটিতে কেহ যেন না ভাবিয়া বসেন, ঠাকুর ভণ্ড ভ্রষ্ট সাধুদিগকে দেখিয়া পাশ্চাত্যের জনসাধারণের মত সাধু-শ্রদ্ধায় সকল উঠাইয়া দেওয়াই উচিত বলিয়া মনে করিতেন।

## শ্রী শ্রী রামকৃষ্ণ লীলা প্রসঙ্গ

কারণ ঠাকুরকে আমরা ঐ কথা-প্রসঙ্গে সময়ে সময়ে বলিতে  
শুনিয়াছি যে একটা ভেকধারী সাধারণ পেট-বৈরাগী ও একজন  
চরিত্রবান গৃহীর ভিতর তুলনা করিলে পূর্বোক্তকেই  
কেবলমাত্র বড় বলিতে হয়। কারণ ঐ ব্যক্তি ধোগ-বাগ  
ভেকধারী কিছু না করিয়া কেবলমাত্র চরিত্রবান থাকিয়া যদি  
সাধুদের সম্বন্ধে ঠাকুরের মত জন্মটা ভিক্ষা করিয়া কাটাইয়া যায়, তাহা হইলেও  
সাধারণ গৃহী ব্যক্তি অপেক্ষা এজন্মে কত অধিক ত্যাগের পথে  
অগ্রসর হইয়া রহিল। ঈশ্বরের জন্ত সর্বস্বত্যাগ করাই যে ঠাকুরের  
নিকট ব্যক্তিগত চরিত্রের ও অতুষ্ঠানের পরিমাপক ছিল, এ সম্বন্ধে  
ঠাকুরের উপরোক্ত কথাগুলিই অত্যন্ত দৃষ্টান্ত।

যথার্থ নিষ্ঠাবান প্রেমিক বা জ্ঞানী সাধু, যে সম্প্রদায়েরই হউন  
না কেন, ঠাকুরের নিকট যে বিশেষ সম্মান পাইতেন, তাহার  
দৃষ্টান্ত আমরা লীলাপ্রসঙ্গে ইতিপূর্বে ভূরি ভূরি  
দিয়াছি। ভারতে সনাতন ধর্ম উহাদের উপলব্ধি-  
যথার্থ সাধুদের জীবন হইতেই সহায়েই সজীব রহিয়াছে। উহাদের ভিতরে  
শাস্ত্রসকল সজীব থাকে যাঁহারা ঈশ্বরদর্শনে সিদ্ধকাম হইয়া সর্বপ্রকার  
মায়াবন্ধন হইতে মুক্তিলাভ করেন, তাঁহাদের দ্বারাই বেদাদিশাস্ত্র  
সম্প্রমাণিত হইয়া থাকে। কারণ আপ্তপুরুষেই যে বেদের প্রকাশ,  
একথা বৈশেষিকাদি ভারতের সকল দর্শনকারেরাই একবাক্যে  
বলিয়া গিয়াছেন। অতএব গভীর-অন্তর্দৃষ্টি-সম্পন্ন ঠাকুরের তাঁহাদের  
সম্বন্ধে ঐ কথা বুঝিয়া তাঁহাদের ঐরূপে সম্মান দেওয়াটা কিছু বিচিত্র  
ব্যাপার নহে।

নিজ নিজ পথে নিষ্ঠা-ভক্তির সহিত অগ্রসর সাধুদিগকে ঠাকুর

## গুরুভাব সম্বন্ধে শেষ কথা

বিশেষ প্রীতির চক্ষে দেখিয়া তাঁহাদের সঙ্গে স্বয়ং সর্কদা বিশেষ  
 আনন্দানুভব করিলেও এক বিষয়ের অভাব তিনি  
 যথার্থ সাধুদের ভিতরেও একদেশী ভাব দেখা  
 তাঁহাদের ভিতর সর্কদা দেখিতে পাইয়া সময়ে  
 সময়ে নিতান্ত দুঃখিত হইতেন। দেখিতেন যে,  
 তিনি সমান অনুরাগে সকল সম্প্রদায়ের সহিত  
 সমভাবে যোগদান করিলেও তাঁহারা সেরূপ পারিতেন না। ভক্তি-  
 মার্গের সাধকসকলের তো কথাই নাই, অদ্বৈতপন্থায় অগ্রসর সন্ন্যাসি-  
 সাধকদিগের ভিতরেও তিনি ঐক্যপ একদেশী ভাব দেখিতে  
 পাইতেন। অদ্বৈতভূমির উদার সমভাব লাভ করিবার বহু পূর্বেই  
 তাঁহারা অত্ম-সকল পন্থার লোকদিগকে হীনাধিকারী বলিয়া সমভাবে  
 ঘৃণা বা বড় জোর একপ্রকার অহঙ্কৃত করণার চক্ষে দেখিতে  
 শিত্বিতেন। উদারবুদ্ধি ঠাকুরের একই লক্ষ্যে অগ্রসর ঐ সকল  
 ব্যক্তিদিগের ঐ প্রকার পরস্পর-বিদ্বেষ দেখিয়া যে বিশেষ কষ্ট  
 হইত, একথা আর বলিতে হইবে না এবং ঐ একদেশিতা যে  
 ধর্মহীনতা হইতে উৎপন্ন, এ কথা বুঝিতে বাকি থাকিত না।

দক্ষিণেশ্বর কালীবাটীতে বসিয়া ঠাকুর যে ধর্মহীনতা ও এক-  
 দেশিতার পরিচয় গৃহী ও সন্ন্যাসী সকলেরই ভিতর প্রতিদিন  
 পাইতেছিলেন, তীর্থে দেবস্থানে গমন করিয়া উহার কিছুই কম  
 না দেখিয়া বরং সমধিক প্রতাপই দেখিতে পাইলেন। মথুরের  
 দানগ্রহণ করিবার সময় ব্রাহ্মণদিগের বিবাদ, কাশীস্থ কতকগুলি  
 তাত্ত্বিক সাধকের পূজাহুঁচান দেখিতে তাঁহাকে আহ্বান করিয়া -  
 জগদম্বার পূজা নামমাত্র সম্পন্ন করিয়া কেবল কারণ-পানে  
 চলাচলি, দণ্ডী স্বামীদের প্রতিষ্ঠা ও নামঘণলাভের জন্য প্রাণপণ

## শ্রীশ্রীরামকৃষ্ণলীলাপ্রসঙ্গ

প্রয়াস, বৃন্দাবনে বৈষ্ণব বাবাজীদের সাধনার ভানে ঘোষিঃসঙ্গে

<p>তীর্থে ধর্মহীনতার পরিচয় পাওয়া। আমাদের দেখা-শুনায় ও ঠাকুরের দেখা-শুনায় কত প্রভেদ</p>	<p>কালঘাপন প্রভৃতি সকল ঘটনাই ঠাকুরের তীক্ষ্ণ- দৃষ্টির সম্মুখে নিজ যথাযথ রূপ প্রকাশ করিয়া সনাত্ত এবং দেশের প্রকৃত অবস্থার কথা বুঝাইতে তাঁহাকে সহায়তা করিয়াছিল। অবশ্য নিজের ভিতর অতি গভীর নিকিবল্ল অঐবততত্ত্বের উপলব্ধি না থাকিলে শুদ্ধ ঐ সকল ঘটনা দেখাটা ঐ বিষয়ে বিশেষ সহায়তা করিতে পারিত না। ঐ ভাবোপলব্ধি</p>
--	--

ইতিপূর্বে করাতেই ঠাকুরের মনে ব্যক্তিগত ও সমাজগত  
মহুয়াজীবনের চরম লক্ষ্য সম্বন্ধে ধারণা স্থির ছিল এবং উহার  
সহিত তুলনায় সকল বিষয় ধরা বুঝা সহজসাধ্য হইয়াছিল।  
অতএব যথার্থ উন্নতি, সভ্যতা, ধর্ম, জ্ঞান, ভক্তি, নিষ্ঠা, যোগ,  
কর্ম প্রভৃতি প্রেবক ভাব-সমূহ কোন্ লক্ষ্যে মানবকে অগ্রসর  
করাইতেছে; অথবা উহাদের পরিসমাপ্তিতে মানব কোথায়  
যাইয়া কিরূপ অবস্থায় দাঁড়াইবে, তদ্বিষয় নিঃসংশয়রূপে জানাতেই  
ঠাকুরের সাধারণ ভাবভূমিতে থাকিবার কালে ব্যক্তিগত  
এবং সমাজগত জীবনের দৈনন্দিন ঘটনাবলীর ঐরূপে দেখা ও  
আলোচনা তাঁহাকে সকল বিষয়ে সত্যাসত্য-নির্দ্ধারণে সহায়তা  
করিয়াছিল। বুঝনা—যথার্থ সাধুতার জ্ঞান না থাকিলে তিনি  
কোন্ সাধু কতদূর অগ্রসর তাহা ধরিতে কিরূপে? তীর্থে ও  
দেবমূর্ত্যাদিতে বাস্তবিকই যে ধর্মভাব বহুলোকের চিন্তাশক্তি-সহায়ে  
খনীভূত হইয়া প্রকাশিত রহিয়াছে, একথা পূর্বে নিঃসংশয়রূপে  
না দেখিলে মহাসত্যনিষ্ঠ ঠাকুর জনসাধারণকে তীর্থটান ও

## গুরুভাব সম্বন্ধে শেষ কথা

মাকারোপাসনায় অতি দৃঢ়তার সহিত প্রোৎসাহিত করিতেন কিরূপে? অথবা নানা ধর্মসকলের কোন্ দিকে গতি এবং কোথায় পরিসমাপ্তি তাহা জানা না থাকিলে ঐ সকলের একদেশিতাটিই যে দৃশ্যীয়, একথা ধরিতেন কিরূপে? আমরাও নিত্য সাধু, তীর্থ, দেবদেবীর মূর্তি প্রভৃতি দেখি, ধর্ম ও শাস্ত্রমতসকলের অনন্ত কোলাহল শুনিয়া বদির হই, বুদ্ধিকৌশল এবং বাকবিতণ্ডায় কখন এ মতটি, কখন ও-মতটি সত্য বলিয়া মনে করি, জীবনের দৈনন্দিন ঘটনাবলী পর্যালোচনা করিয়া মানবের লক্ষ্য কখন এটা কখন ওটা হওয়া উচিত বলিয়া মনে করি; অথচ কোনও বিষয়েই একটা স্থির সিদ্ধান্তে উপনীত হইতে না পারিয়া নিরন্তর সন্দেহে দোলায়মান থাকি এবং কখন কখন নাস্তিক হইয়া ভোগসুখলাভটাই জীবনে সারকথা ভাবিয়া নিশ্চিত হইয়া বসিয়া থাকি! আমাদের ঐরূপ দেখাশুনা, আমাদের ঐরূপ আজ একপ্রকার, কাল অগ্র-প্রকার সিদ্ধান্তে আমাদেরকে কি এমন বিশেষ সহায়তা করে? ঠাকুরের পূর্বোক্তরূপ অদ্ভুত গঠন ও স্বভাববিশিষ্ট মন ছিল বলিয়া তিনি যাহা একবারমাত্র দেখিয়া ধরিতে বুঝিতে সক্ষম হইয়াছিলেন, আমাদের পশুভাবাপন্ন মন শত জন্মেও তাহা জগদগুরু মহাপুরুষদিগের সহায়তা ব্যতীত বুঝিতে পারিবে কি না, বলিতে পারি না। জাতিগত মৌসাদৃশ্য উভয়ে সামান্যভাবে লক্ষিত হইলেও ঠাকুরের মনে ও আমাদের মনে যে কত প্রভেদ, তাহা প্রতি কার্যকলাপেই বেশ অহুমিত হয়। ভক্তিশাস্ত্র ঐ জগতই অবতারপুরুষদিগের মন সাধারণাপেক্ষা ভিন্ন উপাদানে—রজস্তমোরহিত শুদ্ধ সত্ত্বগুণে গঠিত বলিয়া নির্দেশ করিয়াছেন।

## শ্রীশ্রীরামকৃষ্ণলীলাপ্রসঙ্গ

এইরূপে দিব্য ও সাধারণ উভয় ভাবভূমি হইতে দর্শন করিয়াই দেশের বর্তমান ধর্মহীনতা, প্রচলিত ধর্মমতসকলের একদেশিতা প্রত্যেক ধর্মমত সমভাবে সত্য হইলেও এবং বিভিন্ন ঠাকুরের নিজ প্রকৃতিবিশিষ্ট মানবকে ভিন্ন ভিন্ন পথ দিয়া চরমে উদার মতের প্রকৃতিবিশিষ্ট মানবকে ভিন্ন ভিন্ন পথ দিয়া চরমে অমুভব একই লক্ষ্যে পৌছাইয়া দিলেও পূর্বপূর্বাচার্য্যগণের তদ্বিষয়ে অনভিজ্ঞতা বা দেশকাল-পাত্র-বিবেচনায় অপ্রচার ইত্যাদি অভিনব মহাসত্যসকলের ধারণা ঠাকুর তীর্থাদি-দর্শন হইতেই বিশেষরূপে অমুভব করিয়াছিলেন। আর অমুভব করিয়াছিলেন যে একদেশিত্বের গন্ধমাত্রবহিত বিদ্রোহসম্পর্কমাত্রশূন্য তাঁহার নিজভাব জগতের পক্ষে এক অদৃষ্টপূর্ব ব্যাপার! উহা তাঁহারই নিজস্ব সম্পত্তি। তাঁহাকেই উহা জগৎকে দান করিতে হইবে।

“সর্ব ধর্মমতই সত্য—যত মত তত পথ”—এই মহত্বদার কথা জগৎ ঠাকুরের শ্রীমুখেই প্রথম শুনিয়া যে মোহিত হইয়াছে, একথা আমাদের অনেকে এখন জানিতে পারিয়াছেন। পূর্ব পূর্ব যুগের

ঋষি ও ধর্ম্যচার্য্যগণের কাহারও কাহারও ভিতরে ‘সর্ব ধর্ম সত্য—যত মত তত পথ’, ঐরূপ উদার ভাবের অন্ততঃ আংশিক বিকাশ দেখা একথা জগতে গিয়াছে বলিয়া কেহ কেহ আপত্তি উত্থাপিত করিতে তিনিই যে পারেন; কিন্তু একটু তলাইয়া দেখিলেই বুঝা যায়, প্রথম অমুভব প্রাথমিক আচার্য্য নিজ নিজ বুদ্ধি-সহায়ে প্রত্যেক করিয়াছেন, মতের কতক কতক কাটি ছাটিয়া ঐ সকলের ইহা ঠাকুরের মতে ধরিতে পারা ভিতর যতটুকু সারাংশ বলিয়া স্বয়ং বুঝিতেন তৎ-

সকলের মধ্যেই একটা সমন্বয়ের ভাব টানাটানি করিয়া দেখিবার ও দেখাইবার প্রয়াস করিয়াছেন। ঠাকুর যেমন প্রত্যেক মতের

## গুরুভাব সম্বন্ধে শেষ কথা

কিছুমাত্র ত্যাগ না করিয়া

প্রত্যেকের সাধনা করিয়া তত্ত্বমত-নির্দিষ্ট লক্ষ্যে পৌছিয়া এই বিষয়ে প্রত্যক্ষ করিয়াছিলেন, সে ভাবে পূর্বের কোন আচার্য্যই এই সত্য উপলব্ধি করেন নাই। সে যাহাই হউক, এই বিষয়ের বিস্তৃত আলোচনা এখানে করা আমাদের উদ্দেশ্য নহে। আমরা কেবল এই কথাই পাঠককে এখানে বলিতে চাহি যে, এই উদার ভাবের পরিচয় ঠাকুরের জীবনে আমরা বালাবধিই পাইয়া থাকি। তবে তীর্থদর্শন করিয়া আসিবার পূর্ব পর্য্যন্ত ঠাকুর এ কথাটি নিশ্চয় করিয়া ধরিতে পারেন নাই যে, আধ্যাত্মিক রাজ্যে ঐরূপ উদারতা একমাত্র তিনিই উপলব্ধি করিয়াছেন এবং পূর্ব পূর্ব ঋষি আচার্য্য বা অবতারথ্যাত পুরুষ-সকলে এক একটি বিশেষ পথ দিয়া কেমন করিয়া লক্ষ্যস্থানে পৌছিতে হয়, তদ্বিষয় জনসমাজে প্রচার করিয়া যাইলেও ভিন্ন ভিন্ন পথ দিয়া যে একই লক্ষ্যে পৌছান যায়, এ সংবাদ তাঁহাদের কেহই এ পর্য্যন্ত প্রচার করেন নাই। ঠাকুর বুঝিলেন, সাধনকালে তিনি সর্বাস্তঃকরণে সকল প্রকার বাসনা কামনা শ্রীশ্রীজগন্নাথার পাদপদ্মে সমর্পণ করিয়া সংসারে, মায়াব রাজ্যে আর কখন ফিরিবেন না বলিয়া দৃঢ়-সঙ্কল্প করিয়া অধৈর্য্যভাব-ভূমিতে অবস্থান করিলেও যে জগদম্বা তাঁহাকে তখন তাহা করিতে দেন নাই, নানা অসম্ভাবিত উপায়ে তাঁহার শরীরটা এখনও রাখিয়া দিয়াছেন তাহা এই কার্য্যের জ্ঞা—যতদূর সম্ভব একদেশী ভাব জগৎ হইতে দূর করিবার জ্ঞা এবং জগৎও এই অশেষকল্যাণকর ভাব গ্রহণ করিবার জ্ঞা তৃষ্ণার্ত্ত হইয়া রহিয়াছে। পূর্বোক্ত সিদ্ধান্তে কিরূপে আমরা উপনীত হইয়াছি, তাহাই এখন পাঠককে বলিবার প্রয়াস পাইব।



## শ্রীশ্রীরামকৃষ্ণলীলাপ্রদয়

ধর্মবস্তুর উপলব্ধি যে বাক্যের বিষয় নহে, অতএব—  
কথা ঠাকুরের বাল্যাবধিই ধারণা ছিল। আবার ঐ বস্তু যে হুঁকালা-  
হুঁঠানে সঞ্চিত করিয়া অপরে সংক্রামিত করিতে বা

অগতঃ ধর্মদান করিতে হইবে বলিয়াই জগদম্বা তাঁহাকে অদ্ভুতশক্তিসম্পন্ন করিয়াছেন, ঠাকুরের ইহা অমূল্য করা	অপরকে যথার্থই প্রদান করিতে পারা যায় ইহাও ঠাকুর সাধনকালে সময়ে সময়ে এবং নিক্খিলাভ করিবার পরে অনেক সময় অনুভব করিতেছিলেন। ঐ কথাই আমরা ইতিপূর্বেই <sup>১</sup> অনেক স্থলে আভাস দিয়া আসিয়াছি। জগদম্বা কৃপা করিয়া তাঁহাতে যে ঐ শক্তি বিশেষভাবে সঞ্চিত করিয়া রাখিয়াছেন এবং মথুরাপ্রমুখ বিশেষ বিশেষ ব্যক্তিদিগের প্রতি
---	--

কৃপায় তাঁহাকে সময়ে সময়ে সম্পূর্ণ আত্মহারা করিয়া ঐ শক্তি  
ব্যবহার করিয়াছেন তদ্বিষয়ে প্রমাণও ঠাকুর এ পর্য্যন্ত অনেকবার  
আপন জীবনে পাইয়াছিলেন। উহাতে তাঁহার ইতিপূর্বে এই  
ধারণামাত্রই হইয়াছিল যে, শ্রীশ্রীজগদম্বা তাঁহার শরীর ও মনকে  
স্বল্পস্বরূপ করিয়া কতকগুলি ভাগ্যবানকেই কৃপা করিবেন—কি ভাবে  
বা কখন ঐ কৃপা করিবেন তাহা তিনি বুঝিতে পারেন নাই এবং  
শিশুর মায় মাতার উপর নিঃসঙ্কোচে নির্ভরশীল ঠাকুরের মন উহা  
বুঝিতে চেষ্টাও করে নাই। কিন্তু —

জগতে ধর্ম-বস্তুর প্রবাহিত করিতে হইবে, এ কথা তাঁহার  
মনে স্বপ্নেও উদ্ভিত হয় নাই। এখন হইতে জগদম্বা তাঁহার শরীর-  
মনকে আশ্রয় করিয়া ঐ নূতন লীলার আরম্ভ যে করিতেছেন, ঠাকুর

<sup>১</sup> গুরুভাব—পূর্ব্বোক্তের ৬ষ্ঠ ও ৭ম অধ্যায় দেখ।

## গুরুভাব সম্বন্ধে শেষ কথা

এ কথা প্রাণে প্রাণে অনুভব করিতে লাগিলেন। কিন্তু করিলেই বা উপায় কি? জগদম্বা কোন্ দিক দিয়া কি করাইয়া কোথায় লইয়া বাইতেছেন, তাহা না বুঝিতে দিলেই বা তিনি কি করিবেন? ‘মা আমার, আমি মার’—একথা সত্যসত্যই সর্বকালের জগৎ বলিয়া তিনি যে বাস্তবিকই জগদম্বার বালক হইয়া গিয়াছেন! মার ইচ্ছা ব্যতীত তাঁহাতে যে বাস্তবিকই অপর কোনরূপ ইচ্ছার উদয় নাই! এক ইচ্ছা যাহা সময়ে সময়ে উদিত হইত—মাকে নানা ভাবে নানা পথ দিয়া জানিবেন, তাহাও যে ঐ মা-ই নানা সময়ে তাঁহার মনে তুলিয়া দিয়াছিলেন, এ কথাও মা তাঁহাকে ইতিপূর্বে বিলক্ষণরূপে বুঝাইয়া দিয়াছেন। অতএব এখনকার অভিনব অনুভবে জগদম্বার বালক মানন্দে মার মুখের প্রতিই চাহিয়া রহিল এবং জগন্মাতাই পূর্বের ত্রায় এখনও তাঁহাকে লইয়া খেলিতে লাগিলেন।

তীর্থাদিদর্শনে পূর্বোক্ত সত্যসকলের অনুভবে ঠাকুর যে আমাদের ত্রায় অহঙ্কারের বশবর্তী হইয়া আচার্য্যপদবী লয়েন নাই, একথা আমরা দিব্যপ্রেমিকা তপস্বিনী গঙ্গামাতার সহিত শ্রীবন্দাবনে

আমাদের	তাঁহার জীবনের অবশিষ্ট কাল কাটাইয়া দিবার
ত্রায়	ইচ্ছাতেই বেশ বুঝিতে পারি। ‘মার কাজ মা
অহঙ্কারের	করেন, আমি জগত্তের কাজ করিবার, লোক শিক্ষা
বশবর্তী হইয়া	দিবার কে?’—এই ভাবটি ঠাকুরের মনে আজীবন
ঠাকুর	যে কি বন্ধমূল হইয়া গিয়াছিল, তাহা আমরা
আচার্য্যপদবী	গ্রহণ করেন
নাই	কল্পনাসহায়েও এতটুকু বুঝিতে পারি না! কিন্তু
এরূপ হওয়াতেই	তাঁহার জগদম্বার কার্যের যথার্থ যন্ত্রস্বরূপ

## শ্রী শ্রী রামকৃষ্ণলীলা প্রসঙ্গ

হওয়া, ঐরূপ হওয়াতেই তাঁহার ভাবমুখে নিরন্তর স্থিতি, ঐরূপ হওয়াতেই তাঁহাতে শ্রীগুরুভাবের প্রকাশ এবং ঐরূপ হওয়াতেই তাঁহার মনে ঐ গুরুভাব ঘনীভূত হইয়া এক অপূর্ণ অভিনবাকার ধারণ করিয়া এখন পূর্বোক্তরূপে প্রকাশ পাওয়া! এতদিন গুরুভাবের আবেশকালে ঠাকুর আত্মহারা হইয়া পড়িয়া তাঁহার শরীর-মনাশ্রয়ে যে কাণ্ড হইত তাহা নিম্পন্ন হইয়া যাইবার পর তবে ধরিতে বুঝিতে পারিতেন—এখন তাঁহার শরীর-মন ঐ ভাবের নিরন্তর ধারণ ও প্রকাশে অভ্যস্ত হইয়া আসিয়া উহাই তাঁহার সহজ স্বাভাবিক অবস্থা হইয়া দাঁড়াইয়া তিনি না চাহিলেও তাঁহাকে যথার্থ আচার্য্যপদবীতে সর্বদা প্রতিষ্ঠিত করিয়া রাখিল। পূর্বে দীন সাধক বা বালক-ভাবই ঠাকুরের মনের সহজাবস্থা ছিল; ঐ ভাবাবলম্বনেই তিনি অনেককাল অবস্থিতি করিতেন এবং গুরুভাবের প্রকাশ তাঁহাতে স্বল্পকালই হইত। এখন তদ্বিপরীত হইয়া গুরুভাবেরই অধিক কাল অবস্থিতি এবং দীন সাধক বা বালক-ভাবের তাঁহাতে অল্পকাল স্থিতি হইতে লাগিল।

অহঙ্কৃত হইয়া আচার্য্যপদবীগ্রহণ যে ঠাকুরের মনের নিকট এককালে অসম্ভব ছিল তাহার পরিচয় আমরা অনেক দিন ঠাকুরের ঐ বিষয়ে ভাবাবেশে জগদম্বার সহিত বালকের ত্রায় কলহে প্রমাণ—পাইয়াছি। কুল শতদলের মৌর্যে মধুকরপংক্তির ভাবমুখে ত্রায় ঠাকুরের আধ্যাত্মিক প্রকাশে আকৃষ্ট হইয়া ঠাকুরের দক্ষিণেশ্বরে যখন অশেষ জনতা হইতেছিল তখন সহিত কলহ একদিন আমরা যাইয়া দেখি ঠাকুর ভাবাবস্থায় মার সহিত কথা কহিতেছেন। বলিতেছেন, “কচ্ছিস্ কি? এত

## গুরুভাব সম্বন্ধে শেষ কথা

লোকের ভিড় কি আনতে হয় ? ( আমার ) নাইবার খাবার সময় নেই ! [ ঠাকুরের তখন গলদেশে ব্যথা হইয়াছে । নিজের শরীর লক্ষ্য করিয়া ] এটা তো ভাঙ্গা ঢাক ! এত করে বাজালে কোন্ দিন ফুটো হয়ে যাবে যে ! তখন কি করবি ? ”

আবার একদিন দক্ষিণেশ্বরে আমরা তাঁহার নিকট বসিয়া আছি । সেটা ১৮৮৪ খৃষ্টাব্দের অক্টোবর মাস । ইহার কিছুদিন

পূর্বে শ্রীযুত প্রতাপ হাঙ্গরার মাতার পীড়ার ঐ বিষয়ে  
দ্বিতীয় দৃষ্টান্ত

সংবাদ আসায় ঠাকুর তাহাকে অনেক বুঝাইয়া  
সুঝাইয়া মাতার সেবা করিতে দেশে পাঠাইয়া  
দিয়াছেন—সে-দিনও আমরা উপস্থিত ছিলাম । অল্প সংবাদ  
আসিয়াছে প্রতাপচন্দ্র দেশে না যাওয়া বৈজ্ঞান্য দেওঘরে চলিয়া  
গিয়াছে । ঠাকুর ঐ সংবাদে একটু বিরক্তও হইয়াছেন । একথা  
সেকথার পর ঠাকুর আমাদিগকে একটি সঙ্গীত গাহিতে বলিলেন  
এবং কিছুক্ষণ পরে ঠাকুরের ভাবাবেশ হইল । সেদিনও ঠাকুর ঐ  
ভাবাবেশে জগদম্বার সহিত বালকের গ্রায় বিবাদ আরম্ভ করিলেন ।  
বলিলেন, “অমন সব আদাড়ে লোককে এখানে আনিব কেন ?  
( একটু চুপ করিয়া ) আমি অত পারবো না । এক সের দুধে এক-  
আধপো জলই থাক—তা নয়, এক সের দুধে পাঁচ সের জল !  
জল ঠেলতে ঠেলতে ধোঁয়ায় চোখ জলে গেল ! তোর ইচ্ছে হয়  
তুই দিগে যা । আমি অত জল ঠেলতে পারবো না । অমন সব  
লোককে আর আনিব না । ” কাহাকে লক্ষ্য করিয়া ঠাকুর ঐ কথা  
মাকে বলিতেছেন, তাহার কি দুঃখ—একথা ভাবিতে ভাবিতে  
আমরা ভয়ে বিষ্ময়ে অভিভূত হইয়া স্থির হইয়া বসিয়া রহিলাম !

মার সহিত ঐরূপ বিবাদ ঠাকুরের নিন্দা উপস্থিত হইত ; তাহাতে দেখা যাইত যে, যে আচার্য্যপদবীর সম্মানের জন্ত অগ্র সৰূলে লালায়িত, ঠাকুর তাহা নিতান্ত অকিঞ্চিংকর জ্ঞানে মাকে নিন্দা তাহার নিকট হইতে ফিরাইয়া লইতে বলিতেন।

এইরূপে ইচ্ছাময়ী জগদম্বা নিজ অচিন্ত্য লীলায় তাঁহাকে অদৃষ্ট-পূৰ্ব্ব অদ্ভুত উপলক্ষিসকল আজীবন করাইয়া তাঁহার ভিতর যে

ঠাকুরের	মহদুদার আধ্যাত্মিক ভাবের অবতারণা করাইয়া-
অনুভব :	ছেন, তাহা ইতিপূৰ্বে জগতে অগ্র কোনও আচার্য্য
“পরকারী	মহাপুরুষই আর করেন নাই—একথাটি ঠাকুরকে
লোক—	বুঝাইবার মধ্যে মধ্যে অপরকে কৃতার্থ করিবার জন্ত
আমাকে	তিনি ঠাকুরের ভিতরে ধর্ম্মশক্তি যে কতদূর সঞ্চিত
জগদম্বার	রাখিয়াছেন এবং ঐ শক্তি অপরে সংক্রমণের জন্ত
জমিদারীর”	তাঁহাকে যে কি অদ্ভুত যন্ত্রস্বরূপ করিয়া নির্মাণ
যেখানে যখনই	করিয়াছেন, তদ্বিষয়ও জগন্মাতা ঠাকুরকে এই সময়ে
গোলমাল হইবে	দেখাইয়া দেন। ঠাকুর সবিস্ময়ে দেখিলেন—
সেখানেই তখন	
গোল থামাইতে	
ছুটিতে হইবে”	

বাহিরে চতুর্দিকে ধর্ম্মাভাব, আর ভিতরে মার লীলায় ঐ অভাব-পূরণের জন্ত অদৃষ্টপূৰ্ব্ব শক্তি-সঞ্চয় ! দেখিয়া বুঝিতে বাকি রহিল না যে, আবার মা এ যুগে অজ্ঞান-মোহরূপ দুর্দান্তরক্তবীজ-বধে রণরঙ্গে অবতীর্ণা ! আবার জগৎ মার অহেতুকী করুণার খেলা দেখিয়া নয়ন সার্থক করিবে এবং অনন্তগুণময়ী কোটি-ব্রহ্মাণ্ড-নায়িকার জয়স্তুতি করিতে যাইয়া বাক্য খুঁজিয়া পাইবে না ! উত্তাপের আতিশয্যে যেঘের উদয়, হ্রাসের শেষে ক্ষীণতির উদয়, ছদ্দিনের অবসানে সূদিনের উদয় এবং বহুলোকের বহুকালসঞ্চিত

অহেতুকী করুণা ঘনীভূত হইয়া এইরূপেই গুরুভাবের জীবন্ত মচল বিগ্রহরূপে অবতীর্ণ হয়! জগদম্বা ক্রপায় ঠাকুরকে ঐ কথা বুঝাইয়া আবার ক্রপা করিয়া দেখাইলেন ঠাকুরকে লইয়া তাঁহার ঐরূপ লীলা বহুযুগে বহুবার হইয়াছে; সাধারণ জীবের দ্বায় তাঁহার মুক্তি নাই। ‘সরকারী লোক—তাঁহাকে জগদম্বার জমীদারীর খেপানে যখনই কোন গোলমাল উপস্থিত হইবে সেইখানেই তখন গোল খামাইতে ছুটিতে হইবে।’—ঠাকুরের ঐ সকল কথার অন্তর্যর্থ এখন হইতেই যে হইয়াছিল এ বিষয় আমরা ঐরূপে বেশ বুঝিতে পারি।

‘যত মত তত পথ’-রূপ উদার মতের উদয় জগদম্বাই ‘লোকহিতায়’ ক্রপায় তাঁহাতে করিয়াছেন একথা বুঝিবার সঙ্গে সঙ্গে ঠাকুরের বিচারশীল মন আর একটি বিষয়-নিজ ভক্তগণকে দেখিবার জন্ত অসুস্থকালে যে এখন হইতে অগ্রসর হইয়াছিল ঠাকুরের প্রাণ একথা স্পষ্ট প্রতীত হয়। কোন্ ভাগ্যবানেরা ব্যাকুল হওয়া তাঁহার শরীর-মনোপ্রাণে অবস্থিত সাক্ষাৎ মার নিকট হইতে ঐ নবীনোদার ভাব গ্রহণ করিয়া নিজ নিজ জীবন-গঠনে ধন্য হইবে, কাহারো মার নিকট হইতে শক্তিগ্রহণ করিয়া তাঁহার বর্তমান যুগের অভিনব লীলার সহায়ক হইয়া অপরকে ঐ ভাব গ্রহণ করাইয়া কৃতার্থ করিবে, কাহাদিগকে মা ঐ মহৎ কার্য্যাক্ষষ্ঠানের জন্ত চিহ্নিত করিয়া রাখিয়াছেন—এই সকল কথা বুঝিবার, মন এ সময় ব্যাকুল হইয়া উঠে। মথুরের সহিত ঠাকুরের প্রেমসম্বন্ধ-বিচারকালে ঠাকুরের নিজ

## ভক্তগণকে দর্শনের কথা পূর্বে : জগদম্বার

অবস্থিত ঠাকুরের মনে তাহাদের পূর্বদৃষ্ট মুখগুলি এখন উজ্জ্বল জীবন্ত ভাবধারণ কবিল! তাহারা কতগুলি হইবে, কবে কতদিনে মা তাহাদের এখানে আনয়ন করিবেন, তাহাদের কাহার দ্বারা মা কোন্ কাজ করাইয়া লইবেন, মা তাহাদিগকে তাহার দ্বারা ত্যাগী করিবেন অথবা গৃহধর্ম্যে রাখিবেন—

চারি জনেই তাহাকে লইয়া মার এই অপূর্ব লীলার কথা অল্পমাত্র বুলিয়াছে, আগত ব্যক্তিদিগের কেহও কি জগদম্বার ঐ লীলার কথা যথাযথ সম্যক্ বুলিতে পারিবে অথবা আংশিক বুলিয়াই চলিয়া যাইবে—এইরূপ নানা কথার তোলাপাড়া করিয়াই যে এ অদ্ভুত সন্ন্যাসি-মনের এখন দিন কাটিতে লাগিল, একথা তিনি পরে অনেক সময়ে আমাদিগকে বলিয়াছেন। বলিতেন, “তোদের সব দেখবার জন্ত প্রাণের ভিতরটা তখন এমন করে উঠতো, এমনভাবে মোচর দিত যে যন্ত্রণায় অস্থির হয়ে পড়তুম! ডাক ছেড়ে কঁাদতে ইচ্ছা হত। লোকের সামনে, কি মনে করবে ভেবে, কঁাদতে পারতুম না; কোনও রকমে সামলে-সুমলে থাকতুম। আর যখন দিন গিয়ে রাত আসত, মার ঘরে বিমুগ্ধরে আরতির বাজনা বেজে উঠত, তখন আর একটা দিন গেল—তোরা এখনও এলি নি ভেবে আর সামলাতে পারতুম না; কুঠির উপরে ছাদে উঠে ‘তোরা সব কে কোথায় আছিস্ আয়রে’ বলে চোঁচিয়ে ডাকতুম ও ডাক ছেড়ে কঁাদতুম!”

১ গুরুভাব—পূর্বোক্ত, ৭ম অধ্যায় দেখ।

## গুরুভাব সম্বন্ধে শেষ কথা

মনে হত পাগল হয়ে যাব। তারপর কিছুদিন বাদে তোরা সব একে একে আসতে আরম্ভ করলি—তখন ঠাণ্ডা হই! আর আগে দেখেছিলাম বলে, তোরা যেমন যেমন আসতে লাগলি অমনি চিনতে পারলুম! তারপর পূর্ণ যখন এল, তখন মা বলে, 'ঐ পূর্ণতে তুই যারা সব আসবে বলে দেখেছিলি তাদের আসা পূর্ণ হল। ঐ থাকের (শ্রেণীর) লোকের কেউ আসতে আর বাকি রইল না।' মা দেখিয়ে বলে দিলে, 'এরাই সব তোর অন্তরঙ্গ।' অদ্ভুত দর্শন—অদ্ভুত তাহার সফলতা! আমরা ঠাকুরের ঐ সকল কথার অর্থ কতদূর কি বুঝিতে পারি? ঠাকুরের এগনকার অবস্থাসম্বন্ধে আমাদের পূর্বোক্ত কথাসকল যে স্বকপোল-কল্পিত নহে, পাঠককে উহা বুঝাইবার জগ্গই ঠাকুরের ঐ কথাগুলির এখানে উল্লেখ করিলাম।

এইরূপে নিজ উদার মতের অহুভব করিবার এবং গ্রহণের

ঠাকুরের  
ধারণা—  
'যার শেষ জন্ম  
সেই' এখানে  
আসবে;  
যে ঈশ্বরকে  
একবারও ঠিক  
ঠিক ডেকেছে,  
তাকে এখানে  
আসতে  
হবেই হবে'

অধিকারী কাহারো, একথা নির্ণয় করিতে যাইয়া  
ঠাকুরের আর একটি কথারও ধারণা উপস্থিত  
হইয়াছিল। ঠাকুর উহা আমাদেরকে স্বয়ং অনেক  
সময় বলিতেন। বলিতেন, "যার শেষ জন্ম সেই  
এখানে আসবে—যে ঈশ্বরকে একবারও ঠিক ঠিক  
ডেকেছে তাকে এখানে আসতে হবেই হবে।"  
কথাগুলি শুনিয়া কত লোক কত কি যে ভাবিয়াছে,  
তাহা বলিয়া উঠা দায়। কেহ উহা একেবারে  
অযুক্তিকর সিদ্ধান্ত করিয়াছে; কেহ ভাবিয়াছে,

উহা ঠাকুরের ভক্তিবিশ্বাস-প্রসূত অসম্বন্ধ প্রলাপমাত্র; কেহ বা



## শ্রীশ্রীরামকৃষ্ণলীলাপ্রসঙ্গ

ঐ সকলে ঠাকুরের মন্তিকবিকৃতি অথবা অহঙ্কারের পরিচয় পাইয়াছে ; কেহ বা আমরা বুঝিতে না পারিলেও ঠাকুর যখন বলিয়াছেন তখন উহা বাস্তবিকই সত্য, এইরূপ বুঝিয়া তৎসম্বন্ধে যুক্তি-তর্কের অবতারণা করাটা বিশ্বাসের হানিকর ভাবিয়া চক্ষুর্কণে অঙ্গুলি প্রদান করিয়াছে ; আবার কেহ বা ঠাকুর যদি উহা কখন বুঝান তো বুঝিও ভাবিয়া উহাতে বিশ্বাস বা অবিশ্বাস কিছুই একটা পাকা না করিয়া উহার স্বপক্ষে বা বিপক্ষে যে যাহা বলিতেছে, তাহা অবচলিত চিত্তে গুনিয়া যাইতেছে। কিন্তু অহঙ্কার-সম্পর্ক-মাত্রশূন্য স্বাভাবিক সহজ ভাবেই যে জগদম্বা ঠাকুরকে নিজ উদার মতের অনুভব ও যথার্থ আচার্য্য-পদবীতে আরুঢ় করাইয়াছিলেন, একথা যদি আমরা পাঠকে বুঝাইতে পারিয়া থাকি তাহা হইলে তাঁহার ঐ কথাগুলির অর্থ বুঝিতে বিলম্ব হইবে না। শুধু তাহাই নহে, একটু তলাইয়া দেখিলেই পাঠক বুঝিবেন যে ঐ কথাগুলিই ঠাকুরের সহজ স্বাভাবিকভাবে বর্তমান উচ্চ আধ্যাত্মিক অবস্থান-বিষয়ে বিশিষ্ট প্রমাণরূপ।

জগদম্বার বালক ঠাকুর নিজ শরীর-মনের অন্তরে দৃষ্টিপাত করিয়া বর্তমানে যে অপূর্ণ আধ্যাত্মিক শক্তি-সঞ্চয় ও শক্তি-জগদম্বার প্রতি সংক্রমণ-ক্ষমতার পরিচয় পাইয়াছিলেন তাহা যে একান্ত নির্ভর্যে তাঁহার নিজ চেষ্টার ফলে, একথা তিলেকের ঠাকুরের জ্ঞান ও তাঁহার জননীগত-প্রাণ মনে উদিত হয় নাই। ঐরূপ ধারণা উহাতে তিনি অচিন্ত্যলীলাময়ী জগজ্জননীর খেলাই আনিয়া দেখিয়াছিলেন এবং দেখিয়া সন্তুষ্ট ও বিস্মিত উপস্থিত হয় হইয়াছিলেন। অঘটন-ঘটনপটীয়সী মা নিরঙ্কর শরীর-মনটাকে

## গুরুভাব সম্বন্ধে শেষ কথা

আশ্রয় করিয়া এ কি বিপুল খেলার আয়োজন করিয়াছেন! মুক্কে বাগ্মী করা, পঙ্কুর দ্বারা স্তম্ভের উল্লঙ্ঘন করান প্রভৃতি মার যে-সকল লীলা দেখিয়া লোকে মোহিত হইয়া তাঁহার মহিমা কীর্তন করে, বর্তমান লীলা যে ঐ সকলকে শতগুণে সহস্রগুণে অতিক্রম করিতেছে! মার এ লীলায় বেদ বাইবেল পুরাণ কোরাণাদি যাবতীয় ধর্মশাস্ত্র প্রমাণত, ধর্ম প্রতিষ্ঠিত এবং জগতের যে অভাব পূর্বে কোন যুগে কেহই দূর করিতে সমর্থ হয় নাই তাহাও চিরকালের মত বাস্তবিক অন্তর্হিত! ধন্য মা, ধন্য লীলাময়ী ব্রহ্মশক্তি! এইরূপ ভাবনার উদয়ই ঠাকুরের ঐ দর্শনে উপস্থিত হইয়াছিল। মার কথায়, মার অনন্ত করুণায় ও অচিন্ত্য শক্তিতে একান্ত বিশ্বাসেই ঠাকুরের মন ঐ দর্শনকে ধ্রুব সত্য বলিয়া ধরিয়া ঐ লীলার প্রসার কতদূর, কাহারো উহার সহায়ক এবং ঐ শক্তিবীজ কিরূপ হৃদয়েই বা রোপিত হইবে—এই সকল প্রশ্ন পর পর জিজ্ঞাসা করিয়া উহার ফলস্বরূপ অন্তরঙ্গ ভক্তদিগকে দেখা এবং যাহার শেষ জন্ম, যে ঈশ্বরকে পাইবার জন্ত একবারও মনে প্রাণে ডাকিয়াছে সেই ব্যক্তিই মার এই অপূর্বোদার নূতন ভাব-গ্রহণের অধিকারী, এই সিদ্ধান্তে আসিয়া উপস্থিত হইয়াছিল। অতএব দেখা যাইতেছে, উহা জগজ্জননীর উপর ঠাকুরের ঐকান্তিক বিশ্বাসের ফলেই আসিয়াছিল। মার উপর নির্ভরশীল বালকের ঐরূপ সিদ্ধান্ত করা ভিন্ন অরূপ করিবার আর উপায়ই ছিল না এবং ঐরূপ করাতে ঠাকুরের অহঙ্কারের লেশমাত্রও মনে উদ্ভিত হয় নাই।

অতএব 'যার শেষ জন্ম সেই এখানে আসবে, ঈশ্বরকে যে এ'বারও ঠিক ঠিক ডেকেছে তাকে এখানে আসতে হবেই হবে'—

## শ্রীশ্রীরামকৃষ্ণলীলাপ্রসঙ্গ

ঠাকুরের এই কথাগুলির ভিতর ‘এখানে’ কথাটির অর্থ যদি আমরা ‘মার অভিনব উদার ভাবে’ এইরূপ করি, তাহা হইলে বোধ হইবে অযুক্তিকর হইবে না এবং কাহারও আপত্তি হইবে না। কিন্তু এ

অর্থ স্বীকার করিলেই আবার অন্ত প্রশ্ন উঠিবে—  
ঠাকুরের ঐ কথার অর্থ তাহারা কি জগদম্বার ‘যত মত তত পথ’-রূপ উদারভাবে আপনা হইতে উপস্থিত হইবে অথবা

জগদম্বা যাহাকে যন্ত্ররূপ করিয়া জগতে ঐ ভাব প্রথম প্রচার করিলেন, তাঁহার সহায়ে উপস্থিত হইবে? এ প্রশ্নের উত্তর আমাদের বোধে, প্রশ্নকর্তার নিজের প্রাণে বা অপর কাহারও প্রাণে ঐ ভাব ঠিক ঠিক অনুভূতি করিবার ফল দেখিয়াই করা উচিত এবং যতদিন না ঐ দর্শন আসিয়া উপস্থিত হয়, ততদিন চূপ করিয়া থাকাই ভাল। তবে পাঠক যদি আমাদের ধারণার কথা জিজ্ঞাসা করেন তো বলিতে হয়, ঠিক ঠিক ঐ ভাবানুভূতির সঙ্গে সঙ্গে জগদম্বা যাহাকে ঐ ভাবময় করিয়া জগতের জন্ত সংসারে প্রথম আনয়ন করিয়াছেন তাঁহার দর্শনও তোমার যুগপৎ লাভ হইবে এবং তাঁহার ‘নির্মাণমোহ’ মূর্তিতে প্রাণের ভক্তি-শ্রদ্ধা তুমি আপনা হইতেই ঢালিয়া দিবে। ঠাকুর উহা প্রার্থনা করিবেন না—অপরেও কেহ তোমায় এরূপ করিতে বলিবেন না, কিন্তু তুমি জগদম্বার প্রতি প্রেমে আপনিই উহা করিয়া ফেলিবে। এ বিষয়ে আর অধিক বলা নিশ্চয়োজ্ঞন।

জগদম্বার ইচ্ছায় গুরুভাব কাহারও ভিতর কিঙ্কিমাাত্র সহজ বা ঘনীভূত হইলে ঐ পুরুষের কার্যকলাপ, বিহার, ব্যবহার এবং অপরের প্রতি অহৈতুকী করুণাপ্রকাশ সকলই মানববুদ্ধির অগম

## গুরুভাব সম্বন্ধে শেষ কথা

এক অভূতাকার যে ধারণ করে, ভারতের তন্ত্রকার একথা বারংবার বলিয়াছেন। ঐ ভাবের ঐরূপ বিকাশকে তন্ত্র দিব্যভাবাখ্যা প্রদান করেন এবং ঐ দিব্যভাবে ভাবিত পুরুষদিগের অপরকে শিক্ষাদীক্ষাদান শাস্ত্রবিধিবদ্ধ নিয়মসকলের বহির্ভূত অসম্ভাবিত উপায়ে হইয়া

গুরুভাবের  
ঘনীভূতাবস্থাকেই  
তন্ত্র দিব্যভাব  
বলিয়াছেন।  
দিব্যভাবে  
উপনীত গুরুগণ  
শিষ্যকে  
কিরূপে দীক্ষা  
দিয়া থাকেন

থাকে, একথাও বলেন। কাহারও প্রতি করুণায় তাঁহারা ইচ্ছা বা স্পর্শমাত্রেই ঐ ব্যক্তিতে ধর্মশক্তি সম্যক্ জাগ্রত করিয়া তদগুণেই সমাধিস্থ করিতে পারেন; অথবা আংশিকভাবে ঐ শক্তিকে তাহাদের ভিতর জাগ্রত করিয়া এ জন্মেই যাহাতে উহা সম্যক্ভাবে জাগ্রতি হয় ও সাধককে যথার্থ ধর্মলাভে কৃতার্থ করে, তাহাও করিয়া দিতে পারেন। তন্ত্র বলেন, গুরুভাবের ঐষং ঘনীভূতাবস্থায়

আচার্য্য শিষ্যকে ‘শাক্তী’ দীক্ষাদানে এবং বিশেষ ঘনীভূতাবস্থায় ‘শান্তবী’ দীক্ষাদানে সমর্থ হইয়া থাকেন। আর সাধারণ গুরুদেরই শিষ্যকে ‘মাদ্বী বা আগবী’ দীক্ষাদান তন্ত্রনির্দিষ্ট। ‘শাক্তী’ ও ‘শান্তবী’ দীক্ষা সম্বন্ধে রুদ্রযামল, যড়স্বয় মহারত্ন, বায়বীয় সংহিতা, সারদা, বিশ্বসার প্রভৃতি সমস্ত তন্ত্র এক কথাই বলিয়াছেন। আমরা এখানে বায়বীয় সংহিতার শ্লোকগুলি উদ্ধৃত করিলাম; যথা—

শান্তবী চৈব শাক্তী চ মাদ্বী চৈব শিবাগমে।

দীক্ষোপদিষ্টতে ত্রেখা শিবেন পরমাত্মনা ॥

গুরোরালোকমাত্রোণ স্পর্শাং সম্ভাষণাদপি।

সদ্যঃ সংজ্ঞা ভবেজ্জন্তোদীক্ষা সা শান্তবী মতা ॥

## শ্রীশ্রীরামকৃষ্ণলীলাপ্রসঙ্গ

শাক্তী জ্ঞানবতী দীক্ষা শিষ্যদেহং প্রবিষ্ণতি ।

গুরুণা জ্ঞানমার্গেন ক্রিয়তে জ্ঞানচক্ষুষা ॥

মাত্রী ক্রিয়াবতী দীক্ষা কুন্তমণ্ডলপূর্বিকা ।

\* \* \*

অর্থাৎ—আগমশাস্ত্রে পরমাত্মা শিব তিন প্রকার দীক্ষার উপদেশ  
করিয়াছেন, যথা—শাস্তবী, শাক্তী ও মাত্রী ।

শ্রীগুরুদর্শন, স্পর্শন  
ও সম্ভাষণমাত্রেই  
শিষ্যের জ্ঞানের উদয়  
হওয়াকে শাস্তবী  
দীক্ষা বলে এবং  
গুরুর শক্তি  
শিষ্য-শরীরে প্রবিষ্ট  
হইয়া তাহার ভিতর  
জ্ঞানের উদয় করিয়া  
দেওয়াকেই শাক্তী  
দীক্ষা কহে

শাস্তবী দীক্ষায় শ্রীগুরু-দর্শন, স্পর্শন বা সম্ভাষণ  
(প্রণামাদি) মাত্রেই জীবের তদগে জ্ঞানোদয়  
হয় । শাক্তী দীক্ষায় জ্ঞানচক্ষু গুরু দিব্যজ্ঞান-  
সহায়ে শিষ্যের ভিতর নিজ শক্তি প্রবিষ্ট করাইয়া  
তাহার প্রাণে ধর্মভাব জাগ্রত করাইয়া দেন ।  
মাত্রী দীক্ষায় মণ্ডল-অঙ্কন, ঘটস্থাপন এবং  
দেবতার পূজাদি পূর্বক শিষ্যের কর্ণে মন্ত্রোচ্চারণ  
করিয়া দিতে হয় ।

রুদ্রাঘামল বলেন—শাক্তী ও শাস্তবী দীক্ষা সত্তোমুক্তি-  
বিধায়িনী । যথা—

শাক্তী চ শাস্তবী চাত্মা সত্তোমুক্তিবিধায়িনী ।

\* \* \*

সিদ্ধেঃ স্বশক্তিমালোক্য তয়া কেবলয়া শিশোঃ ।

নিরুপায়ং কৃত্য দীক্ষা শাক্তেয়ী পরিকীর্তিতা ॥

অভিসম্বিং বিনাচার্য্য শিষ্যদ্বোরুভয়োৱপি ।

দেশিকানুগ্রহেণৈব শিবতা ব্যক্তিকারিণী ॥

## গুরুভাব সম্বন্ধে শেষ কথা

অর্থাৎ—সিদ্ধ পুরুষেরা কোনরূপ বাহ্যিক উপায় অবলম্বন না করিয়া কেবলমাত্র নিজ আধ্যাত্মিক শক্তিসহায়ে শিষ্যের ভিতর যে দিব্য-জ্ঞানের উদয় করেন, তাহাকেই শাক্তী দীক্ষা কহে। শাক্তবী দীক্ষায় আচার্য্য ও শিষ্যের মনে দীক্ষা প্রদান ও গ্রহণ করিব পূর্ব হইতে এরূপ কোন সঙ্কল্প থাকে না। পরম্পরের দর্শন-মাঝেই আচার্য্যের হৃদয়ে সহসা করুণার উদয় হইয়া শিষ্যকে রূপা করিতে ইচ্ছা হয় এবং উহাতেই শিষ্যের ভিতর অদ্বৈতবস্তুর জ্ঞানোদয় হইয়া সে শিষ্যত্ব স্বীকার করে।

পুরাণচরণোক্তাস তন্ত্ৰ বলেন, ঐ প্রকার দীক্ষায় শাস্ত্রনির্দিষ্ট কালাকাল-বিচারের ও আবশ্যকতা নাই। যথা—

দীক্ষায়াং চঞ্চলাপাঙ্গি ন কালনিয়মঃ কচিৎ ।

সদগুরোর্দর্শনাদেব সূর্য্যপর্কে চ সর্বদা ॥

শিষ্যমাত্ময় গুরুণা রূপয়া যদি দীয়তে ।

তত্র লগ্নাদিকং কিঞ্চিৎ ন বিচার্য্যং কদাচন ॥

অর্থাৎ—হে চঞ্চলনয়নি পার্শ্বতি, বীর ও দিব্যভাবাপন্ন গুরুর ঐরূপ দীক্ষায় নিকট হইতে দীক্ষাগ্রহণে কালবিচারের কোনও কালাকাল-বিচারের আবশ্যকতা নাই। উত্তরায়ণকালে সদগুরুদর্শনলাভ আবশ্যকতা নাই হইলে এবং তিনি রূপা করিয়া শিষ্যকে দীক্ষা দিতে আহ্বান করিলে লগ্নাদিবিচার না করিয়াই উহা লইবে।

সাধারণ দিব্যভাবাপন্ন গুরুর সম্বন্ধেই শাস্ত্র যখন ঐরূপ ব্যবস্থা নির্ণয় করিয়াছেন, তখন এ অলৌকিক ঠাকুরের জগদম্বার হস্তে সর্বথা যন্ত্ৰস্বরূপ থাকিয়া অহৈতুকী করুণায় অপরকে শিক্ষাদান

ও ধর্মশক্তি-সঞ্চারের প্রকার আমরা কেমন করিয়া নির্ণয় করিতে পারিব! কারণ জগন্মাতা রূপা করিয়া ঠাকুরের শরীরমনাশ্রয়ে

এখন যে কেবল তম্বোক্ত দিব্যভাবের খেলাই শুধু  
 দিব্যভাবাপন্ন দেখাইতে লাগিলেন তাহা নহে, কিন্তু দিব্যভাবাপন্ন  
 গুরুগণের যাবতীয় গুরুগণ 'যত মত তত পথ'-রূপ যে উদার  
 মধ্যে ঠাকুর ভাবের সাধন ও উপলব্ধি এ কাল পর্য্যন্ত কখনও  
 সর্বশ্রেষ্ঠ— করেন নাই, সেই মহত্বদার ভাবের প্রকাশও তিনি  
 উহার কারণ

এখন হইতে ঠাকুরের ভিতর দিয়া জগদ্ধিতায় করিতে লাগিলেন।  
 তাই বলিতেছি, অতঃপর ঠাকুরের জীবনে এক নূতনাধ্যায় এখন  
 হইতে আরম্ভ হইল।

ভক্তিমান শ্রোতা হয়ত আমাদের ঐ কথায় কুটিল কটাক্ষ  
 করিয়া বলিবেন—তোমাদের ও-সকল কি প্রকার কথা? ঠাকুরকে

যদি ঈশ্বরাবতার বলিয়াই নির্দেশ কর, তবে তাঁহার  
 অবতার-ঐ ভাব বা শক্তিপ্রকাশ যে কখন ছিল না, একথা  
 মহাপুরুষগণের ভিত্তরে সকল আর বলিতে পার না। ঐ কথার উত্তরে আমরা  
 সময় সকল বলি—ভ্রাতঃ, ঠাকুরের কথা-প্রমাণেই আমরা ঐরূপ  
 শক্তি প্রকাশিত থাকে না। বলিতেছি। নরদেহ ধারণ করিয়া ঈশ্বরাবতার-

ঐ বিষয়ে দিগেরও সকল প্রকার ঈশ্বরীয় ভাব ও শক্তি-  
 প্রমাণ প্রকাশ সর্বদা থাকে না; যখন যেটির আবশ্যক

হয়, তখনই সেটি আসিয়া উপস্থিত হয়। কাশীপুরের বাগানে  
 বহুকাল ব্যাধির সহিত সংগ্রামে ঠাকুরের শরীর যখন অস্থিচর্মসার  
 হইয়া দাঁড়াইয়াছিল, তখন তাঁহার অস্তরের ভাব ও শক্তির প্রকাশ  
 লক্ষ্য করিয়া ঠাকুর একদিন আমাদের কাছে বলিয়াছিলেন—

## গুরুভাব সম্বন্ধে শেষ কথা

“মা দেখিয়ে দিচ্ছে কি যে, ( নিজের শরীর দেখাইয়া ) এর ভেতর এখন এমন একটা শক্তি এসেছে যে, এখন আর কাহাকেও ছুঁয়ে দিতেও হবে না ; তোদের বোল্‌বো ছুঁয়ে দিতে, তোরা দিবি, তাইতেই অপরের চৈতন্য হয়ে যাবে ! মা যদি এবার ( শরীর দেখাইয়া ) এটা আরাম করে দেন্ তো দরজায় লোকের ভিড় ঠেলে রাখতে পারবি না—এত সব লোক আসবে ! এত খাটতে হবে যে ঔষধ খেয়ে গায়ের ব্যথা সারাতে হবে !”

ঠাকুরের ঐ কথাগুলিতেই বুঝা যায়, ঠাকুর স্বয়ং বলিতেছেন যে, যে শক্তিপ্রকাশ তাঁহাতে পূর্বে কখন অনুভব করেন নাই তাহাই তখন ভিতরে অনুভব করিতেছিলেন। এইরূপ আরও অনেক দৃষ্টান্ত ঐ বিষয়ে দেওয়া যাইতে পারে।

দিব্যভাবের আবেগে ঠাকুর এখন ভক্তদিগকে ব্যাকুলচিত্তে পূর্বোক্ত প্রকারে ডাকিয়াই নিশ্চিন্ত থাকিতে পারেন নাই। যেখানে সংবাদ পৌছিলে তাঁহার দক্ষিণেশ্বরে অবস্থানের কথা প্রায় সকল ভক্তগণ জানিতে পারিবে, জগদম্বা তাঁহাকে সে কথা প্রাণে প্রাণে বলিয়া বেলঘরিয়ার উদ্দানে লইয়া যাইয়া ভক্তপ্রবর শ্রীযুত কেশবচন্দ্র সেনের সহিত সাক্ষাৎ করাইয়া দিলেন। ঐ ঘটনার অল্পদিন পর ইহাতে ঠাকুরের রূপা-সম্পদের বিশেষভাবে অধিকারী, ভাবাবস্থায় পূর্বে দৃষ্ট স্বামী বিবেকানন্দ ও ব্রহ্মানন্দপ্রমুখ ভক্তসকলের একে একে আগমন ইহাতে থাকে ; তাঁহাদের সহিত ঠাকুরের দিব্যভাবে লীলার কথা ঠাকুর বলাইলে আমরা অল্প সময় বলিবার

ঠাকুরের  
ভক্তপ্রবর  
কেশবচন্দ্রের  
সহিত মিলন  
এবং উহার  
পরেই তাঁহার  
নিজ ভক্তগণের  
আগমন



### শ্রীশ্রীরামকৃষ্ণলীলাপ্রসঙ্গ

চেষ্টা করিব। এখন ঐ অদৃষ্টপূর্ব দিব্যভাবাবেশে তিনি ১৮৮৫ খৃষ্টাব্দের রথযাত্রার সময় নিজ ভক্তগণকে লইয়া যেক্রমে কয়েকটি দিন কাটাইয়াছিলেন দৃষ্টান্ত-স্বরূপে তাহারই ছবি পাঠকের নয়ন-গোচর করিয়া আমরা গুরুভাবপূর্ব্বের উপসংহার করি।

## পঞ্চম অধ্যায়

ভক্তসঙ্গে শ্রীরামকৃষ্ণ—১৮৮৫ খৃষ্টাব্দের নবযাত্রা

ক্ষিপ্ৰং ভবতি ধৰ্ম্মাস্থা শবচ্ছাস্ত্ৰং নিগচ্ছতি ।

কৌন্তেয় প্রতিজ্ঞানীহি ন মে ভক্তঃ প্রণশ্চতি ॥

—গীতা, ৯।৩১

দিব্য ভাবমুখে অবস্থিত শ্রীরামকৃষ্ণদেবের অদ্ভুত চরিত্র  
কিঞ্চিন্মাত্রও বুঝিতে হইলে ভক্তসঙ্গে তাঁহাকে দেখিতে হইবে।  
কিরূপে কতভাবে ঠাকুর তাঁহার নানা প্রকৃতির ভক্তবৃন্দের সহিত  
প্রতিদিন উঠা-বসা, কথাবার্তা, হাসি-তামাসা, ভাব ও সমাধিতে  
থাকিতেন তাহা শুনিতে ও তলাইয়া বুঝিতে হইবে, তবেই তাঁহার  
ঐ ভাবের লীলা একটু আধটু বুঝিতে পারা যাইবে। অতএব  
ভক্তগণকে লইয়া ঠাকুরের ঐরূপ কয়েক দিনের লীলা-কথাই  
আমরা এখন পাঠককে উপহার দিব।

আমরা যতদূর দেখিয়াছি, এ অলোকসামান্য মহাপুরুষের  
অতি সামান্য চেষ্টাদিও উদ্দেশ্যবিহীন বা অর্থশূন্য ছিল না। এমন

ঠাকুরে	অপূর্ব দেব ও মানব-ভাবের একত্র সম্মিলন আর
দেব-মানব	কোথাও দেখা দুর্লভ—অন্ততঃ পৃথিবীর নানা
উভয় ভাবের	স্থানে এই পঁচিশ বৎসর ধরিয়া ঘুরিয়া আমাদের
সম্মিলন	চক্ষে আর একটিও পড়ে নাই। কথায় বলে—

‘দাঁত থাকতে দাঁতের মর্যাদা বোঝে না।’—ঠাকুরের সম্বন্ধে  
আমাদের অনেকের ভাগ্যে তাহাই হইয়াছে। গলার অস্থখের  
চিকিৎসা করাইবার জন্ত ভক্তেরা যখন ঠাকুরকে কিছুদিন

## শ্রীশ্রীরামকৃষ্ণলীলাপ্রসঙ্গ

কলিকাতায় শ্রামপুকুরে আনিয়া রাখেন, তখন শ্রীযুত বিজয়কৃষ্ণ গোস্বামী একদিন তাঁহাকে দর্শন করিতে আসিয়া আমাদেরকে নিম্নলিখিত কথাগুলি বলেন।

শ্রীযুত বিজয় ইহার কিছুদিন পূর্বে ঢাকায় অবস্থানকালে একদিন নিজের ঘরে থিল দিয়া বসিয়া চিন্তা করিতে করিতে

শ্রীযুত বিজয়কৃষ্ণ      শ্রীরামকৃষ্ণদেবের সাক্ষাৎ দর্শন পান এবং উহা  
গোস্বামীর      আপনার মাথার খেয়াল কি না জানিবার জ্ঞান  
দর্শন      সম্মুখাবস্থিত দৃষ্ট মূর্তির শরীর ও অঙ্গপ্রত্যঙ্গাদি  
বহুক্ষণ ধরিয়া স্বহস্তে টিপিয়া টিপিয়া দেখিয়া যাচাইয়া লন—সে  
কথাও ঐদিন ঠাকুরের ও আমাদের সম্মুখে তিনি মুক্তকণ্ঠে বলেন।

শ্রীযুত বিজয়— দেশ-বিদেশ পাহাড়-পর্বত ঘুরে ফিরে অনেক  
মাধু মহাত্মা দেখলাম, কিন্তু ( ঠাকুরকে দেখাইয়া ) এমনটি আর  
কোথাও দেখলাম না; এখানে যে ভাবের পূর্ণ প্রকাশ দেখছি,  
তাহারই কোথাও দু-আনা, কোথাও এক আনা, কোথাও এক  
পাঁই, কোথাও আধ পাই মাত্র; চার আনাও কোন জায়গায়  
দেখলাম না।

ঠাকুর— ( মুহু মুহু হাসিতে হাসিতে আমাদেরকে ) বলে কি !

শ্রীযুত বিজয়— ( ঠাকুরকে ) সেদিন ঢাকাতে যেরূপ দেখেছি,  
তাহাতে আপনি ‘না’ বললে আমি আর শুনি না, অতি  
সহজ হয়েই আপনি যত গোল করেছেন। কলিকাতার পাশেই  
দক্ষিণেশ্বর; যখন ইচ্ছা তখন এসে আপনাকে দর্শন করতে পারি;  
আসতে কোন কষ্টও নাই—নৌকা, গাড়ী যথেষ্ট; ঘরের পাশে  
এইরূপে এত সহজে আপনাকে পাওয়া যায় বলেই আমরা আপনাকে

## ভক্তসঙ্গে শ্রীরামকৃষ্ণ—নবযাত্রা

বুঝলাম না। যদি কোন পাহাড়ের চূড়ায় বসে থাকতেন, আর পথ হেঁটে অনাহারে গাছের শিকড় ধরে উঠে আপনার দর্শন পাওয়া যেত, তাহলে আমরা আপনার কদর করতাম; এখন মনে করি ঘরের পাশেই যখন এইরকম, তখন না জানি বাহিরে দূর দূরান্তরে আরও কত ভাল ভাল সব আছে; তাই আপনাকে ফেলে ছুটোছুটি করে মরি আর কি!

বাস্তবিকই ঐরূপ! করুণাময় ঠাকুর তাঁহার নিকট যাহারা আসিত তাহাদের প্রায় সকলকেই আপনার বলিয়া গ্রহণ করিতেন, একবার গ্রহণ করিলে তাহারা ছাড়াছাড়ি করিলেও ঠাকুরের আর ছাড়িতেন না এবং কখন কোমল, কখন কঠোর আলৌকিক হস্তে তাহাদের জন্মজন্মান্বিত সংস্কাররাশিকে শুদ্ধ, আচরণে দক্ষ করিয়া নিজের নূতন ভাবে অদৃষ্টপূর্ব, অমৃতময় তাহাদের মনে দৃষ্ট করিয়া গঠন করিয়া তাহাদের চিরশান্তির কি হইত ছাঁচে নূতন করিয়া গঠন করিয়া তাহাদের চিরশান্তির অধিকারী করিতেন! ভক্তেরা আপন আপন জীবন-কথা খুলিয়া বলিলে, এ কথায় আর সন্দেহ থাকিবে না। সেজন্ত দেখিতে পাই, শ্রীযুত নরেন্দ্রনাথ স্বগৃহে অবস্থানকালে কোন সময়ে সাংসারিক দুঃখকষ্টে অভিভূত হইয়া এবং এতদিন ধরিয়া শ্রীভগবানের শরণাপন্ন থাকিয়াও তাঁহার সাক্ষাৎকার পাইলাম না, ঠাকুরও কিছুই করিয়া দিলেন না—ভাবিয়া অভিমানে লুকাইয়া গৃহত্যাগে উদ্যত হইলে ঠাকুর তখন তাঁহাকে তাহা করিতে দিতেছেন না। দৈবশক্তি-প্রভাবে তাঁহার উদ্দেশ্য জানিতে পারিয়া বিশেষ অত্নরোধ করিয়া তাঁহাকে সে দিন দক্ষিণেশ্বরে সঙ্গে আনিয়াছেন এবং পরে তাঁহার অঙ্গ স্পর্শ করিয়া ভাবাবেশে গান ধরিয়াছেন—“কথা কহিতেও

ডরাই, না কহিতেও ডরাই ; আমার মনে সন্দ্বি হয়, বুঝি তোমায় হারাই—হা রাই !” এবং নানাপ্রকারে বুঝাইয়া স্বঝাইয়া তাঁহাকে নিজের কাছে রাখিতেছেন। আবার দেখি ‘বকল্মা’-লাভে কৃতার্থ হইয়াও যখন শ্রীযুত গিরিশ পূর্বসংস্কারের প্রতাপ স্মরণ করিয়া নিশ্চিন্ত ও ভয়শূন্য হইতে পারিতেছেন না, তখন তাঁহাকে অভয় দিয়া বলিতেছেন, “এ কি ঢোঁরা সাপে তোকে ধরেছে রে শালা ? জাত সাপে ধরেছে—পালিয়ে বাসায় গেলেও মরে থাকতে হবে ! দেখিস্ নে ? ব্যাঙ-গুলোকে যখন ঢোঁড়া সাপে ধরে, তখন ক্যা-ক্যা-ক্যা-ক্যা করে হাজার ডাক ডেকে তবে ঠাণ্ডা হয় ( মরে যায় ), কোনটা বা ছাড়িয়ে পালিয়েও যায় ; কিন্তু যখন কেউটে গোথ্রোতে ধরে, তখন ক্যা-ক্যা-ক্যা তিন ডাক ডেকেই আর ডাকতে হয় না, সব ঠাণ্ডা। যদি কোনটা দৈবাৎ পালিয়েও যায় তো গর্তে ঢুকে মরে থাকে। এখানকার সেকরূপ জান্‌বি।” কিন্তু কে তখন ঠাকুরের ঐসব কথা ও ব্যবহারের মর্ম বুঝে ? সকলেই ভাবিত, ঠাকুরের মত পুরুষ বুঝি সর্বত্রই বর্তমান। ঠাকুর যেমন সকলের সকল আত্মার সহিয়া বরাভয়হস্তে সকলের দ্বারে অযাচিত হইয়া ফিরিতেছেন, সর্বত্রই বুঝি এইরূপ। করুণাময় ঠাকুরের স্নেহের অঞ্চলে আবৃত থাকিয়া ভক্তদের তখন জোর কত, আত্মার কত, অভিমানই বা কত ! প্রায় সকলেরই মনে হইত, ধর্মকর্মটা অতি সোজা সহজ জিনিস। যখন ধর্মরাজ্যের যে ভাব দর্শনাদি লাভ করিতে ইচ্ছা হইবে, তখন তাহা পাইব নিশ্চিত। ঠাকুরকে একটু ব্যাকুল হইয়া জোর করিয়া ধরিলেই হইল— ঠাকুর তখনি উহা অনায়াসে স্পর্শ, বাক্য বা কেবলমাত্র ইচ্ছা দ্বারা

## ভক্তসঙ্গে শ্রীরামকৃষ্ণ—নবযাত্রা

লাভ করাইয়া দিবেন ! ঐ বিষয়ে কতই বা দৃষ্টান্ত দিব ! লেখাপড়ার ভিতর দিয়া কটাই বা বলা যায় !

শ্রীযুত বাবুরামের ( স্বামী প্রেমানন্দের ) ইচ্ছা হইল, তাঁহার ভাবসমাধি হউক । ঠাকুরকে যাইয়া কান্নাকাটি করিয়া বিশেষভাবে

ধরিলেন—“আপনি করে দিন ।” ঠাকুর তাঁহাকে

স্বামী প্রেমানন্দের শাস্ত করিয়া বলিলেন, “আচ্ছা, মাকে বল্ব ; ভাবসমাধিলাভের আমার ইচ্ছাতে কি হয় রে ?” ইত্যাদি । কিন্তু ধরায় তাঁহার ঠাকুরের সে কথা কে শুনে ? বাবুরামের ঐ এক ভাবনা ও দর্শন কথা—“আপনি করে দিন ।” এইরূপ আকাবের

কয়েকদিন পরেই শ্রীযুত বাবুরামকে কার্য্যবশতঃ

নিজেদের বাটী আঁটপুরে যাইতে হইল । সেটা ১৮৮৫ খ্রীষ্টাব্দে । এদিকে ঠাকুর তো ভাবিয়া আকুল—কি করিয়া বাবুরামের ভাবসমাধি হইবে ! একে বলেন, ওকে বলেন, “বাবুরাম ঢের করে কাদাকাটা করে বলে গেছে যেন তার ভাব হয়—কি হবে ? যদি না হয়, তবে সে আর এখানকার ( আমার ) কথা মান্বে নি ।” তারপর মাকে ( শ্রীশ্রীজগদম্বাকে ) বলিলেন, “মা, বাবুরামের যাতে একটু ভাবটাব হয় তাই করে দে ।” মা বলিলেন, “ওর ভাব হবে না ; ওর জ্ঞান হবে ।” ঠাকুরের শ্রীশ্রীজগদম্বার ঐ বাণী শুনিয়া আবার ভাবনা । আমাদের কাহারও কাহারও কাছে বলিলেনও —“তাইতো বাবুরামের কথা মাকে বল্লম, তা মা বল্লে ‘ওর ভাব হবে নি, ওর জ্ঞান হবে’ ; তা যাই হোক একটা কিছু হয়ে তার মনে শান্তি হলেই হল ; তার জন্তে মনটা কেমন করছে—অনেক কাদাকাটা করে গেছে” ইত্যাদি । আহা, সে কতই ভাবনা

## শ্রীশ্রীরামকৃষ্ণলীলাপ্রসঙ্গ

বাহাতে বাবুরামের কোনরূপে সাক্ষাৎ ধর্মোপলব্ধি হয়! আবার সেই ভাবনার কথা বলিবার সময় ঠাকুরের কেমন বলা—“এটা না হলে ও (বাবুরাম) আর মানবে নি!” যেন তাহার মানা না মানার উপর ঠাকুরের সকলই নির্ভর করিতেছে!

আবার কখনও কখনও বলা হইত—“আচ্ছা, বল্ দেখি এই সব এদের ( বালক ভক্তদিগকে লক্ষ্য করিয়া ) জন্তে এত ভাবি কেন ?

ঠাকুরের ভক্তদের সম্বন্ধে এত ভাবনা কেন তাঁহা বুঝাইয়া দেওয়া। হাজরার ঠাকুরকে ভাবিতে কারণ করায় তাঁহার দর্শন ও উত্তর	এর কি হল, ওর কি হল না, এত সব ভাবনা হয় কেন ? এরা তো সব ইস্কুল বয় ( school boy ) ; কিছুই নেই—এক পয়সার বাতাসা দিয়ে যে আমার খবরটা নেবে, সে শক্তি নেই; তবু এদের জন্তে এত ভাবনা কেন ? কেউ যদি দুদিন না এসেছে তো অমনি তার জন্তে প্রাণ আঁচোড়-পাঁচোড় করে, তার খবরটা জানতে ইচ্ছা হয়—এ কেন ?” জিজ্ঞাসিত বালক হয়ত বলিল, “তা কি জানি মশাই, কেন হয়। তবে তাদের মঙ্গলের জন্তই হয়।”
--	--

ঠাকুর— কি জানিস্, এরা সব শুদ্ধসত্ত্ব; কাম-কাক্ষন এদের এখনও স্পর্শ করে নি, এরা যদি ভগবানে মন দেয় তো তাঁকে লাভ করতে পারবে, এই জন্তে। এখানকার ( আমার ) যেন গাঁজাখোরের স্বভাব; গাঁজাখোরের যেমন একলা খেয়ে তৃপ্তি হয় না—একটান টেনেই কল্কেটা অপরের হাতে দেওয়া চাই, তবে নেশা জমে—সেই রকম। তবু আগে আগে নরেন্দ্রের জন্তে যেমনটা হত, তার মত এদের কারুর জন্তে হয় না। দুদিন যদি ( নরেন্দ্রনাথ ) আসতে দেরি করেছে তো বুকের ভিতরটায়

## ভক্তসঙ্গে শ্রীরামকৃষ্ণ—নবযাত্রা

যেন গামছায় মোচড় দিত। লোকে কি বলবে বলে ঝাউতলায়<sup>১</sup> গিয়ে ডাক ছেড়ে কাঁদতুম। হাজরা<sup>২</sup> (এক সময়ে) বলেছিল, “ও কি তোমার স্বভাব? তোমার পরমহংস অবস্থা; তুমি সর্বদা তাঁতে (শ্রীভগবানে) মন দিয়ে সমাধি লাগিয়ে তাঁর সঙ্গে এক হয়ে থাকবে; তা না, নরেন্দ্র এলো না কেন, ভবনাথের কি হবে—এ সব ভাব কেন?” শুনে ভাবলুম—ঠিক বলেছে, আর অমনটা করা হবে নি; তারপর ঝাউতলা থেকে আসচি আর (শ্রীশ্রীজগদম্বা) দেখাচ্ছে কি, যেন কলকাতাটা সামনে আর লোকগুলো সব কাম-কাঞ্চে দিনরাত ডুবে রয়েছে ও যন্ত্রণা ভোগ কচ্ছে। দেখে দয়া এলো। মনে হল, লক্ষগুণ কষ্ট পেয়েও যদি এদের মঙ্গল হয়, উদ্ধার হয় ত তা করবো। তখন ফিরে এসে হাজরাকে বল্লুম—বেশ করেছি, এদের জন্তে সব ভেবেছি। তোর কি রে শালা? নরেন্দ্র একবার বলেছিল, ‘তুমি অত নরেন্দ্র নরেন্দ্র কর কেন? অত নরেন্দ্র নরেন্দ্র করলে তোমায় নরেন্দ্রের মত হতে হবে! ভারত রাজা হরিণ ভাবতে ভাবতে

হরিণ হয়েছিল।’ নরেন্দ্রের কথায় খুব বিশ্বাস

স্বামী বিবেকানন্দের

ঠাকুরকে

ঐ বিষয় বারং

করায় তাহার

দর্শন ও উত্তর

কি না? শুনে ভয় হল! মাকে বললুম।

মা বললে, ‘ও ছেলে মানুষ; ওর কথা শুনিস্

কেন? ওর ভেতরে নারায়ণকে দেখতে পাস,

১ রাণী রাসমণির কালীবাটীর উত্তরাংশে অবস্থিত ঝাউবৃক্ষগুলি। উজ্জানের ঐ অংশ শৌচাঙ্গির জন্ত নির্দিষ্ট থাকায় ঐ দিকে কেহ অশু কোন কারণে যাইত না।

২ শ্রীযুক্ত প্রতাপচন্দ্র হাজরা।



## শ্রীশ্রীরামকৃষ্ণলীলাপ্রসঙ্গ

তাই ওর দিকে টান হয়।’ শুনে তখন বাঁচলুম! নরেন্দরকে এসে বললুম, ‘তোরা কথা আমি মানি না; মা বলেছে তোরা ভেতর নারায়ণকে দেখি বলেই তোরা উপর টান হয়, যে দিন তানা দেখতে পাব, সে দিন থেকে তোরা মুখও দেখব না রে শালা।’” এইরূপে অদ্ভুত ঠাকুরের অদ্ভুত ব্যবহারের প্রত্যেক-টিরই অর্থ ছিল, আর আমরা তাহা না বুঝিয়া বিপরীত ভাবিলে পাছে আমাদের অকল্যাণ হয়, সেজন্য এইরূপে বুঝাইয়া দেওয়া ছিল।

গুণীর গুণের কদর, মানীর মানরক্ষা ঠাকুরকে সর্বদাই করিতে দেখিয়াছি। বলিতেন, “ওরে, মানীকে মান না দিলে ভগবান

ঠাকুরের  
গুণীও মানী  
ব্যক্তিকে  
সম্মান করা—  
উহার কারণ

রুষ্ট হন; তাঁর (শ্রীভগবানের) শক্তিতেই তো তারা বড় হয়েছে, তিনিই তো তাদের বড় করেছেন—তাদের অবজ্ঞা করলে তাঁকে (শ্রীভগবানকে) অবজ্ঞা করা হয়।” তাই দেখতে পাই, যখনই

ঠাকুর কোথাও কোন বিশেষ গুণী পুরুষের খবর পাইতেন, অমনি তাঁহাকে কোন না কোন উপায়ে দর্শন করিতে ব্যস্ত হইতেন। উক্ত পুরুষ যদি তাঁহার নিকটে উপস্থিত হইতেন তাহা হইলে তো কথাই নাই, নতুবা স্বয়ং তাঁহার নিকট অনাহৃত হইয়াও গমন করিয়া তাঁহাকে দর্শন, প্রণাম ও আলাপ করিয়া আসিতেন। বর্ধমানরাজের সভাপণ্ডিত শঙ্করলোচন, পণ্ডিত ঈশ্বরচন্দ্র বিদ্যাসাগর, কাশীধামের প্রসিদ্ধ বীণকার মহেশ, শ্রীবৃন্দাবনে সখীভাবে ভাবিতা গঙ্গামাতা, ভক্তপ্রবর কেশব সেন—এরূপ আরও কত লোকেরই নাম না উল্লেখ করা যাইতে পারে—ইহাদের প্রত্যেকের

## ভক্তসঙ্গে শ্রীরামকৃষ্ণ—নবযাত্রা

বিশেষ বিশেষ গুণের কথা শুনিয়া দর্শন করিবার জন্ত অতুসন্ধান করিয়া ঠাকুর স্বয়ং উহাদের দ্বারে উপস্থিত হইয়াছিলেন।

অবশ্য ঠাকুরের ঐরূপে অযাচিত হইয়া কাহারও দ্বারে উপস্থিত হওয়াটা কিছু আশ্চর্যের বিষয় নহে, কারণ ‘আমি এত বড়লোক, আমি অপরের নিকট এইরূপে যাইলে খেলো হইতে

ঠাকুর অভিমান-রহিত হইবার জন্ত কতদূর করিয়াছিলেন	হইবে, মর্যাদাহানি হইবে’—এ সব ভাব তো ঠাকুরের মনে কখন উদিত হইত না। অতঙ্কার অভিমানটাকে তিনি যে একেবারে ভস্ম করিয়া গঙ্গায় বিসর্জন দিয়াছিলেন! কালীবাটীতে কাঙ্গালী-
--	---

ভোজনের পর কাঙ্গালীদের উচ্ছিষ্ট পাতাগুলি মাথায় করিয়া বহিয়া বাহিরে ফেলিয়া আসিয়া স্বহস্তে ঐ স্থান পরিষ্কার করিয়াছিলেন; সাক্ষাৎ নারায়ণজ্ঞানে কাঙ্গালীদের উচ্ছিষ্ট পর্য্যন্ত কোন সময়ে গ্রহণ করিয়াছিলেন; কালীবাটীর চাকর-বাকরদিগের শৌচাদির জন্ত যে স্থান নির্দিষ্ট ছিল, তাহাও এক সময়ে স্বহস্তে ধোত করিয়া নিজ কেশ দ্বারা মুছিতে মুছিতে জগদম্বার নিকট প্রার্থনা করিয়াছিলেন, ‘মা, উহাদের চাইতে বড়, এ ভাব আমার যেন কখন না হয়!’ তাই ঠাকুরের জীবনে অদ্ভুত নিরভিমানতা দেখিলেও আমাদের বিশ্বয়ের উদয় হয় না, কিন্তু অপর সাধারণের যদি এতটুকু অভিমান কম দেখি তো ‘কি আশ্চর্য’ বলিয়া উঠি! কারণ ঠাকুর তো আর আমাদের এ সংসারের লোক ছিলেন না!

---

১ ঠাকুরের সাধনকালে নিজের শরীরের দিকে আর্য্যে দৃষ্টি না থাকায় মাথায় বড় বড় চুল হইয়াছিল ও ধূলি লাগিয়া উহা আপনাআপনি জটা পাকাইয়া গিয়াছিল।

## শ্রীশ্রীরামকৃষ্ণলীলাপ্রসঙ্গ

ঠাকুর কালীবাটীর বাগানে কৌচার খুঁটি গলায় দিয়া বেড়াইতেছেন, জনৈক বাবু তাঁহাকে সামান্ত মালীজ্ঞানে বলিলেন, “ওহে, আমাকে ঐ ফুলগুলি তুলিয়া দাও তো। ঠাকুরও দ্বিধা নাকরিয়া তদ্রূপ করিয়া দিয়া সে স্থান হইতে সরিয়া

ঠাকুরের  
অভিমান-  
রাহিত্যের  
দৃষ্টান্ত :  
কৈলাস ভক্তার  
ও ত্রৈলোক্য বাবু  
সম্বন্ধীয় ঘটনা।  
গেলেন। মথুর বাবুর পুত্র পরলোকগত ত্রৈলোক্য বাবু এক সময়ে ঠাকুরের ভাগিনেয় হৃদয় ( হৃদয়নাথ মুখোপাধ্যায় ) উপর বিরক্ত হইয়া হৃদয়কে অশ্রদ্ধা গমন করিতে ছকুম করেন। সে সময় নাকি ঠাকুরেরও আর কালীবাটীতে থাকিবার

আবশ্যকতা নাই—রাগের মাথায় তিনি এইরূপ ভাব অপরের নিকট প্রকাশ করেন। ঠাকুরের কানে ঐ কথা উঠিবামাত্র তিনি হাসিতে হাসিতে গামছাখানি কাঁধে ফেলিয়া তৎক্ষণাৎ সেখান হইতে যাইতে উদ্যত হইলেন। প্রায় গেট পর্যন্ত গিয়াছেন, এমন সময় ত্রৈলোক্য বাবু আবার অমঙ্গল-আশঙ্কায় ভীত হইয়া তাঁহার নিকট উপস্থিত হইলেন এবং ‘আপনাকে ত আমি যাইতে বলি নাই, আপনি কেন যাইতেছেন’ ইত্যাদি বলিয়া ঠাকুরকে ফিরিতে অস্থিরোধ করিলেন। ঠাকুরও যেন কিছুই হয় নাই, একরূপভাবে পূর্বের ত্রায় হাসিতে হাসিতে আপনার কক্ষে আসিয়া উপবেশন করিলেন।

এরূপ আরও কত ঘটনার উল্লেখ করা যাইতে পারে। ঐ সকল

বিষয় লোকের  
বিপরীত  
ব্যবহার  
ব্যবহারে আমরা যত আশ্চর্য্য না হই, সংসারের  
অপর কেহ যদি অতটাও না করিয়া এতটুকু  
এরূপ কাজ করে তো একেবারে দগ্ধ দগ্ধ করি!

কেননা আমরা মুখে বলি আর নাই বলি, মনের ভিতরে ভিতরে

## ভক্তসঙ্গে শ্রীরামকৃষ্ণ—নবযাত্রা

একেবারে ঠিক দিয়া রাখিয়াছি যে, সংসারে থাকিতে গেলেই ‘নিজের কোলে ষোল টানিতে হইবে’, দুর্বলকে সবল হস্তে সরাইয়া নিজের পথ পরিষ্কার করিয়া লইতে হইবে, আপনার কথা ষোল কাহন করিয়া ডকা বাজাইতে হইবে, নিজের দুর্বলতাগুলি অপরের চক্ষুর অন্তরালে বত পারি লুকাইয়া রাখিতে হইবে, আর সরলভাবে ভগবানের বা মাহুষের উপর ষোল আনা বিশ্বাস করিলে একেবারে ‘কাজের বার’ হইয়া ‘বয়ে’ যাইতে হইবে! হায় রে সংসার, তোমার আন্তর্জাতিক নীতি, রাজনীতি, সমাজনীতি ও ব্যক্তিগত ধর্মনীতি—সর্বত্রই এইরূপ। তোমার ‘দিল্লীকা লাড্ডু’ যে খাইয়াছে সে তো পশ্চাত্তাপ করিতেছেই—যে না খাইয়াছে সেও তজ্রপ করিতেছে।

১৮৮৫ খৃষ্টাব্দ। ঐ সময়ে ঠাকুরের বিশেষ প্রকট ভাব। তাঁহার অদ্ভুত আকর্ষণে তখন নিত্য কত নূতন নূতন লোক দক্ষিণেশ্বরে আসিয়া তাঁহাকে দর্শন করিয়া ধৃত হইতেছে।

ঠাকুরের প্রকট হইবার সময়  
ধর্ম্মান্বেষণ ও উহার কারণ

কলিকাতার ছোট বড় সকলে তখন ‘দক্ষিণেশ্বরের পরমহংসের’ নাম শুনিয়াছে এবং অনেকে তাঁহাকে দর্শনও করিয়াছে। আর কলিকাতার জনসাধারণের মন অধিকার করিয়া ভিতরে ভিতরে যেন একটা ধর্ম্মশ্রোত নিরন্তর বহিয়া চলিয়াছে।<sup>১</sup> হেথায় হরিসভা, হোথায় ব্রাহ্মসমাজ, হেথায় নামসংকীর্তন, হোথায় ধর্ম্মব্যাখ্যা ইত্যাদিতে তখন কলিকাতা নগরী পূর্ণ। অপর সকলে ঐ বিষয়ের কারণ না বুঝিলেও ঠাকুর বিলক্ষণ বুঝিতেন এবং তাঁহার স্ত্রী-পুরুষ উভয়বিধ ভক্তের নিকটই ঐ কথা অনেকবার বলিয়াছিলেন, আমাদের তো কথাই নাই। জনৈক

১ চতুর্থ অধ্যায় দেখ।

## শ্রীশ্রীরামকৃষ্ণলীলাপ্রসঙ্গ

শ্রী-ভক্ত বলেন, ঠাকুর একদিন তাঁহাকে ঐ সম্বন্ধে বলিতেছেন—  
“ওগো, এই যে সব দেখছ এত হরিসভা টরিসভা, এ সব জানবে  
( নিজ শরীর দেখাইয়া ) এইটের জন্তে । এ সব কি ছিল ? কেমন  
এক রকম সব হয়ে গিয়েছিল ! (পুনরায় নিজ শরীর দেখাইয়া )  
এইটে আসার পর থেকে এসব এত হয়েছে, ভিতরে ভিতরে একটা  
ধর্মের শ্রোত বয়ে যাচ্ছে !” আবার এক সময়ে ঠাকুর আমাদের  
বলিয়াছিলেন, “এই যে দেখছ সব ইয়াং বেঙ্গল ( Young  
Bengal ) এরা কি ভক্তি-টক্তির ধার ধারতো ? মাথা হুইয়ে  
পেরণামটা ( প্রণাম ) করতেও জানতো না ! মাথা হুইয়ে আগে  
পেরণাম করতে করতে তবে এরা ক্রমে ক্রমে মাথা নোয়াতে  
শিখেছে । কেশবের বাড়ীতে দেখা করতে গেলুম, দেখি চেয়ারে বসে  
লিখেছে । মাথা হুইয়ে পেরণাম করলুম, তাতে অমনি ঘাড় নেড়ে  
একটু সায় দিলে । তারপর আসবার সময় একেবারে ভুঁয়ে মাথা  
ঠেকিয়ে পেরণাম করলুম । তাতে হাত জোড় করে একবার মাথায়  
ঠেকালে । তারপর যত যাওয়া আসা হতে লাগলো ও কথাবার্তা  
শুনতে লাগলো আর মাথা হেঁট করে পেরণাম করতে লাগলাম, তত  
ক্রমে ক্রমে তার মাথা নীচু হয়ে আসতে লাগলো । নইলে আগে  
আগে ওরা কি এসব ভক্তি-টক্তি করা জানতো, না মানতো !”

নববিধান ব্রাহ্মসমাজে ঠাকুরের সঙ্গলাভ করিয়া যখন খুব  
জমজমাট চলিয়াছে, সেই সময়েই পণ্ডিত শশধরের হিন্দুধর্ম ব্যাখ্যা  
করিতে কলিকাতা-আগমন ও পাশ্চাত্য বিজ্ঞানের দিক দিয়া  
‘হিন্দুদিগের নিত্যকর্তব্য অঙ্কুষ্ঠানগুলি বুঝাইবার চেষ্টা । ‘নানা মুনির  
নানা মত’ কথাটি সর্ববিষয়ে সকল সময়েই সত্য ; পণ্ডিতজীর

## ভক্তসঙ্গে শ্রীরামকৃষ্ণ—নবযাত্রা

বৈজ্ঞানিক ধর্মব্যাখ্যা সম্বন্ধেও ঐ কথা মিথ্যা হয় নাই। কিন্তু তাই বলিয়া শ্রোতার হুড়াহুড়ির অভাব ছিল না। আফিসের ফেরত বাবু-ভায়া ও স্কুল-কলেজের ছাত্রদিগের ভিড় লাগিয়া যাইত। আলবার্ট হলে নানাভাবে চেষ্টাচেষ্টা করিয়া দাঁড়াইয়া থাকিতে হইত। সকলেই স্থির, উদ্গ্রীব—কোনরূপে পণ্ডিত-জীর অপূর্ব ধর্মব্যাখ্যা যদি কতকটাও শুনিতে পায়! আমাদের মনে আছে, আমরাও একদিন কিছুকাল ঐভাবে দাঁড়াইয়া দুই-পাঁচটা কথা শুনিতে পাইয়াছিলাম এবং ভিড়ের ভিতর মাথা গুঁজিয়া কোনরূপে প্রৌঢ়বয়স্ক পণ্ডিতজীর কৃষ্ণশার্শরাজি-শোভিত স্তন্যদ্বয় মুখখানি এবং গৈরিককরদ্রাক্ষ-শোভিত বক্ষঃস্থলের কিয়দংশের দর্শন পাইয়াছিলাম। কলিকাতার অনেক স্থলেই তখন ঐ এক আলোচনা—শশধর পণ্ডিতের ধর্মব্যাখ্যা।

বলে ‘কথা কানে হাঁটে’, কাজেই দক্ষিণেশ্বরের মহাপুরুষের কথা পণ্ডিতজীর নিকটে এবং পণ্ডিতজীর গুণপনা ঠাকুরের নিকটে পৌছিতে বড় বিলম্ব হইল না। ভক্তদিগেরই ঠাকুরের শশধরকে কেহ কেহ আসিয়া ঠাকুরের নিকট গল্প করিতে দেখিবার ইচ্ছা লাগিলেন, “থুব পণ্ডিত, বলেনও বেশ। বত্রিশাফরী হরিনামের সেদিন দেবীপক্ষে অর্থ করিলেন, শুনিয়া সকলে ‘বাহবা বাহবা’ করিতে লাগিল” ইত্যাদি। ঠাকুরও ঐকথা শুনিয়া বলিলেন, “বটে? ঐটি বাবু একবার শুনেতে ইচ্ছা করে।” এই বলিয়া ঠাকুর পণ্ডিতকে দেখিবার ইচ্ছা ভক্তদিগের নিকট প্রকাশ করেন।

## শ্রীশ্রীরামকৃষ্ণলীলাপ্রসঙ্গ

দেখা যাইত, ঠাকুরের শুদ্ধ মনে যখন যে বাসনার উদয় হইত, তাহা কোন না কোন উপায়ে পূর্ণ হইতই হইত। কে যেন ঐ বিষয়ের যত প্রতিবন্ধকগুলি ভিতরে ভিতরে সরাইয়া দিয়া উহার

সফল হইবার পথ পরিষ্কার করিয়া রাখিত ! পূর্বে  
 ঠাকুরের শুদ্ধ মনে উদিত  
 বাসনাসমূহ সর্বদা সফল হইত  
 শুনিয়াছিলাম বটে, কায়মনোবাক্যে সত্যপালন ও  
 শুদ্ধ পবিত্র ভাব মনে নিরন্তর রাখিতে রাখিতে  
 মানুষের এমন অবস্থা হয় যে, তখন সে আর  
 কোন অবস্থায় কোন প্রকার মিথ্যাভাব চেষ্টা

করিয়াও মনে আনিতে পারে না—যাহা কিছু সঙ্কল্প তাহার মনে উঠে সে সকলই সত্য হয়। কিন্তু সেটা মানুষের শরীরে যে এতদূর হইতে পারে, তাহা কখনই বিশ্বাস করিতে পারি নাই। ঠাকুরের মনের সঙ্কল্পসকল অতর্কিতভাবে সিদ্ধ হইতে পুনঃপুনঃ দেখিয়াই ঐ কথাটায় আমাদের ক্রমে ক্রমে বিশ্বাস জন্মে। তাই কি ঐ বিষয়ে পুরাপুরি বিশ্বাস আমাদের ঠাকুরের শরীর বিচলিত জন্মিয়াছিল? তিনি বলিয়াছিলেন, “কেশব, বিজয়ের ভিতর দেখলাম এক একটি বাতির শিখার মত (জ্ঞানের) শিখা জলছে, আর নরেন্দ্রের ভিতর দেখি জ্ঞান-সূর্য্য রয়েছে। কেশব একটা শক্তিতে জগৎ মাতিয়েছে, নরেন্দ্রের ভিতর অমন আঠারটা শক্তি রয়েছে।”—এসব তাঁর নিজের সঙ্কল্পের কথা নয়, ভাবাবেশে দেখাশুনার কথা; কিন্তু ইহাতেই কি তখন বিশ্বাস ঠিক ঠিক দাঁড়াইত? কখনও ভাবিতাম—হবেও বা, ঠাকুর লোকের ভিতর দেখিতে পান; তিনি যখন বলিতেছেন তখন ইহার ভিতর কিছু গুঢ় ব্যাপার আছে; আবার কখন ভাবিতাম, জগদ্বিখ্যাত

## ভক্তসঙ্গে শ্রীরামকৃষ্ণ—নবযাত্রা

বাগ্মী ভক্ত কেশবচন্দ্র সেন কোথা, আর শ্রীযুত নরেন্দ্রের মত একটা  
স্বুলের ছোঁড়া কোথা! ইহা কি কখন হইতে পারে? ঠাকুরের  
দেখাশুনার কথার উপরেই যখন ঐরূপ সন্দেহ আসিত, তখন ‘এইটি  
ইচ্ছা হয়’ বলিয়া ঠাকুর যখন তাঁহার মনোগত সঙ্কল্পের কথা  
বলিতেন তখন উহা ঘটিবার পক্ষে যে সন্দেহ আসিত না, ইহা  
কেমন করিয়া বলি।

\*

\*

\*

পণ্ডিত শশধরের সম্বন্ধে ঠাকুরের সহিত ঐরূপ কথাবার্তা হইবার  
কয়েকদিন পরেই রথযাত্রা উপস্থিত। নয় দিন ধরিয়া রথোৎসব

১৮৮৫ খৃষ্টাব্দের  
নবযাত্রার সময়  
ঠাকুর যথায়  
যথায় গমন  
করেন

নির্দিষ্ট থাকায় উহা ‘নবযাত্রা’ বলিয়া কথিত হইয়া

থাকে। ১৮৮৫ খৃষ্টাব্দের নবযাত্রার সময় ঠাকুরের

সম্বন্ধে অনেকগুলি কথা আমাদের মনে উদ্ভিত

হইতেছে। এই বৎসরেরই সোজা রথের দিন

প্রাতে ঠাকুরের ঠনঠনিয়ায় শ্রীযুত ঈশানচন্দ্র মুখো-

পাধ্যায়ের বাটীতে নিমন্ত্রণ-রক্ষায় গমন এবং সেখান হইতে অপরাহ্নে

পণ্ডিত শশধরকে দেখিতে যাওয়া, সন্ধ্যার পর ঠাকুরের বাগবাজারে

শ্রীযুত বলরাম বাবুর বাটীতে রথোৎসবে যোগদান এবং সে রাত্রি

তথায় অবস্থান করিয়া পরদিন প্রাতে কয়েকটি ভক্তসঙ্গে

নৌকায় করিয়া দক্ষিণেশ্বর কালীবাটীতে পুনরাগমন। ইহার কয়েক

দিন পরেই আবার পণ্ডিত শশধর আলমবাজার বা উত্তর বরানগরের

এক স্থলে ধর্ম-সম্বন্ধিনী বক্তৃতা করিতে আসিয়া সেখান হইতে

ঠাকুরকে দর্শন করিতে দক্ষিণেশ্বর কালীবাটীতে আগমন করেন।

তৎপরে উন্টা রথের দিন প্রাতে ঠাকুরের পুনরায় বাগবাজারে



## শ্রীশ্রীরামকৃষ্ণলীলাপ্রসঙ্গ

বলরাম বাবুর বাটীতে আগমন এবং সে দিন রাত ও তৎপর দিন রাত তথায় ভক্তগণের সঙ্গে সানন্দে অবস্থান করিয়া তৃতীয় দিবস প্রাতে ‘গোপালের মা’ প্রভৃতি ভক্তগণের সঙ্গে নৌকায় করিয়া দক্ষিণেশ্বরে প্রত্যাবর্তন। উল্টা রথের দিনে পণ্ডিত শশধরও ঠাকুরকে দর্শন করিতে বলরাম বাবুর বাটীতে স্বয়ং আগমন করেন ও সজলনয়নে করযোড়ে ঠাকুরকে পুনরায় নিবেদন করেন, “দর্শন-চর্চা করিয়া আমার হৃদয় শুষ্ক হইয়া গিয়াছে; আমায় একবিন্দু ভক্তিদান করুন।” ঠাকুরও তাহাতে ভাবাবিষ্ট হইয়া পণ্ডিতজীর হৃদয় ঐ দিন স্পর্শ করিয়াছিলেন। ঐ সময়ের কথাগুলি পাঠককে এখানে সবিস্তার বলিলে মন্দ হইবে না।

পূর্বেই বলিয়াছি রথের দিন প্রাতে ঠাকুর কলিকাতায় ঠন-ঠনিয়ায় ঈশান বাবুর বাটীতে আগমন করেন, ঈশান বাবুর পরিচয় সঙ্গে শ্রীযুত যোগেন (স্বামী যোগানন্দ), হাজরা প্রভৃতি কয়েকটি ভক্ত। শ্রীযুত ঈশানের মত দয়ালু কানশীল ও ভগবদ্বিশ্বাসী ভক্তের দর্শন সংসারে দুর্লভ। তাঁহার আটটি পুত্র, সকলেই কৃতবিদ্য। তৃতীয় পুত্র সতীশ শ্রীযুত নরেন্দ্রের (স্বামী বিবেকানন্দ) সহপাঠী। শ্রীযুত সতীশের পাখোয়াজে অতি সুমিষ্ট হাত থাকায় শ্রীযুত নরেন্দ্রের স্বকণ্ঠের তান অনেক সময় ঐ বাটীতে শুনিতে পাওয়া যাইত। ঈশান বাবুর দয়ার বিষয় উল্লেখ করিয়া স্বামী বিবেকানন্দ আমাদিগকে একদিন বলেন যে, উহা পণ্ডিত বিদ্যাসাগরের অপেক্ষা কিছুতেই কম ছিল না। স্বামিজী স্বচক্ষে দেখিয়াছেন, ঈশান বাবু নিজের অন্নব্যঞ্জনাদি কতদিন (বাটীতে তখন কিছু আহাৰ্য্য প্রস্তুত না থাকায়) অভুক্ত

## ভক্তসঙ্গে শ্রীরামকৃষ্ণ—নবযাত্রা

ভিখারীকে সমস্ত অর্পণ করিয়া যাহা তাহা খাইয়া দিন কাটাইয়া দিলেন। আর অপরের দুঃখ-কষ্টের কথা শুনিয়া উহা দূর করা নিজের সাধ্যাতীত দেখিয়া কতদিন যে তিনি (স্বামিজী) অশ্রুজল বিসর্জন করিতে তাঁহাকে (ঈশান বাবুকে) দেখিয়াছেন, তাহাও বলিতেন। শ্রীযুত ঈশান যেমন দয়ালু, তেমনি জপপরায়ণও ছিলেন। তাঁহার দক্ষিণেশ্বরে নিয়মপূর্বক উদয়াস্ত জপ করার কথাও আমরা অনেকে জানিতাম। জাপক ঈশান ঠাকুরের বিশেষ প্রিয় ও অগ্রহপাত্র ছিলেন। আমাদের মনে আছে, জপ সমাধান করিয়া ঈশান যখন ঠাকুরের চরণে একদিন সন্ধ্যাকালে প্রণাম করিতে আসিলেন, তখন ঠাকুর ভাবাবিষ্ট হইয়া তাঁহার শ্রীচরণ ঈশানের মস্তকে প্রদান করিলেন। পরে বাহুদশা প্রাপ্ত হইয়া জোর করিয়া ঈশানকে বলিতে লাগিলেন, “ওরে বামুন, ডুবে যা, ডুবে যা” (অর্থাৎ কেবল ভাসা ভাসা জপ না করিয়া শ্রীভগবানের নামে তন্ময় হইয়া যা)। ইদানীং প্রাতের পূজা ও জপেই শ্রীযুত ঈশানের প্রায় অপরাহ্ন চারিটা হইয়া যাইত। পরে কিঞ্চিৎ লঘু আহার করিয়া অপরের সহিত কথাবার্তা বা ভজন-শ্রবণাদিতে সন্ধ্যা পর্য্যন্ত কাটাইয়া পুনরায় সন্ধ্যা জপে উপবেশন করিয়া কত ঘণ্টা কাল কাটাইতেন। আর বিষয়কন্ম দেখার ভার পুত্রেরাই লইয়াছিল। ঠাকুর ঈশানের বাটীতে মধ্যে মধ্যে শুভাগমন করিতেন এবং ঈশানও কলিকাতায় থাকিলে প্রায়ই দক্ষিণেশ্বরে তাঁহাকে দর্শন করিতে আগমন করিতেন। নতুবা পবিত্র দেবস্থান ও তীর্থাদি-দর্শনে যাইয়া তপস্যায় কাল কাটাইতেন।

এ বৎসর ( ১৮৮৫ খৃঃ ) রথের দিনে শ্রীযুত ঈশানের বাটীতে

## শ্রীশ্রীরামকৃষ্ণলীলাপ্রসঙ্গ

আগমন করিয়া ঠাকুরের ভাটপাড়ার কতকগুলি ভট্টাচার্য্যের সহিত ধর্মবিষয়ক নানা কথাবার্তা হয়। পরে স্বামী বিবেকানন্দের মুখে পণ্ডিতজীর কথা শুনিয়া এবং তাঁহার বাসা অতি নিকটে জানিতে পারিয়া ঠাকুর শশধরকে ঐ দিন দেখিতে গিয়াছিলেন। পণ্ডিতজীর কলিকাতাগমন-সংবাদ স্বামিজী প্রথম হইতেই জানিতে পারিয়াছিলেন। কারণ যাহাদের সাদর নিমন্ত্রণে তিনি ধর্মবক্তৃতাদানে আগমন করেন তাঁহাদের সহিত স্বামিজীর পূর্ব হইতেই আলাপ-পরিচয় ছিল এবং কলেজ স্ট্রীটস্থ তাঁহাদের বাসভবনে স্বামিজীর গতয়াতও ছিল। আবার পণ্ডিতজীর আধ্যাত্মিক ধর্ম-ব্যাখ্যাগুলি ভ্রমপ্রমাদপূর্ণ বলিয়া ধারণা হওয়ায় তর্কযুক্তি দ্বারা তাঁহাকে ঐ বিষয় বুঝাইয়া দিবার প্রয়াসেও স্বামিজীর ঐ বাটীতে গমনাগমন এই সময়ে কিছু অধিক হইয়া উঠিয়াছিল। স্বামী ব্রহ্মানন্দ বলেন, এইরূপে স্বামিজীই পণ্ডিতজীর সম্বন্ধে অনেক কথা জ্ঞাত হইয়া ঠাকুরকে উহা বলেন এবং অনুরোধ করিয়া তাঁহাকে পশ্চিমতদর্শনে লইয়া যান। পণ্ডিত শশধরকে দেখিতে যাইয়া ঠাকুর সেদিন পণ্ডিতজীকে নানা অমূল্য উপদেশ প্রদান করেন। শ্রীলীঙ্গদম্বার নিকট হইতে ‘চাপরাস’ বা ক্ষমতাপ্রাপ্ত না হইয়া ধর্মপ্রচার করিতে যাইলে উহা সম্পূর্ণ নিষ্ফল হয় এবং কখন কখন প্রচারকের অভিমান-অহঙ্কার বাড়াইয়া তুলিয়া তাহার সর্বনাশের পথ পরিষ্কার করিয়া দেয়, এ সকল কথা ঠাকুর পণ্ডিতজীকে এই প্রথম দর্শনকালেই বলিয়াছিলেন। এই সকল জলন্ত শক্তিপূর্ণ মহাবাক্যের ফলেই যে পণ্ডিতজী কিছুকাল পরে প্রচারকার্য ছাড়িয়া কামাখ্যাপীঠে তপস্যায় গমন করেন, ইহা আর বলিতে হইবে না।

## ভক্তসঙ্গে শ্রীরামকৃষ্ণ—নবযাত্রা।

পণ্ডিতজীর নিকট হইতে বিদায় গ্রহণ করিয়া ঠাকুর সেদিন শ্রীযুত যোগেনের সহিত সন্ধ্যাকালে বাগবাজারে বলরাম বস্তুর বাটীতে উপস্থিত হইলেন। যোগেন তখন আহালাদিতে বিশেষ ‘আচারী’, কাহারও বাটীতে জলগ্রহণ পর্য্যন্ত করেন  
যোগানন্দ  
রামীর  
আচার-নিষ্ঠা  
না। কাজেই নিজ বাটীতে সামান্য জলযোগমাত্র করিয়াই ঠাকুরের সঙ্গে আসিয়াছিলেন। ঠাকুরও তাঁহাকে কোথাও থাইতে অহরোধ করেন নাই; কারণ যোগেনের নিষ্ঠাচারিতার বিষয় ঠাকুরের অজ্ঞাত ছিল না। কেবল বলরাম বাবুর শ্রদ্ধাভক্তি ও ঠাকুরের উপরে বিশ্বাস প্রত্যক্ষ করিয়া তাঁহার বাটীতে ফলমূল-দুগ্ধ-মিষ্টান্নাদিগ্রহণ শ্রীযুত যোগেন পূর্বাবধি করিতেন— একথাও ঠাকুর জানিতেন। সেজন্য পৌছিবার কিছু পরেই ঠাকুর বলরাম প্রভৃতিকে বলিলেন, “ওগো, এর ( যোগেনকে দেখাইয়া ) আজ থাওয়া হয় নি, একে কিছু খেতে দাও।” বলরাম বাবুও যোগেনকে মাদরে অন্দরে লইয়া যাইয়া জলযোগ করাইলেন। ভাবসমাপ্তিতে আত্মহারা ঠাকুরের ভক্তদিগের শারীরিক ও মানসিক প্রত্যেক বিষয়ে কতদূর লক্ষ্য থাকিত, তাহারই অগ্ন্যন্তর দৃষ্টান্ত বলিয়া আমরা এ কথার এখানে উল্লেখ করিলাম।

বলরাম বাবুর বাটীতে রথে ঠাকুরকে লইয়া আনন্দের তুফান ছুটিত। অল্প সন্ধ্যার পরেই শ্রীশ্রীজগন্নাথদেবের শ্রীবিগ্রহকে মালাচন্দনাদি দ্বারা ভূষিত করিয়া অন্দরের ঠাকুরঘর হইতে বাহিরে আনা হইল এবং বস্ত্রপতাকাদি দ্বারা ইতিপূর্বেই সজ্জিত ছোট রথখানিতে বসাইয়া আবার পূজা করা হইল। বলরাম বাবুর পুরোহিতবংশজ ঠাকুরের ভক্ত শ্রীযুত ফকীরই ঐ পূজা করিলেন।

## শ্রীশ্রীরামকৃষ্ণলীলাপ্রসঙ্গ

শ্রীযুত ফকীর বলরাম বাবুর আশ্রয়ে থাকিয়া বিতালয়ে অধ্যয়ন ও আশ্রয়দাতার একমাত্র শিশুপুত্র রামকৃষ্ণের পাঠাভ্যাসাদির তত্ত্বাবধান করিতেন। ইনি বিশেষ নিষ্ঠাপরায়ণ ও ভক্তিমান ছিলেন এবং ঠাকুরের প্রথম দর্শনাবধি তাঁহার প্রতি বিশেষ ভক্তিপরায়ণ হইয়াছিলেন। ঠাকুর কখন কখন ইহার মুখ হইতে স্তোত্রাদি শুনিতে ভালবাসিতেন এবং শ্রীমচ্ছঙ্করাচার্য্যকৃত কালীস্তোত্র কিরূপে ধীরে ধীরে প্রত্যেক কথাগুলি সম্পূর্ণ উচ্চারণ করিয়া আবৃত্তি করিতে হয়, তাহা একদিন ইহাকে শিখাইয়া দিয়াছিলেন। ঠাকুর ঐদিন সন্ধ্যার সময় ফকীরকে নিজ কক্ষের উত্তর দিকের বারাণ্ডায় লইয়া গিয়া ভাবাবিষ্ট হইয়া স্পর্শও করেন এবং ধ্যান করিতে বলেন। ফকীরের উহাতে অদ্ভুত দর্শনাদি হইয়াছিল।

এইবার সঙ্কীৰ্ত্তন করিতে করিতে রথের টান আরম্ভ হইল।

বলরাম বহুর	ঠাকুর স্বয়ং রথের রশ্মি ধরিয়া অলক্ষণ টানিলেন।
বাটীতে	পরে ভাবাবেশে তালে তালে সুন্দরভাবে নৃত্য
রথোৎসব	করিতে লাগিলেন। সে ভাবমত্ত হৃদয় ও নৃত্যে

মুগ্ধ হইয়া সকলেই তখন আত্মহারা—ভগবদ্ভক্তিতে উন্মাদ ! বাহির বাটীর দোতলার চক্ৰমিলান বারাণ্ডাটি ঘুরিয়া ঘুরিয়া অনেকক্ষণ অবধি এইরূপ নৃত্য, কীর্ত্তন ও রথের টান হইলে শ্রীশ্রীজগন্নাথদেব, শ্রীগোবিন্দ ও শ্রীমতী রাধারানী, শ্রীমহাপ্রভু ও তাঁহার সাক্ষোপাঙ্গ এবং পরিশেষে তদুভক্তবৃন্দ, সকলের পৃথক্ পৃথক্ নামোল্লেখ করিয়া জয়কার দিয়া প্রণামান্তে কীর্ত্তন সঙ্গ হইল। পরে রথ হইতে ৬জগন্নাথদেবের শ্রীবিগ্রহকে অবরোহণ করাইয়া ত্রিতলে ( চিলের ছাদের ঘরে ) সাতদিনের মত স্থানান্তরিত করিয়া

## ভক্তসঙ্গে শ্রীরামকৃষ্ণ—নবযাত্রা

স্থাপন করা হইল। ইহার অর্থ—রথে চড়িয়া ৬জগন্নাথদেব যেন অগ্নিত্র আসিয়াছেন, সাতদিন পরে পুনঃ এখান হইতে রথে চড়িয়া আপনার পূর্বস্থানে গমন করিবেন। ৬জগন্নাথদেবের শ্রীবিগ্রহকে পূর্বোক্ত স্থানে রাখিয়া ভোগনিবেদন করিবার পর অগ্রে ঠাকুর ও পরে ভক্তেরা সকলে প্রসাদ গ্রহণ করিলেন। ঠাকুর ও তাঁহার সহিত আগত যোগেন সে রাত্রি বলরাম বাবুর বাটিতেই রহিলেন। অগ্নাত ভক্তেরা অনেকেই যে ষাঁহার স্থানে চলিয়া গেলেন।

পরদিন প্রাতে ৮টা বা ৯টার সময় নৌকা ডাকা হইল—ঠাকুর দক্ষিণেশ্বরে প্রত্যাগমন করিলেন। নৌকা আসিলে ঠাকুর অন্তরে

যাইয়া ৬জগন্নাথদেবকে প্রণাম করিয়া এবং ভক্ত-  
 স্ত্রী-ভক্তদিগের ঠাকুরের প্রতি পরিবারবর্গের প্রণাম স্বয়ং গ্রহণ করিয়া বাহির  
 অনুরাগ বাটির দিকে আসিতে লাগিলেন। স্ত্রী-ভক্তেরা  
 সকলে পশ্চাৎ পশ্চাৎ ঠাকুরের সঙ্গে সঙ্গে অন্তরের পূর্বদিকে  
 রক্ষনশালার সম্মুখে ছাদের শেষ পর্য্যন্ত আসিয়া বিষণ্ণমনে ফিরিয়া  
 যাইলেন, কারণ এ অদ্ভুত জীবন্ত ঠাকুরকে ছাড়িতে কাহার  
 প্রাণ চায়? উক্ত ছাদ হইতে কয়েক পদ অগ্রসর হইয়া  
 তিন-চারিটি সিঁড়ি উঠিলেই একটি দ্বার এবং ঐ দরজাটি  
 পার হইয়াই বাহিরের দ্বিতলের চক্‌মিলান বারাণ্ডা। সকল  
 স্ত্রী-ভক্তেরা ঐ ছাদের শেষ পর্য্যন্ত আসিয়া ফিরিলেও একজন যেন  
 আত্মহারা হইয়া ঠাকুরের সঙ্গে সঙ্গে বাহিরের চক্‌মিলান বারাণ্ডাবধি  
 আসিলেন—যেন বাহিরে অপরিচিত পুরুষেরা সব আছে, সে বিষয়ে  
 আদৌ ছঁশ নাই।

## শ্রীশ্রীরামকৃষ্ণলীলা প্রসঙ্গ

ঠাকুর স্ত্রী-ভক্তদিগের নিকট হইতে বিদায়গ্রহণান্তে ভাবাবেশে এমন গৌ-ভরে বরাবর চলিয়া আসিতেছিলেন যে, মেয়েরা যে

তাহার পশ্চাৎ পশ্চাৎ কতদূর আসিয়া কিরূপ

ঠাকুরের  
অন্তমনে চলা  
ও জনৈকা  
স্ত্রী-ভক্তের  
আত্মহারা  
হইয়া  
পশ্চাতে আসা  
গিয়াছেন এবং তাহাদের একজন যে এখনও ঐ  
ভাবে তাহার সঙ্গে আসিতেছেন, সে বিষয়ে তাহার  
আদৌ হুঁশ ছিল না। ঠাকুরের ঐরূপ গৌ-ভরে  
চলা যাহারা চক্ষে দেখিয়াছেন, তাহারাই কেবল  
বুঝিতে পারিবেন ; অপরকে উহা বুঝান কঠিন।

দ্বাদশবর্ষব্যাপী, কেবল দ্বাদশবর্ষই বা বলি কেন,

আজন্ম একাগ্রতা-অভ্যাসের ফলে ঠাকুরের মন-বুদ্ধি এমন একনিষ্ঠ  
হইয়া গিয়াছিল যে, যখন যেখানে বা যে কার্যে রাখিতেন তাহার  
মন তখন ঠিক সেখানেই থাকিত—চারি পাশে উকিঝুঁকি  
একেবারেই মারিত না। আর শরীর ও ইন্দ্রিয়াদি এমন বশীভূত  
হইয়া গিয়াছিল যে, মনে যখন যে ভাবটি বর্তমান উহারাও তখন  
কেবলমাত্র সেই ভাবটিই প্রকাশ করিত ! একটুও এদিক্ ওদিক্  
করিতে পারিত না। এ কথাটি বুঝান বড় কঠিন। কারণ  
আপন আপন মনের দিকে চাহিলেই আমরা দেখিতে পাই  
নানাপ্রকার পরস্পর-বিপরীত ভাবনা যেন এককালে রাজত্ব  
করিতেছে এবং উহাদের ভিতর যেটি প্রভাসবশতঃ অপেক্ষাকৃত  
প্রবল, শরীর ও ইন্দ্রিয়াদির নিষেধ না মানিয়া তাহারই বশে  
ছুটিয়াছে। ঠাকুরের মনের গঠন আর আমাদের মনের গঠন  
এতই বিভিন্ন !

দৃষ্টান্তস্বরূপ আরও অনেক কথা এখানে বলা যাইতে পারে।

## ভক্তসঙ্গে শ্রীরামকৃষ্ণ—নবযাত্রা

দক্ষিণেশ্বরে আপনার ঘর হইতে ঠাকুর মা কালীকে দর্শন করিতে চলিলেন। ঘরের পূর্বের দালানে আসিয়া সিঁড়ি দিয়া ঠাকুর বাটীর উঠানে নামিয়া একেবারে সিধা মা কালীর মন্দিরের দিকে চলিলেন। ঠাকুরের থাকিবার ঘর হইতে মা

ঠাকুরের  
ঐরূপ অন্তরমনে  
চলিবার আর  
কয়েকটি দৃষ্টান্ত;  
ঐরূপ হইবার  
কারণ

কালীর মন্দিরে যাইতে অগ্রে শ্রীরাধাগোবিন্দজীর মন্দির পড়ে; যাইবার সময় ঠাকুর উক্ত মন্দিরে উঠিয়া শ্রীবিগ্রহকে প্রণাম করিয়া মা কালীর মন্দিরে যাইতে পারেন। কিন্তু তাহা কখনও করিতে পারিতেন না! একেবারে সরাসর মা কালীর

মন্দিরে যাইয়া প্রণামাদি করিয়া পরে ফিরিয়া আসিবার কালে ঐ মন্দিরে উঠিতেন। আমরা তখন তখন ভাবিতাম, ঠাকুর মা কালীকে অধিক ভালবাসেন বলিয়াই বৃষ্টি ঐরূপ করেন। পরে একদিন ঠাকুর নিজেই বলিলেন, “আচ্ছা, এ কি বল্ দেখি? মা কালীকে দেখতে যাব মনে করেছি তো একেবারে সিধে মা কালীর মন্দিরে যেতে হবে। এদিক ওদিক ঘুরে বা রাধাগোবিন্দের মন্দিরে উঠে যে প্রণাম করে যাব, তা হবে না। কে যেন পা টেনে সিধে মা কালীর মন্দিরে নিয়ে যায়—একটু এদিক ওদিক বেঁকতে দেয় না। মা কালীকে দেখার পর, যেথা ইচ্ছা যেতে পারি—এ কেন বল্ দেখি?” আমরা মুখে বলিতাম, ‘কি জানি মশাই’; আবার মনে মনে ভাবিতাম, ‘এও কি হয়? ইচ্ছা করিলেই আগে রাধাগোবিন্দকে প্রণাম করিয়া যাইতে পারেন। মা কালীকে দেখবার ইচ্ছাটা বেশী হয় বলিয়াই বোধ হয় অতরূপ ইচ্ছা হয় না’ ইত্যাদি; কিন্তু এ সব কথা সহসা ভাঙ্গিয়া বলিতেও



## শ্রীশ্রীরামকৃষ্ণলীলাপ্রসঙ্গ

পারিতাম না। ঠাকুরই আবার কখন কখন ঐ বিষয়ের উত্তরে বলিতেন, “কি জানিস? যখন যেটা মনে হয় করবো, সেটা তখনই করতে হবে—এতটুকু দেবী সয় না।” কে জানে তখন একনিষ্ঠ মনের এই প্রকার গতি ও চেষ্টাদি এবং ঠাকুরের মনটার অন্তঃস্তর অবধি সমস্তটা বহুকাল ধরিয়া একনিষ্ঠ হইয়া একেবারে একভাবে তরঙ্গায়িত হইয়া উঠে—উহাতে অগ্নি ভাবকে আশ্রয় করিয়া বিপরীত তরঙ্গরাজি আর উঠেই না। আবার কখন কখন বলিতেন, “দেখ, নির্বিকল্প অবস্থায় উঠলে তখন তো আর আমি-তুমি, দেখা-শুনা, বলা-কহা কিছুই থাকে না; সেখান থেকে দুই-তিন ধাপ নেমে এসেও এতটা ঝোঁক থাকে যে, তখনও বহু লোকের সঙ্গে বা বহু জিনিস নিয়ে ব্যবহার চলে না। তখন যদি খেতে বসি আর পঞ্চাশ রকম তরকারী মাজিয়ে দেয়, তবু হাত সে সকলের দিকে যায় না, এক জায়গা থেকেই মুখে উঠবে। এমন সব অবস্থা হয়। তখন ভাত ডাল তরকারী পাবেন সব একত্রে মিশিয়ে নিয়ে খেতে হয়!” আমরা এই সময়স অবস্থার দুই-তিন ধাপ নীচের কথা শুনিয়াই অবাক হইয়া থাকিতাম। “আবার এমন একটা অবস্থা হয়, তখন কাউকে ছুঁতে পারি না। (ভক্তদের সকলকে দেখাইয়া) এদের কেউ ছুঁলে যন্ত্রণায় চীৎকার করে উঠি।”—আমাদের ভিতর কেইবা তখন এ কথার মর্ম বুঝে যে, শুদ্ধসত্ত্ব গুণটা তখন ঠাকুরের মনে এতটা বেশী হয় যে এতটুকু অশুদ্ধতার স্পর্শ সহ্য করিতে পারেন না! পুনরায় বলিতেন, “ভাবে আবার একটা অবস্থা হয়, তখন খালি (শ্রীযুক্ত বাবুরাম মহারাজকে দেখাইয়া) ওকে ছুঁতে পারি; ও

## ভক্তসঙ্গে শ্রীরামকৃষ্ণ—নবযাত্রা।

যদি তখন ধরে<sup>১</sup> ত কষ্ট হয় না। ও খাইয়ে দিলে তবে খেতে পারি।” যাক্ এখন সে সব কথা। পূর্বকথার অনুসরণ করি।

ঠাকুর গৌ-ভরে চলিতে চলিতে বাহিরের বাবাগুয়। যেখানে পূর্বরাত্রে রথটানা হইয়াছিল) আসিয়া হঠাৎ পশ্চাতে চাহিয়া দেখেন সেই স্ত্রী-ভক্তটি ঐরূপে তাঁহার পেছনে  
 স্ত্রী-ভক্তটিকে পেছনে আসিতেছেন। দেখিয়াই দাঁড়াইলেন এবং  
 ঠাকুরের দক্ষিণে ‘মা আনন্দময়ী, মা আনন্দময়ী’ বলিয়া বার বার  
 যাইতে প্রণাম করিতে লাগিলেন। ভক্তটিও ঠাকুরের  
 আহ্বান শ্রীচরণে মাথা রাখিয়া প্রতিপ্রণাম করিয়া  
 উঠিবামাত্র ঠাকুর তাঁহার মুখের দিকে চাহিয়া বলিলেন, ‘চ না গো মা, চ না!’ কথাগুলি এমনভাবে বলিলেন এবং ভক্তটিও  
 এমন এক আকর্ষণ অনুভব করিলেন যে আর দিক্‌বিদিক্‌ না  
 দেখিয়া (ইহার বয়স তখন ত্রিশ বৎসর হইবে এবং গাড়ী-  
 পাক্কীতে ভিন্ন এক স্থান হইতে অপর স্থানে কখনও ইহার পূর্বে  
 যাতায়াত করেন নাই) ঠাকুরের পশ্চাৎ পশ্চাৎ পদত্রেজে চলিলেন!

১ ভাবাবেশ হইলে ঠাকুরের শরীর-জ্ঞান না থাকায় অঙ্গপ্রত্যঙ্গাদি (হাত, মুখ, ঐবা ইত্যাদি) বাঁকিয়া যাইত এবং কখনও বা সমস্ত শরীরটা হেলিয়া পড়িয়া যাইবার মত হইত। তখন নিকটস্থ ভক্তেরা ঐ সকল অঙ্গাদি ধরিয়া ধীরে ধীরে যথাযথভাবে সংস্থিত করিয়া দিতেন এবং পাছে ঠাকুর পড়িয়া গিয়া আঘাতপ্রাপ্ত হন, এজন্য তাঁহাকে ধরিয়া থাকিতেন। আর যে দেবদেবীর ভাবে ঠাকুরের ঐ অবস্থা, সেই দেবদেবীর নাম তখন তাঁহার কর্ণকুহরে শুনাইতে থাকিতেন, যথা—কালী কালী, রাম রাম, ওঁ ওঁ বা ওঁ তৎ সৎ ইত্যাদি। ঐরূপ শুনাইতে শুনাইতে তবে ধীরে ধীরে ঠাকুরের আবার বাহ্য চৈতন্য আসিত। যে ভাবে ঠাকুর যখন আবিষ্ট ও আত্মহারা হইতেন, সেই নাম ভিন্ন অপর নাম শুনাইলে তাঁহার বিষম যন্ত্রণাবোধ হইত।

## শ্রীশ্রীরামকৃষ্ণলীলাপ্রসঙ্গ

কেবল একবার মাত্র ছুটিয়া বাটার ভিতর যাইয়া বলরাম বা গৃহিণীকে বলিয়া আসিলেন, “আমি ঠাকুরের সঙ্গে দক্ষিণেশ্বর চললাম।” পূর্বোক্ত ভক্তটি এইরূপে দক্ষিণেশ্বরে যাইতেছেন শুনি আর একটি স্ত্রী-ভক্তও সকল কৰ্ম ছাড়িয়া তাঁহার সঙ্গে চলিলেন। এদিকে ঠাকুর ভাবাবেশে স্ত্রী-ভক্তটিকে ঐরূপে আসিতে বলি আর পশ্চাতে না চাহিয়া শ্রীযুত যোগেন, ছোট নরেন প্রভৃৎ বালক ভক্তদিগকে সঙ্গে লইয়া সরাসর নৌকায় যাইয়া বসিলেন। স্ত্রী-ভক্ত দুইটিও ছুটাছুটি করিয়া আসিয়া নৌকায় উঠিয়া বাহিরে পাটাতনের উপর বসিয়া পড়িলেন। নৌকা ছাড়িল।

যাইতে যাইতে স্ত্রী-ভক্তটি ঠাকুরকে বলিতে লাগিলেন, “ইচ্ছা খুব তাঁকে ডাকি, তাঁতে ঘোল-আনা মন দি কিন্তু : কিছতেই বাগ মানেন না—কি করি?”

ঠাকুর—তাঁর উপর ভার দিয়ে থাক না গো! ঝড়ের এঁটে নৌকার যাইতে যাইতে পাতা হয়ে থাকতে হয়—সেটাকি জান? পাতাখা স্ত্রী-ভক্তের পড়ে আছে; যাম্‌নে হাওয়াতে নিয়ে যাচ্ছে।  
 আর ঠাকুরের ত্যাম্‌নে উড়ে যাচ্ছে, সেই রকম; এই রকম উত্তর—‘ঝড়ের করে তাঁর উপর ভার দিয়ে পড়ে থাকতে হয়—  
 আগে এঁটো চৈতন্য বায়ু যাম্‌নে মনকে ফেরাবে ত্যাম্‌নে ফিরবে,  
 পাতার মত হলে থাকবে’ এই আর কি।

এইরূপ প্রসঙ্গ চলিতে চলিতে নৌকা কালীবাটার ঘাটে আসিয়া লাগিল। নৌকা হইতে নামিয়াই ঠাকুর কালীঘরে<sup>১</sup>

---

১ মা কালীর মন্দিরকে ঠাকুর ‘কালীঘর’ ও রাখাগোবিন্দজীর মন্দিরকে ‘বিশুঘর’ বলিতেন।

## ভক্তসঙ্গে শ্রীরামকৃষ্ণ—নবযাত্রা:

যাইলেন। স্ত্রী-ভক্তেরা কালীবাটীর উত্তরে অবস্থিত নহবৎখানায়<sup>১</sup> শ্রীশ্রীমাতাঠাকুরাণীর নিকটে যাইলেন এবং তাঁহাকে প্রণাম করিয়া মা কালীকে প্রণাম করিতে মন্দিরাভিমুখে চলিলেন।

এদিকে ঠাকুর বালক ভক্তগণ সঙ্গে মা কালীর মন্দিরে আসিয়া তাঁহাকে প্রণাম করিয়া ভাবাবিষ্ট হইয়া নাটমন্দিরে আসিয়া বসিলেন এবং মধুর কণ্ঠে গাহিতে লাগিলেন—

ভুবন ভুলাইলি মা ভুবনমোহিনি ।

মূলাধারে মহোৎপলে বীণাবাত্ত-বিনোদিনি ॥

শরীরে শারীরি যন্ত্রে, স্বপ্নাদি ত্রয় তন্ত্রে,

গুণভেদে মহামন্ত্রে তিনগ্রাম-সঞ্চারিণি ॥

আধারে ভৈরবাকার, ষড়দলে শ্রীরাগ আর

মণিপুরেতে মল্লার বসন্তে হৃদপ্রকাশিনি ॥

বিশুদ্ধে হিন্দোল সুরে, কর্ণাটক আঙ্গাপুরে

তান মান লয় সুরে ত্রিসপ্ত-সুরভেদিনি ॥

শ্রীনন্দকুমারে কয়, তব না নিশ্চয় হয়

তব তব গুণত্রয় কাকীমুখ-আচ্ছাদিনি ॥

নাটমন্দিরের উত্তর প্রান্তে শ্রীশ্রীজগদম্বার সামনে বসিয়া ঠাকুর ইরুপে গাহিতেছেন, সঙ্গী ভক্তেরা কেহ বসিয়া কেহ দাঁড়াইয়া শ্রুতি হৃদয়ে উহা শুনিয়া মোহিত হইয়া রহিয়াছেন! গাহিতে

১ এই নহবৎখানায় নিম্নের ঘরে শ্রীশ্রীমা শয়ন করিতেন এবং সকল প্রকার ব্যাধি রাখিতেন। নিম্নের ঘরের সম্মুখের রকে রন্ধনাদি হইত। উপরের ঘরে দিনের বেলায় কখন কখন উঠিতেন এবং কলিকাতা হইতে আগত। স্ত্রী-ভক্তদিগের সংখ্যা অধিক হলে শয়ন করিতে দিতেন।

## শ্রীশ্রীরামকৃষ্ণলীলাপ্রসঙ্গ

গাহিতে ভাবাবিষ্ট হইয়া ঠাকুর সহসা দাঁড়াইয়া উঠিলেন, গান থামিয়া গেল, মুখের অদৃষ্টপূর্ব্ব হাসি যেন সেই স্থানে আনন্দ ছড়াইয়া দিল—ভক্তেরা নিষ্পন্দ হইয়া এখন ঠাকুরের শ্রীমূর্ত্তিই দেখিতে

লাগিলেন। তখন ঠাকুরের শরীর একটু হেলিয়াছে  
দক্ষিণেবরে দেখিয়া পাছে পড়িয়া যান ভাবিয়া শ্রীযুত ছোট  
পৌছিয়া নরেন তাঁহাকে ধরিতে উদ্যত হইলেন। কিন্তু তিনি  
ঠাকুরের স্পর্শ করিবামাত্র ঠাকুর যন্ত্রণায় বিকট চীৎকার করিয়া  
ভাবাবেগে স্পর্শ করিবামাত্র ঠাকুর যন্ত্রণায় বিকট চীৎকার করিয়া  
ও ক্ষত শরীরে উঠিলেন। ছোট নরেন, তাঁহার স্পর্শ ঠাকুরের  
দেবতাস্পর্শ-নিষেধ এখন অভিমত নয় বুঝিয়া সরিয়া দাঁড়াইলেন এবং  
সম্মুখে ভক্তদের  
শ্রমাগ পাওয়া ঠাকুরের ভাতৃপুত্র শ্রীযুত রামলাল মন্দিরাভ্যন্তর

হইতে ঠাকুরের পূর্ব্বোক্ত অব্যক্ত কষ্টস্থচক শব্দ শুনিতে পাইয়া তাড়াতাড়ি আসিয়া ঠাকুরের শ্রীঅঙ্গ ধারণ করিলেন। কতক্ষণ এইভাবে থাকিয়া নাম শুনিতে শুনিতে ঠাকুরের ধীরে ধীরে বাহু চৈতন্য হইল; কিন্তু তখনও যেন বিপরীত নেশার কোঁকে সহজভাবে দাঁড়াইতে পারিতেছেন না! পা বেজায় টলিতেছে!

এই অবস্থায় কোন রকমে হামা দেওয়ার মত করিয়া ঠাকুর নাটমন্দিরের উত্তরের সিঁড়িগুলি দিয়া মন্দিরের প্রাঙ্গণে নামিতে লাগিলেন ও ছোট শিশুর মত বলিতে লাগিলেন, “মা, পড়ে যাব না—পড়ে যাব না?” বাস্তবিকই তখন ঠাকুরকে দেখিয়া মনে হইতে লাগিল, তিনি যেন একটি ছোট তিন-চারি বৎসরের ছেলে, মার দিকে চাহিয়া ঐ কথাগুলি বলিতেছেন, আর মার নয়নে নয়ন রাখিয়া ভরসান্বিত হইয়াই সিঁড়িগুলি নামিতে

## ভক্তসঙ্গে শ্রীরামকৃষ্ণ—নবযাত্রা

পারিতেছেন! অতি সামান্য বিষয়েও এমন অপরূপ নির্ভরের ভাব আর কি কোথাও দেখিতে পাইব?

প্রাঙ্গণ উত্তীর্ণ হইয়া ঠাকুর এইবার নিজ কক্ষে আসিয়া পশ্চিমের দিকের গোল বারাণ্ডায় যাইয়া বসিলেন—তখনও ভাবাবিষ্ট। সে ভাব আর ছাড়ে না—কখনও একটু কমে, আবার বাড়িয়া বাহ্য

চৈতন্য লুপ্তপ্রায় হয়। এইরূপে কতক্ষণ থাকার ভাবাবেশে কুণ্ডলিনী-দর্শন পর ভাবাবস্থায় ঠাকুর সঙ্গী ভক্তগণকে বলিতে ও ঠাকুরের লাগিলেন, “তোমরা সাপ দেখেছ? সাপের কথা

জালায় গেলুম!” আবার তখনি যেন ভক্তদের ভুলিয়া সর্পাকৃতি কুলকুণ্ডলিনীকেই (তাঁহাকেই যে ঠাকুর বর্তমান ভাবাবস্থায় দেখিতেছিলেন একথা আর বলিতে হইবে না) সন্মোদন করিয়া বলিতেছেন, “তুমি এখন যাও বারু; ঠাকুরণ, তুমি এখন সর; আমি তামাক খাব, মুখ ধোব, দাঁতন হয় নি”—ইত্যাদি। এইরূপে কখনও ভক্তদিগের সহিত এবং কখনও ভাবাবেশে দৃষ্ট মূর্তির সহিত কথা কহিতে কহিতে ঠাকুর ক্রমে সাধারণ মানবের মত বাহ্য চৈতন্য প্রাপ্ত হইলেন।

সাধারণ মানবের গ্রায় যখন থাকিতেন তখন ঠাকুরের ভাবভঙ্গে ভক্তদিগের নিমিত্তই চিন্তা। শ্রীশ্রীমাতাঠাকুরাণীকে আগত ভক্তেরা জিজ্ঞাসা করিয়া পাঠাইলেন ঘরে কিছু ভরিভরকারী সব কি খাইবে বলিয়া ঠাকুরের আছে কি না। শ্রীশ্রীমা তত্বত্রে ‘কিছুই নাই’ বলিয়া চিন্তা ও পাঠাইলে ঠাকুরের আবার ভাবনা হইল, ‘কে এখন ষ্ট্রী-ভক্তদের বাজার করিতে পাঠান বাজারে যায়; কারণ বাজার হইতে কিছু শাকশজী কিনিয়া না আনিলে কলিকাতা হইতে আগত ষ্ট্রী-পুরুষ ভক্তেরা

## শ্রীশ্রীরামকৃষ্ণলীলাপ্রসঙ্গ

খাইবে কি দিয়া? ভাবিয়া চিন্তিয়া স্ত্রী-ভক্ত দুইটিকে বলিলেন, “বাজার করতে যেতে পারবে?” তাঁহারাও বলিলেন, “পারবো” এবং বাজারে যাইয়া দুটো বড় বেগুন, কিছু আলু ও শাক কিনিয়া আনিলেন; শ্রীশ্রীমা ঐ সকল রন্ধন করিলেন। কালীবাটী হইতেও ঠাকুরের নিত্য বরাদ্দ এক থাল মা-কালীর প্রসাদ আসিল। পরে ঠাকুরের ভোজন সাক্ষ হইলে ভক্তেরা সকলে প্রসাদ গ্রহণ করিলেন।

তৎপরে ঠাকুরের ভাবাবস্থার সময় শ্রীযুত ছোট নরেন ধরিতে যাইলে ঠাকুরের ওরূপ কষ্ট কেন হইল, সে কথার অতুসন্ধানে কারণ জানিতে পারা গেল। ছোট নরেনের মস্তকের বাঁ দিক্কার রগে একটি ছোট আব্ হইয়াছিল ও ক্রমে সেটি বড় হইতেছিল। সেটা পরে যন্ত্রণাদায়ক হইবে বলিয়া ডাক্তারেরা ঔষধ দিয়া ঐ স্থানটিতে ঘা করিয়া দিয়াছিল। পূর্বে শুনিয়াছিলাম বটে, শরীরে ক্ষত থাকিলে দেবমুক্তি স্পর্শ করিতে নাই, কিন্তু কথাটার সত্যতা যে আমাদের চক্ষুর সম্মুখে এইরূপে প্রমাণিত হইবে, তাহা আর কে ভাবিয়াছিল! দেবভাবে তন্নয়ত প্রাপ্ত হইয়া বাহ্যজ্ঞান একেবারে লুপ্ত হইলেও ঠাকুর যে কি অন্তর্নিহিত দৈবশক্তির বলে ঐরূপ করিয়া উঠিলেন, তাহা বুঝা সাধ্যায়ত্ত ন হইলেও তাঁহার যে বাস্তবিকই কষ্ট হইয়াছিল, একথা নিঃসংশয়। ছোট নরেনকে ঠাকুর কত শুদ্ধস্বভাব বলিতেন তাহা আমাদের জানা ছিল এবং সাধারণ অবস্থায় ঠাকুর অপর সকলের ন্যায় তাঁহাকে শরীরে ঐরূপ ক্ষতস্থান থাকিলেও ছুঁইতেছেন, পদস্পর্শ করিতে দিতেছেন ও তাঁহার সহিত একত্র বস-দাঁড়ান করিতেছেন। অতএব তিনিই

## ভক্তসঙ্গে শ্রীরামকৃষ্ণ—নবযাত্রা

বা কেমন করিয়া জানিবেন, ভাবের সময় ঠাকুর ঐরূপে তাঁহার স্পর্শ সহ্য করিতে পারিবেন না? যাহা হউক, তদবধি তিনি যত দিন না উক্ত ক্ষতটি আরাম হইল, ততদিন আর ভাবাবস্থার সময় ঠাকুরকে স্পর্শ করিতেন না।

ঠাকুরের সহিত নানা সংপ্রসঙ্গে সমস্ত দিন কোথা দিয়া কাটিয়া গেল। পরে সন্ধ্যা আগতপ্রায় দেখিয়া ভক্তেরা যে যাহার বাটীর দিকে চলিলেন। স্ত্রীলোক দুইটিও ঠাকুরের ও শ্রীশ্রীমার নিকট বিদায় গ্রহণ করিয়া পদব্রজে কলিকাতায় আসিলেন।

\*

\*

\*

পূর্বোক্ত ঘটনাগুলির পরে দুই-তিন দিন গত হইয়াছে। আজ পণ্ডিত শশধর ঠাকুরকে দর্শন করিতে অপরাহ্নে বালকস্বভাব ঠাকুরের দক্ষিণেশ্বর কালীবাটিতে আসিবেন। বালকস্বভাব ঠাকুরের অনেক সময় বালকের ন্যায় ভয়ও হইত। বিশেষ কোন খ্যাতিনামা ব্যক্তি তাঁহার সহিত দেখা করিতে আসিবেন শুনিলেই ভয় পাইতেন। ভাবিতেন, তিনি তো লেখাপড়া কিছুই জানেন না, তাহার উপর কখন কিরূপ ভাবাবেশ হয় তাহার তো কিছুই ঠিক-ঠিকানা নাই, আবার তাহার উপর ভাবের সময় নিজের শরীরেরই হ'ল থাকে না তো পরিধেয় বস্ত্রাদির! একরূপ অবস্থায় আগন্তুক কি ভাবিবে ও বলিবে! আমাদের মনে হইত, আগন্তুক যাহাই কেন ভাবুক না, তাহাতে তাহার আসিয়া গেল কি! তিনি তো নিজেই বারবার কত লোককে শিক্ষা দিতেছেন, 'লোক না পোক (কীট); লজ্জা, ঘৃণা, ভয়—তিন থাকতে নয়।' তবে কি ইনি নামঘশের কাঙ্গালী?



## শ্রীশ্রীরামকৃষ্ণলীলাপ্রসঙ্গ

কিন্তু ঘাচাইয়া দেখিতে যাইলেই দেখিতাম—বালক যেমন কোনও অপরিচিত ব্যক্তিকে দেখিলে ভয়ে লজ্জায় জড়সড় হয়, আবার একটু পরিচয় হইলে সেই ব্যক্তিরই কাঁধে পিঠে চড়িয়া চুল টানিয়া নিঃশব্দচিত্তে নানারূপ মিষ্ট অত্যাচার করে—ঠাকুরের এই ভাবটিও তদ্রূপ। নতুবা মহারাজ যতীন্দ্রমোহন, সুবিখ্যাত কৃষ্ণদাস পাল প্রভৃতির সহিত তিনি যেরূপ স্বাধীনভাবে কথাবার্তা কহিয়াছিলেন তাহাতে বেশ বুঝা যায় যে, নাম-যশের কিছুমাত্র ইচ্ছা ভিতরে থাকিলে তিনি তাঁহাদের সহিত কখনই ঐ ভাবে কথা কহিতে পারিতেন না।<sup>১</sup>

আবার কখন কখন দেখা গিয়াছে, ঠাকুর আগন্তকের পাছে অকল্যাণ হয় ভাবিয়া ভয়ও পাইতেন! কারণ তাঁহার আচরণ ও ব্যবহার প্রভৃতি বুদ্ধিতে পারক বা নাই পারক তাহাতে ঠাকুরের কিছু আশিয়া যাইত না সত্য; কিন্তু বুদ্ধিতে না পারিয়া আগন্তক যদি ঠাকুরের অথবা নিন্দাবাদ করিত, তাহাতে তাহারই অকল্যাণ নিশ্চিত জানিয়াই ঠাকুর ঐরূপ ভয় পাইতেন। তাই শ্রীমৃত গিরিশ অভিমান-আকারে কোন সময়ে ঠাকুরের সম্মুখে

---

১ মহারাজ যতীন্দ্রমোহনকে প্রথমেই বলিয়াছিলেন, “তা বাবু, আমি কিন্তু তোমায় রাজা বলতে পারব না; মিথ্যা কথা বলতে কিল্পেণ।” আবার মহারাজ যতীন্দ্রমোহন নিজের কথা বলিতে বলিতে যখন ধর্মরাজ বুদ্ধির সহিত আপনার তুলনা করেন, তখন ঠাকুর বিশেষ বিরক্তির সহিত তাঁহার ঐরূপ বুদ্ধির নিন্দা করিয়াছিলেন। শ্রীমৃত কৃষ্ণদাস পালও যখন জগতের উপকার করা ছাড়া আর কোন ধর্মই নাই ইত্যাদি বলিয়া ঠাকুরের সহিত তর্ক উত্থাপন করেন, তখন ঠাকুর বিশেষ বিরক্তির সহিত তাঁহার বুদ্ধির দোষ দর্শাইয়া দেন

## ভক্তসঙ্গে শ্রীরামকৃষ্ণ—নবযাত্রা

তাঁহার প্রতি নানা কটুক্তি প্রয়োগ করিলে ঠাকুর বলিয়াছিলেন,  
“ওরে, ও আমাকে যা বলে বলুকগে, আমার মাকে কিছু  
বলেনি তো?” যাক এখন সে কথা।

পণ্ডিত শশধর তাঁহার সহিত দেখা করিতে আসিবেন, শুনিয়া  
ঠাকুরের আর ভয়ের সীমা-পরিসীমা নাই। শ্রীযুত যোগেন (স্বামী  
যোগানন্দ), শ্রীযুত ছোট নরেন ও আর আর  
শশধর পণ্ডিতের  
দ্বিতীয় দিবস  
ঠাকুরকে  
দর্শন  
অনেককে বলিলেন, “ওরে, তোরা তখন (পণ্ডিতজী  
যখন আসিবেন) থাকিস!” ভাবটা এই যে তিনি  
মুখ্য মানুষ, পণ্ডিতের সহিত কথা কহিতে কি  
বলিতে কি বলিবেন, তাই আমরা সব উপস্থিত থাকিয়া পণ্ডিতজীর  
সহিত কথাবার্তা কহিব ও ঠাকুরকে সামলাইব। আহা, সে  
ছেলেমানুষের মত ভয়ের কথা অপরকে বুঝানও ছুসর। কিন্তু  
পণ্ডিত শশধর যখন বাস্তবিক উপস্থিত হইলেন, তখন ঠাকুর যেন  
আর একজন! হাস্তপ্রস্ফুরিতাধরে স্থিরদৃষ্টিতে তাঁহার দিকে  
দেখিতে দেখিতে তাঁহার অর্দ্ধবাহুদশার মত অবস্থা হইল এবং  
পণ্ডিত শশধরকে সম্বোধন করিয়া বলিলেন, “ওগো, তুমি পণ্ডিত,  
তুমি কিছু বল।”

শশধর—মহাশয়, দর্শন-শাস্ত্র পড়িয়া আমার হৃদয় শুষ্ক হইয়া  
গিয়াছে; তাই আপনার নিকটে আসিয়াছি ভক্তিরস পাইব বলিয়া;  
অতএব আমি শুনি, আপনি কিছু বলুন।

ঠাকুর—আমি আর কি বলবো, বাবু! সচ্চিদানন্দ যে কি  
(পদার্থ) তা কেউ বলতে পারে না! তাই তিনি প্রথম হলেন  
অর্দ্ধনারীশ্বর। কেন?—না, দেখাবেন বলে যে পুরুষ প্রকৃতি



## ভক্তসঙ্গে শ্রীরামকৃষ্ণ—নবযাত্রা

গিন্নী যেমন রেঁধেবেড়ে সকলকে খাইয়ে দাইয়ে গামছাখানা কাঁধে ফেলে পুকুরঘাটে গা ধুতে, কাপড় কাচতে যায়, আর হৈশেল-ঘরে ফেরে না—তুমিও তেমনি সকলকে তাঁহার কথা বোলে কোয়ে যে যাবে, আর ফিরবে না !

পণ্ডিত শশধর ঠাকুরের ঐ কথা শুনিয়া, ‘সে আপনাদের অন্তগ্রহ’ বলিয়া ঠাকুরের পদধূলি বারংবার গ্রহণ করিতে লাগিলেন এবং তাঁহার ঐ সকল কথা শুনিতে শুনিতে স্তুতি ও আর্দ্রহৃদয়ে ভগবদ্বাক্ত জীবনে লাভ হইল না ভাবিয়া অশ্রু বিসর্জন করিতে লাগিলেন ।

আমাদের একজন পরম বন্ধু, পণ্ডিত শশধরের দক্ষিণেশ্বরে আগমনের পরদিন ঠাকুরের নিকট উপস্থিত হইলে ঠাকুর যে ভাবে ঐ বিষয় তাঁহার নিকট বলিয়াছিলেন, তাহাই আমরা এখন এখানে বলিব ।

ঠাকুর—ওগো, দেখছি তো এখানে ও সব (লেখাপড়া) কিছু নেই, মুখা-শুখা মানুষ, পণ্ডিত দেখা করতে আসবে শুনে বড় ভয় হলো। এই তো দেখছ, পরনের ঠাকুর ঐ কাপড়েরই ছঁশ থাকে না, কি বলতে কি বলব দিনের কথা কানেক ভক্তকে ভেবে একেবারে জড়সড় হলাম! মাকে বললুম, নিজে যেমন ‘দেখিস মা, আমি তো তোকে ছাড়া শাস্তর বলিয়াছিলেন (শাস্ত্র) মাস্তর কিছুই জানি না, দেখিস।’

তার পর একে বলি ‘তুই তখন থাকিস’, ওকে বলি ‘তুই তখন আসিস—তোদের সব দেখলে তবু ভরসা হবে।’ পণ্ডিত যখন এসে বসলো তখনও ভয় রয়েছে—চুপ করে বসে তার দিকেই দেখছি,

## শ্রীশ্রীরামকৃষ্ণলীলাপ্রসঙ্গ

তার কথাই শুনিছি, এমন সময় দেখছি কি—যেন তার (পণ্ডিতের) ভেতরটা মা দেখিয়ে দিচ্ছে—শান্তর (শাস্ত্র) মাস্তুর পড়লে কি হবে, বিবেক বৈরাগ্য না হলে ওসব কিছুই নয়! তার পরেই সড় সড় করে (নিজ শরীর দেখাইয়া) একটা মাথার দিকে উঠে গেল, আর ভয় ডর সব কোথা চলে গেল! একেবারে বিভ্ৰল হয়ে গেলুম! মুখ উচু হয়ে গিয়ে তার ভেতর থেকে যেন একটা কথার ফোয়ারা বেরুতে লাগল—এমনটা বোধ হতে লাগল! যত বেরুচ্ছে, তত ভেতর থেকে যেন কে ঠেলে ঠেলে যোগান দিচ্ছে! ওদেশে (কামারপুকুরে) ধানমাপবার সময় যেমন একজন ‘রামে রাম, দুইয়ে দুই’ করে মাপে আর একজন তার পেছনে বসে রাশ (ধানের রাশি) ঠেলে দেয়, সেইরূপ। কিন্তু কি যে সব বলেছি, তা কিছুই জানি না! যখন একটু হুঁশ হল তখন দেখছি কি যে, সে (পণ্ডিত) কঁদছে, একেবারে ভিজে গেছে! ঐ রকম একটা আবস্থা (অবস্থা) মাঝে মাঝে হয়। কেশব যেদিন খবর পাঠালে জাহাজে করে গঙ্গায় বেড়াতে নিয়ে যাবে, একজন সাহেবকে (ভারতভ্রমণে আগত পাদ্রি কুক) সঙ্গে করে নিয়ে আসচে, সেদিনও ভয়ে কেবলই ঝাউতলার দিকে (শৌচে) যাচ্ছি! তারপর যখন তারা এলো আর জাহাজে উঠলুম, তখন এই রকমটা হয়ে গিয়েছিল! আর কত কি বলেছিলুম! পরে এরা (আমাদের দেখাশুনা) সব বললে, ‘খুব উপদেশ দিয়েছিলেন।’ আমি কিন্তু বাবু কিছুই জানি নি।

অদ্ভুত ঠাকুরের এই প্রকার অদ্ভুত অবস্থার কথা কেমন করিয়া বুঝিব? আমরা অবাচ হইয়া ইঁা করিয়া শুনিতাম মাত্র। কি এক অদৃষ্টপূর্ব্ব শক্তি যে তাঁহার শরীর মনটাকে আশ্রয় করিয়া এই সকল

## ভক্তসঙ্গে শ্রীরামকৃষ্ণ—নবযাত্রা

অপূর্ব লীলার বিস্তার করিত, অভূতপূর্ব আকর্ষণে যাহাকে ইচ্ছা  
 ঠাকুরের টানিয়া আনিয়া দক্ষিণেশ্বরে উপস্থিত করিত ও ধর্ম-  
 অলৌকিক রাজ্যের উচ্চতর স্তরসমূহে আরোহণে সামর্থ্য প্রদান  
 ব্যবহার করিত, তাহা দেখিয়াও বুঝা যাইত না। তবে ফল  
 দেখিয়া অস্বাভাবিক দেখিয়া বুঝা যাইত, সত্যই ঐরূপ হইতেছে, এই  
 অবতারের দেখিয়া পধ্যস্ত। কতবারই না আমাদের চক্ষুর সম্মুখে  
 সম্বন্ধে প্রচলিত ঐরূপ দেখিয়াছি, অতি দ্বেষী ব্যক্তি দ্বেষ করিবার জন্য  
 কথাসকল ঠাকুরের নিকট আসিয়াছে এবং ঠাকুরও ঐ  
 সত্য বলিয়া বিশ্বাস হয় শক্তিপ্রভাবে আত্মহারা হইয়া ভাবাবেশে তাহাকে  
 স্পর্শ করিয়াছেন, আর সেইক্ষণ হইতে তাহার ভিতরের স্বভাব  
 আমূল পরিবর্তিত হইয়া সে নবজীবন-লাভে ধন্য হইয়াছে। বেশ্যা  
 মেরীকে স্পর্শমাত্রে ঐশা নূতন জীবন দান করিলেন, ভাবাবেশে  
 শ্রীচৈতন্য কাহারও স্বন্ধে আরোহণ করিলেন ও তাহার ভিতরের  
 সংশয়, অবিশ্বাস প্রভৃতি পাশও ভাবসকল দলিত হইয়া সে ভক্তি  
 লাভ করিল। ভগবদবতারদিগের জীবনপাঠে ঐ সকল ঘটনার  
 বর্ণনা দেখিয়া পূর্বে পূর্বে ভাবিতাম, শিষ্ণ-প্রশিষ্ণগণের গৌড়ামি  
 ও দলপুষ্টি করিবার হীন ইচ্ছা হইতেই ঐরূপ মিথ্যা কল্পনাসমূহ  
 লিপিবদ্ধ হইয়া ধর্মরাজ্যের যথাযথ সত্যলাভের পথে বিষম  
 অন্তরায়স্বরূপ হইয়া রহিয়াছে। আমাদের মনে আছে, হরিনামে  
 শ্রীচৈতন্যের বাহুজ্ঞান লুপ্ত হইত, নববিধান সমাজ হইতে প্রকাশিত  
 'ভক্তিচৈতন্যচন্দ্রিকা' নামক গ্রন্থে এ কথাটি সত্য বলিয়া স্বীকৃত  
 দেখিয়া আমরা তখন ভাবিয়াছিলাম, গ্রন্থকারের মস্তিষ্কের কিছু  
 গোল হইয়াছে! কি কূপমণ্ডুকই না আমরা তখন ছিলাম এবং

## শ্রীশ্রীরামকৃষ্ণলীলাপ্রসঙ্গ

ঠাকুরের দর্শন না পাইলে কি দুর্দশাই না আমাদের হইত! ঠাকুরের দর্শন পাইয়া এখন 'ছাইতে না জানি গোর চিনি' অন্ততঃ এ অবস্থাটাও হইয়াছে। এখন নিজের পাজি মন যে নানা সন্দেহ তুলিয়া বা অপরে যে নানা কথা কহিয়া একটা যাহা-তাহাকে ধর্ম বলিয়া বুঝাইয়া যাইবে সেটার হাত হইতে অন্ততঃ নিষ্কৃতি পাইয়াছি; আর ভক্তিবিশ্বাসাদি অগ্রাগ্র বস্তুর গ্রায় যে হাতে হাতে অপরকে সাক্ষাৎ দেওয়া যায়, একথাটিও এখন জানিতে পারিয়া অহেতুক রূপাসিন্ধু ঠাকুরের রূপাকণালাভে অমৃতত্ব পাইব কেব বুঝিয়া আশাপথ চাহিয়া পড়িয়া আছি।







গোপালকৃষ্ণ মা

## ষষ্ঠ অধ্যায়

ভক্তসঙ্গে শ্রীরামকৃষ্ণ—গোপালের মার<sup>১</sup> পূর্বকথা ।

নবীন-নীরদ-শ্রামং নীলেন্দীবরলোচনম্ ।

বল্লবীনন্দনং বন্দে কৃষ্ণং গোপালরূপিণম্ ॥

শূরহর্ষদলোদক-নীল-কুকিত-মূর্দ্ধজম্ ।

\* \* \*

বল্লবীবদনাস্তোত্র-মধুপান-মধুরতম্ ॥ —শ্রীগোপালস্তোত্র

যো যো যাং যাং তনুং ভক্তঃ শ্রদ্ধয়াচ্চিতুমিচ্ছতি ।

তস্ত তস্তাচলং শ্রদ্ধাং তামেব বিদধাম্যহম্ ॥ —গীতা, ৭।২।

“And whoso shall receive one such little child  
in my name receiveth me.” —*Mathew XVIII—5*

গোপালের মা ঠাকুরকে প্রথম কবে দেখিতে আসেন, তাহা  
ঠিক বলিতে পারি না—তবে ১৮৮৫ খৃষ্টাব্দের চৈত্র বা বৈশাখ  
মাসে দক্ষিণেশ্বরে ঠাকুরের নিকট যখন আমরা তাহাকে প্রথম

১ দিব্য-ভাবমুখে অবস্থিত ঠাকুরকে বিশিষ্ট সৎসক-ভক্তগণের সহিত কিরূপ  
নীলা করিতে দেখিয়াছি তাহারই অত্যন্তম দৃষ্টান্তস্বরূপ আমরা শ্রীরামকৃষ্ণ-ভক্ত  
গোপালের মার অন্তত দর্শনাদির কথা পাঠককে এখানে উপহার দিতেছি।  
যাঁহারা মনে করিবেন আমরা উহা অতিরঞ্জিত করিয়াছি, তাহাদের নিকট  
আমাদের বক্তব্য এই যে, আমরা উহাতে মুস্মিয়ান। কিছুমাত্র ফলাই নাই—এমন  
কি ভাষাতে পর্যাপ্ত নহে। ঠাকুরের গ্রী-ভক্তদিগের নিকট হইতে যেমন সংগ্রহ

## শ্রীশ্রীরামকৃষ্ণলীলাপ্রসঙ্গ

দেখি, তখন তিনি প্রায় ছয় মাস ঠাকুরের নিকট যাতায়াত করিতেছেন ও তাহার সহিত শ্রীভগবানের বাসনা পূরণে অপরূপ লীলাও চলিতেছে। আমাদের বেশ মনে আছে—সেদিন গোপালের মা শ্রীশ্রীঠাকুরের দক্ষিণেশ্বরের ঘরের উত্তরপশ্চিম কোণে যে গঙ্গাজলের জালা ছিল, তাহারই নিকটে দক্ষিণপূর্বাস্থ হইয়া অর্থাৎ ঠাকুরের দিকে মুখ করিয়া বসিয়াছিলেন; বয়স প্রায় ষাট বৎসর হইলেও বৃদ্ধিতে পারা কঠিন, কারণ বৃদ্ধার মুখে বালিকার আনন্দ! আমাদের পরিচয় পাইয়া বলিলেন, “তুমি গি—র ছেলে? তুমি তো আমাদের গো। ওমা, গি—র ছেলে আবার ভক্ত হয়েছে! গোপাল এবার আর কাউকে বাকী রাখবেনা; এক এক করে সবাইকে টেনে নেবে! তা বেশ, পূর্বে তোমার সহিত মায়িক সম্বন্ধ ছিল, এখন আবার তার চেয়ে অধিক নিকট সম্বন্ধ হল” ইত্যাদি—সে আজ চব্বিশ বৎসরের কথা।

১৮৮৪ খৃষ্টাব্দের অগ্রহায়ণ; আকাশ যতদূর পরিষ্কার ও উজ্জল হইতে হয়। এ বৎসর আবার কাৰ্ত্তিকের গোড়া থেকেই শীতের একটু আমেজ দেয়—আমাদের মনে আছে। এই নাতিশীতোষ্ণ হেমন্তেই বোধ হয় গোপালের মা শ্রীশ্রীরামকৃষ্ণদেবের প্রথম

করিয়াছি প্রায় তেমনই ধরিয়া দিয়াছি। আবার উহা সংগ্রহও করিয়াছি এমন সব লোকের নিকট হইতে, যাহারা সকল বিষয়ে সম্পূর্ণ যথাযথ বলিবার প্রয়াস পান, না পারিলে অন্ততঃ হন এবং ‘কামারহাটির বামনীর’ স্তাবক হওয়া দূরে যাউক, কখন কখন তদনুষ্ঠিত কোন কোন আচরণের ভীত সমালোচনাও আমাদের নিকট করিয়াছেন।

## গোপালের মার পূর্বকথা

দর্শনলাভ করেন। পটলডাঙ্গার ৬গোবিন্দচন্দ্র দত্তের কামারহাটিতে

গোপালের মার

ঠাকুরকে

প্রথম দর্শন

গঙ্গাতীরে যে ঠাকুরবাটা ও বাগান আছে, সেখান

হইতেই নোকায় করিয়া তাঁহারা ঠাকুরকে দেখিতে

আসেন। তাঁহারা বলিতেছি—কারণ গোপালের

মা সে দিন একাকী আসেন নাই; উক্ত উদ্যানস্বামীর বিধবা

পত্নী, কামিনী নাম্নী তাঁহার একটি দূরসম্পর্কীয়া আত্মীয়ার সহিত

গোপালের মার সঙ্গে আসিয়াছিলেন। শ্রীশ্রীরামকৃষ্ণদেবের নাম

তখন কলিকাতায় অনেকের নিকটেই পরিচিত। ইহারাও এই

অলৌকিক ভক্তসাধুর কথা শুনিয়া অবধি তাঁহাকে দর্শন করিবার

জন্ম লালায়িত ছিলেন। কার্তিক মাসে শ্রীবিগ্রহের নিয়ম-সেবা

করিতে হয়, সেজন্ম গোবিন্দ বাবুর পত্নী বা গিন্নী ঠাকুরাণী

ঐ সময়ে কামারহাটির উদ্যানে প্রতি বৎসর বাস করিয়া স্বয়ং

উক্ত সেবার তত্ত্বাবধান করিতেন। কামারহাটি হইতে দক্ষিণেশ্বর

আবার দুই বা তিন মাইল মাত্র হইবে—অতএব আসিবার বেশ

সুবিধা। কামারহাটির গিন্নী এবং গোপালের মাও সেই সুযোগে

স্বামী বাসমণির কালীবাটাতে উপস্থিত হন।

ঠাকুর সে দিন ইহাদের সাদরে স্বগৃহে বসাইয়া ভক্তিতত্ত্বের

অনেক উপদেশ দেন ও ভজন গাহিয়া শুভান এবং পুনরায় আসিতে

বলিয়া বিদায় দেন। আসিবার কালে গিন্নী শ্রীশ্রীরামকৃষ্ণদেবকে

তাঁহার কামারহাটির ঠাকুরবাড়ীতে পদধূলি দিবার জন্ম নিমন্ত্ৰণ

করিলেন। ঠাকুরও সুবিধামত একদিন যাইতে প্রতিশ্রুত হইলেন।

বাত্তবিক ঠাকুর সে দিন গিন্নীর ও গোপালের মার অনেক প্রশংসা

করিয়াছিলেন। বলিয়াছিলেন, “আহা, চোখমুখের কি ভাব—

ভক্তি-প্রেমে যেন ভাসচে—প্রেমময় চক্ষু! নাকের তিলকটি পুষায়  
সুন্দর।” অর্থাৎ তাঁহাদের চাল-চলন, বেশ-ভূষা ইত্যাদিতে  
ভিতরের ভক্তিভাবই যেন ফুটিয়া বাহির হইতেছে, অথচ  
লোকদেখান কিছুই নাই।

পটলডাক্তার ৮গোবিন্দচন্দ্র দত্ত কলিকাতায় কোনও এক  
বিখ্যাত মণ্ডাগরি আফিসে মুংহুদি ছিলেন। সেখানে কার্য-  
পটলডাক্তার দক্ষতা ও উত্তমশীলতায় অনেক সম্পত্তির অধিকারী  
৮গোবিন্দচন্দ্র হন। কিন্তু কিছুকাল পরে পক্ষাঘাত রোগে  
দত্ত আক্রান্ত হইয়া অকর্মণ্য হইয়া পড়েন। তাঁহার  
একমাত্র পুত্র উহার পূর্বেই মৃত্যুমুখে পতিত হইয়াছিল। থাকিবার  
মধ্যে ছিল দুই কন্যা ভূত ও নারায়ণী এবং তাহাদের সন্তানসন্ততি।  
এদিকে বিষয় নিতান্ত অল্প নহে—কাজেই শেষ জীবনে গোবিন্দ  
বাবুর ধর্মালোচনা ও পুণ্যকর্মেই কাল কাটিত। বাড়ীতে রামায়ণ-  
মহাভারতাদি-কথা দেওয়া, কামারহাটির বাগানে শ্রীশ্রীরাধাকৃষ্ণ  
বিগ্রহ সমারোহে স্থাপন করা, ভাগবতাদি শাস্ত্রের পারায়ণ  
সঙ্গীত তুলাদেওর অহুষ্ঠান করিয়া ব্রাহ্মণ দরিদ্র প্রভৃতিকে দান  
ইত্যাদি অনেক সংকার্য্য তিনি করিয়া যান। বিশেষতঃ আবার  
কামারহাটির বাগানে শ্রীবিগ্রহের পূজোপলক্ষে তখন বার মাস  
তের পার্বণ লাগিয়াই থাকিত এবং অতিথি-অভ্যাগত, দীন  
দরিদ্র সকলকেই শ্রীশ্রীরাধাকৃষ্ণজীউর প্রসাদ অকাতরে বিতর  
করা হইত।

## গোপালের মার পূর্বকথা

গোবিন্দ বাবুর মৃত্যুর পরে তাঁহার সতী সাক্ষী পত্নীও  
ত্রিবিগ্রহের ঐক্য সমারোহে সেবা অনেক দিন পর্যন্ত চালাইয়া  
আসিতেছিলেন। পরে নানা কারণে বিষয়ের  
তাহার  
ভক্তিমতী পত্নী  
অধিকাংশ নষ্ট হইল। তজ্জগা ত্রিবিগ্রহের সেবার  
যাহাতে ক্রটি না হয় তদ্বিষয়ে লক্ষ্য রাখিবার  
জগাই গোবিন্দ বাবুর গৃহিণী এখন স্বয়ং এখানে থাকিয়া ঐ বিষয়ের  
তত্ত্বাবধানে নিযুক্ত থাকিতেন। গিন্নী সেক্ষেত্রে মেয়ে, জীবনে  
শোকতাপও টের পাইয়াছেন, কাজেই ধর্ম্মানুষ্ঠানেই শান্তি, একথা  
হাড়ে হাড়ে বুঝিয়াছিলেন। কিন্তু তবু পোড়া মায়া কি সহজে  
হাড়ে—মেয়ে, জামাই, সমাজ, মান, সম্মান ইত্যাদিও দেখিয়া চলিতে  
হইত। স্বামীর মৃত্যুর দিন হইতে নিজে কিন্তু কঠোর ব্রহ্মচর্য্যের  
অনুষ্ঠান করিতেন। মাটিতে শয়ন, ত্রিসন্ধ্যা স্নান, এক সন্ধ্যা  
ভোজন, ব্রত, নিয়ম, উপবাস, ত্রিবিগ্রহের সেবা, জপ, ধ্যান, দান  
ইত্যাদি লইয়াই থাকিতেন।

কামারহাটির ঠাকুরবাড়ীর অতি নিকটেই গোবিন্দ বাবুর  
পুরোহিতবংশের বাস। পুরোহিত নীলমাধব বন্দ্যোপাধ্যায়  
বংশীয় একজন গণ্যমান্য ব্যক্তি ছিলেন। ‘গোপালের মাতা’  
ইহারই ভগ্নী—পূর্ব নাম অঘোরমণি দেবী—বালিকাবয়সে বিধবা  
হওয়ায় পিত্রালয়েই চিরকাল বাস। গিন্নী বা  
পুরোহিতবংশ। গোবিন্দ বাবুর পত্নীর সহিত বিশেষ ঘনিষ্ঠতা  
বালবিধবা  
অঘোরমণি  
হওয়া অবধি অঘোরমণির ঠাকুরবাড়ীতে ঠাকুর-  
সেবাতেই কাল কাটিতে থাকে। ক্রমে অনুরাগের  
আধিক্যে গঙ্গাতীরে ঠাকুরবাড়ীতেই বাস করিবার ইচ্ছা প্রবল

## শ্রীশ্রীরামকৃষ্ণলীলাপ্রসঙ্গ

হওয়ায় তিনি গিন্নীর অহুমতি লইয়া মেয়েমহলের একটি ঘরে আসিয়াই বসবাস করিলেন ; পিত্রালয়ে দিনের মধ্যে দুই একবার ঘাইয়া দেখাসাক্ষাৎ করিয়া আসিতেন মাত্র ।

গিন্নীর যেমন কঠোর ব্রহ্মচর্য্য ও তপোহুষ্ঠানে অহুরাগ, অঘোরমণিরও তদ্রূপ ; সেজ্ঞা উভয়ের মধ্যে মানসিক চিন্তা ও ভাবের অনেক বিষয়ে সাদৃশ্য ছিল । বাহিরে কিন্তু বিষয়ের অধিকারিণী গিন্নীকে সামাজিক মানসত্বমাদি দেখিয়া চলিতে হইত, অঘোরমণির কিছুই না থাকায় সে সব কিছুই দেখিতে হইত না । আবার নিজের পেটের একটাও না থাকায় জঞ্জালও কিছুই ছিল না । থাকিবার মধ্যে বোধ হয় অলঙ্কারাদি স্ত্রীধন-বিক্রয়ে প্রাপ্ত পাঁচ-সাত শত টাকা ; তাহাও কোম্পানির কাগজ করিয়া গিন্নীর নিকট গচ্ছিত ছিল । উহার সুদ লইয়া এবং সময়ে সময়ে বিশেষ অভাবগ্রস্ত হইলে মূলধনে যতদূর সম্ভব অল্পস্বল্প হস্তক্ষেপ করিয়াই অঘোরমণির দিন কাটিত । অবশ্য গিন্নীও সকল বিষয়ে তাঁহাকে ও তাঁহার ভ্রাতার পরিবারবর্গকে সাহায্য করিতেন ।

অঘোরমণি কড়ে রাঁড়ী—স্বামীর স্থখ কোন দিনই জীবনে জানেন নাই । মেয়েরা বলে “ওরা সব যত্নী রাঁড়ী, হুনটুকু পর্য্যন্ত

ধুয়ে থায়”—অঘোরমণিও বয়স প্রাপ্ত হওয়া পর্য্যন্ত  
 অঘোরমণির আচরণনিষ্ঠা তাহাই । বেজায় আত্ম-বিচার ! আমরা জানি,

একদিন তিনি রন্ধন করিয়া বোন্ধনো হইতে ভাত তুলিয়া পরমহংসদেবের পাতে পরিবেশন করিতেছেন, এমন সময়ে শ্রীরামকৃষ্ণদেব কোন প্রকারে ভাতের কাটিটি ছুঁইয়া ফেলেন । অঘোরমণির সে ভাত আর খাওয়া হইল না এবং ভাতের

## গোপালের মার পূর্বকথা

কাঠিটিও গঙ্গাগর্ভে নিক্ষিপ্ত হইল। তিনি যখন প্রথম প্রথম ঠাকুরের নিকট আসিতেছেন, ইহা সেই সময়ের কথা।

দক্ষিণেশ্বরে নহবতের ঘরে দুই-তিনটি উত্থন পাতা ছিল। শ্রীশ্রীকালীমাতার ভোগরাগ সাজ হইতে অনেক বিলম্ব হইত, কখন কখন আড়াই প্রহর বেলা হইয়া যাইত। পরমহংসদেবের শরীর অসুস্থ থাকিলে—আর তাঁহার তো পেটের অসুখাদি নিত্য লাগিয়াই থাকিত—পরমারাধ্যা মাতাঠাকুরাণী ঐ উত্থনে সকাল সকাল দুটি ঝোলভাত তাঁহাকে রাঁদিয়া দিতেন। যে সকল ভক্তেরা ঠাকুরের নিকট মধ্যো মধ্যো রাত্রিযাপন করিতেন, তাঁহাদের নিমিত্ত ডাল রুটি ঐ উত্থনে তৈয়ারী হইত। আবার কলিকাতা প্রভৃতি স্থান হইতে অনেক ভদ্রমহিলা ঠাকুরের দর্শনে আসিয়া মাতাঠাকুরাণীর সহিত ঐ নহবৎখানায় সমস্ত দিন থাকিতেন এবং কখন কখন সেখানে রাত্রিযাপনও করিতেন—তাঁহাদের আহাৰাদিও শ্রীশ্রীমা ঐ উত্থনে প্রস্তুত করিতেন। অঘোরমণি—অথবা ঠাকুর যেমন তাঁহাকে প্রথম প্রথম নির্দেশ করিতেন, ‘কামারহাটির বামুনঠাকুরণ বা বামনী’—যে দিন ঠাকুরকে দর্শন করিতে আসিতেন সেদিন ঠাকুরের ঝোল-ভাত রাঁধার পর শ্রীশ্রীমাকে গোবর, গঙ্গাজল প্রভৃতি দিয়া তিন বার উত্থন পাড়িয়া দিতে হইত, তবে তাহাতে ব্রাহ্মণীর বোকা চাপিত! এতদূর বিচার ছিল।

‘কামারহাটির ব্রাহ্মণী’ আবার ছেলেবেলা হইতে বড় অভিমানিনী। কাহারও কথা এতটুকু সহ্য করিতে পারিতেন না—অর্থসাহায্যের জন্ত হাত পাতা ত দূরের কথা। তাহার



## শ্রীশ্রীরামকৃষ্ণলীলাপ্রসঙ্গ

উপর আবার অগ্রায় দেখিলেই লোকের মুখের উপর বলিয়া  
 গোবিন্দ বাবুর ঠাকুরবাটতে দিতে কিছুমাত্র চক্ষুলাজ্ঞা ছিল না—কাজেই খুব অল্প  
 বাস ও যে ঘরখানিতে তাঁহাকে থাকিতে দিয়াছিলেন,  
 তপস্জা তাহা একেবারে বাগানের দক্ষিণ প্রান্তে। ঘরের

দক্ষিণের তিনটি জানালা দিয়া হৃন্দর গঙ্গাদর্শন হইত এবং উত্তরে  
 ও পশ্চিমে দুইটি দরজা ছিল। ব্রাহ্মণী ঐ ঘরে বসিয়া গঙ্গাদর্শন  
 করিতেন ও দিব্যরাত্রি জপ করিতেন। এইরূপে ঐ ঘরে ত্রিশ  
 বৎসরেরও অধিক কাল ব্রাহ্মণীর স্নেহ-দুঃখে কাটিয়া যাইবার পর  
 তবে শ্রীশ্রীরামকৃষ্ণদেবের প্রথম দর্শন তিনি লাভ করেন।

ব্রাহ্মণীর পিতৃকুল বোধহয় শাক্ত ছিল, স্বশুরকুল কি ছিল  
 বলিতে পারি না; কিন্তু তাঁহার নিজের বরাবর বৈষ্ণবপদাভূষণ  
 ভক্তি ছিল ও গুরুর নিকট হইতে গোপালমন্ত্র-গ্রহণ হইয়াছিল।  
 গিন্নীর সহিত ঘনিষ্ঠতাও বোধ হয় তাঁহার ঐ বিষয়ে সহায়ক  
 হইয়াছিল। কারণ মালপাড়ার গোস্বামীবংশীয়রাই গোবিন্দ বাবুর  
 গুরুবংশ এবং উহাদের দুই-এক জন কামারহাটির ঠাকুরবাটী  
 হওয়া পর্য্যন্ত প্রায়ই ঐ স্থানে অবস্থান করিতেন। কিন্তু মায়িক  
 সম্বন্ধে সন্তান-বাৎসল্যের আশ্বাদ এ জন্মে কিছুমাত্র না পাইয়াও  
 কেমন করিয়া যে অঘোরমণির বাৎসল্যবাহিত্তে এত নিষ্ঠা হয়  
 এবং শ্রীভগবানকে পুত্রস্থানীয় করিয়া গোপালভাবে ভজনা করিতে  
 ইচ্ছা হয়, তাহার মীমাংসা হওয়া কঠিন। অনেকেই বলিবেন  
 পূর্ব জন্ম ও সংস্কার—যাহাই হউক, ঘটনা কিন্তু সত্য।

বিলাতে আমেরিকায় সংসারে দুঃখ-কষ্ট পাইয়া বা অপর

## গোপালের মার পূর্বকথা

কোন কারণে স্ত্রীলোকদিগের ভিতর ধর্মনিষ্ঠা আসিলেই উহা  
প্রাণ ও দান, পরোপকার এবং দরিদ্র ও রোগীর সেবারূপ  
পাশ্চাত্যের কর্মের ভিতর দিয়া প্রকাশিত হয়। দিবারাত্রি  
স্ত্রীলোকদিগের সংকল্প করা ইহাই তাহাদের লক্ষ্য হয়। আমাদের  
ধর্মনিষ্ঠার দেশে উহার ঠিক বিপরীত। কঠোর ব্রহ্মচর্যা,  
বিভিন্নভাবে তপশ্চরণ, আচার এবং জপাদির ভিতর দিয়াই  
এ ধর্মনিষ্ঠা প্রকাশিত হইতে আরম্ভ হয়। সংসার-ত্যাগ এবং  
অন্তর্মুখীনতার দিকে অগ্রসর হওয়াই দিন দিন তাঁহাদের লক্ষ্য  
হইয়া উঠে। বিশেষতঃ শ্রীভগবানের এ জীবনে দর্শনলাভ করা  
জীবনের সাধ্য এবং উহাতেই যথার্থ শাস্তি—একথা এদেশের  
জলবায়ুতে বর্তমান থাকিয়া স্ত্রীপুরুষের অস্থিমজ্জায় পর্য্যাপ্ত প্রবিষ্ট  
হইয়া রহিয়াছে। কাজেই ‘কামারহাটির ব্রাহ্মণী’র একান্ত বাস ও  
তপশ্চরণ অন্তর্দেশের আশ্চর্যের বিষয় হইলেও এদেশে সহজ ভাব।

\*

\*

\*

প্রথম দর্শনের দিন হইতেই কামারহাটির ব্রাহ্মণী শ্রীশ্রীরামকৃষ্ণ-  
দেবের দ্বারা বিশেষরূপে আকৃষ্ট হন—কেন, কি কারণে এবং  
উহা কতদূর গড়াইবে, সে কথা অবশ্য কিছুই অনুভব করিতে  
পারেন নাই; কিন্তু ‘ইনি বেশ লোক, যথার্থ সাধু-ভক্ত এবং  
ঈশ্বর নিকট পুনরায় সময় পাইলেই আসিব’—এইরূপ ভাবে কেমন  
একটা অব্যক্ত টানের উদয় হইয়াছিল। গিন্নীও এরূপ অনুভব  
করিয়াছিলেন, কিন্তু পাছে সমাজে নিন্দা করে এই ভয়ে আর  
আসিয়াছিলেন কিনা সন্দেহ। তাহার উপর মেয়ে জামাইদের  
জন্ম তাঁহাকে অনেক কাল আবার পটলডাঙ্গার বাটীতেও

## শ্রীশ্রীরামকৃষ্ণলীলাপ্রসঙ্গ

কাটাইতে হইত। সেখান হইতে দক্ষিণেশ্বর অনেক দূর এবং আসিতে হইলে সকলকে জানাইয়া সাজ সরঞ্জাম করিয়া আসিতে হয়—কাজেই আর বড় একটা আসা হইত না।

ব্রাহ্মণী ও সব ঝগাট তো নাই—কাজেই প্রথম দর্শনের অল্প দিন পরে জপ করিতে করিতে ঠাকুরের নিকট আসিবার

ইচ্ছা হইবামাত্র দুই-তিন পয়সার দেদো সন্দেশ  
অঘোরমণির ঠাকুরকে  
কিনিয়া লইয়া দক্ষিণেশ্বরে আসিয়া উপস্থিত।  
দ্বিতীয়বার ঠাকুর তাঁহাকে দেখিবামাত্র বলিয়া উঠিলেন,  
দর্শন “এসেছ, আমার জন্ত কি এনেছ দাও।” গোপালের

মা বলেন, “আমি তো একেবারে ভেবে অজ্ঞান, কেমন ক’রে সে ‘রোঘো’ (খারাপ) সন্দেশ বার করি—এঁকে কত লোকে কত কি ভাল ভাল জিনিস এনে পাওয়াচ্ছে—আবার তাই ছাই কি আমি আসবামাত্র খেতে চাওয়া!” ভয়ে লজ্জায় কিছু না বলিতে পারিয়া সেই সন্দেশগুলি বাহির করিয়া দিলেন। ঠাকুরও উহা মহা আনন্দ করিয়া খাইতে খাইতে বলিতে লাগিলেন, “তুমি পয়সা খরচ করে সন্দেশ আনো কেন? নারকেল-নাড়ু করে রাখবে, তাই দুটো একটা আসবার সময় আনবে। না হয়, যা তুমি নিজের হাতে রাখবে, লাউশাক-চচ্চড়ি, আলু বেগুন বড়ি দিয়ে সজ্জনে খাড়ার তরকারী—তাই নিয়ে আসবে। তোমার হাতের রান্না খেতে বড় সাধ হয়।” গোপালের মা বলেন, “ধর্ম্মকর্ম্মের কথা দূরে গেল, এইরূপে কেবল খাবার কথাই হ’তে লাগলো, আমি ভাবতে লাগলুম, ভাল সাধু দেখতে এসেছি—কেবল খাই খাই, কেবল খাই খাই; আমি গরীব কান্দাল

## গোপালের মার পূর্বকথা

লোক—কোথায় এত খাওয়াতে পাব? দূর হোক, আর আসবো না। কিন্তু যাবার সময় দক্ষিণেশ্বরের বাগানের চৌকাঠ ঘেমন পেরিয়েছি, অমনি ঘেন পেছন থেকে তিনি টানতে লাগলেন। কোন মতে এগুতে আর পারি না! কত করে মনকে বুঝিয়ে টেনে হিঁচড়ে তবে কামারহাটি ফিরি! ইহার কয়েক দিন পরেই আবার ‘কামারহাটির ব্রাহ্মণী’ চচ্চড়ি হাতে করিয়া তিন মাইল হাঁটিয়া পরমহংসদেবের দর্শনে উপস্থিত। ঠাকুরও পূর্বের তায় আসিবামাত্র উহা চাহিয়া খাইয়া “আহা কি রান্না, ঘেন সুধা, সুধা” বলিয়া আনন্দ করিতে লাগিলেন। গোপালের মার সে আনন্দ দেখিয়া চোখে জল আসিল। ভাবিলেন—তিনি গরীব কাঙ্গাল বলিয়া তাঁহার এই সামান্য জিনিসের ঠাকুর এত বড়াই করিতেছেন।

এইরূপে দুই-চারি মাস ঘন ঘন দক্ষিণেশ্বরে যাতায়াত হইতে লাগিল। যে দিন যা রোধেন, ভাল লাগিলেই তাহা পরের বাবে ঠাকুরকে দেখিতে আসিবার সময় ব্রাহ্মণী কামারহাটি হইতে লইয়া আসেন। ঠাকুরও তাহা কত আনন্দ করিয়া খান, আবার কখন বা কোন সামান্য জিনিস, যেমন সুয়নি শাক সসুন্ডি, কলমি শাক  
- - - - -। কেবল ‘এটা এনো, ওটা এনো’ আর ‘খাই খাই’র জ্বালায় বিরক্ত হইয়া গোপালের মা কখন কখন ভাবেন, “গোপাল, তোমাকে ডেকে এই হ’লো? এমন সাধুর কাছে নিয়ে এলে যে, কেবল খেতে চায়! আর আসবো না।” কিন্তু সে কি এক বিষম টান! দূরে গেলেই আবার কবে যাব, কতক্ষণে যাব, এই মনে হয়।

## শ্রীশ্রীরামকৃষ্ণলীলাপ্রসঙ্গ

ইতিমধ্যে শ্রীশ্রীরামকৃষ্ণদেবও একবার কামারহাটিতে গোবিন্দ বাবুর বাগানে গমন করেন এবং তথায় শ্রীবিগ্রহের সেবাদি দর্শন করিয়া বিশেষ আনন্দ প্রকাশ করেন। সেবার ঠাকুরের গোবিন্দ বাবুর বাগানে আগমন করিয়া তিনি সেখানে শ্রীবিগ্রহের সম্মুখে কীর্তনাদি করিয়া প্রসাদ পাইবার পর পুনরায় দক্ষিণেধরে ফিরিয়াছিলেন। কীর্তনের সময় তাঁহার অদ্ভুত ভাবাবেশ দেখিয়া গিন্নী ও সকলে বিশেষ মুগ্ধ হন। তবে গোস্বামিপাদদিগের মনে পাছে প্রভু হারাইতে হয় বলিয়া একটু দ্বিধা বিবেচ্য আসিয়াছিল কিনা বলা সুকঠিন। শুনিতে পাই ঐকুপই হইয়াছিল।

\*

\*

\*

‘কামারহাটির ব্রাহ্মণী’র বহুকালের অভ্যাস—রাত্রি ২টায় উঠিয়া শৌচাদি সারিয়া ৩টার সময় হইতে জপে বস। তার পর বেলা আটটা-নয়টার সময় জপ সাজ করিয়া উঠিয়া স্নান ও শ্রীশ্রীরাধাকৃষ্ণজীর দর্শন ও সেবাকার্য্যে যথাসাধ্য যোগদান করা। পরে শ্রীবিগ্রহের ভোগরাগাদি হইয়া গেলে দুই প্রহরের সময় আপনার নিমিত্ত রন্ধনাদিতে ব্যাপৃত হওয়া। পরে আহাৰ্য্যে একটু বিশ্রাম করিয়াই পুনরায় জপে বস। ও সন্ধ্যার আরতিদর্শন করিবার পর পুনরায় অনেক রাত্রি পর্য্যন্ত জপে কাটান। পরে একটু দুধ দান করিয়া কয়েকঘণ্টা বিশ্রাম। স্বভাবতঃই তাঁহার বায়ুপ্রধান ধাত ছিল—নিদ্রা অতি অল্পই হইত। কখন কখন বুক ধড়ফড় ও প্রাণ কেমন কেমন করিত। ঠাকুর শুনিয়া বলেন, “ও তোমার হরিবাই

## গোপালের মার পূর্বকথা

—ওটা গেলে কি নিয়ে থাকবে? যখন ওরূপ হবে তখন কিছু খেও।”

১৮৮৪ খৃষ্টাব্দ—শীত ঋতু অপগত হইয়া কুসুমাকর সরস

অঘোরমণির বসন্ত আসিয়া উপস্থিত। পত্র-পুষ্প-গীতিপূর্ণ  
 অলৌকিক বহুক্ষরা এক অপূৰ্ণ উন্নততায় জাগরিতা। ঐ  
 বালগোপাল- উন্নততার ইতরবিশেষ্য নাই—আছে কিন্তু জীবের  
 মূর্তি-দর্শনে প্রবৃত্তির। যাহার বেক্ষপ হু বা কু প্রবৃত্তি ও  
 সংস্কার, তাহার নিকট উহা সেই ভাবে প্রকাশিত। সাধু সন্নিবয়ে  
 নব-জাগরণে জাগরিত, অসাধু অন্তরূপে—ইহাই প্রভেদ।

এই সময় ‘কামারহাটির ব্রাহ্মণী’ একদিন রাত্রি তিনটার সময়  
 জপে বসিয়াছেন। জপ সাঙ্গ হইলে ইষ্টদেবতাকে জপ সমর্পণ  
 করিবার অগ্রে প্রাণায়াম করিতে আরম্ভ করিয়াছেন এমন সময়  
 দেখেন শ্রীশ্রীরামকৃষ্ণদেব তাঁহার নিকটে বাম দিকে বসিয়া  
 রহিয়াছেন এবং ঠাকুরের দক্ষিণ হস্তটি মুটো করার মত দেখা  
 । ইতেছে! দক্ষিণেথরে ঠাকুরকে যেমন দর্শন করেন এখনও  
 ঠিক সেইরূপ স্পষ্ট জীবন্ত! ভাবিলেন, “একি? এমন সময়ে  
 ইনি কোথা থেকে কেমন করে হেথায় এলেন?” গোপালের মা  
 বলেন, “আমি অবাক হয়ে তাঁকে দেখছি, আর ঐ কথা ভাবছি—  
 এদিকে গোপাল ( শ্রীশ্রীরামকৃষ্ণদেবকে তিনি ‘গোপাল’ বলিতেন )  
 বসে মুচকে মুচকে হাসছে! তার পর সাহসে ভর করে বাঁ হাত  
 দিয়ে যেমন গোপালের ( শ্রীশ্রীরামকৃষ্ণদেবের ) বাঁ হাতখানি  
 ধরেছি, অমনি সে মূর্তি কোথায় গেল, আর তার ভিতর থেকে  
 দশ মাসের সত্যকার গোপাল, ( হাত দিয়া দেখাইয়া ) এত বড়

## শ্রীশ্রীরামকৃষ্ণলীলাপ্রসঙ্গ

ছেলে, বেরিয়ে হামা দিয়ে এক হাত তুলে আমার মুখ পানে চেয়ে (সে কি রূপ, আর কি চাউনি!) বললে, ‘মা, ননী দাও।’ আমি তো দেখে শুনে একেবারে অজ্ঞান, সে এক চমৎকার কারখানা! চাঁৎকার ক’রে কেঁদে উঠলুম—সে তো এমন চাঁৎকার নয়, বাড়ীতে জনমানব নেই তাই, নইলে লোক জড় হ’ত! কেঁদে বল্লুম, ‘বাবা, আমি দুঃখিনী কাঞ্চালিনী, আমি তোমায় কি খাওয়াব, ননী ক্ষীর কোথা পাব, বাবা?’ কিন্তু সে অদ্ভুত গোপাল কি তা শোনে—কেবল ‘খেতে দাও’ বলে! কি করি, কঁাদতে কঁাদতে উঠে সিকে থেকে শুকনো নারকেল-লাড়ু পেড়ে হাতে দিলুম ও বল্লুম, ‘বাবা গোপাল, আমি তোমাকে এই কদর্য জিনিস খেতে দিলুম ব’লে আমাকে যেন ঐরূপ খেতে দিও না।’

“তার পর জপ সে দিন আর কে করে? গোপাল এসে কোলে বসে, মালা কেড়ে নেয়, কঁাদে চড়ে, ঘরময় ঘুরে বেড়ায়!

ঐ অবস্থায়  
দক্ষিণেশ্বরে  
ঠাকুরের নিকট  
আগমন  
যেমন সকাল হোলো অমনি পাগলিনীর মত ছুটে দক্ষিণেশ্বরে গিয়ে পড়লুম। গোপালও কোলে উঠে চল্লো—কঁাদে মাথা রেখে। এক হাত গোপালের পাছায় ও এক হাত পিঠে দিয়ে বুক ধরে সমস্ত পথ চল্লুম। স্পষ্ট দেখতে লাগলুম গোপালের লাল টুকটুকে পা দুখানি আমার বকের উপর ঝুলচে!”

অঘোরমণি যে দিন ঐরূপে সহসা নিজ উপাশ্রদেবতার দর্শনলাভে ভাবে প্রেমে উন্মত্তা হইয়া কামারহাটির বাগান হইতে হাঁটিতে হাঁটিতে দক্ষিণেশ্বরে ঠাকুরের নিকট প্রত্যাষে আসিয়া উপস্থিত হন সে দিন সেখানে আমাদের পরিচিতা

## গোপালের মার পূর্ববক্তা

অন্য একটি স্ত্রীভক্তও উপস্থিত ছিলেন। তাঁহার নিকট হইতে আমরা যাহা শুনিয়াছি তাহাই এখন আমরা পাঠককে বলিব। তিনি বলেন—

“আমি তখন ঠাকুরের ঘরটি ঝাঁটপাট দিয়ে পরিষ্কার করছি—বেলা সাতটা কি সাড়ে সাতটা হবে। এমন সময় শুনতে পেলুম বাহিরে কে ‘গোপাল, গোপাল’ বলে ডাকতে ডাকতে ঠাকুরের ঘরের দিকে আসচে। গলার আওয়াজটা পরিচিত—ক্রমেই নিকট হতে লাগলো। চেয়ে দেখি গোপালের মা!—এলোথেলো পাগলের মত, দুই চক্ষু যেন কপালে উঠেছে, আঁচলটা ভুঁয়ে লুটুচ্ছে, কিছুতেই যেন জ্ঞাপ নাই—এমনি ভাবে ঠাকুরের ঘরে পূর্ব দিককার দরজাটি দিয়ে ঢুকচে। ঠাকুর তখন ঘরের ভেতর ছোট তক্তাপোশখানির উপর বসেছিলেন।

“গোপালের মাকে ঐরূপ দেখে আমি তো একেবারে হাঁ হয়ে পড়ি—এমন সময় তাঁকে দেখে ঠাকুরেরও ভাব হয়ে গেল। ইতিমধ্যে গোপালের মা এসে ঠাকুরের কাছে বসে পড়লো এবং ঠাকুরও ছেলের মত তার কোলে গিয়ে বসলেন। গোপালের মার দুই চক্ষে তখন দব্ দব্ করে জল পড়চে আর যে ক্ষীর সর নদী বয়ে চলেছিল তাই ঠাকুরের মুখে তুলে খাইয়ে দিচ্ছে। আমি তো দখে অবাক আড়ষ্ট হয়ে গেলুম, কারণ ইহার পূর্বে কখন তো ঠাকুরকে ভাব হয়ে কোনও স্ত্রীলোককে স্পর্শ করতে দেখি নাই; এনেছিলাম বটে ঠাকুরের গুরু বামনীর কখন কখন যশোদার ভাব হতো আর ঠাকুরও তখন গোপালভাবে তার কোলে উঠে



## শ্রীশ্রীরামকৃষ্ণলীলাপ্রসঙ্গ

বসতেন। যা হোক, গোপালের মার ঐ অবস্থা আর ঠাকুরের ভাব দেখে আমি তো একেবারে আড়ষ্ট! কতক্ষণ পরে ঠাকুরের সে ভাব থামলো এবং তিনি আপনার চৌকিতে উঠে বসলেন। গোপালের মার কিন্তু সে ভাব আর থামে না! আনন্দে আঁটখানা হয়ে দাঁড়িয়ে উঠে ‘ব্রহ্মা নাচে বিষ্ণু নাচে’ ইত্যাদি পাগলের মত বলে আর ঘরময় নেচে নেচে বেড়ায়! ঠাকুর তাই দেখে হেসে আমাকে বল্লেন—‘দেখ, দেখ, আনন্দে ভরে গেছে। ওর মনটা এখন গোপাল-লোকে চলে গেছে।’ বাস্তবিকই ভাবে গোপালের মার ঐরূপ দর্শন হত ও যেন আর এক মাছুষ হয়ে যেত! আর একদিন খাবার সময় ভাবে প্রেমে গদগদ হয়ে আমাদের সকলকে গোপাল বলে নিজের হাতে ভাত খাইয়ে দিয়েছিল। আমি আমাদের সমান ঘরে মেয়ের বিয়ে দি নাই বলে আমায় মনে মনে একটু ঘেন্না করতো—সে দিন তার জন্তেই বা গোপালের মার কত অহ্ননয়-বিনয়! বললে, ‘আমি কি আগে জানি যে তোর ভেতরে এতখানি ভক্তি-বিশ্বাস! যে গোপাল ভাবের সময় প্রায় কাউকে ছুঁতে পারে না, সে কি না আজ ভাবাবেশে তোর পিঠের উপর গিয়ে বসলো! তুই কি সামান্টি!’ বাস্তবিকই সেদিন ঠাকুর গোপালের মাকে দেখিয়া মহিমা গোপাল ভাবাবিষ্ট হইয়া প্রথম এই স্ত্রী-ভক্তটির পৃষ্ঠদেশে এবং পরে গোপাল মার ক্রোড়ে কিছুক্ষণের জন্য উপবেশন করিয়াছিলেন।

অঘোরমণি ঐরূপ ভাবে দক্ষিণেশ্বরে উপস্থিত হইয়া ভাবের আধিক্যে অশ্রুজল ফেলিতে ফেলিতে শ্রীরামকৃষ্ণদেবকে সে দিন কত কি কথাই না বলিলেন! “এই যে গোপাল আমার কোলে,”

## গোপালের মার পূর্বকথা

“ঐ তোমার (শ্রীশ্রীরামকৃষ্ণদেবের) ভেতর ঢুকে গেল,” “ঐ আবার বেরিয়ে এলো,” “আয় বাবা, দুঃখিনী মার কাছে আয়”— ইত্যাদি বলিতে বলিতে দেখিলেন চপল গোপাল কখন বা ঠাকুরের অঙ্গে মিশাইয়া গেল, আবার কখন বা উজ্জল বালক-মূর্তিতে তাঁহার নিকটে আসিয়া অদৃষ্টপূর্ব বাল্যলীলা-তরঙ্গতুফান তুলিয়া তাহাকে বাহু জগতের কঠোর শাসন, নিয়ম প্রভৃতি সমস্ত ভুলাইয়া দিয়া একেবারে আত্মহারা করিয়া ফেলিল! সে প্রবল ভাবতরঙ্গে পড়িয়া কেইবা আপনাকে সামলাইতে পারে!

অতঃ হইতে অঘোরমণি বাস্তবিকই ‘গোপালের মা’ হইলেন

এবং ঠাকুরও তাঁহাকে ঐ নামে ডাকিতে লাগিলেন।

ঠাকুরের	শ্রীশ্রীরামকৃষ্ণদেব	গোপালের মার	ঐরূপ	অপরূপ
ঐ অবস্থা	অবস্থা	দেখিয়া	কত	আনন্দ প্রকাশ
দুলভ বলিয়া	করিবার	জন্ত	তাঁহার	বুকে
প্রশংসা করা	এবং	ঘরে	যত	কিছু
এবং তাঁহাকে	শান্ত	করা	ভাল	ভাল
			খাওয়া	সামগ্রী
			ছিল	
			সে	সব
			আনিয়া	তাঁহাকে
			খাওয়াইলেন।	খাইতে

খাইতেও ভাবের ঘোরে ব্রাহ্মণী বলিতে লাগিল, “বাবা গোপাল, তোমার দুঃখিনী মা এজন্মে বড় কষ্টে কাল কাটিয়েছে, টেকে যুঁজিয়ে স্মৃতো কেটে পৈতে করে বেচে দিন কাটিয়েছে, তাই বুঝি এত যত্ন আজ করচো!” ইত্যাদি।

সমস্ত দিন কাছে রাখিয়া স্নানাহার করাইয়া কথঞ্চিৎ শান্ত করিয়া সন্ধ্যার কিছু পূর্বে শ্রীরামকৃষ্ণদেব গোপালের মাকে কামারহাটি পাঠাইয়া দিলেন। ফিরিবার সময় ভাবদৃষ্ট বালক গোপালও পূর্বের ন্যায় ব্রাহ্মণীর কোলে চাপিয়া চলিল। ঘরে

## শ্রীশ্রীরামকৃষ্ণলীলাপ্রসঙ্গ

ফিরিয়া গোপালের মা পূর্বাভ্যাসে জপ করিতে বসিলেন, কিন্তু সেদিন আর কি জপ করা যায়? যাহার জন্ত জপ, যাহাকে এতকাল ধরিয়া ভাবা—সে যে সম্মুখে নানা রঙ্গ, নানা আবদার করিতেছে! ব্রাহ্মণী শেষে উঠিয়া গোপালকে কাছে লইয় তক্তাপোশের উপর বিছানায় শয়ন করিল। ব্রাহ্মণীর যাহাতে তাহাতে শয়ন—মাথায় দিবার একটা বালিশও ছিল না। এখন শয়ন করিয়াও নিদ্রুতি নাই—গোপাল শুধু মাথায় শুইয়া খুঁৎ খুঁৎ করে! অগত্যা ব্রাহ্মণী আপনার বাম বাহুপরি গোপালের মাথ রাখিয়া তাহাকে কোলের গোড়ায় শোয়াইয়া কত কি বলিয়া ভুলাইতে লাগিল—“বাবা, আজ এইরকমে শো; রাত পোয়ালেই কাল কল্কেতা গিয়ে ভূতাকে ( গিন্নীর বড় মেয়ে ) বলে তোমায় বিচি ঝেড়ে বেছে নরম বালিশ করিয়ে দেব,” ইত্যাদি।

পূর্বেই বলিয়াছি গোপালের মা নিজ হস্তে রন্ধন করিয়া গোপালকে উদ্দেশ্যে খাওয়াইয়া পরে নিজে খাইতেন। পূর্বোক্ত ঘটনার পরদিন, সকাল সকাল রন্ধন করিয়া সাক্ষাৎ গোপালকে খাওয়াইবার জন্ত বাগান হইতে শুষ্ক কাঠ কুড়াইতে গেলেন। দেখেন, গোপালও সঙ্গে সঙ্গে আসিয়া কাঠ কুড়াইতেছে ও রান্না ঘরে আনিয়া জমা করিয়া রাখিতেছে। এইরূপে মায়ে পোয়ে কাঠকুড়ান হইল—তাহার পর রান্না। রান্নার সময়ও দুরন্ত গোপাল কখন কাছে বসিয়া, কখন পিঠের উপর পড়িয়া সব দেখিতে লাগিল। কত কি বলিতে লাগিল, কত কি আবদার করিতে লাগিল। ব্রাহ্মণীও কখন মিষ্ট কথায় তাহাকে ঠাণ্ডা করিতে লাগিলেন, কখন বসিতে লাগিলেন।

## গোপালের মার পূর্বকথা

পূর্বোক্ত ঘটনার কিছুদিন পরে গোপালের মা একদিন দক্ষিণেশ্বরে আসিয়াছেন। ঠাকুরের সহিত সাক্ষাৎ করিয়া নহবতে—যেখানে শ্রীশ্রীমাতাঠাকুরাণী থাকিতেন—যাইয়া জপ করিতে বসিলেন। নিয়মিত জপ সাদ্ধ করিয়া প্রণাম করিয়া উঠিতেছেন এমন সময়ে দেখিলেন ঠাকুর পঞ্চবটী হইতে ঐ স্থানে আসিয়া উপস্থিত হইলেন। ঠাকুর গোপালের মাকে দেখিতে পাইয়া বলিলেন, “তুমি এখনও অত জপ কর কেন? তোমার তো খুব হয়েছে (দর্শনাদি)।”

গোপালের মা— জপ কোরবো না? আমার কি সব হয়েছে?

ঠাকুর— সব হয়েছে।

ঠাকুরের  
গোপালের  
মাকে বলা—  
'তোমার সব  
হয়েছে'

গোপালের মা— সব হয়েছে?

ঠাকুর— হাঁ, সব হয়েছে।

গোপালের মা— বল কি, সব হয়েছে?

ঠাকুর— হাঁ, তোমার আপনার জন্ম জপ-তপ সব করা হয়ে গেছে, তবে (নিজের শরীর দেখাইয়া) এই শরীরটা ভাল থাকবে বলে ইচ্ছা হয় তো করতে পার।

গোপালের মা—তবে এখন থেকে যা কিছু কোরবো সব তোমার, তোমার, তোমার।

এই ঘটনার উল্লেখ করিয়া গোপালের মা কখন কখন আমাদিগকে বলিতেন, “গোপালের মুখে ঐ কথা সেদিন শুনে খলি মালা সব গঙ্গায় ফেলে দিয়েছিলুম। গোপালের কল্যাণের জন্ম করেই জপ করতুম। তার পর অনেক দিন বাদে আবার একটা মালা নিলুম। ভাবলুম—একটা কিছু তো করতে হবে?

## শ্রীশ্রীরামকৃষ্ণলীলাপ্রসঙ্গ

চক্ষিণ ঘণ্টা করি কি? তাই গোপালের কল্যাণে মাল ফেরাই।”

এখন হইতে গোপালের মার জপ-তপ সব শেষ হইল দক্ষিণেশ্বরে শ্রীশ্রীরামকৃষ্ণদেবের নিকট ঘন ঘন আসা-যাওয়া বাড়ি গেল। ইতিপূর্বে তাঁহার যে এত খাওয়া-দাওয়ায় আচার-নি ছিল সে সবও এই মহাভাবতরঙ্গে পড়িয়া দিন দিন কোথায় ভাসি যাইতে লাগিল। গোপাল তাঁহার মন-প্রাণ এককালে অধিক করিয়া বসিয়া কতরূপে তাঁহাকে যে শিক্ষা দিতে লাগিলেন তাহ ইয়ত্তা নাই। আর নিষ্ঠাই বা রাখেন কি করিয়া?—গোপাল যখন তখন খাইতে চায়, আবার নিজে খাইতে খাইতে মার মুণ্ড জিয়া দেয়! তাহা কি ফেলিয়া দেওয়া যায়? আর ফেলিয়া দিলে সে যে কঁাদে! ব্রাহ্মণী এই অপূর্ব ভাবতরঙ্গে পড়িয়া অবশি বুঝিয়াছিলেন যে, উহা শ্রীশ্রীরামকৃষ্ণদেবেরই খেলা এবং শ্রীশ্রীরামকৃষ্ণদেবই তাঁহার ‘নবীন-নীরদস্থাম, নীলেন্দীবরলোচন’ গোপালরূপে শ্রীকৃষ্ণ! কাজেই তাঁহাকে রাখিয়া খাওয়ান, তাঁহার প্রসাদ খাওয়া ইত্যাদিতে আর দ্বিধা রহিল না।

এইরূপে অনবরত দুই মাস কাল কামারহাটির ব্রাহ্মণী গোপালরূপী শ্রীকৃষ্ণকে দিবারাত্রি বৃকে পিঠে করিয়া এক সঙ্গে বাস করিয়া ছিলেন! ভাবরাজ্যে এইরূপ দীর্ঘকাল বাস করিয়া ‘চিন্ময় নাম চিন্ময় ধাম, চিন্ময় স্থামের’ প্রত্যক্ষ উপলব্ধি ও দর্শন মহাভাগ্যবানের সম্ভবে। একে তো শ্রীভগবানে বাৎসল্যরতিই জগতে দুর্লভ-শ্রীভগবানের ঐশ্বর্যজ্ঞানের লেশমাত্র মনে থাকিতে উহার উৎসম্ভব—তাঁহার উপর সেই রতি ঐকান্তিকী নিষ্ঠা সহায়ে ঘনীভূত

## গোপালের মার পূর্বকথা

হইয়া শ্রীভগবানের এইরূপ দর্শনলাভ করা যে আরও কত দুর্লভ তাহা সহজে অসম্ভব হইবে। প্রবাদ আছে, ‘কলৌ জাগতি গোপালঃ’, ‘কলৌ জাগতি কালিকা’—তাই বোধ হয় অতাপি শ্রীভগবানের ঐ দুই ভাবের এইরূপ জলন্ত উপলব্ধি কখন কখন দৃষ্টিগোচর হয়।

শ্রীশ্রীরামকৃষ্ণদেব গোপালের মাকে বলিয়াছিলেন, “তোমার খুব হয়েছে। কলিতে এরূপ অবস্থা বরাবর থাকলে, শরীর থাকে না।” বোধ হয় ঠাকুরের ইচ্ছাই ছিল, বাৎসল্যরতির উজ্জ্বল দৃষ্টান্তস্বরূপ এই দরিদ্র ব্রাহ্মণীর ভাবপূত শরীর লোকহিতায় আরও কিছুদিন এ সংসারে থাকে। পূর্বোক্ত দুই মাসের পর গোপালের মার দর্শনাদি পূর্বাপেক্ষা অনেকটা কমিয়া গেল। তবে একটু স্থির হইয়া বসিয়া গোপালের চিন্তা করিলেই পূর্বের ত্রায় দর্শন পাইতে লাগিলেন।

## সপ্তম অধ্যায়

ভক্তসঙ্গে শ্রীরামকৃষ্ণ—১৮৮৫ খৃষ্টাব্দের পুনর্যাত্রা

ও গোপালের মার শেষ কথা

অনন্তাশ্চিন্তয়ন্তো মাং যে জনাঃ পথ্যুপাসতে ।

তেষাং নিত্যাভিহুজানাম যোগক্ষেমাং বহাম্যহম্ ॥

—শ্রীমদ্ভগবদ্গীতা, ৯/২২

‘কামারহাটির ব্রাহ্মণী’র গোপালরূপী শ্রীভগবানের দর্শনের  
কিছুকাল পরে রথের সময় ঠাকুর কলিকাতায় শুভাগমন  
করিয়াছেন বাগবাজারের বলরাম বহুর বাটীতে।  
বলরাম বহুর  
বাটীতে পুনর্যাত্রা  
উপলক্ষে  
আটখানা হইয়া সকলকে সমুচিত আদর অভ্যর্থনা  
করিতেছেন। বহুজ মহাশয় পুরুষাত্মক্ৰমে বনিয়াদ  
ভক্ত—এক পুরুষে নয়। ঠাকুরের কৃপাও তাঁহার ও তৎপরিবার  
বর্গের উপর অসীম।

ঠাকুরের শ্রীমুখ হইতে শুনা—এক সময়ে ঠাকুরের শ্রীশ্রীচৈতন্য  
দেবের সঙ্কীৰ্ত্তন করিতে করিতে নগরপ্রদক্ষিণ করা দেখিবার সা  
হইলে ভাবাবস্থায় তদ্বর্ধন হয়। সে এক অদ্ভুত ব্যাপার—অসী  
জনতা, হরিনামে উদ্দাম উন্নততা! আর সেই উন্মাদতরঙ্গ  
সকলেরই ভিতর উন্মাদ শ্রীগৌরাক্ষের উন্মাদক আকর্ষণ! ৫

## পুনর্ধাত্রা ও গোপালের মার শেষ কথা

অপার জনসত্ত্ব ধীরে ধীরে দক্ষিণেশ্বরের উজানের পঞ্চবাটীর

প্রী-ভক্তদিগের

সহিত ঠাকুরের

প্রীচতস্তদেবের

সঙ্কীর্ণ

দেখিবার সাধ

ও তদর্শন।

বলরাম বহুকে

উহার ভিতর

দর্শন করা

দিক হইতে ঠাকুরের ঘরের সম্মুখ দিয়া অগ্রে

চলিয়া যাইতে লাগিল। ঠাকুর বলিতেন—উহারই

ভিতর যে কয়েকখানি মুখ ঠাকুরের স্মৃতিতে চির

অঙ্কিত ছিল, বলরাম বাবুর ভক্তিজ্যোতিঃপূর্ণ

স্নিগ্ধোজ্জ্বল মুখখানি তাহাদের অগ্রতম। বলরাম

বাবু যে দিন প্রথম ঠাকুরকে দর্শন করিতে

দক্ষিণেশ্বর কালীবাটীতে উপস্থিত হন, সে দিন

ঠাকুর তাঁহাকে দেখিবামাত্র চিনিয়াছিলেন—এ

ব্যক্তি সেই লোক।

বহুজ মহাশয়ের কোঠারে ( উড়িষ্কার অন্তর্গত ) জমিদারী ও

গাম্চাঁদ-বিগ্রহের সেবা আছে, শ্রীবৃন্দাবনে কুঞ্জ ও শ্রামহন্যের

সেবা আছে এবং কলিকাতার বাটীতেও ৬জগন্নাথ-

লরামের

গানাহানে

ঠাকুর-সেবার

ও শুদ্ধ অঙ্গের

কথা।

দেবের বিগ্রহ<sup>১</sup> ও সেবাদি আছে। ঠাকুর বলিতেন,

“বলরামের শুদ্ধ অঙ্গ—ওদের পুরুষানুক্রমে ঠাকুর-

সেবা ও অতিথি-ফকিরের সেবা—ওর বাপ সব

ত্যাগ করে শ্রীবৃন্দাবনে বসে হরিনাম কচে—ওর

অঙ্গ আমি খুব খেতে পারি, মুখে দিলেই যেন আপনা হতে

নেমে যায়।” বাস্তবিক ঠাকুরের এত ভক্তের ভিতর বলরাম

বাবুর অঙ্গই ( ভাত ) তাঁহাকে বিশেষ প্রীতির সাহিত ভোজন

করিতে দেখায়াছি! কলিকাতায় ঠাকুর যে দিন প্রাতে আসিতেন,

১ এই বিগ্রহ এখন কোঠারে আছেন।



## শ্রীশ্রীরামকৃষ্ণলীলাপ্রসঙ্গ

সে দিন মধ্যাহ্নভোজন বলরামের বাটীতেই হইত। ব্রাহ্মণ ভক্তদিগের বাটী ব্যতীত অপর কাহারও বাটীতে কোনদিন অন্নগ্রহণ করিয়াছেন কিনা সন্দেহ—তবে অবশ্য নারায়ণ বা বিগ্রহাদির প্রসাদ হইলে অল্প কথা।

অলোকসামান্য মহাপুরুষদিগের অতি সামান্য নিত্যনৈমিত্তিক চেষ্টাদিতেও কেমন একটু অলৌকিকত্ব, নূতনত্ব থাকে।

শ্রীরামকৃষ্ণদেবের সহিত যাহারা একদিনও সঙ্গ  
ঠাকুরের করিয়াছেন, তাঁহারা এই কথার মর্ম্ম বিশেষরূপে  
চারিজন বুঝিবেন। বলরাম বাবুর অন্ন খাইতে পারা সম্বন্ধেও  
রসদার ও একটু তলাইয়া দেখিলে উহাই উপলব্ধি হইবে।  
বলরাম বাবুর সেবাধিকার সাধনাকালে ঠাকুর এক সময়ে জগদম্বার নিকট

প্রার্থনা করিয়া বলেন, “মা, আমাকে শুকনো সাধু করিস নি—রসে বসে রাখিস”; জগদম্বাও তাঁহাকে দেখাইয়া দেন, তাঁহার রসদ (খাওয়াদি) যোগাইবার নিমিত্ত চারিজন রসদার প্রেরিত হইয়াছে। ঠাকুর বলিতেন—এ চারিজনের ভিতর রাণী রাসমণির জামাতা মথুরানাথ প্রথম ও শঙ্কু মল্লিক দ্বিতীয় ছিলেন। সিমলার সুরেন্দ্রনাথ মিত্রকে (যাহাকে ঠাকুর কখন ‘সুরেন্দ্র’ ও কখন ‘সুরেশ’ বলিয়া ডাকিতেন) ‘অর্দ্ধেক রসদার’ অর্থাৎ সুরেন্দ্র পুরা একজন রসদার নয়—বলিতেন; মথুরানাথের ও শঙ্কু বাবুর সেবা চক্ষে দেখা আমাদের ভাগ্যে হয় নাই—কারণ আমরা তাঁহাদের পরলোক-প্রাপ্তির অনেক পরে ঠাকুরের নিকট উপস্থিত হই। তবে ঠাকুরের মুখে শুনিয়াছি, সে এক অদ্ভুত ব্যাপার ছিল। বলরাম বাবুকে ঠাকুর তাঁহার রসদারদিগের অন্ততম বলিয়া কখনও নিদিষ্ট

## পুনর্ঘাতা ও গোপালের মার শেষ কথা

করিয়াছেন একথা মনে হয় না; কিন্তু তাঁহার যেরূপ সেবাদিকার দেখিয়াছি তাহা আমাদের নিকট অদ্ভুত বলিয়া বোধ হয় এবং তাহা মথুর বাবু ভিন্ন অপর রসদারদিগের সেবাদিকার অপেক্ষা কোন অংশে ন্যূন নহে। সে সব কথা অপর কোন সময়ে বলিবার চেষ্টা করিব। এখন এইটুকুই বলি যে, বলরাম বাবু যে দিন হইতে দক্ষিণেশ্বরে গিয়াছেন, সেই দিন হইতে ঠাকুরের অদর্শন-দিন পর্য্যন্ত ঠাকুরের নিজের যাহা কিছু আহাৰ্য্যের প্রয়োজন হইত প্রায় সে সমস্তই যোগাইতেন—চাল, মিছরি, জুজি, সাগু, বালি, ভাঙ্গিসেলি, টেপিওকা ইত্যাদি এবং হুরেক্স বা ‘হুরেশ মিত্রির’ দক্ষিণেশ্বরে ঠাকুরকে দর্শন করিবার অল্পকাল পর হইতেই ঠাকুরের সেবাদির নিমিত্ত যে সকল ভক্ত দক্ষিণেশ্বরে ঠাকুরের নিকটে রাত্রিযাপন করিতেন, তাঁহাদের নিমিত্ত লেপ, বালিশ ও ডাল-কুটির বন্দোবস্ত করিয়া দিয়াছিলেন।


কি গুঢ় সম্বন্ধে যে এই সকল ব্যক্তি ঠাকুরের সহিত সম্বন্ধ ছিলেন তাহা কে বলিতে পারে? কোন্ কারণে ইহারা এই উচ্চাধিকার প্রাপ্ত হন, তাহাই বা কে বলিবে? আমরা এই পর্য্যন্তই বুঝিয়াছি যে, ইহারা মহাভাগ্যবান—জগদম্বার চিহ্নিত ব্যক্তি। নতুবা লোকোত্তর পুরুষ শ্রীরামকৃষ্ণদেবের বর্তমান লীলায় ইহারা এইরূপে বিশেষ সহায়ক হইয়া জন্মাধিকার লাভ করিতেন না। নতুবা শ্রীরামকৃষ্ণদেবের শুদ্ধ-বৃদ্ধ-মুক্ত মনে ইহাদের মুখের ছবি একরূপ ভাবে অঙ্কিত থাকিত না, যাহাতে তিনি দর্শনমাত্রেই ত বুঝিতে পারিয়া বলিয়াছিলেন, “ইহারা এখানকার, এই বিশেষ

‘ইহারা আমার’ না বলিয়া ঠাকুর ‘এখানকার’ বলিতেন, কারণ শ্রীরামকৃষ্ণদেবের অপাপবিদ্ধ মনে অহং-বুদ্ধি এতটুকুও স্থান পাইত না। তাই ‘আমি, আমার’ এই কথাগুলি প্রয়োগ ঠাকুর ‘আমি’, ‘আমার’ শব্দের পরিবর্তে লব্ধ ‘এখানে’, ‘এখানকার’ বলিতেন। উহার কারণ এই অর্থে বলিতেন এবং উহাও পূর্ব হইতে ঐ ভাব ঠিক ঠিক মনে আসিলে তবেই বলা চলিত, সে জ্ঞান কথোপকথনকালে কোন স্থলে ‘আমার’ বলিতে হইলে ঠাকুর নিজ শরীর দেখাইয়া ‘এখানকার’ এই কথাটি প্রায়ই বলিতেন—ভক্তেরাও উহা হইতে ব্ৰিহ্মা লইতেন; যথা, ‘এখানকার লোক’, ‘এখানকার ভাব নয়’ ইত্যাদি বলিলেই আমরা ব্ৰিহ্মতাম, তিনি ‘তঁাহার লোক নয়’ ‘তঁাহার ভাব নয়’ বলিতেছেন।

যাক্ এখন সে কথা—এখন আমরা রসদ্বারদের কথাই বলি—প্রথম রসদ্বার মথুরানাথ শ্রীরামকৃষ্ণদেবের কলিকাতায় প্রথম শুভাগমন হইতে সাধনাবস্থা শেষ হইয়া কিছুকাল পর্য্যন্ত চৌদ্দ বৎসর তাঁহার সেবায় নিযুক্ত ছিলেন। দ্বিতীয় দেড় জনের ভিতর শঙ্কু বাবু ঝুঁর বাবুর শরীর-ত্যাগের কিছু পর হইতে কেশব বাবু প্রমুখ কলিকাতার ভক্তসকলের ঠাকুরের নিকট যাইবার কিছু পূর্ব পর্য্যন্ত বাঁচিয়া থাকিয়া ঠাকুরের সেবা করিয়াছিলেন এবং অর্দ্ধ-রসদ্বার সুরেশ বাবু শ্রীরামকৃষ্ণদেবের



ଶ୍ରୀମତୀ ଦାସ



ଶ୍ରୀମତୀ ଦାସ



ভদ্রা সি ব্ল



ভদ্রা বসু



ভদ্রা মিত্র

## পুনর্ঘাট্রা ও গোপালের মার শেধকথা

অদর্শনের ছয় সাত বৎসর পূর্ক হইতে --

জীবিত থাকিয়া তাঁহার ও তদীয় সন্ন্যাসী ভক্তদিগের সেবা ও তত্বাবধানে নিযুক্ত ছিলেন। ১৮৮৬ খৃষ্টাব্দের আশ্বিন মাসে বরাহনগরে মৃক্ষী বাবুদিগের পুরাতন ভগ্ন জীর্ণ বাটীতে প্রতিষ্ঠিত বরাহনগর মঠ—যাহা আজ বেলুড় মঠে পরিণত—এই স্বরেশ বাবুর আগ্রহে এবং ব্যয়েই প্রতিষ্ঠিত হয়। হিসাবের বাকি আর দেড়জন রসদার—কোথায় তাঁহারা? আমাদের প্রসঙ্গোক্ত বলরাম বাবু ও আমেরিকা-নিবাসিনী মহিলা ( মিসেস্ সারা সি বুল ) শ্রীবিবেকানন্দ স্বামিজীকে বেলুড়-মঠ-স্থাপনে বিশেষ সহায়তা করেন—তাঁহারাই কি ঐ দেড় জন? শ্রীরামকৃষ্ণদেব ও বিবেকানন্দ স্বামিজীর অদর্শনে এ কথা এখন আর কে মীমাংসা করিবে?

\*

\*

\*

বলরাম বাবু দক্ষিণেশ্বরে যাইয়া পর্যাস্ত প্রতি বৎসর রথের সময় ঠাকুরকে বাটীতে লইয়া আসেন। বাগবাজার রামকান্ত বহুর ষ্ট্রীটে তাঁহার বাটী অথবা তাঁহার ভ্রাতা কটকের প্রসিদ্ধ উকিল

‘বলরামের  
পরিবারের  
এক স্থরে  
বীথ্য’

রায় হরিবল্লভ বহু বাহাদুরের বাটী। বলরাম-বাবু তাঁহার ভ্রাতার বাটীতেই থাকিতেন—বাটীর নম্বর ৫৭। এই ৫৭নং রামকান্ত বহুর ষ্ট্রীটে

বাটীতে ঠাকুরের ঘে কতবার শুভাগমন হইয়াছে তাহা বলা যায় না। কত লোকই যে এখানে ঠাকুরকে দর্শন করিয়া ধন্য হইয়াছে, তাহার ইয়ত্তা কে করিবে? দক্ষিণেশ্বর কালীবাটীকে ঠাকুর কখন কখন রহস্য করিয়া ‘মা কালীর কেলা’ বলিয়া নির্দেশ করিতেন, কলিকাতার বহুপাড়ার এই বাটীকে

## শ্রীশ্রীরামকৃষ্ণলীলাপ্রসঙ্গ

তাঁহার দ্বিতীয় কেলা বলিয়া নির্দেশ করিলে অত্যাঙ্কি হইবে না। ঠাকুর বলিতেন, “বলরামের পরিবার সব এক স্বরে বাঁধা”—কর্তা গিন্নী হইতে বাটীর ছোট ছোট ছেলে-মেয়েগুলি পর্যন্ত সকলেই ঠাকুরের ভক্ত; ভগবানের নাম না করিয়া জলগ্রহণ করে না এবং পূজা, পাঠ, সাধুসেবা সন্ধিষয়ে দান প্রভৃতিতে সকলেরই সমান অনুরাগ। প্রায় অনেক পরিবারেই দেখা যায়, যদি একজন কি দুইজন ধার্মিক তো অপর সকলে আর একরূপ, বিজাতীয়; এ পরিবারে কিন্তু সেটি নাই; সকলেই একজাতীয় লোক। পৃথিবীতে নিঃস্বার্থ ধর্ম্মানুরাগী পরিবার বোধ হয় অল্পই পাওয়া যায়—তাহার উপর আবার পরিবারস্থ সকলের এইরূপ এক বিষয়ে অনুরাগ থাকা এবং পরস্পর পরস্পরকে ঐ বিষয়ে সাহায্য করা, ইহা দেখিতে পাওয়া কদাচ কখন হয়। কাজেই এই পরিবারবর্গই যে ঠাকুরের দ্বিতীয় কেলাস্বরূপ হইবে এবং এখানে আসিয়া যে ঠাকুর বিশেষ আনন্দ পাইবেন ইহা বিচিত্র নহে।

পূর্বেই বলিয়াছি, এ বাটীতে শ্রীশ্রীজগন্নাথদেবের সেবা ছিল, কাজেই রথের সময় রথটানাও হইত; কিন্তু সকলই ভক্তির ব্যাপার, বাহিরের আড়ম্বর কিছুই নাই। বাড়ী বলরামের বাটীতে রথোৎসব, আড়ম্বরশূন্য ভক্তির ব্যাপার সাজান, বাতুভাণ্ড, বাজে লোকের হুড়াহুড়ি, গোলমাল, দোড়াদোড়ি—এ সবের কিছুই নাই। ছোট একখানি রথ বাহির বাটীর দোতলায় চক-মিলান বারাণ্ডার চারিদিকে ঘুরিয়া ঘুরিয়া টানা হইত—একদল কীর্ত্তন আসিত, তাহারা সঙ্গে সঙ্গে কীর্ত্তন করিত, আর ঠাকুর ও তাঁহার ভক্তগণ ঐ কীর্ত্তনে যোগদান

## পুনর্ঘাটা ও গোপালের মার শেষকথা

করিতেন। কিন্তু সে আনন্দ, সে ভগবন্তকির ছড়াছড়ি, সে মাতোয়ারা ভাব, ঠাকুরের সে মধুর নৃত্য—সে আর অগত্যা কোথা পাওয়া যাইবে? সাত্ত্বিক পরিবারের বিস্তৃত ভক্তিতে প্রসন্ন হইয়া সাক্ষাৎ ৩জগন্নাথদেব রথের বিগ্রহে এবং শ্রীরামকৃষ্ণশ্রীরে আবিস্কৃত—সে অপূর্ব দর্শন আর কোথায় মিলিবে? সে বিস্তৃত প্রেমশ্রোতে পড়িলে পাষাণের হৃদয়ও দ্রবীভূত হইয়া নয়নাশ্রুতরূপে বাহির হইত—ভক্তের আর কি কথা! এইরূপে কয়েক ঘণ্টা কীর্তনের পরে শ্রীশ্রীজগন্নাথদেবের ভোগ দেওয়া হইত এবং ঠাকুরের সেবা হইলে ভক্তেরা সকলে প্রসাদ পাইতেন। তারপর অনেক রাতে এই আনন্দের হাট ভাঙিত এবং ভক্তেরা দুই-চারি জন ব্যতীত যে যার বাটীতে চলিয়া যাইতেন। লেখকের এই আনন্দ-সম্ভোগ জীবনে একবারমাত্রই হইয়াছিল—ঐ বারেই গোপালের মাকে এই বাটীতে ঠাকুরের কথায় আনিতে পাঠান হয়। ১৮৮৫ খৃষ্টাব্দের উল্টো রথের কথাই আমরা এখানে বলিতেছি। ঠাকুর এই বৎসর ঐ দিন এখানে আসিয়া বলরাম বাবুর বাটীতে দুই দিন দুই রাত থাকিয়া তৃতীয় দিনে বেলা আটটা নয়টার সময় নৌকা করিয়া দক্ষিণেশ্বরে প্রত্যাগমন করেন।

\*

\*

\*

আজ ঠাকুর প্রাতেই এ বাটীতে আসিয়াছেন। বাহিরে কিছুক্ষণ বসার পর তাঁহাকে অন্তরে জলযোগ করিবার জগু লইয়া যাওয়া হইল। বাহিরে দু-চারিটি করিয়া অনেকগুলি পুরুষ ভক্তের সমাগম হইয়াছে, ভিতরেও নিকটবর্তী বাটীসকল হইতে ঠাকুরের যত স্ত্রীভক্ত সকলে আসিয়াছেন। ইহাদের অনেকেই বলরাম বাবুর



## শ্রীশ্রীরামকৃষ্ণলীলাপ্রসঙ্গ

আত্মীয়া বা পরিচিতা এবং তাঁহার বাটীতে যখনই পরমহংসদেব উপস্থিত হইতেন বা তিনি নিজে যখনই শ্রীরামকৃষ্ণদেবকে দক্ষিণেশ্বরে দর্শন করিতে যাইতেন, তখনই ইহাদের সংবাদ দিয়া বাটীতে আনা হইতেন বা আনা হইয়া সঙ্গে লইয়া যাইতেন। ভাবিনী ঠাকুরণ, অসীমের মা, গল্পর মা ও তাঁর মা—এইরূপ এর মা, ওর পিনী, এর ননদ, ওর পড়শী প্রভৃতি অনেকগুলি ভক্তিমতী স্ত্রীলোকের আজ সমাগম হইয়াছে।

এই সকল সতী সাধ্বী ভক্তিমতী স্ত্রীলোকদিগের সহিত কামগন্ধহীন ঠাকুরের যে কি এক মধুর সম্বন্ধ ছিল তাহা বলিয়া বুঝাইবার নহে। ইহাদের অনেকেই ঠাকুরকে সাক্ষাৎ ইষ্টদেবতা বলিয়া তখনি জানেন। সকলেরই ঠাকুরের উপর এইরূপ বিশ্বাস। আবার কোন কোন ভাগ্যবতী উহা গোপালের মার গ্রায় দর্শনাদি স্ত্রী-শুভদিগের দ্বারা সাক্ষাৎ প্রত্যক্ষ করিয়াছিলেন। কাজেই সহিত ঠাকুরের অপূর্ণ সম্বন্ধ ঠাকুরকে ইহারা আপনার হইতেও আপনার বলিয়া জানেন এবং তাঁহার নিকট কোনরূপ ভয় ভর বা সঙ্কোচ অনুভব করেন না। ঘরে কোনরূপ ভাল খাবার-দাবার তৈয়ার করিলে তাহা পতিপুত্রদের আগে না দিয়া ইহারা ঠাকুরের জন্ত আগে পাঠান বা স্বয়ং লইয়া যান। ঠাকুর থাকিতে এই সকল ভক্তমহিলারা কতদিন যে পায়ে হাঁটিয়া দক্ষিণেশ্বর হইতে কলিকাতায় নিজেদের বাটীতে গত্যাত করিয়াছেন তাহা বলা যায় না। কোন দিন সন্ধ্যার পর, কোন দিন-রাত দশটায়, আবার কোন দিন বা উৎসব-কীর্ত্তনাদি সাক্ষ হইতে ও দক্ষিণেশ্বর হইতে ফিরিতে রাত দুই প্রহরেরও অধিক হইয়া গিয়াছে!

## পুনর্ঘাটা ও গোপালের মার শেষ কথা

ইহাদের কাহাকেও ঠাকুর ছেলেমাহুষের মত কত আগ্রহের সহিত নিজের পেটের অস্থ প্রভৃতি রোগের ঔষধ জিজ্ঞাসা করিতেন কেহ তাঁহাকে ঐরূপ জিজ্ঞাসা করিতে দেখিয়া হাসিলে বলিতেন, “তুই কি জানিস? ও কত বড় ডাক্তারের স্ত্রী—ও দু-চারটে ঔষধ জানেই জানে।” কাহারও ভাবপ্রেম দেখিয়া বলিতেন, “ও রূপাসিদ্ধ গোপী।” কাহারও মধুর রান্না খাইয়া বলিতেন, “ও বৈকুণ্ঠের রাধুনী, স্তোত্রায় সিদ্ধ-হন্ত” ইত্যাদি। ঠাকুর জল খাইতে খাইতে আজ এই সকল স্ত্রীলোককে গোপালের মার মোভাগ্যের কথা বলিতে লাগিলেন। বলিলেন, “ওগো, সেই যে কামারহাটি থেকে বামনের মেয়েটি আসে, যার গোপালভাব—তার সব কত কি দর্শন হয়েছে; সে বলে, গোপাল তার কাছ

ঠাকুরের থেকে হাত পেতে খেতে চায়! সে দিন ঐ সব স্ত্রী-ভক্তদিগকে কত কি দেখে শুনে ভাবে প্রেমে উন্মাদ হয়ে গোপালের মার উপস্থিত। খাওয়াতে দাওয়াতে একটু ঠাণ্ডা দর্শনের কথা হোলো। থাকতে বল্লম, কিন্তু থাকলো না। আনিতে পাঠান যাবার সময়ও সেইরূপ উন্মাদ—গায়ের কাপড় খুলে ভুঁয়ে লুটিয়ে যাচ্ছে, হুঁশ নেই। আমি আবার কাপড় তুলে দিয়ে বুকে মাথায় হাত বুলিয়ে দি! খুব ভক্তি বিখ্যাস—বেশ! তাকে এখানে আনতে পাঠাও না।”

বলরাম বাবুর কানে ঐ কথা উঠিবামাত্র তিনি তৎক্ষণাৎ কামারহাটি হইতে গোপালের মাকে আনিতে লোক পাঠাইলেন—কারণ আসিবার সময় যথেষ্ট আছে; ঠাকুর আজ কাল তো এখানেই থাকিবেন।

## শ্রীশ্রীরামকৃষ্ণলীলাপ্রসঙ্গ

এখন বুঝি যে, যে ভাব যখন তাঁহার ভিতরে আসিত তাহা তখন পুরাপুরিই আসিত, তাঁহার ভিতর এতটুকু আর অন্য ভাব থাকিত না—এতটুকু ‘ভাবের ঘরে চুরি’ বা লোকদেখান ভাব থাকিত না। সে ভাবে তিনি তখন একেবারে অল্পপ্রাণিত, তন্ময় বা ( তিনি নিজে যেমন রহস্ত করিয়া বলিতেন ) ডাইলুট ( dilute ) হইয়া যাইতেন; কাজেই তখন তিনি বুদ্ধ হইয়া বালকের অভিনয় করিতেছেন বা পুরুষ হইয়া স্ত্রীর অভিনয় করিতেছেন—এ কথা লোকের মনে আর উদয় হইতেই পাইত না! ভিতরের প্রবল ভাবতরঙ্গ শরীরের মধ্য দিয়া ফুটিয়া বাহির হইয়া শরীরটাকে যেন এককালে পরিবর্তিত বা রূপান্তরিত করিয়া ফেলিত।

\* \* \* \*

ভক্তসঙ্গে আনন্দে দুই দিন দুই রাত ঠাকুরের বলরাম বাবুর বাটীতে কাটিয়াছে। আজ তৃতীয় দিন দক্ষিণেশ্বরে ফিরিবেন।

পুনর্বাট্রা-শেষে ঠাকুরের দক্ষিণেশ্বরে আগমন	বেলা আন্দাজ ৮টা কি ৯টা হইবে—ঘাটে নৌকা প্রস্তুত। স্থির হইল, গোপালের মা ও অন্য একজন স্ত্রীভক্তও ( গোলাপ-মাতা ) ঐ নৌকায় ঠাকুরের সহিত দক্ষিণেশ্বরে যাইবেন, তন্ময় দুই এক জন
---	--

বালক-ভক্ত যাহারা ঠাকুরের পরিচর্য্যার জন্ত দক্ষিণে আসিয়াছিলেন তাঁহারাও যাইবেন। বোধ হয় শ্রীযুত কালী ( স্বামী অভেদানন্দ ) উহাদের অন্ততম।

• ঠাকুর বাটীর ভিতরে যাইয়া জগন্নাথদেবকে প্রণাম করিয়া এবং ভক্ত-পরিবারের প্রণাম গ্রহণ করিয়া নৌকায় যাইয়া উঠিলেন। গোপালের মা প্রভৃতিও তাঁহার পশ্চাৎ পশ্চাৎ যাইয়া নৌকায়

## পুনর্ঘাতা ও গোপালের মার শেষকথা

উঠিলেন। বলরাম বাবুর পরিবারবর্গের অনেকে ভক্তি করিয়া গোপালের মাকে কাপড় ইত্যাদি এবং তাঁহার অভাব আছে জানিয়া রক্তনের নিমিত্ত হাতা, বেড়ী প্রভৃতি অনেকগুলি দ্রব্য তাঁহাকে দিয়াছিলেন। সে পুঁটুলি বা মোটটি নৌকায় তুলিয়া দেওয়া হইল। নৌকা ছাড়িল।

যাইতে যাইতে পুঁটুলি দেখিয়া ঠাকুর জিজ্ঞাসায় জানিলেন—  
উহা গোপালের মার; ভক্ত-পরিবারেরা তাঁহাকে যে সকল দ্রব্যাদি দিয়াছেন, তাহারই পুঁটুলি। অনিয়াই ঠাকুরের মুখ গম্ভীরভাবে

নৌকায়	ধারণ করিল। গোপালের মাকে কিছু না বলিয়া
যাইবার সময়	অপর স্ত্রী-ভক্ত গোলাপ-মাতাকে লক্ষ্য করিয়া
ঠাকুরের	ত্যাগের বিষয়ে নানা কথা কহিতে লাগিলেন।
গোপালের মার	বলিলেন, “যে ত্যাগী সেই ভগবানকে পায়।
পুঁটুলি দেখিয়া	যে লোকের বাড়ীতে গিয়ে খেয়ে দেয়ে শুধু হাতে
বিরক্তি।	চলে আসে, সে ভগবানের গায়ে ঠেস দিয়ে বসে।”
ভক্তদের প্রতি	ইত্যাদি। সেদিন যাইতে যাইতে ঠাকুর গোপালের
ঠাকুরের যেমন	মার সহিত একটিও কথা কহিলেন না, আর বারবার
ভালবাসা	ঐ পুঁটুলিটির দিকে দেখিতে লাগিলেন। ঠাকুরের
তেমনি কঠোর	ঐ ভাব দেখিয়া গোপালের মার মনে হইতে লাগিল, পুঁটুলিটা
শাসনও ছিল	গঙ্গার জলে ফেলিয়া দি। একদিকে ঠাকুরের যেমন পঞ্চমবর্ষীয়

বালকের ভাবে ভক্তদের সহিত হাসি তামাসা ঠাট্টা খেলাধুলা ছিল, অপর দিকে আবার তেমনি কঠোর শাসন। কাহারও এতটুকুও বেচাল দেখিতে পারিতেন না। ক্ষুদ্র হইতেও ক্ষুদ্র জিনিসের তত্ত্বাবধান ছিল, কাহারও অতি সামান্য ব্যবহার

## শ্রীশ্রীরামকৃষ্ণলীলাপ্রসঙ্গ

বে-ভাবের হইলে অমনি তাঁহার তীক্ষ্ণ দৃষ্টি তাহার উপর পড়িত ও যাহাতে উহার সংশোধন হয় তাহার চেষ্টা আসিত। চেষ্টারও বড় একটা বেশী আড়ম্বর করিতে হইত না, একবার মুখ ভারী করিয়া তাহার সহিত কিছুক্ষণ কথা না कहিলেই সে ছটফট করিত ও স্বকৃত দোষের জ্ঞান অমৃতপ্ত হইত। তাহাতেও যে নিজের তুলনা শোধরাইত, ঠাকুরের শ্রীমুখ হইতে দুই একটি সামান্য তিরস্কারই তাহার মতি স্থির করিতে যথেষ্ট হইত! অদ্ভুত ঠাকুরের প্রত্যেক ভক্তের সহিত অদৃষ্টপূর্ব ব্যবহার ও শিক্ষাদান এইরূপে চলিত—প্রথম অমামুষী ভালবাসায় তাহার হৃদয় সম্পূর্ণরূপে অধিকার, তাহার পর যাহা কিছু বলিবার कहিবার দুই চারি কথায় বলা বা বুঝান।

দক্ষিণেশ্বরে পৌছিয়াই গোপালের মা নহবতে শ্রীশ্রীমার নিকট ব্যাকুল হইয়া যাইয়া তাঁহাকে বলিলেন, “অ বৌমা, গোপাল এই সব

ঠাকুরের  
বিরক্তি-প্রকাশে  
গোপালের  
মার কষ্ট ও  
শ্রীশ্রীমার  
তাঁহাকে  
সান্ত্বনা দেওয়া

জিনিসের পুঁটলি দেখে রাগ করেছে; এখন উপায়?  
তা এসব আর নিয়ে যাব না, এইখানেই বিলিয়ে  
দিয়ে যাই।”

শ্রীশ্রীমাতাঠাকুরাণীর অপার দয়া—বুড়ীকে  
কাতর দেখিয়া সান্ত্বনা করিয়া বলিলেন, “উনি  
বলুনগে। তোমায় দেবার ত কেউ নেই, তা তুমি  
কি করবে মা—দরকার বলেই ত এনেছ?”

গোপালের মা তত্রাচ তাহার মধ্য হইতে একখানা কাপড় ও  
আরও কি কি দুই একটি জিনিস বিলাইয়া দিলেন এবং ভয়ে ভয়ে  
দুই একটি তরকারী স্বহস্তে রাখিয়া ঠাকুরকে ভাত খাওয়াইতে

## পুনর্ঘাটা ও গোপালের মার শেষকথা

গেলেন। অন্তর্যামী ঠাকুর তাঁহাকে অমৃতপ্ৰা দেখিয়া আর কিছুই বলিলেন না। আবার গোপালের মার সহিত হাসিয়া কথা কহিয়া পূর্ববৎ ব্যবহার করিতে লাগিলেন। গোপালের মাও আশ্চর্য হইয়া ঠাকুরকে খাওয়াইয়া দাওয়াইয়া বৈকালে কামারহাটি ফিরিলেন।

পূর্বে বলিয়াছি, গোপালের মার ভাবঘন গোপালমূর্তি প্রথম দর্শনের দুই মাস পরে সে দর্শন আর সদাসরুক্ষণ হইত না। তাহাতে কেহ না মনে করিয়া বসেন যে, উহার পরে তাঁহার কালেভদ্রে কখন গোপালমূর্তির দর্শন হইত। কারণ প্রতিদিনই তিনি দিনের মধ্যে দুই-দশ বার গোপালের দর্শন পাইতেন। যখনই দেখিবার নিমিত্ত প্রাণ ব্যাকুল হইত তখনই পাইতেন, আবার যখনই কোন বিষয়ে তাঁহার শিক্ষার প্রয়োজন তখনই গোপাল সম্মুখে সহসা আবির্ভূত হইয়া সঙ্কেতে, কথায় বা নিজে হাতেনাতে করিয়া দেখাইয়া তাঁহাকে ঐরূপ করিতে প্রবৃত্ত করিতেন। ঠাকুরের শ্রীঅঙ্গে বার বার মিশিয়া যাইয়া তাঁহাকে শিখাইয়াছিলেন তিনি ও শ্রীরামকৃষ্ণদেব অভিন্ন। খাইবার ও শুইবার জিনিস চাহিয়া চিন্তিয়া লইয়া কি ভাবে তাঁহার সেবা করা উচিত তাহা শিখাইয়াছিলেন। আবার কোন কোন বিশেষ বিশেষ শ্রীরামকৃষ্ণভক্তদিগের সহিত একত্র বিহার করিয়া বা তাঁহাদের সহিত অন্য কোনরূপ আচরণ করিয়া দেখাইয়া নিজ মাতাকে বুঝাইয়াছিলেন, ইহারা ও তিনি অভেদ—ভক্ত ও ভগবান এক। কাজেই তাঁহাদের ছোঁয়াত্যাগা বস্তু-ভোজনেও তাঁহার দ্বিধা ক্রমে ক্রমে দূর হইয়া যায়।

শ্রীরামকৃষ্ণদেবে ইষ্টদেব-বুদ্ধি দৃঢ় হইবার পর হইতে আর

তাঁহার বড় একটা গোপালমূর্তির দর্শন হইত না। যখন তখন শ্রীরামকৃষ্ণদেবকেই দেখিতে পাইতেন এবং ঐ মূর্তির ভিতর দিয়াই বাল-গোপালরূপী ভগবান তাঁহাকে যত কিছু শিক্ষা দিতেন। প্রথম প্রথম ইহাতে তাঁহার মনে বড়ই অশান্তি হয়। শ্রীরামকৃষ্ণদেবের নিকট উপস্থিত হইয়া কাঁদিতে কাঁদিতে বলিলেন, “গোপাল, তুমি আমায় কি করলে, আমার কি অপরাধ হল, কেন

গোপালের  
মার ঠাকুরে  
ইষ্ট-বুদ্ধি দৃঢ়  
হইবার পর  
যে রূপ দর্শনাদি  
হইত

আর আমি তোমায় আগেকার মত (গোপালরূপে)  
দেখতে পাই না?" ইত্যাদি। তাহাতে শ্রীরাম-  
কৃষ্ণদেব উত্তর দেন, "ওরূপ সদাসর্ব্বক্ষণ দর্শন হলে  
কলিতে শরীর থাকে না; একুশদিন মাত্র শরীরটা

থেকে তার পর শুকনো পাতার মত ঝরে পড়ে যায়।” ঐশ্বরিক প্রথম দর্শনের পর দুই মাস গোপালের মা সর্বদাই একটা ভাবের ঘোরে থাকিতেন। রান্না-বাড়া, স্নান-আহার, জপ-ধ্যান প্রভৃতি যাহা কিছু করিতেন সব যেন পূর্বের বহুকালের অভ্যাস ছিল ও করিতে হয় বলিয়া; তাঁহার শরীরটা অভ্যাসবশে আপনাআপনি ঐ সকল কোন রকমে সাগিয়া লইত এই পর্য্যন্ত! কিন্তু তিনি নিজে সদাসর্বক্ষণ যেন একটা বিপরীত নেশার ঝোঁকে থাকিতেন! কাজেই এ ভাবে শরীর আর কয়দিন থাকে? দুই মাসও যে ছিল ইহাই আশ্চর্য্য! দুই মাস পরে সে নেশার ঝোঁক অনেকটা কাটিয়া গেল। কিন্তু গোপালকে পূর্বের স্থায় না দেখিতে পাওয়ায় আবার এক বিপরীত ব্যাকুলতা আসিল। বায়ুপ্রধান খাদ্য—বায়ু বাড়িয়া বুকের ভিতর একটা দারুণ যন্ত্রণা অনুভূত হইতে লাগিল। শ্রীরামকৃষ্ণদেবকে সেই জগুই বলেন, “বাই বেড়ে বুক

## পুনর্ঘাতা ও গোপালের মার শেষকথা

যেন আমার করাত দিয়ে চিরচে।” ঠাকুর তাহাতে তাঁহাকে সান্ত্বনা দিয়া বলেন, “ও তোমার হরিবাই; ও গেলে কি নিয়ে থাকবে গো? ও থাকা ভাল; যখন বেনী কষ্ট হবে তখন কিছু খেয়ো।” এই কথা বলিয়া ঠাকুর তাঁহাকে নানারূপ ভাল ভাল জিনিস সে দিন খাওয়াইয়াছিলেন।

\*

\*

\*

কলিকাতা হইতে আমরা মেয়ে-পুরুষে অনেকে ঠাকুরকে যেমন দেখিতে যাইতাম অনেকগুলি মাড়োয়ারী মেয়ে-পুরুষও তেমনি সময়ে সময়ে দেখিতে আসিত। তাহারা সকলে ঠাকুরের নিকটে অনেকগুলি গাড়ীতে করিয়া দক্ষিণেশ্বরের বাগানে আসিত এবং গঙ্গাস্নান করিয়া পুষ্পচয়ন ও শিব-পূজাদি সারিয়া পঞ্চবটীতে আড্ডা করিত। পরে ঐ গাছতলায় উঠুন খুঁড়িয়া ভাল, লেট্টি, চুরমা প্রভৃতি প্রস্তুত করিয়া দেবতাকে নিবেদনপূর্বক আগে ঠাকুরকে সেই সম খাবার দিয়া যাইত এবং পরে আপনারা প্রসাদ পাইত। ইহাদের ভিতর আবার অনেকে ঠাকুরের নিমিত্ত বাদাম, কিস্‌মিস্, পেস্তা, ছায়াারা, থালা-মিছরি, আজুর, বেদানা, পেয়ারা, পান প্রভৃতি লইয়া আসিয়া তাঁহার সম্মুখে ধরিয়া দিয়া তাঁহাকে প্রণাম করিত। কারণ তাহারা আমাদের অনেকের মত ছিল না, রিক্তহস্তে সাধুর আশ্রমে বা দেবতার স্থানে যে যাইতে নাই এ কথা সকলেই জানিত এবং সে জন্য কিছু না কিছু লইয়া আসিতই আসিত। শ্রীরামকৃষ্ণকে কিন্তু তাহাদের দু-এক জনের ছাড়া ঐ সকল মাড়োয়ারী-এদন্ত জিনিসের কিছুই স্বয়ং গ্রহণ করিতেন না।



## শ্রীশ্রীরামকৃষ্ণলীলাপ্রসঙ্গ

বলিতেন, “ওরা যদি এক খিলি পান দেয় ত তার সঙ্গে ষোলটা কামনা জুড়ে দেয়—‘আমার মকদ্দমার জয় হোক, আমার বোগ ভাল হোক, আমার ব্যবসায় লাভ হোক’ ইত্যাদি!” ঠাকুর নিজে ত ঐ সকল জিনিস খাইতেন না, আবার ভক্তদেরও ঐ সকল খাবার খাইতে দিতেন না। তবে ডাল, রুটি ইত্যাদি রাখা

কামনা করিয়া  
দেওয়া জিনিস  
ঠাকুর গ্রহণ ও  
ভোজন করিতে  
পারিতেন না।  
ভক্তদেরও  
উহা খাইতে  
দিতেন না।

খাবার, বাহা তাহারা ঠাকুর দেবতাকে ভোগ দিয়া তাঁহাকে দিয়া যাইত, ‘প্রসাদ’ বলিয়া নিজেও তাহা কখন একটু আধটু গ্রহণ করিতেন এবং আমাদের সকলকেও খাইতে দিতেন। তাহাদের দেওয়া ঐ সকল মিছরি, মেওয়া প্রভৃতি খাওয়ার অধিকারী ছিলেন একমাত্র নরেন্দ্রনাথ (স্বামী বিবেকানন্দজী)।

ঠাকুর বলিতেন, “ওর (নরেন্দ্রের) কাছে জ্ঞান-অসি রয়েছে—খাপখোলা তরোয়াল, ও ওসব খেলে কিছুই দোষ হবে না, বুদ্ধি মলিন হবে না।” তাই ঠাকুর ভক্তদের ভিতর যাহাকে পাইতেন তাহাকে দিয়া ঐ সব খাবার নরেন্দ্রনাথের গাটিতে পাঠাইয়া দিতেন। যেদিন কাহাকেও পাইতেন না, সেদিন নিজের ভাতুপুত্র মা কালীর ঘরের পূজারী রামলালকে দিয়া পাঠাইয়া দিতেন। আমরা রামলাল দাদার নিকট শুনিয়াছি, নিত্য নিত্য ঐরূপ লইয়া যাইতে পাছে রামলাল বিরক্ত হয় তাই একদিন মধ্যাহ্ন-ভোজনের পর রামলালকে জিজ্ঞাসা করিতেছি, “কিরে, তোরা কল্কাতায় কোন দরকার নেই?”

—রামলাল—আজ্ঞে, আমার কল্কাতায় আর কি দরকার। তবে আপনি বলেন ত যাই।

## পুনর্যাত্রা ও গোপালের মার শেষকথা

শ্রীরামকৃষ্ণ—না, তাই বলছিলাম ; বলি অনেকদিন বেড়াতে টেড়াতে যাস্ নি, তাই যদি বেড়িয়ে আসতে ইচ্ছা হয়ে থাকে । তা একবার যা না । যাস্তো ঐ টিনের বাতায় পয়সা আছে, নিয়ে বরানগর থেকে সেয়ারের গাড়ীতে করে যাস । তা না হলে রোদ লেগে অস্থখ করবে । আর ঐ মিছরি, মাড়োয়ারীদের দেওয়া খাজলব্য নরেন্দ্রনাথকে দিয়ে আসবি—সে অনেক দিন আসে নি ; তার খবরের জন্য মনটা ‘আটু-পাটু’ কচে ।

রামলাল দাদা বলেন, “আহা, সে কত সহোচ, পাছে আমি বিরক্ত হই !” বলা বাহুল্য, রামলাল দাদাও ঐরূপ অবসরে কলিকাতায় শুভাগমন করিয়া ভক্তদের আনন্দবর্দ্ধন করিতেন ।

\*

\*

\*

আজ অনেকগুলি মাড়োয়ারী ভক্ত ঐরূপে দক্ষিণেশ্বরে আসিয়াছেন । পূর্বের জ্বায় ফল, মিছরি ইত্যাদি ঠাকুরের ঘরে অনেক জমিয়াছে । এমন সময় গোপালের মা ও কতকগুলি স্ত্রী-ভক্ত ঠাকুরকে দর্শন করিতে আসিয়া উপস্থিত । গোপালের মাকে দেখিয়া ঠাকুর কাছে আসিয়া দাঁড়াইয়া তাঁহার মাথা হইতে পা পর্য্যন্ত সর্ব্বাঙ্গে হাত ব্লাইতে ব্লাইতে ছেলে যেমন মাকে পাইয়া কত প্রকারে আদর করে, তেমনি করিতে লাগিলেন । গোপালের মার শরীরটা দেখাইয়া সকলকে বলিলেন, “এ খোলটার ভেতর কেবল হরিতে ভরা ; হরিময় শরীর !” গোপালের মাও চুপটি করিয়া দাঁড়াইয়া রহিলেন ।—ঠাকুর ঐরূপে পায়ে হাত দিতেছেন বলিয়া একটুও সঙ্কুচিতা হইলেন না । পরে ঘরে যত

## শ্রীশ্রীরামকৃষ্ণলীলাপ্রসঙ্গ

কিছু ভাল ভাল জিনিস ছিল, সব আনিয়া ঠাকুর বৃদ্ধাকে খাওয়াইতে লাগিলেন। গোপালের মা দক্ষিণেশ্বরে যাইলেই ঠাকুর ঐরূপ করিতেন ও খাওয়াইতেন। গোপালের মা তাহাতে একদিন বলেন, “গোপাল, তুমি আমায় অত খাওয়াতে ভালবাস কেন?”

শ্রীরামকৃষ্ণ—তুমি যে আমায় আগে কত খাইয়েছ।

গোপালের মা—আগে কবে খাইয়েছি?

শ্রীরামকৃষ্ণ—জন্মান্তরে।

সমস্ত দিন দক্ষিণেশ্বরে থাকিয়া গোপালের মা যখন কামারহাটি ফিরিবেন বলিয়া বিদায় গ্রহণ করিতেছেন, তখন ঠাকুর মাড়োয়ারীদের দেওয়া যত মিছরি আনিয়া গোপালের মাকে দিলেন ও সঙ্গে লইয়া যাইতে বলিলেন। গোপালের মা বলিলেন, “অত মিছরি সব দিচ্চ কেন?”

শ্রীরামকৃষ্ণ—(গোপালের মার চিবুক সাদরে ধরিয়া) ওগো, ছিলে গুড়, হলে চিনি, তারপর হলে মিছরি! এখন মিছরি হয়েছ—মিছরি খাও আর আনন্দ কর।

মাড়োয়ারীদের মিছরি ঐরূপে গোপালের মাকে ঠাকুর দেওয়াতে সকলে অবাক হইয়া রহিল—বুঝিল, ঠাকুরের কৃপায় গোপালের এখন আর গোপালের মার মন কিছুতেই মলিন মাকে ঠাকুরের হইবার নয়। গোপালের মা আর কি করেন, মাড়োয়ারীদের অগত্যা ঐ মিছরিগুলি লইয়া গেলেন, নতুবা দেওয়া গোপাল (শ্রীরামকৃষ্ণদেব) ছাড়েন না; আর শরীর থাকিতে ত সকল জিনিসেরই প্রয়োজন—গোপালের মা যেমন

## পুনর্যাত্রা ও গোপালের মার শেষকথা

কখন কখন আমাদের বলিতেন, “শরীর থাকতে সব চাই—জিরেটুকু মেথিটুকু পর্য্যন্ত, এমন দেখি নি।”

গোপালের মা পূর্বাবধি জপ-ধ্যান করিতে করিতে যাহা কিছু দেখিতেন সব ঠাকুরকে আসিয়া বলিতেন। তাহাতে ঠাকুর বলিতেন, “দর্শনের কথা কাহাকেও বলতে নেই, তা হলে আর হয় না।” গোপালের মা তাহাতে এক দিবস বলেন, “কেন ?

দর্শনের কথা সে সব ত তোমারি দর্শনের কথা, তোমায়ও বলতে  
অপরকে নেই ?” ঠাকুর তাহাতে বলেন, “এখানকার দর্শন  
বলিতে নাই হলেও আমাকে বলতে নেই।” গোপালের মা

বলিলেন, “বটে ?” তদবধি তিনি আর দর্শনাদির কথা কাহারও নিকট বড় একটা বলিতেন না। সরল উদার গোপালের মার শ্রীরামকৃষ্ণদেব যাহা বলিতেন তাহাতেই একেবারে পাকা বিশ্বাস হইত। আর সংশয়াত্মা আমরা ? আমাদের ঠাকুরের কথা যাচাই করিতে করিতেই জীবনটা কাটিয়া গেল—জীবনে পরিণত করিয়া ঐ সকলের ফলভোগে আনন্দ করা আর ঘটিয়া উঠিল না !

এই সময় একদিন গোপালের মা ও শ্রীমান নরেন্দ্রনাথ (বিবেকানন্দ স্বামিজী) উভয়ে দক্ষিণেশ্বরে উপস্থিত। নরেন্দ্রনাথের তখনও ব্রাহ্মসমাজের নিরাকারবাদে বেশ ঝোঁক। ঠাকুর, দেবতা—পৌত্তলিকতায় বিশেষ বিদ্বেষ ; তবে এটা ধারণা হইয়াছে যে, পুতুল মূর্তি-টুর্তি অবলম্বন করিয়াও লোক নিরাকার সর্বভূতস্থ ভগবানে কালে পৌছায়। ঠাকুরের রহস্যবোধটা খুব ছিল। একদিকে এই সর্বগুণাশ্রিত সুপণ্ডিত মেধাবী বিচারপ্রিয় ভগবদ্ভক্ত নরেন্দ্রনাথ এবং অপর দিকে গরীব কান্দালী নামমাত্রাবলম্বনে

শ্রীভগবানের দর্শন ও কৃপা-প্রয়াসী সরলবিশ্বাসী গোপালের মা—

স্বামী যিনি কখনও লেখাপড়া জ্ঞানবিচারের ধার দিয়াও  
বিবেকানন্দের যান নাই—উভয়কে একত্র পাইয়া এক মজা  
সহিত বাধাইয়া দিলেন। ব্রাহ্মণী ঘেঁরুপে বালগোপালরূপী  
ঠাকুরের ভগবানের দর্শন পান এবং তদবধি গোপাল যেভাবে  
গোপালের তাঁহার সহিত লীলাবিলাস করিতেছেন, সে সমস্ত  
মার পরিচয় করিয়া দেওয়া কথা শ্রীযুত নরেন্দ্রের নিকট গোপালের মাকে

বলিতে বলিলেন। গোপালের মা ঠাকুরের কথা শুনিয়া বলিলেন,  
“তাতে কিছু দোষ হবে না ত, গোপাল?” পরে ঐ বিষয়ে  
ঠাকুরের আশ্বাস পাইয়া অশ্রুজল ফেলিতে ফেলিতে গদগদস্বরে  
গোপালরূপী শ্রীভগবানের প্রথম দর্শনের পর হইতে দুই মাস  
পর্যন্ত যত লীলাবিলাসের কথা আত্মোপাস্ত বলিতে লাগিলেন—  
কেমন করিয়া গোপাল তাঁহার কোলে উঠিয়া কাঁধে মাথা রাখিয়া  
কামারহাটি হইতে দক্ষিণেশ্বর পর্যন্ত সারাপথ আসিয়াছিল, আর  
তাঁহার লালটুকটুকে পা দুখানি তাঁহার বুকের উপর ঝুলিতেছিল  
তিনি স্পষ্ট দেখিতে পাইয়াছিলেন; ঠাকুরের অঙ্গে কেমন মাঝে  
মাঝে প্রবেশ করিয়া আবার নির্গত হইয়া পুনরায় তাঁহার নিকটে  
আসিয়াছিল; শুইবার সময় বালিশ না পাইয়া বারবার খুঁৎখুঁৎ  
করিয়াছিল; রাঁধিবার কাঠ কুড়াইয়াছিল এবং খাইবার জন্ত  
দৌরাড্যা করিয়াছিল—সকল কথা সবিস্তার বলিতে লাগিলেন।  
বলিতে বলিতে বুড়ী ভাবে বিভোর হইয়া গোপালরূপী শ্রীভগবানকে  
পুনরায় দর্শন করিতে লাগিলেন। নরেন্দ্রনাথের বাহিরে কঠোর  
জ্ঞানবিচারের আবরণ থাকিলেও ভিতরটা চিরকালই ভক্তিপ্রেমে

## পুনর্ঘাট্রা ও গোপালের মার শেষকথা

ভরা ছিল—তিনি বুড়ীর ঐরূপ ভাবাবস্থা ও দর্শনাদির কথা শুনিয়া অশ্রুজল সম্বরণ করিতে পারিলেন না। আবার বলিতে বলিতে বুড়ী বরাবর নরেন্দ্রনাথকে সরলভাবে জিজ্ঞাসা করিতে লাগিলেন, “বাবা, তোমরা পণ্ডিত বুদ্ধিমান, আমি ছুখী কান্দালী কিছুই জানি না, কিছুই বুঝি না—তোমরা বল, আমার এ সব ত মিথ্যা নয়?” নরেন্দ্রনাথও বরাবর বুড়ীকে আশ্বাস দিয়া বুঝাইয়া বলিলেন, “না, মা, তুমি যা দেখেছ সে সব সত্য।” গোপালের মা ব্যাকুল হইয়া শ্রীযুত নরেন্দ্রনাথকে ঐরূপ জিজ্ঞাসা করিয়াছিলেন তাহার কারণ বোধ হয় তখন আর তিনি পূর্বের গ্রায় সর্বদা শ্রীগোপালের দর্শন পাইতেন না বলিয়া।

এই সময়ে ঠাকুর একদিন শ্রীযুত রাখালকে (ব্রহ্মানন্দ স্বামী) সঙ্গে লইয়া কামারহাটে গোপালের মার নিকট আসিয়া উপস্থিত—বেলা দশটা আন্দাজ হইবে। কারণ গোপালের মার বিশেষ ইচ্ছা হইয়াছিল, নিজ হস্তে ভাল করিয়া রন্ধন করিয়া একদিন ঠাকুরকে খাওয়ান। বুড়ী ত ঠাকুরকে পাইয়া আহ্লাদে আটখানা। যাহা যোগাড় করিতে পারিয়াছিলেন তাহাই জল-যোগের জন্ত দিয়া জল খাওয়াইয়া বাবুদের বৈঠকখানার ঘরে ভাল করিয়া বিছানা পাতিয়া তাঁহাদের বসাইয়া নিজে কোমর বাধিয়া রান্নিতে গেলেন। ভিক্ষা-সিক্ষা করিয়া নানা ভাল ভাল জিনিস যোগাড় করিয়াছিলেন—নানা প্রকার রান্না করিয়া মধ্যাহ্নে ঠাকুরকে বেশ করিয়া খাওয়াইলেন এবং বিশ্রামের জন্ত মেয়েমহলের দোতলার দক্ষিণ দিকের ঘরখানিতে আপনার লেপখানি পাতিয়া, ধোপদস্ত চাদর একখানি তাহার উপর বিছাইয়া ভাল করিয়া

## শ্রী শ্রীরামকৃষ্ণলীলাপ্রসঙ্গ

বিছানা করিয়া দিলেন। ঠাকুরও তাহাতে শয়ন করিয়া একটু বিশ্রাম করিতে লাগিলেন। শ্রীযুত রাখালও ঠাকুরের পার্শ্বেই শয়ন করিলেন, কারণ রাখাল মহারাজ বা স্বামী ব্রহ্মানন্দকে ঠাকুর ঠিক ঠিক নিজের সন্তানের মত দেখিতেন এবং তাঁহাদের বৈহিত্য সেইরূপ ব্যবহারও সর্বদা করিতেন।

এই সময়ে ঐ স্থানে এক অভূত ব্যাপার ঠাকুর দেখেন।

গোপালের  
মার নিমন্ত্রণে  
ঠাকুরের  
কামারহাটির  
বাগানে গমন  
ও তথায়  
প্রত্যয়ানি-দর্শন

তাঁহার নিজের মুখ হইতে শোনা বলিয়াই তাঁহা  
আমরা এখানে বলিতে সাহসী হইতেছি, নতুবা ঐ  
কথা চাপিয়া যাইব মনে করিয়াছিলাম। ঠাকুরের  
দিনে রাতে নিদ্রা অল্পই হইত, কাজেই তিনি স্থির  
হইয়া শুইয়া আছেন; আর রাখাল মহারাজ তাঁহার  
পার্শ্বে ঘুমাইয়া পড়িয়াছেন। এমন সময় ঠাকুর  
বলেন, “একটা হুগন্ধ বেরুতে লাগলো; তারপর দেখি ঘরের  
কোণে ছোটো মূর্তি! বিট্কেল চেহারা, পেট থেকে বেরিয়ে পড়ে  
নাড়িভুড়িগুলো ঝুলচে, আর মুখ, হাত, পা মেডিকেল কলেজে  
যেমন একবার মাহুঘের হাড়-গোড় সাজান দেখেছিলাম (মানব-  
অস্থিকঙ্কাল) ঠিক সেইরকম! তারা আমাকে অনুন্নয় করে বল্চে,  
আপনি এখানে কেন? আপনি এখান থেকে যান, আপনার  
দর্শনে আমাদের (নিজেদের অবস্থার কথা মনে পড়ে বোধ হয়!)  
বড় কষ্ট হচ্ছে।’ এদিকে তারা ঐরূপ কাকুতি মিনতি কळे,  
ওদিকে রাখাল ঘুমুচে। তাদের কষ্ট হচ্ছে দেখে বেটুয়া ও  
গামছাখানা নিয়ে চলে আসবার জন্ত উঠছি এমন সময় রাখাল  
জেকে বলে উঠলো, ‘ওগো, তুমি কোথায় যাও?’ আমি তাকে

## পুনর্ধাত্রা ও গোপালের মার শেষকথা

‘পরে সব বলবো’ বলে তার হাত ধরে নীচে নেমে এলাম ও বুড়ীকে ( তার তখন খাওয়া হয়েছে মাত্র ) বলে নৌকায় গিয়ে উঠলাম। তখন রাখালকে সব বলি—এখানে ছুটো ভূত আছে! বাগানের পাশেই কামারহাটির কল—ঐ কলের সাহেবরা রান্না খেয়ে হাড়গোড়গুলো যা ফেলে দেয় তাই শোঁকে ( কারণ ভ্রাণ লগ্ন্যই উহাদের ভোজন করা। ) ও ঐ ঘরে থাকে। বুড়ীকে ও কথার কিছু বল্লুম না—তাকে ঐ বাড়ীতেই সদা সর্বক্ষণ একলা থাকতে হয়—ভয় পাবে।”

\*

\*

\*

কলিকাতার যে রাস্তাটি বাগবাজারের গঙ্গার ধার দিয়া পুল পার হইয়া উত্তরমুখো বরাবর বরানগর-বাজার পর্য্যন্ত গিয়াছে, সেই রাস্তার উপরেই মতিঝিল বা কলিকাতার কালীপুরের বাগানে ঠাকুরের সম্মুখস্থ ঝিল। ঐ মতিঝিলের উত্তরাংশ যেখানে গোপালের মাকে রাখায় মিলিয়াছে তাহার পূর্বে রাস্তার অপর পার্বেই রাণী কাত্যায়নীর ( লالا বাবুর পত্নী ) জামাতা ৬কৃষ্ণগোপাল ঘোষের উদ্যানবাটি। ঐ বাগানেই শ্রীরামকৃষ্ণদেব আটমাস কাল বাস করিয়া ( ১৮৮৫ খৃষ্টাব্দের ডিসেম্বর মাসের মাঝামাঝি হইতে ১৮৮৬ খৃষ্টাব্দের আগষ্ট মাসের মাঝামাঝি পর্য্যন্ত ) ভক্ত-দিগের স্থলনেত্রের সম্মুখ হইতে অন্তর্হিত হন। ঐ উদ্যানই তাঁহাদিগের নিকট ‘কালীপুরের বাগান’ নামে অভিহিত হইয়া সকলের মনে কতই না হর্ষ-শোকের উদয় করিয়া দেয়! তোমরা



## শ্রীশ্রীরামকৃষ্ণলীলাপ্রসঙ্গ

বলিবে—ঠাকুর ত তখন রোগশয্যায়, তবে হর্ষ আবার কিসের ? আপাতদৃষ্টিতে রোগশয্যা বটে, কিন্তু ঠাকুরের দেবশরীরে ঐ প্রকার রোগের বাহ্যিক বিকাশ তাঁহার ভক্তদিগকে বিভিন্ন-শ্রেণীবদ্ধ ও একত্র সম্মিলিত করিয়া কি এক অদৃষ্টপূর্ব প্রণয়বন্ধনে যে গ্রথিত করিয়াছিল, তাহা বলিয়া বুঝাইবার নহে ! অন্তরঙ্গ-বহিরঙ্গ, সম্মাসী-গৃহী, জ্ঞানী-ভক্ত—এই সকল বিভিন্ন শ্রেণীর বিকাশ ভক্ত-দিগের ভিতর এখানেই স্পষ্টীকৃত হয় ; আবার ইহারা সকলেই যে এক পরিবারের অন্তর্গত, এ ধারণার সুদৃঢ় ভিত্তি এখানেই প্রতিষ্ঠিত হয়। আবার কত লোকেই যে এখানে আসিয়া ধর্মালোক অপরোক্ষানুভব করিয়া ধন্য হইয়া গিয়াছিল, তাহার ইয়ত্তা কে করিবে ? এখানেই শ্রীমান্ নরেন্দ্রনাথের সাধনায় নিক্কলসমাধি-অনুভব, এখানেই নরেন্দ্রপ্রমুখ দ্বাদশ জন বালক-ভক্তের ঠাকুরের শ্রীহস্ত হইতে গৈরিকবসন-লাভ, আবার এখানেই ১৮৮৬ খৃষ্টাব্দের ১লা জানুয়ারী অপরাহ্নে (বেলা তিনটা হইতে চারটার ভিতর) উদ্যানপথে শেষদিন পরিভ্রমণ করিতে নামিয়া ভক্তবৃন্দের সকলকে দেখিয়া ঠাকুরের অপূর্ব ভাবান্তার উপস্থিত হয় এবং ‘আমি আর তোমাদের কি বলবো, তোমাদের চৈতন্য হোক !’ বলিয়া সকলের বক্ষ শ্রীহস্ত দ্বারা স্পর্শ করিয়া তিনি তাহাদের মধ্যে প্রত্যক্ষ ধর্মশক্তি সঞ্চারিত করেন। দক্ষিণেশ্বরে ষে রূপ, এখানেও সেইরূপ স্ত্রী-পুরুষের নিত্য জনতা হইত। এখানেও শ্রীশ্রীমাতা-ঠাকুরাণী ঠাকুরের আহাৰ্য্য প্রস্তুত করা ইত্যাদি সেবায় নিত্য নিযুক্তা থাকিতেন এবং গোপালের মা প্রমুখ ঠাকুরের সকল স্ত্রী-ভক্তেরা তাঁহার নিকট আসিয়া ঠাকুরের ও তদীয় ভক্তগণের

পুনর্যাত্রা

অতএব কাশীপুর উজানে ভক্তদিগের অপূৰ্ণ মেলায় কথা অস্থাবন  
করিয়া আমাদের মনে হয়, জগদম্বা এক অদৃষ্টপূৰ্ণ মহাদ্বেশ সংসাধিত  
করিবেন বলিয়াই ঠাকুরের দেবশরীরে ব্যাধির সঞ্চায় করিয়াছিলেন।  
এখানে ঠাকুরের নিত্য নূতন লীলা ও নূতন নূতন ভক্তসকলের  
সমাগম দেখিয়া এবং ঠাকুরের সাদানন্দমুষ্টি ও নিত্য অদৃষ্টপূৰ্ণ শক্তি-  
প্রকাশ দর্শন করিয়া অনেক পুরাতন ভক্তেরও মনে হইয়াছিল,  
ঠাকুর লোকহিতের নিমিত্ত একটা রোগের ভান করিয়া রহিয়াছেন  
মাত্র—ইচ্ছামাত্রেই ঐ রোগ দূরীভূত করিয়া পূৰ্ণের হায়া স্বস্থ  
হইবেন।

কাশীপুরের উদ্ভান—ঠাকুরের বালি, ভামিশেলি, হুজি প্রভৃতি তরল পদার্থ আহারে দিন কাটিতেছে ! একদিন তিনি পালোদেওয়া ক্ষীর—যেমন কলিকাতায় নিমন্ত্রণবাটীতে খাইতে পাওয়া যায়—খাইতে ইচ্ছা প্রকাশ করিলেন। কেহই তাহাতে ওজর আপত্তি করিল না, কারণ হুখে সিদ্ধ হুজি বা বালি যখন খাওয়া চলিতেছে, তখন পালোমিশ্রিত ক্ষীর একটু খাইলে আর অস্বস্তি অধিক কি বাড়িবে ? ডাক্তারেরাও অমত করিলেন না। অতএব স্থির হইল—শ্রীযুত যোগীন্দ্র ( যোগানন্দ স্বামীজী ) আগামী কাল ভোরে

.....

পথে যাইতে

যোগীন্দ্র  
যাইতে ভাবিতে লাগিলেন, ‘বাজারের কীরে পালা ছাড়া আরো ত?’

## শ্রীশ্রীরামকৃষ্ণলীলাপ্রসঙ্গ

ভক্তদের সকলেই ঠাকুরকে প্রাণের প্রাণস্বরূপে দেখিত, কাজেই সকলের মনেই ঠাকুরের অসুখ হওয়া অবধি ঐ এক চিন্তাই সর্বদা থাকিত। যোগেনের মেজহুই নিশ্চয় ঐরূপ চিন্তার উদয় হইল। আবার ভাবিলেন—কিন্তু ঠাকুরকে ত ঐ কথা জিজ্ঞাসা করিয়া আসেন নাই, অতএব কোন ভক্তের দ্বারা ঐরূপ ক্ষীর তৈয়ার করিয়া লইয়া যাইলে তিনি ত বিরক্ত হইবেন না? সাত পাঁচ ভাবিতে ভাবিতে যোগানন্দ বাগবাজারে বলরাম বাবুর বাটীতে পৌঁছিলেন এবং আসার কারণ জিজ্ঞাসায় সকল কথা বলিলেন। সেখানে ভক্তেরা সকলে বলিলেন, ‘বাজারের ক্ষীর কেন? আমরাই পালা দিয়ে ক্ষীর করে দিচ্ছি; কিন্তু এ বেলা ত নিয়ে যাওয়া হবে না, কারণ করতে দেবী হবে। অতএব তুমি এ বেলা এখানে থাওয়া দাওয়া কর, ইতিমধ্যে ক্ষীর তৈয়ার হয়ে যাবে। বেলা তিনটার সময় নিয়ে যেও।’ যোগেনও ঐ কথায় সন্তুষ্ট হইয়া ঐরূপ করিলেন এবং বেলা প্রায় চারিটার সময় ক্ষীর লইয়া কালীপুরে আসিয়া উপস্থিত হইলেন।

এদিকে শ্রীরামকৃষ্ণদেব মধ্যাহ্নেই ক্ষীর খাইবেন বলিয়া অনেকক্ষণ অপেক্ষা করিয়া শেষে যাহা খাইতেন তাহাই খাইলেন। পরে যোগেন আসিয়া পৌঁছিলে সকল কথা শুনিয়া বিশেষ বিরক্ত হইয়া যোগেনকে বলিলেন, “তোকে বাজার থেকে কিনে আনতে বলা হল, বাজারের ক্ষীর খাবার ইচ্ছা, তুই কেন ভক্তদের বাড়ী গিয়ে তাদের কষ্ট দিয়ে এইরূপে ক্ষীর নিয়ে এলি? তারপর ও ক্ষীর ঘন, গুরুপাক, ওকি খাওয়া চলবে—ও আমি খাব না। বাস্তবিকই তিনি তাহা স্পর্শও করিলেন না—শ্রীশ্রীমাকে উহা

## পুনর্ধাত্রা ও

সমস্ত গোপালের মাকে খাওয়াইতে বলিয়া বলিলেন, “ভক্তের  
দওয়া জিনিস, ওর ভেতর গোপাল আছে, ও খেলেই আমার  
খাওয়া হবে।”

\*

\*

\*

ঠাকুরের অদর্শন হইলে গোপালের মার আর অশান্তির  
দীমা রহিল না। অনেকদিন আর কামারহাটি ছাড়িয়া কোথাও  
যান নাই। একলা নির্জনেই থাকিতেন। পরে  
গোপালের মার পুনরায় পূর্বের গায় ঠাকুরের দর্শনাদি পাইয়া  
বিশ্বরূপ-দর্শন সে ভাবটার শান্তি হইল। ঠাকুরের অদর্শনের  
পরেও গোপালের মার ঐরূপ দর্শনাদির কথা আমরা অনেক  
শুনিয়াছি। তন্মধ্যে একবার গঙ্গার অপর পারে মাহেশে রথযাত্রা  
দেখিতে যাইয়া সর্বভূতে শ্রীগোপালের দর্শন পাইয়া তাঁহার বিশেষ  
আনন্দ হয়। তিনি বলিতেন—তখন রথ, রথের উপর শ্রীশ্রীজগন্নাথ-  
দেব, যাহারা রথ টানিতেছে সেই অপার জনসংঘ সকলই দেখেন  
তাঁহার গোপাল—ভিন্ন ভিন্ন রূপ ধারণ করিয়া রহিয়াছেন মাত্র !  
এইরূপে শ্রীভগবানের বিশ্বরূপের দর্শনভাস পাইয়া ভাবে প্রেমে  
উন্মত্ত হইয়া তাঁহার আর বাহুজ্ঞান ছিল না। জনৈকা স্ত্রী-বন্ধুর  
নিকট তিনি নিজের উহা বলিবার সময় বলিয়াছিলেন, “তখন আর  
আমাতে আমি ছিলাম না—নেচে হেসে কুরুক্ষেত্র করেছিলাম।”

এখন হইতে প্রাণে কিছুমাত্র অশান্তি হইলেই তিনি বরানগর  
বরানগর মঠে মঠে ঠাকুরের সন্ন্যাসী ভক্তদের নিকট আসিতেন  
গোপালের মা এবং আসিলেই শান্তি পাইতেন। যেদিন তিনি  
মঠে আসিতেন সেদিন সন্ন্যাসী ভক্তেরা তাঁহাকেই ঠাকুরকে ভোগ



## পুনর্ঘাট্রা ও গোপালের মার শেষকথা

এতই মোহিত হন যে, ১৯০৪ খৃষ্টাব্দে যখন গোপালের মার শরীর অসুস্থ ও বিশেষ অপটু হওয়ায় তাঁহাকে বাগবাজারে বলরাম বাবুর বাটীতে আনা হয়, তখন তাঁহাকে বাগবাজারস্থ নিজ ভবনে ( ১৭নং

বসুপাড়া ) লইয়া রাখিবার জন্ত বিশেষ আগ্রহ  
 সিষ্টার প্রকাশ করেন। গোপালের মা-ও তাঁহার আগ্রহে  
 নিবেদিতার স্বীকৃতি হইয়া তথায় গমন করেন; কারণ পূর্বেই  
 ভবনে বসিয়াছি তাঁহার ধীরে ধীরে সকল বিষয়েরই দ্বিধা  
 গোপালের মা

শ্রীগোপালজী দূরীভূত করিয়া দেন। উহারই দৃষ্টান্তস্বরূপ এখানে  
 আর একটি কথা মনে পড়িতেছে—দক্ষিণেশ্বরে শ্রীযুত নরেন্দ্রনাথ  
 একদিন মা কালীর প্রসাদী পাঠা এক বাটী থাইয়া হস্ত দৌত  
 করিতে যাইলে ঠাকুর জর্নৈকা স্ত্রী-ভক্তকে ঐ স্থান পরিষ্কার করিতে  
 বলেন। গোপালের মা তথায় দাঁড়াইয়াছিলেন। ঠাকুরের ঐ  
 কথা শুনিবামাত্র তিনি ( গোপালের মা ) ঐ সকল হাড়গোড়  
 উচ্ছিষ্টাদি তৎক্ষণাৎ নিজহস্তে সরাইয়া ঐ স্থান পরিষ্কার করেন।

বলেন, “দেখ, দেখ,  
 দিন দিন কি উদার হয়ে যাচ্ছে!”

সিষ্টার নিবেদিতার ভবনে এখন হইতে গোপালের মা বাস  
 করিতে লাগিলেন। স্বামিজীর মানস-কল্যাণ নিবেদিতাও মাতৃ-

নির্বিশেষে তাঁহার সেবা করিতে লাগিলেন।

গোপালের মার শরীরত্যাগ তাঁহার আহারের বন্দোবস্ত নিকটবর্তী কোন  
 ব্রাহ্মণ-পরিবারের মধ্যে করিয়া দেওয়া হইল।

আহারের সময় গোপালের মা তথায় থাইয়া দুইটি ভাত থাইয়া  
 আসিতেন এবং রাত্রে লুচি ইত্যাদি ঐ ব্রাহ্মণ-পরিবারের কেহ স্বয়ং

## শ্রীশ্রীরামকৃষ্ণলীলাপ্রসঙ্গ

গোপালের মার ঘরে পৌছাইয়া দিতেন। এইরূপে তিনি  
বাস করিয়া গোপালের মা গঙ্গাগর্ভে শরীরত্যাগ করেন। তাঁহাকে  
তীরস্থ করিবার সময় নিবেদিতা পুষ্প, চন্দন, মালাদি দিয়া তাঁহার  
শয্যা দি স্বহস্তে স্নন্দরভাবে ঢাকিয়া সাজাইয়া দেন, একদল কীৰ্ত্তনীয়া  
আনয়ন করেন এবং স্বয়ং অনাবৃতপদে সাক্ষাৎ করিয়া সঙ্গ সঙ্গ গঙ্গা-  
তীর পর্য্যন্ত গমন করিয়া যে দুই দিন গঙ্গাতীরে গোপালের মা  
জীবিতা ছিলেন, সে দুইদিন তথায়ই রাত্রিযাপন করেন। ১২০৬  
খৃষ্টাব্দের ৮ই জুলাই অথবা সন ১৩১৩ সালের ২৪শে আষাঢ় ব্রাহ্ম-  
মুহুর্ত্তে উদীয়মান সূর্যের রক্তিমভায়ে যখন পূৰ্ব্বগগন রঞ্জিত হইয়া  
অপূৰ্ব শ্রীধারণ করিতেছে এবং নীলাম্বরতলে দুই-চারিটি ক্ষীণপ্রভ  
তারকা ক্ষীণজ্যোতিঃ চক্ষুর গ্রায়ে পৃথিবীপানে দৃষ্টিপাত করিয়া  
রহিয়াছে, যখন শৈলশূতা ভাগীরথী জোয়ারে পূর্ণা হইয়া ধবল  
তরঙ্গে দুই কূল প্লাবিত করিয়া মুহু মুহুর নাদে প্রবাহিতা, সেই সময়ে  
গোপালের মার শরীর সেই তরঙ্গে অর্দ্ধনিমজ্জিতাবস্থায় স্থাপিত  
করা হইল এবং তাঁহার পুত্র প্রাণপঞ্চ শ্রীভগবানের অভয় পদে  
মিলিত হইল ও তিনি অভয়ধাম প্রাপ্ত হইলেন।

আত্মীয়েরা কেহ নিকটে না থাকায় বেলুড় মঠের জনৈক ব্রাহ্মণ  
ব্রহ্মচারীই গোপালের মার মৃত শরীরের সংকার করিয়া দ্বাদশ  
দিন নিয়ম রক্ষা করিলেন।

শোকসন্তপ্তহৃদয়া সিষ্টার নিবেদিতা ঐ দ্বাদশ দিন গত হইলে

গোপালের  
মার কথার  
উপসংহার

গোপালের মার পরিচিত পল্লীস্থ অনেকগুলি স্ত্রী-  
লোককে নিজ স্কুলবাটীতে নিমন্ত্ৰণ করিয়া আনাইয়া  
কীৰ্ত্তন ও উৎসবাদির বন্দোবস্ত করিয়া দিলেন।

গোপালের মা শ্রীশ্রীরামকৃষ্ণদেবের যে ছবিখানি এতদিন পূজা করিয়াছিলেন, তাহা বেলুড় মঠে ঠাকুরঘরে রাখিবার জন্ত দিয়া যান এবং ঐ ঠাকুরসেবার জন্ত দুই শত টাকাও ঐ সঙ্গে দিয়া গিয়াছিলেন।

শরীরত্যাগের দশ বার বৎসর পূর্ব হইতে তিনি আপনাকে মল্ল্যাসিনী বলিয়া গণ্য করিতেন এবং সর্বদা গৈরিক বসনই ধারণ করিতেন।



# পরিশিষ্ট

ঠাকুরের মানুষভাব

ভগবান শ্রীরামকৃষ্ণদেবের দ্বিসপ্ততিতম জন্মোৎসব উপলক্ষে

সন ১৩১১ সালের ৬ই চৈত্র বেলুড় মঠে আহূত

সভায় পাঠিত প্রবন্ধ

ভগবান শ্রীরামকৃষ্ণের দেবভাব সম্বন্ধে অনেকেই অনেক কথা বলিয়া থাকেন ; এমন কি, অনেকের শ্রদ্ধা, বিশ্বাস এবং নির্ভরের কারণ অনুসন্ধান করিলে তাঁহার অমানুষ যোগ-  
শ্রীরামকৃষ্ণদেবের যোগবিভূতি-  
সকলের কথা কেন তুমি তাঁহাকে মান ?—এ প্রশ্নের উত্তরে বক্তা  
শুনিয়ে সাধারণ প্রায়ই বলিয়া থাকেন যে, শ্রীরামকৃষ্ণদেব বহুদূরের  
মানবের তাঁহার ঘটনাবলী ভাগীরথীতীরে দক্ষিণেশ্বর মন্দিরে বসিয়া  
প্রতি ভক্তি দেখিতে পাইতেন, স্পর্শ করিয়া কঠিন কঠিন  
শারীরিক ব্যাধিসমূহ কখন কখন আরাম করিয়াছেন, দেবতাদের  
সহিতও তাঁহার সর্বদা বাক্যালাপ হইত এবং তাঁহার বাক্য এতদূর  
অমোঘ ছিল যে মুখপদ্ম হইতে কোন অসম্ভব কথা বাহির হইলেও  
বহিঃপ্রকৃতির ঘটনাবলীও ঠিক সেইভাবে পরিবর্তিত এবং নিয়মিত  
হইত। দৃষ্টান্তস্বরূপ বলা যাইতে পারে যে, রাজদ্বারে প্রাণদণ্ডের  
আজ্ঞাপ্রাপ্ত ব্যক্তিও তাঁহার কৃপাকণা ও আশীর্বাদ-লাভে আসন্ন

## ঠাকুরের মানুষভাব

মৃত্যু হইতে রক্ষিত এবং বিশেষ সম্মানিত পর্য্যন্ত হইয়াছিল ; অথবা কেবলমাত্র রক্তকুন্তমোংপাদী বৃক্ষে খেত কুন্তমেরও আবির্ভাব হইয়াছিল, ইত্যাদি ।

অথবা বলেন যে, তিনি মনের কথা বুঝিতে পারিতেন, তাঁহার তীক্ষ্ণ দৃষ্টি প্রত্যেক মানবশরীরের স্থূল আবরণ ভেদ করিয়া তাঁহার মনের চিন্তা, গঠন এবং প্রবৃত্তিসমূহ পর্য্যন্তও দেখিতে পাইত, তাঁহার কোমল করস্পর্শমাত্রেই চঞ্চলচিত্ত ভক্তের চক্ষে ইষ্টমূর্ত্যাদির আবির্ভাব হইত অথবা গভীর ধ্যান এবং অধিকারিবিশেষে নির্বিকল্প সমাধির দ্বার পর্য্যন্ত উন্মুক্ত হইত ।

কেহ কেহ আবার বলেন যে, কেন তাঁহাকে মানি, তাহা আমি জানি না ; কি এক অদ্ভুত জ্ঞান এবং প্রেমের সম্পূর্ণ আদর্শ যে তাঁহাতে দেখিয়াছি, তাহা জীবিত বা পরিচিত মনুষ্যকুলের ত কথাই নাই ; বেদপুরাণাদিগ্রন্থনিবন্ধ জগৎপূজ্য আদর্শসমূহেও দেখিতে পাই না !—উহারাও তাঁহার পার্শ্বে আমার চক্ষে হীনজ্যোতিঃ হইয়া যায় । এটা আমার মনের ভ্রম কি-না তাহা বলিতে অক্ষম, কিন্তু আমার চক্ষু সেই উজ্জ্বল প্রভায় ঝলসিয়া গিয়াছে এবং মন তাঁহার প্রেমে চিরকালের মত মগ্ন হইয়াছে, ফিরাইবার চেষ্টা করিলেও ফিরে না, বুঝাইলেও বুঝে না ; জ্ঞান তর্ক যুক্তি যেন কোথায় ভাসিয়া গিয়াছে । এইটুকু মাত্র আমি বলিতে সক্ষম—

“দাস তব জনমে জনমে দয়ানিধে ;

তব গতি নাহি জানি ।

মম গতি—তাহাও না জানি ।

কেবা চায় জানিবারে ?

## শ্রীশ্রীরামকৃষ্ণলীলাপ্রসঙ্গ

ভুক্তি মুক্তি ভক্তি আদি যত

জপ তপ সাধন ভজন,

আজ্ঞা তব দিয়াছি তাড়ায়ে,

আছে মাত্র জানাজানি-আশ,

তাও প্রভু কর পার।”

—স্বামী বিবেকানন্দ

অতএব দেখা যাইতেছে যে, শেযোক্ত অল্পসংখ্যক ব্যক্তির কথা ছাড়িয়া দিলে অপর মানব-সাধারণ স্থূল বাহ্যিক বিভূতি অথবা সূক্ষ্ম মানসিক বিভূতির জন্তই তাঁহাতে ভক্তি বিশ্বাস ও নির্ভর করিয়া থাকে। স্থূলদৃষ্টি মানব মনে করে যে, তাঁহাকে মানিলে তাহারও রোগাদি আরোগ্য হইবে, অথবা তাহারও সঙ্কট বিপদাদির সময়ে বাহ্যিক ঘটনাসমূহ তাহার অল্পকূলে নিয়মিত হইবে। স্পষ্ট স্বীকার না করিলেও তাহার মনের ভিতর যে এই স্বার্থপরতার স্রোত প্রবাহিত রহিয়াছে, তাহা দেখিতে বিলম্ব হয় না।

দ্বিতীয়শ্রেণীমধ্যগত কিঞ্চিং সূক্ষ্মদৃষ্টি মানবও তাঁহার রূপায় দূরদর্শনাদি বিভূতি লাভ করিবে, তাঁহার সাঙ্কোপাঙ্গমধ্যে পরিগণিত হইয়া গোলকাদি স্থানে বাস করিবে অথবা আরও কিঞ্চিং সম্মত-দৃষ্টি হইলে সমাধিস্থ হইয়া জন্ম জরাদি বন্ধন হইতে মুক্তিলাভ করিবে, এইজন্তই তাঁহাকে মানিয়া থাকে। স্বকীয় প্রয়োজনসিদ্ধি যে এই বিশ্বাসেরও মূলে বর্তমান, ইহা বুঝিতে বিলম্ব হয় না।

শ্রীরামকৃষ্ণদেবের ঐরূপ দৈববিভূতিনিচয়ের ভূয় নিদর্শন প্রাপ্ত

সত্য হইলেও

হইলেও অথবা নিজ নিজ অভীষ্ট-সিদ্ধি-প্রয়োজনরূপ

ঐ সকলের

সকাম ভক্তিও যে তাঁহাতে অর্পিত হইয়া অশেষ

আলোচনা

মঙ্গলের কারণ হয়, এ বিষয়ে সন্দিহান না হইলেও

আমাদের

## ঠাকুরের মানুষভাব

উদ্দেশ্য নয়, তত্ত্বদ্বিম্ব-আলোচনা অথকার প্রবন্ধের উদ্দেশ্য  
 কারণ সকাম নয়; তাঁহার মনুষ্যভাবের চিত্র কথঞ্চিৎ অঙ্কিত  
 ভক্তি উন্নতির হানিকর করিতে চেষ্টা করাই অথ আমাদের উদ্দেশ্য।

সকাম ভক্তি—নিজের কোনরূপ অভাবপূরণের জন্ত ভক্তি, ভক্তকে সত্যদৃষ্টির উচ্চ সোপানে উঠিতে দেয় না। স্বার্থপরতা সর্বকালে ভয়ই প্রসব করিয়া থাকে এবং ঐ ভয়ই আবার মানবকে দুর্বল হইতে দুর্বলতর করিয়া ফেলে। স্বার্থলাভ আবার মানবমনে অহঙ্কার এবং কখন কখন আলস্রবুদ্ধি করিয়া তাহার চক্ষু আবৃত করে এবং তজ্জন্ত সে স্বার্থ সত্যদর্শনে সমর্থ হয় না। এইজন্যই শ্রীরামকৃষ্ণদেব তাঁহার ভক্তমণ্ডলীর ভিতর যাহাতে ঐ দোষ প্রবেশ না করে, সে বিষয়ে বিশেষ লক্ষ্য রাখিতেন। ধ্যানাদির অভ্যাসে দূরদর্শনাদি কোনরূপ মানসিক শক্তির নূতন বিকাশ হইয়াছে জানিলেই পাছে ঐ ভক্তের মনে অহঙ্কার প্রবেশলাভ করিয়া তাহাকে ভগবান-লাভরূপ উদ্দেশ্যহারা করে, সেজন্য তিনি তাহাকে কিছুকাল ধ্যানাদি করিতে নিষেধ করিতেন, ইহা বহুবার প্রত্যক্ষ করিয়াছি। ঐ প্রকার বিভূতিসম্পন্ন হওয়াই যে মানবজীবনের উদ্দেশ্য নয়, ইহা

কিন্তু দুর্বল মানব নিজের লাভ-লোকমান না খতাইয়া কিছু করিতে বা কাহাকেও মানিতে অগ্রসর হয় না এবং ত্যাগের জলন্ত মূর্তি শ্রীরামকৃষ্ণদেবের জীবন হইতে ত্যাগ শিক্ষা না করিয়া নিজের ভোগসিক্কির জন্তই ঐ মহৎ জীবন আশ্রয় করিয়া থাকে। তাঁহার ত্যাগ, তাঁহার অলৌকিক তপস্বী, তাঁহার অদৃষ্টপূর্ব সত্যানুগ,

অচ্যুতি

## শ্রীশ্রীরামকৃষ্ণলীলাপ্রসঙ্গ

হইয়াছিল, এইরূপ মনে করে। আমাদের মনুষ্যত্বের অভাবই ঐ প্রকার হইবার কারণ এবং সেইজন্য শ্রীরামকৃষ্ণদেবের মনুষ্যত্বের আলোচনাই আমাদের অশেষ কল্যাণকর।

ভক্তি যৎকিঞ্চিৎও ষথার্থ অস্থিতি হইলে ভক্তকে উপাস্তের  
অনুরূপ করিয়া তুলে। সর্বজাতির সর্বধর্মগ্রন্থেই একথা প্রসিদ্ধ।  
ক্রেশাকৃষ্ণ ঈশ্বর মূর্তিতে সমাধিস্থ-মন ভক্তের হস্তপদ হইতে  
যথার্থ ভক্তি রুধির-নির্গমন, শ্রীমতীর বিরহতৃপ্তাভাব-নিমগ্নমন  
ভক্তকে শ্রীচৈতন্যে বিষম গাত্রদাহ এবং কখন বা মৃতবৎ  
উপাস্তের অবস্থা, ধ্যানস্থিমিত বুদ্ধমূর্তির সম্মুখে বুদ্ধ  
অনুরূপ করিবে ভক্তের বহুকালব্যাপী নিশ্চেষ্টাবস্থান প্রভৃতি ঘটনাই

ইহার নিদর্শন। প্রত্যক্ষও দেখিয়াছি, মনুষ্য-বিশেষে প্রযুক্ত ভালবাসা  
ধীরে ধীরে অজ্ঞাতসারে মানুষকে তাহার প্রেমাম্পদের অনুরূপ  
করিয়া তুলিয়াছে; তাহার বাহ্যিক হাবভাব চালচলনাদি এবং  
তাহার মানসিক চিন্তাপ্রণালীও সমূলে পরিবর্তিত হইয়া তৎসারূপ্য  
প্রাপ্ত হইয়াছে। শ্রীরামকৃষ্ণ-ভক্তিও তদ্রূপ যদি আমাদের জীবনকে  
দিন দিন তাহার জীবনের কথঞ্চিৎ অনুরূপ না করিয়া তুলে, তবে  
ব্যবহৃত হইবে যে ঐ ভক্তি এবং ভালবাসা তত্ত্বজ্ঞানের যোগ্য নহে।

প্রশ্ন হইতে পারে, তবে কি আমরা সকলেই রামকৃষ্ণ পরমহংস  
হইতে সক্ষম? একের সম্পূর্ণরূপে অপরের ত্রায় হৃদয়া জগতে  
কখনও কি দেখা গিয়াছে? উত্তরে আমরা বলি, সম্পূর্ণ একরূপ না  
হইলেও এক ছাঁচে গঠিত পদার্থনিচয়ের ত্রায় নিশ্চিত হইতে পারে।  
ধর্মজগতে প্রত্যেক মহাপুরুষের জীবনই এক একটি ভিন্ন ভিন্ন  
ছাঁচসদৃশ। তাহাদের শিষ্যপরম্পরাও সেই সেই ছাঁচে গঠিত হইয়া

## ঠাকুরের মানুষভাব

অত্যাধি সেইসকল বিভিন্ন ছাঁচের রক্ষা করিয়া আসিতেছে। মানুষ অল্পশক্তি; ঐ সকল ছাঁচের কোন একটির মত হইতে তাহার আজীবন চেষ্টাতেও কুলায় না। ভাগ্যক্রমে কেহ কখন কোন একটি ছাঁচের যথার্থ অনুরূপ হইলে আমরা তাহাকে সিদ্ধ বলিয়া সম্মান করিয়া থাকি। সিদ্ধ মানবের চালচলন, ভাষা, চিন্তা প্রভৃতি শারীরিক এবং মানসিক সকল বৃত্তিই সেই ছাঁচপ্রবর্তক মহাপুরুষের সদৃশ হইয়া থাকে। সেই মহাপুরুষের জীবনে যে মহাশক্তির প্রথম অভ্যুদয় দেখিয়া জগৎ চমৎকৃত হইয়াছিল, তাঁহার দেহমন সেই শক্তির কথঞ্চিৎ ধারণ, সংরক্ষণ এবং সঞ্চারের পূর্ণাবয়ব যন্তরূপ হইয়া থাকে। এইরূপে ভিন্ন ভিন্ন মহাপুরুষ-প্রণোদিত ধর্মশক্তি-নিচয়ের সংরক্ষণ ভিন্ন ভিন্ন জাতি অবহমানকাল ধরিয়া করিয়া আসিতেছে।

ধর্মজগতে যে সকল মহাপুরুষ অদৃষ্টপূর্ব নূতন ছাঁচের জীবন দেখাইয়া যান, তাঁহাদিগকেই জগৎ অত্যাধি অবতারপুরুষের জীবনালোচনায় কোন কোন অপূর্ব বিষয়ের পরিচয় পাওয়া যায়

ঈশ্বরাবতার বলিয়া পূজা করিয়া থাকে। অবতার ধর্মজগতে নূতন মত, নূতন পথ আবিষ্কার করেন, স্পর্শমাত্রেই অপরে ধর্মশক্তি সঞ্চারিত করেন; --- কামকাঙ্ক্ষার

কোলাহলের দিকে আকৃষ্ট হয় না। তাঁহার জীবনপর্যালোচনায় বুঝিতে পারা যায় যে, তিনি অপরকে পথ দেখাইবার জন্তই জন্মগ্রহণ করিয়াছেন। নিজের ভোগসাধন বা মুক্তিলাভও তাঁহার জীবনের উদ্দেশ্য হয় না। কিন্তু অপরের দ্বন্দ্বের সহানুভূতি, অপরের উপর গভীর প্রেমই তাঁহাকে কার্যে

প্রেরণ করিয়া অপরের দুঃখনিবারণের পথ-আবিষ্করণের হেতু হইয়া থাকে।

শ্রীরামকৃষ্ণের দেবকান্তি যতদিন না দেখিয়াছিলাম, ততদিন ভগবান শ্রীকৃষ্ণ, বুদ্ধ, ঈশা, শঙ্কর, শ্রীচৈতন্য প্রভৃতি অবতারখ্যাত মহাপুরুষগণের জীবনবেদ পাঠ করিতে একপ্রকার অসমর্থ ছিলাম। তাঁহাদের জীবনের অলৌকিক ঘটনাবলী দলপুষ্টির জন্ত শিষ্ট-পরম্পরারচিত প্ররোচনাবাক্য বলিয়া মনে হইত; অবতার সভাজগতের বিশ্বাসবহির্ভূত কিছুতকিমাকার কাল্পনিক প্রাণি-বিশেষ বলিয়াই অনুমিত হইত। অথবা ঈশ্বরের অবতার হওয়া সম্ভব বলিয়া বোধ হইলেও সেইসকল অবতারমূর্তিতে যে আমাদেরই গায় মনুষ্যভাবসকল বর্তমান, একথা বিশ্বাস হইত না। তাঁহাদের শরীরে যে আমাদের মত রোগাদি হইতে পারে, তাঁহাদের মনে যে আমাদেরই মত হর্ষশোকাদি বিद्यমান, তাঁহাদিগের ভিতরে যে আমাদেরই গায় প্রবৃত্তিনিচয়ের দেবাস্বর-সংগ্রাম চলিতে পারে, তাহা ধারণা হইত না! শ্রীরামকৃষ্ণদেবের পবিত্র স্পর্শেই সে বিষয়ের উপলব্ধি হইয়াছে। অবতারশরীরে দেব এবং মানুষ-ভাবের অদ্ভুত সম্মিলনের কথা আমরা সকলেই পড়িয়াছি বা শুনিয়াছি কিন্তু শ্রীরামকৃষ্ণকে দেখিবার পূর্বে কোন মানবে যে বালকত্ব এবং কঠোর মনুষ্যত্বের একত্র সামঞ্জস্যে অবস্থান হইতে পারে, এ কথা ভাবি নাই। অনেকেই বলিয়া থাকেন, তাঁহার পঞ্চমবর্ষীয় শিশুর গায় বালকত্বভাবই তাঁহাদিগকে আকর্ষণ করিয়াছিল। অজ্ঞান বালক সকলেরই প্রেমের আশ্রয় এবং সকলেই তাহাকে রক্ষা করিবার জন্ত স্বভাবতঃ ত্রস্ত হইয়া থাকে।

## ঠাকুরের মানুষভাব

পূর্ণবয়স্ক হইলেও শ্রীরামকৃষ্ণদেবকে দেখিয়া লোকের মনে ঐক্য গাবের ক্ষুধি হইয়া তাঁহাদিগকে মোহিত ও আকৃষ্ট করিত। খ্যাতি কিছু সত্য হইলেও আমাদের ধারণা—পরমহংসদেবের গুঢ় আলকভাবেই যে জনসাধারণ আকৃষ্ট হইত তাহা নহে; কিন্তু হৃৎ ও প্রীতির সহিত দর্শকের মনে তৎসময়ে যুগপৎ শ্রদ্ধা ও ভক্তির উদয় দেখিয়া মনে হয়, কুসুমকোমল বালক-পরিচ্ছদে আবৃত ভিতরের বজ্রকঠোর মহুশ্যই ঐ আকর্ষণের কারণ। ভারতের শ্রেষ্ঠ কবি অঘোধ্যাপতি শ্রীরামচন্দ্রের লোকান্তর চরিত্র-বর্ণনায় লিখিয়াছেন—

লোকান্তরাণাং চেতাংসি কো হু বিজ্ঞাতুমহতি ॥”

সেই কথা শ্রীরামকৃষ্ণদেবের সম্বন্ধেও প্রতি পদে বলিতে পারা যায়।

শ্রীরামকৃষ্ণদেবের বালকভাব এক অতি অভিনব পদার্থ। অসীম সরলতা, অপার বিশ্বাস, অশেষ সত্যাহুবাগ সে বালকের মনে সর্বদা প্রকাশিত থাকিলেও বিষয়বুদ্ধিসম্পন্ন মানব তাহাতে কেবল নির্বুদ্ধিতা এবং বিষয়বুদ্ধিরাহিত্যেরই পরিচয় পাইত। সকল লোকের কথাতেই তাঁহার প্রগাঢ় বিশ্বাস, বিশেষতঃ ধর্মলিঙ্গধারীদের কথায়। দেশের এবং নিজ গ্রামের প্রচলিত ভাবসকলও তাহাতে এই অদ্ভুত বালকত্ব পরিষ্ফুট করিতে বিশেষ সহায়তা করিয়াছিল।

শস্ত্রশ্যামলাঙ্গে হরিৎসমুদ্রপ্রতীকাশ অথবা তদভাবে ধূসর মৃত্তিকাসমুদ্রের ন্যায় অবস্থিত বিস্তীর্ণ বহুযোজনব্যাপী প্রান্তর—তন্মধ্যে বংশ, বট, খজুর, আম্র, অশ্বখাদি বৃক্ষাচ্ছাদিত কৃষককুলের মৃত্তিকানিশ্চিত সুপরিচ্ছন্ন দীপপুঞ্জের ন্যায় শোভমান



## শ্রীশ্রীরামকৃষ্ণলীলাপ্রসঙ্গ

পূর্ণকুটীররাজি, সুনীল পত্রাচ্ছাদিত বৃহৎ তালবৃক্ষরাজিমণ্ডলিত  
 ভ্রমরমুখরিত পদ্মসমাচ্ছন্ন হালদারপুকুরাদিনামাখ্যাত  
 শ্রীরামকৃষ্ণদেবের জন্মভূমি বৃহৎ সরোবরনিচয়, 'বুড়োশিবাди'নামা প্রথিতযশ  
 কামারপুকুর দেবাধিষ্ঠিত ইষ্টক বা প্রস্তরনির্মিত ক্ষুদ্র ক্ষুদ্র  
 গ্রাম দেবগৃহ, অদূরে পুরাতন গড়মান্দারণ দুর্গের ভগ্ন  
 স্তূপরাজি; প্রান্তে ও পার্শ্বে অস্থিসমাকুল বহুপ্রাচীন শ্মশান,  
 তৃণাচ্ছাদিত গোচরভূমি, নিবিড় আম্রকানন, বক্রসঞ্চরণশীল ভূতির  
 খাল খাত ক্ষুদ্র পয়ঃপ্রণালী এবং সমগ্র গ্রামের অর্দ্রকেরও অধিক  
 বেষ্টন করিয়া বর্তমান বর্দ্ধমান হইতে পুরীধামে যাইবার যাত্রিসমাকুল  
 সুদীর্ঘ রাজপথ—ইহাই শ্রীরামকৃষ্ণের জন্মভূমি কামারপুকুর।

শ্রীচৈতন্য এবং তৎশিষ্যগণ-প্রচলিত বৈষ্ণব ধর্মই এখানে  
 প্রবল। কৃষ্ণাণ প্রাজুকল তাহাদের পরিশ্রমের সঙ্গে সঙ্গে অথবা  
 দিনান্তে কার্য্যাবসানে তাহাদেরই রচিত পদাবলী-  
 বালক গানে আনন্দে বিভোর হইয়া শ্রমাপনোদন করে।  
 রামকৃষ্ণের গানে আনন্দে বিভোর হইয়া শ্রমাপনোদন করে।  
 বিচিত্র সরল পদ্মময় বিশ্বাসই এ ধর্মের মূলে এবং জীবন-  
 কার্য্যকলাপ সংগ্রামের কঠোর তরঙ্গসমূহ হইতে স্নদূরে বর্তমান  
 এই গ্রামের স্নায় বালকের হৃদয়ও ঐরূপ বিশ্বাস এবং ধর্মের বিশেষ  
 অন্তুকূলভূমি। বালক রামকৃষ্ণের বালকত্ব কিন্তু এখানেও অদ্ভুত  
 বলিয়া পরিগণিত হইয়াছিল। তাহার বিচিত্র কার্য্যসকলে না  
 হইলেও, উদ্দেশ্যের গভীরতা এবং একতানতা দেখিয়া সকলে অবাক  
 হইত। 'রামনামে মানব নির্মল হয়'—কথকমুখে একথা শুনিয়া  
 কখন বা এ বালক চুঃখিতচিত্তে জল্পনা করিত, তবে কথক ঠাকুরের  
 অজ্ঞাবধি শৌচের আবশ্যক হয় কেন? কখন বা একবারমাত্র

## ঠাকুরের মানুষভাব

াত্মাদি শুনিয়া তাহার সকল অঙ্গ আয়ত্ত করিয়া বয়স্ফগনসঙ্গে  
যাত্রকাননমধ্যে উহার পুনরভিনয় করিত। গ্রামান্তরগন্তকাম  
াথিক বালকের সে অদ্ভুত অভিনয় ও সঙ্গীত-শ্রবণে মুগ্ধ হইয়া  
ান্তব্য পথে যাইতে ভুলিয়া যাইত! প্রতিমাগঠন, দেবচিত্রাদি-  
লখন, অপরের হাবভাব অনুকরণ, সঙ্গীত, সংকীৰ্ত্তন, রামায়ণ  
াহাভারত এবং ভাগবতাদি শাস্ত্র শ্রবণ করিয়া আয়ত্তীকরণ এবং  
প্রাকৃতিক সৌন্দর্যের গভীর অনুভবে এ বালকের বিশেষ নৈপুণ্য  
প্রকাশ পাইত। তাঁহার শ্রীমুখাং শ্রবণ করিয়াছি যে, কৃষ্ণনীরদাবৃত  
গগনে উড্ডীন ধবল বলাকারাজি দেখিয়াই তিনি প্রথম সমাধিস্থ  
হন; তাঁহার বয়স তখন ছয় সাত বৎসর মাত্র ছিল।

যখন যে ভাব হৃদয়ে আসিত, সেই ভাবে তন্ময় হওয়াই এ  
বালক-মনের বিশেষ লক্ষণ ছিল। প্রতিবেশীরা এখনও এক  
বণিকের গৃহপ্রাঙ্গণ নির্দেশ করিয়া গল্প করে, কিরূপে একদিন ঐ  
স্থানে হরপার্কীতী-সংবাদে অভিনয়কালে অভিনেতা সহসা পীড়িত  
হইয়া অপারগ হইলে রামকৃষ্ণকে সকলে অনুরোধ করিয়া শিব  
সাজাইয়া অভিনয় করিবার চেষ্টা করে; কিন্তু তিনি ঐ সাজে  
সজ্জিত হইয়া এমনই ঐ ভাবে মগ্ন হইয়াছিলেন যে, বহুক্ষণ পর্য্যন্ত  
তাঁহার বাহ্য সংজ্ঞামাত্র ছিল না! এই সকল ঘটনায় স্পষ্টই দেখা  
যায় যে, বালক হইলেও বালকের চিন্তাচাক্য তাঁহাতে আশ্রয়  
করে নাই। দর্শন বা শ্রবণ দ্বারা কোন বিষয়ে আকৃষ্ট হইলেই  
তাহার ছবি তাঁহার মনে এরূপ সুদৃঢ় অঙ্কিত হইত যে, ঐ প্রেরণায়  
উহার সম্পূর্ণ আয়ত্তীকরণ এবং অভিনবরূপে পুনঃ প্রকাশ না করিয়া  
স্থির থাকা এ বালকের পক্ষে অসম্ভব ছিল।

## শ্রীশ্রীরামকৃষ্ণলীলাপ্রসঙ্গ

গ্রন্থাদি না পড়িলেও বাহ্যজগতের সংঘর্ষে এ বালকের ইন্দ্রিয়নিচয় স্বল্পকালেই সমুচিত প্রস্ফুটিত হইয়াছিল। যাহা সত্য, প্রমাণপ্রয়োগদ্বারা তাহা বুঝিয়া লইব—যাহা শিথিব তাঁহার সত্য্যান্বেষণ তাহা কার্য্যে প্রয়োগ করিব এবং অসত্য্য না হইলে জগতের কোন বস্তুই ঘৃণার চক্ষে দেখিব না, ইহাই মনের মূল মন্ত্র ছিল। যৌবনের প্রথম উদ্যম—অদ্ভুত মেধাসম্পন্ন বালক রামকৃষ্ণ শিক্ষার জগৎ টোলে প্রেরিত হইলেন কিন্তু বালকত্বের সাদৃশ্য হইল না। সে ভাবিল, এ কঠোর অধ্যয়ন, রাত্রিজাগরণ, টীকাকারের চর্কিতচর্কণ প্রভৃতি কিসের জগৎ? ইহাতে কি বস্তুলাভ হইবে? মন ঐ প্রকার অধ্যবসায়ের পূর্ণ ফল টোলের আচাধ্যাকে দেখাইয়া বলিল, ‘তুমিও ঐরূপ সরল শব্দনিচয়ের কুটিল অর্থকরণে স্থপটু হইবে, তুমিও উহার দ্বারা ধনী ব্যক্তির তোষামোদাদিতে বিদ্যায়াদি সংগ্রহ করিয়া কোনরূপে সংসারযাত্রা নির্বাহ করিবে; তুমিও ঐরূপ শাস্ত্রনিবন্ধ সত্যাসকল পাঠ করিবে এবং করাইবে, কিন্তু চন্দনভারবাহী খরের দ্বারা তাহাদিগের অমুভব জীবনে করিতে পারিবে না।’ বিচারবুদ্ধি বলিল, ‘এ চালকলা-বাঁধা বিদ্যায় প্রয়োজন নাই। যাহাতে মানবজীবনের গূঢ়রহস্যসম্বন্ধীয় সম্পূর্ণ সত্য অমুভব করিতে পার, সেই পরাবিষ্কার সন্ধান কর।’ রামকৃষ্ণ পাঠ ছাড়িলেন এবং আনন্দপ্রতিমা দেবীমূর্ত্তির পূজাকার্য্যে সম্পূর্ণ মনোনিবেশ করিলেন; কিন্তু এখানেও শান্তি কোথায়? মন বলিল, ‘সত্যই কি ইনি আনন্দঘনমূর্ত্তি জগজ্জননী অথবা পাষণ্ড প্রতিমামাত্র? সত্যই কি ইনি ভক্তিসমাহৃত পত্রপুষ্পফলমূলাদি গ্রহণ করেন? সত্যই কি মানব ইহার রূপাকটাকলাভে সর্ব্বপ্রকার-

## ঠাকুরের মানুষভাব

ক্ষনমুক্ত হইয়া দিব্য দর্শন লাভ করে? অথবা মানবমনের বহুকাল-  
ক্ষিত কুসংস্কারযাজি কল্লনাসহায়ে দৃঢ়নিবদ্ধ হইয়া ছায়াময়ী মূর্তি  
পরিগ্রহ করিয়াছে এবং মানব ঐক্যে আপনি আবহমানকাল ধরিয়া  
প্রতারিত হইয়া আসিতেছে?’ প্রাণ এ সন্দেহ-নিরসনে ব্যাকুল  
হইয়া উঠিল এবং তীব্র বৈরাগ্যের অঙ্কুর বালকমনে ধীরে ধীরে  
উদগত হইল। বিবাহ হইল, কিন্তু ঐ প্রণয়ের মীমাংসা না করিয়া  
সাংসারিক স্বথভোগ তাঁহার অসম্ভব হইয়া দাঁড়াইল। নিত্য  
নানা উপায়ে মন ঐ প্রশ্বসমাধানেই নিযুক্ত রহিল এবং বিবাহ,  
সংসার, বিষয়বুদ্ধি, উপার্জন, ভোগস্বথ এবং অত্যাবশ্যকীয় আহার-  
বিহারাদি পর্য্যন্ত নিত্যন্ত নিষ্প্রয়োজনীয় স্মৃতিমাত্রে পর্য্যবসিত হইল।  
সুদূর কামারপুকুরে যে বালকত্ব বিষয়বুদ্ধির পরিহাসের বিষয় হইয়া-  
ছিল, শ্রীরামকৃষ্ণের সেই বালকত্বই দক্ষিণেশ্বর দেবমন্দিরে নিত্যন্ত  
প্রস্ফুটিত হইয়া সেই বিষয়বুদ্ধির আরও অধিক উপেক্ষণীয় বাতুলত্ব  
বলিয়া পরিগণিত হইল। কিন্তু এ বাতুলতায় উদ্দেশ্যহীনতা বা  
অসম্বদ্ধতা কোথায়? ইন্দ্రిয়াতীত পদার্থকে সাক্ষাৎ সন্মুখে জানিব,  
স্পর্শ করিব, পূর্ণভাবে আশ্বাদন করিব—ইহাই কি ইহার বিশেষ  
লক্ষণ নহে? যে লৌহময়ী ধারণা, অপরাজিত অধ্যবসায় এবং  
উদ্দেশ্যের ঋজুতা ও একতানতা কামারপুকুরে বালক রামকৃষ্ণের  
বালকত্বে অভিনব শ্রী প্রদান করিয়াছিল, তাহাই এখন আপাতদৃষ্টে  
বাতুল রামকৃষ্ণের বাতুলতাকে এক অভূত অদৃষ্টপূর্ব ব্যাপার করিয়া  
তুলিল।

‘বাদশবর্ষব্যাপী প্রবল মানসবাটিকা বহিতে লাগিল! অস্তঃ-  
প্রকৃতির সে ভীষণ সংগ্রামে অবিশ্বাস, সন্দেহ প্রভৃতির তুমুল

## শ্রীশ্রীরামকৃষ্ণলীলাপ্রসঙ্গ

তরঙ্গাঘাতে শ্রীরামকৃষ্ণের জীবনতরীর অস্তিত্বও তখন সন্দেহের বিষয় হইয়া উঠিল। কিন্তু সে বীরহৃদয় আসন্ন-মৃত্যুসম্মুখেও কম্পিত হইল না, গন্তব্যপথ ছাড়িল না—ভগবদমুরাগ ও বিশ্বাস সহায়ে ধীর স্থিরভাবে নিজ পথে অগ্রসর হইল। সংসারের কামকাঞ্চনময় কোলাহল এবং লোকে যাহাকে ভালমন্দ, ধর্ম্মাধর্ম্ম, পাপপুণ্যাদি বলে—সে সকল কতদূরে পড়িয়া রহিল—ভাবের প্রবল তরঙ্গ উজ্জানপথে উর্দ্ধে ছুটিতে লাগিল! সে প্রবল তপশ্চায়, সে অনন্ত ভাবরাশির গভীর উচ্ছ্বাসে শ্রীরামকৃষ্ণের মহাবলিষ্ঠ দেহ ও মন চূর্ণ বিচূর্ণ হইয়া নূতন আকার, নূতন শ্রী ধারণ করিল! এইরূপে মহাসত্য, মহাভাব, মহাশক্তি-ধারণ ও সঞ্চারের সম্পূর্ণাঘর যন্ত্র গঠিত হইল।

হে মানব! শ্রীরামকৃষ্ণের এ অদ্ভুত বীরত্বকাহিনী তুমি কি হৃদয়ঙ্গম করিতে পারিবে? তোমার স্থূল দৃষ্টিতে পরিমাণ ও সংখ্যাধিক্য লইয়াই পদার্থের গুরুত্ব বা লঘুত্ব গ্রাহ্য ঐ সত্যাত্মক ফল হইয়া থাকে। কিন্তু যে সূক্ষ্ম শক্তি স্বার্থগন্ধ পর্য্যন্ত বিদূরিত করিয়া অহঙ্কারকে সমূলে উৎপাটিত করে, যাহার বলে ইচ্ছা করিলেও কিঞ্চিৎমাত্র স্বার্থচেষ্টা শরীর-মনের পক্ষে অসম্ভব হইয়া উঠে, সে শক্তিপরিচয় তুমি কোথায় পাইবে? জ্ঞাত বা অজ্ঞাতসারে ধাতুস্পর্শমাত্রেই শ্রীরামকৃষ্ণের হস্ত আড়ষ্ট হইয়া তৎকাতুগ্রহণে অসমর্থ হইত, পত্র পুষ্প প্রভৃতি তুচ্ছ বস্তুজাতও জ্ঞাত বা অজ্ঞাতসারে স্বত্বাধিকারীর বিনামূল্যেতে গ্রহণ করিলে নিত্যাভ্যাস পথ দিয়া আসিতে আসিতে তিনি পথ হারাইয়া বিপরীতে গমন করিতেন; গ্রন্থিপ্রদান করিলে সে গ্রন্থি যতক্ষণ না

## ঠাকুরের মানুষভাব

উন্মুক্ত করিতেন, ততক্ষণ তাঁহার শ্বাসরুদ্ধ থাকিত—বহু চেষ্টাতেও  
বহির্গত হইত না ;

সঙ্কোচাদি হইত ! —এ সকল শারীরিক বিকার যে পবিত্রতম  
মানসিক ভাবনিচয়ের বাহ্য অভিব্যক্তি, আজন্ম স্বার্থদৃষ্টিপটু মানব-  
নয়ন তাহাদের দর্শন কোথায় পাইবে ? আমাদের দূরপ্রসারী  
কল্পনাও কি এ শুদ্ধতম ভাববাজ্যে প্রবেশাধিকার পায় ? ‘ভাবের  
ঘরে চুরি’ করিতেই আমরা আজীবন শিখিয়াছি। যথার্থ গোপন  
করিয়া কোনরূপে ফাঁকি দিয়া বড়লোক হইতে পারিলে বা নাম  
কিনিতে পারিলে আমাদের মধ্যে কয়জন পশ্চাৎপদ হয় ? তাহার  
পর সাহস। একবার আঘাতপ্রাপ্ত হইয়া দশবার আঘাত করা  
অথবা অগ্নি-উদগারকারী তোপসম্মুখে ধাবিত হইয়া স্বার্থসিদ্ধির জন্য  
প্রাণবিসর্জন, এ সাহস করিতে না পারিলেও শুনিয়া আমাদের  
প্রীতির উদ্দীপন হয়, কিন্তু যে সাহসে দণ্ডায়মান হইয়া শ্রীরামকৃষ্ণদেব  
পৃথিবী ও স্বর্গের ভোগস্থ এবং নিজের শরীর ও মন পর্য্যন্ত জগতের  
অপরিচিত অজ্ঞাত অল্পলক্ষ ইন্দ্রিয়াতীত পদার্থের জ্ঞাত্যোগ  
করিয়াছেন, সে সাহসের কিঞ্চিৎ ছায়ামাত্রও আমরা কি অনুভবে  
সমর্থ ? যদি পার, হে বীর শ্রোতা, তুমি আমার এবং সকলের

কি গভীর ভাবে পূর্ণ থাকিত, তাহা স্বয়ং না বুঝাইলে কাহারও  
বুঝিবার সাধ্য ছিল না। সমাধিভঙ্গের পরেই অনেক সময়ে যে  
তিনি নিত্যপরিচিত বস্তু বা ব্যক্তিসমূহের নামোল্লেখ ও স্পর্শ  
করিতেন অথবা কোন প্রস্তাবাদিশেষের উল্লেখ করিয়া ভক্ষণ

## শ্রীশ্রীরামকৃষ্ণলীলাপ্রসঙ্গ

পানাদি করিতেন, তাহার গুট রহস্য এক দিন আমাদিগকে বুঝাটুয়াছিলেন। বলিয়াছিলেন, “সাধারণ মানবের মন শুষ্ক, লিঙ্গ এবং নাভি সমাপ্তিত শূন্য স্নায়ুচক্রেই বিচরণ করে। কিঞ্চিৎ শুদ্ধ হইলেই ঐ মন কখনও কখনও হৃদয়সমাপ্তিত চক্রে উঠিয়া জ্যোতিঃ বা জ্যোতির্ময় রূপাদির দর্শনে অল্প আনন্দানুভব করে। নিষ্ঠার একতানতা বিশেষ অভ্যস্ত হইলে কণ্ঠসমাপ্তিত চক্রে উহা উঠিয়া থাকে এবং তখন যে বস্তুতে সম্পূর্ণ নিষ্ঠা হইয়াছে তাহার কথা ছাড়া অপর কোন বিষয়ের আলোচনা তাহার পক্ষে অসম্ভবপ্রায় হয়। এখানে উঠিলেও সে মন নিম্নাবস্থিত চক্রসমূহে পুনর্গমন করিয়া ঐ নিষ্ঠা এককালে ভুলিয়াও যাইতে পারে। কিন্তু যদি কখনও কোন প্রকারে প্রবল একনিষ্ঠা সহায়ে কণ্ঠের উর্দ্ধদেশস্থ ভ্রামধ্যাবস্থিত চক্রে তাহার গমন হয়, তখন সে সমাপ্তি হইয়া যে আনন্দ অনুভব করে, তাহার নিকট নিম্ন চক্রাদির বিষয়ানন্দ-উপভোগ তুচ্ছ বলিয়া প্রতীত হয়; এখান হইতে আর তাহার পতনাক্ষা থাকে না। এখান হইতেই কিঞ্চিন্নাত্র আবরণে আবৃত পরমাত্মার জ্যোতিঃ তাহার সম্মুখে প্রকাশিত হয়। পরমাত্মা হইতে ঈশ্বরাত্ম ভেদ রক্ষিত হইলেও এখানে উঠিলেই অদ্বৈতজ্ঞানের বিশেষ আভাস প্রাপ্ত হওয়া যায় এবং এই চক্র ভেদ করিতে পারিলেই ভেদাভেদ-জ্ঞান সম্পূর্ণরূপে বিগলিত হইয়া পূর্ণ অদ্বৈতজ্ঞানে অবস্থান হয়। আমার মন তোদের শিক্ষার জন্ত কণ্ঠাশ্রিত চক্র পর্য্যন্ত নামিয়া থাকে, এখানেও ইহাকে কোনরূপে জোর করিয়া রাখিতে হয়। ছয় মাস কাল ধরিয়া পূর্ণ অদ্বৈতজ্ঞানে অবস্থান করাতে ইহার

## ঠাকুরের মানুষভাব

গতি স্বভাবতই সেই দিকে প্রবাহিত রহিয়াছে। এটা করিব, ওটা খাইব, একে দেখিব, ওখানে যাইব, ইত্যাদি ক্ষুদ্র ক্ষুদ্র বাসনাতে নিবদ্ধ না রাখিলে উহাকে নামান বড় কঠিন হইয়া পড়ে এবং না নামিলে কথাবার্তা, চলাফেরা, খাওয়া ও শরীররক্ষা ইত্যাদি সকলই অসম্ভব। সেই জন্তই সমাধিতে উঠিবার সময়ই আমি কোন না কোন একটা ক্ষুদ্র বাসনা, যথা—তামাক খাব বা ওখানে যাব ইত্যাদি করিয়া রাখি, তত্রাপি অনেক সময়ে ঐ বাসনা বার বার উল্লেখ করায় তবে মন এইটুকু নামিয়া আইসে।”

পঞ্চদশীকার এক স্থানে বলিয়াছেন, সমাধিলাভের পূর্বে মানব যে অবস্থায় যে ভাবে থাকে, সমাধিলাভের পরে সমধিক শক্তিসম্পন্ন হইয়াও নিজের সে অবস্থা পরিবর্তন করিতে তাহার অভিক্রটি হয় না; কেন না, ব্রহ্মবস্তু ব্যতীত আর সকল বস্তু বা অবস্থাই তাহার নিকট অতি তুচ্ছ বলিয়া প্রতীত হয়। পূর্বোক্ত প্রবল ধর্ম্মাহুঁরাগ প্রবাহিত হইবার পূর্বে শ্রীরামকৃষ্ণের জীবন যে ভাবে চালিত হইত, তাহার কিছু কিছু নিদর্শন দক্ষিণেথরে তাঁহার উল্লেখ করা এখানে অযুক্তিকর হইবে না।

শরীর, বস্ত্র, বিছানা প্রভৃতি অতি পরিষ্কার রাখা তাঁহার অভ্যাস ছিল। যে জিনিসটি যেখানে রাখা উচিত, সে জিনিসটি অপরকেও রাখিতে শিখাইতেন, কেহ অন্তরূপ করিলে বিরক্ত হইতেন। কোনস্থানে যাইতে হইলে গামছা বেটুয়া প্রভৃতি সমস্ত দ্রব্যাদি ঠিক ঠিক লওয়া হইয়াছে কিনা তাহার অহুমত্বেয়ান করিতেন এবং সেখান হইতে ফিরিবার



## শ্রী শ্রী রামকৃষ্ণ-বিদ্যা-প্রদীপ

কালেও কোন জিনিস লইয়া আসিতে ভুল না হয়, সেজন্য সঙ্গী  
 শিশুকে স্মরণ করাইয়া দিতেন। যে সময়ে যে কাজ  
 দৈনন্দিন করিব বলিতেন তাহা ঠিক সেই সময়ে করিবার  
 জীবনে যে জন্ম ব্যস্ত হইতেন। যাহার হস্ত হইতে যে জিনিস  
 সকল বিষয়ের লইব বলিয়াছেন, মিথ্যাকথন হইবার ভয়ে সে ভিন্ন  
 তাঁহাতে পরিচয় পাওয়া যায়ত অপর কাহারও হস্ত হইতে ঐ বস্তু কখনও গ্রহণ  
 করিতেন না। তাহাতে যদি দীর্ঘকাল অন্তর্বিধা

ভোগ করিতে হইত, তাহাও স্বীকার করিতেন। ছিন্ন বস্ত্র,  
 ছত্র বা পাছুকাদি কাহাকেও ব্যবহার করিতে দেখিলে, সমর্থ  
 হইলে নূতন ক্রয় করিতে উপদেশ করিতেন এবং অসমর্থ হইলে  
 কখন কখন নিজেও ক্রয় করিয়া দিতেন। বলিতেন, ওরূপ  
 বস্ত্র-ব্যবহারে মানুষ লক্ষ্মীছাড়া ও হতশ্রী হয়। অভিমান-অহঙ্কার-  
 সূচক বাক্য তাঁহার মুখপদ্ম হইতে বিনিঃসৃত হওয়া এককালে  
 অসম্ভব ছিল। নিজের ভাব বা মত বলিতে হইলে নিজ শরীর  
 নির্দেশ করিয়া 'এখানকার ভাব,' 'এখানকার মত' ইত্যাদি শব্দ  
 প্রয়োগ করিতেন। শিশুবর্গের হাত পা চোখ মুখ প্রভৃতি  
 শারীরিক সকল অঙ্গের গঠন এবং তাহাদের চাল-চলন আহার-  
 বিহার নিদ্রা প্রভৃতি কার্যকলাপ তন্ন তন্ন করিয়া লক্ষ্য করিয়া  
 তাহাদের মানসিক প্রবৃত্তিনিচয়ের গতি, কোন প্রবৃত্তির কতদূর  
 আধিক্য ইত্যাদি এরূপ স্থির করিতে পারিতেন যে, তাহার ব্যতিক্রম  
 এ পর্য্যন্ত আমরা দেখিতে পাই নাই।

অনেকে বলিয়া থাকেন যে, শ্রীরামকৃষ্ণদেবের নিকট যাহার  
 গিয়াছিলেন তাঁহাদের প্রত্যেকেই মনে করেন যে, শ্রীরামকৃষ্ণদেব

## ঠাকুরের মানুষভাব

তঁাহাকেই সৰ্ব্বাপেক্ষা ভালবাসিতেন। আমাদের বোধ হয়, প্রত্যেক ব্যক্তির স্বখ-দুঃখাদি জীবনানুভবের সহিত তঁাহার যে প্রগাঢ় সহানুভূতি ছিল তাহাই উহার কারণ। সহানুভূতি ও ভালবাসা বা প্রেম দুইটি বিভিন্ন বস্তু হইলেও শেষোক্তের ব্যুৎপন্ন লক্ষণ প্রথমটির সহিত বিশেষ বিভিন্ন নহে। সেইজন্য সহানুভূতিকে প্রেম বলিয়া ভাবা বিশেষ বিচিত্র নহে। প্রত্যেক বস্তু ভাবিব্যার কালে উহাতে ভ্রম হওয়া তঁাহার মনের স্বভাবসিদ্ধ গুণ ছিল। ঐ গুণ থাকাতেই তিনি প্রত্যেক শিশুর মনের অবস্থা ঠিক ঠিক ধরিতে পারিতেন এবং ঐ চিন্তের উন্নতির জন্য যাহা আবশ্যিক তাহাও ঠিক ঠিক বিধান করিতে পারিতেন। শ্রীযামকৃষ্ণদেবের বালকত্ব-বর্ণনা-গ্রন্থে আমরা পূর্বেই দেখাইতে চেষ্টা করিয়াছি, শৈশবকাল হইতে তিনি তঁাহার চক্ষুরাদি ইন্দ্রিয়ের কতদূর সম্পূর্ণ ব্যবহার করিতে শিক্ষা করিয়াছিলেন, ঐ শিক্ষাই যে পরে মহাশয়চরিত্রগঠনে তঁাহার বিশেষ সহায় হইয়াছিল তাহাতে সন্দেহ নাই। শিশুবর্গও যাহাতে সকল স্থানে সকল বিষয়ে ঐক্যে ইন্দ্রিয়াদির ব্যবহার করিতে শিখে, সে বিষয়ে তঁাহার বিশেষ লক্ষ্য ছিল। প্রত্যেক কার্য্যই বিচারবুদ্ধি অবলম্বন করিয়া অনুষ্ঠান করিতে নিত্য উপদেশ করিতেন। বিচারবুদ্ধিই বস্তুর গুণাগুণ প্রকাশ করিয়া মনকে যথার্থ ত্যাগের দিকে অগ্রসর করিবে এ কথা তঁাহাকে বার বার বলিত শুনিয়াছি।

আদর তঁাহার নিকট কখনই ছিল না। সকলেই তঁাহাকে বলিতে শুনিয়াছে, “ভগবন্ত হবি বলে বোকা হবি কেন?” অথবা “একঘেয়ে হস্ নি, একঘেয়ে হওয়া এখানকার ভাব নয়, এখানে ঝোলেও খাব, ঝালেও খাব,

## শ্রীশ্রীরামকৃষ্ণলীলাপ্রসঙ্গ

অথলেও থাক—এই ভাব।” একদেখী বুদ্ধিকেই তিনি একঘেষে বুদ্ধি বা একঘেষে ভাব বলিতেন। “তুইতো বড় একঘেষে”— ভগবদ্ভাবের বিশেষ কোনটিতে কোন শিষ্য আনন্দানুভব না করিতে পারিলে পূর্বোক্ত কথাগুলিই তাঁহার বিশেষ তিরস্কারবাক্য ছিল। ঐ তিরস্কারবাক্য একরূপ ভাবে বলিতেন যে, উহার প্রয়োগে শিষ্যকে লজ্জায় মাটি হইয়া যাইতে হইত। ঐ উদার সার্বজনীন ভাবের প্রেরণাতেই যে তিনি সকল ধর্মমতের সর্বপ্রকার ভাবের সাধনে প্রবৃত্ত হইয়া ‘যত মত তত পথ’ এই সত্য-নিরূপণে সমর্থ হইয়াছিলেন, তাহাতে আর সন্দেহ নাই।

ফুল ফুটিল। দেশদেশান্তরের মধুপকুল মধুলোভে উন্মত্ত হইয়া চতুর্দিক হইতে ছুটিয়া আসিল। রবিকরস্পর্শে নিজ হৃদয় সম্পূর্ণ

শ্রীরামকৃষ্ণদেবের  
ধর্মপ্রচার  
কি ভাবে  
কতদূর  
হইয়াছে ও  
পরে হইবে

অনার্যত করিয়া ফুলকমল তাহাদের পূর্ণভাবে পরিতৃপ্ত করিতে কুপণতা করিল না। পাশ্চাত্য-শিক্ষাসংস্পর্শমাত্রহীন ভারতপ্রচলিত কুসংস্কারখ্যাত ধর্মভাবে গঠিতজীবন শ্রীরামকৃষ্ণ যে ধর্মমধু আজ জগৎকে দান করিলেন, তাহার অমৃত-আশ্বাদ জগৎ পূর্বে আর কখনও কি পাইয়াছে? যে মহান

ধর্মশক্তি তিনি সঞ্চিত করিয়া শিষ্যবর্গে সঞ্চারিত করিয়াছেন, যাহার প্রবল উচ্ছ্বাসে বিংশ শতাব্দীর বিজ্ঞানালোকে লোকে ধর্মকে জলন্ত প্রত্যেকের বিষয় বলিয়া উপলব্ধি করিতেছে এবং সর্ব ধর্মমতের অন্তরে এক অপরিবর্তনীয় জীবন্ত সনাতনধর্ম-শ্রোত প্রবাহিত দেখিতেছে—সে শক্তির অভিনয় জগৎ পূর্বে আর কখনও বি অনুভব করিয়াছে? পুষ্প হইতে পুষ্পান্তরে বায়ুসঞ্চরণের গায়

## ঠাকুরের মানুষভাব

সত্য হইতে সত্যান্তরে সঞ্চরণ করিয়া মনুষ্যজীবন ক্রমশঃ ধীরপদে এক অপরিবর্তনীয় অদ্বৈত সত্যের দিকে গমন করিতেছে এবং একদিন না একদিন সেই অনন্ত অপার অবাঙ্‌মনসোগোচর সত্যের নিশ্চয় উপলব্ধি করিয়া পূর্ণকাম হইবে - এ অভয়বাণী মনুষ্যলোকে পূর্বে আর কখনও কি উচ্চারিত হইয়াছে ? ভগবান শ্রীকৃষ্ণ, বুদ্ধ, শঙ্কর, রামানুজ, শ্রীচৈতন্য প্রভৃতি ভারতের এবং ঈশা, মহম্মদ প্রভৃতি ভারতভিন্ন দেশের ধর্ম্মাচার্য্যেরা ধর্ম্মজগতের যে একদেশী ভাব দূর করিতে সমর্থ হন নাই, নিরক্ষর ব্রাহ্মণবালক নিজ জীবনে সম্পূর্ণরূপে সেই ভাব বিনষ্ট করিয়া বিপরীত ধর্ম্মমতসমূহের প্রকৃত সমন্বয়রূপ অসাধ্য-সাধনে সমর্থ হইল—এ চিত্র আর কখনও কেহ কি দেখিয়াছে ? হে মানব, ধর্ম্মজগতে শ্রীরামকৃষ্ণদেবের উচ্চাসন যে কোথায় প্রতিষ্ঠিত, তাহা নির্ণয়ে যদি সক্ষম হইয়া থাক, ত বল ; আমরা কিন্তু ঐ বিষয়ে সাহস করিতে পারিলাম না ; তবে এইমাত্র বলিতে পারি যে, নিজ্জীব ভারত তাঁহার পদস্পর্শে সমাদিক পবিত্র ও জাগ্রত হইয়াছে এবং জগতের গৌরব ও আশার স্থল অধিকার করিয়াছে—তাঁহার মনুষ্যমূর্ত্তি পরিগ্রহ করায় নরও দেবকুলের পূজ্য হইয়াছে এবং যে শক্তির উদ্বোধন তাঁহার দ্বারা হইয়াছে, তাহার বিচিত্র লীলাভিনয়ের কেবল আরম্ভমাত্রই শ্রীবিবেকানন্দে জগৎ অমুভব করিয়াছে ।

শ্রীশ্রীরামকৃষ্ণলীলাগ্রসঙ্গে গুরুতাবর্ণকে

উত্তরার্দ্ধ সম্পূর্ণ



